

Moanrinan 4

Ana Boki Moomon
Te Roro ae 8–11 te ririki

Moanrinan 4

Ana Boki Moomon
Te Roro ae 8–11 te ririki

Ibukin reireinaia ataein te roro ae wanuua nakon tebwi ma teuana te ririki

E boretiaki
man Ana Ekaretia Iesu Kristo ibukiia Aika Itiaki ni Boong aika Kaitira.
Te Kaawa ae Tireti Reiki, Utaa

E babaireaki karaoana n © 1994, 1997 man
Ana Ekaretia lesu Kristo ibukiia Aika Itiaki ni Boong aika Kaitira
N aron kabonganaana nako
E koreaki i aon Amerika
Kariaiakan te Engiriti: Tebetemba 1996
Kariaiakan te Raitaeka: Okitoobwa 1993
Rairan bokin te *Primary 4: Book of Mormon*
Kiribati

Kanoana

Nambwan te Reirei ao Atuuna	Iteraniba
Buokan te Tia Reirei	v
1 Te Bwai n Tituaraoi mairoun te Tama are i Karawa ae Tatangira Ana Boki Moomon	1
2 E Toua Mwiin Tamana ae te Burabeti Nibwaai	6
3 Anaakin Buatua Aika Buraati	10
4 Te Kai ni Kamaiu	14
5 A Kairaki Riaai ma ana Utuu Rinanon te Rereua	19
6 E tuangaki Nibwaai i roun Tama are i Karawa bwa e na Kabaa te Kaibuke	22
7 Te Borau Rinanoni Marawa	25
8 E Kaitaraaki te Burabeti ae lakobwa i roun Tierem.	28
9 Ana Tataro Enoti	31
10 E Reireiniia ana Aomata te Kiing ae Beniamina	35
11 Abinataai ao te Kiing ae Nooa	39
12 E Bwabwabetiito Aramwa n Ranin Moomon	44
13 Ana Aomata te Kiing ae Rimwai ao ana Aomata Aramwa	50
14 A Rairi Nanoia Aramwa te Tei ao Natin Motiaeae Mwaane	54
15 Aia Mwakuri ni Mitinare Aramwa ma Amureka i aon Amonia	57
16 Aramwa ma Amureka i nanon te Karabuuti	61
17 Ana Toro Amon ae Kakannato	66
18 E a Rairaki Taman te Kiing ae Ramoni	69
19 Ante-Nibwaai-Riaai	74
20 Te Ante-Kristo Korioa	77
21 I-Tioromwaite ao Rameumtom	82
22 E Reirei Aramwa aron te Onimaki	85
23 E Reireiniia Natina Mwaane Aramwa aika Ereman ao Tiburon	90
24 E Reireina Natina Aramwa ae Korianton	96
25 E Tokanikai i aoia i Tieraemra Kaaben Moronaai	100
26 Kaaben Moronaai ao Katean te Taeka ae te Inaomata	106
27 Ereman ao Tan Buaka aika Uoua Tengaa Mwaitiia	111
28 Nibwaai ao Riaai i nanon te Karabuuti	115
29 E Taetae ni Burabeti Nibwaai	118
30 E Karekea te Mwaaka ae Korakora Nibwaai	122

31	Tamuera ae te I-Reimwanaite	127
32	Kanikina i aon Amerika ni Bungiakin Iesu Kristo	131
33	E Kaoti te Tia Kamaiu nakoia I-Nibwaite	135
34	E Reireiniia I-Nibwaite Iesu Kristo n Taeka ni Kakabwaia	138
35	E Kamauiua te Aoraki ao E Kakabwaiaia Ataei Iesu Kristo	144
36	E Karaoa te Toa Iesu Kristo Nakoia I-Nibwaite	148
37	E Reireiniia I-Nibwaite n Tataro Iesu Kristo	151
38	Te Rau irouia I-Nibwaite	155
39	E Kakoauaa Kamaunaaia I-Nibwaite Moomon	159
40	A Kairaki i laretaite Nakon te Aba ni Berita	163
41	Arawa ni Kan ongo nakoia Burabeti laretaite	167
42	Moronaai ma ana Koroboki	172
43	E Reirei Taekan te Onimaki Moronaai i nanon Iesu Kristo	177
44	Te Berita nakon Moronaai ao Ana Boki Moomon	182
45	Bon te Tia Kakoaua Ana Boki Moomon nakon Manga Utin Iesu Kristo (n te Itita)	186
46	Ana Boki Moomon: Ana Tetemanti riki teuana Iesu Kristo (Kiritimati)	189
47	Te Nakoanibonga e na Kakabwaiai Maiura (Te Reirei ni Katauraoi Ibukin te Nakoanibonga)	193

Buokan te Tia Reirei

E anga reirei n aron boonganan te ongeaaba te Tia Kamaiu ao i aon Taian Tua ngke E taku, "Ma anee e tou mwiiin tuua aikai n reireiia aomata iai, ao e atongaki bwa e kakannato n uean te Atua." (Mataio 5:19.) Kam a tia n anganaki te mwiokoaki ae tabu ni buokiia ataei bwa a na kanga ni kawakina tuan aia bwabetiito ao ma ni beku i bukiia tabeman. Ngkana a katauraoiia ataeinnaine n tatabeniiia nako n riki bwa ateiaine ao ataeinimwaane a katauraoia nakon te riki bwa roronga man karekea te nakoanibonga, ko konaa n riki bwa te tia anai nano ae kakannato i nanon maiuia.

N te ririki 1831, teutana i mwiiin katean te Ekaretia, E reireiniia Tan Reirei te Tia Kamaiu "bwa a na anga reirei n au euangkerio, ake i nanon te Bwaibwaira ao Ana Boki Moomon" (T&B 42:12), ake bon ti booki aika a tabu ake a tauraoi. Ni boong aikai ao a mwiiokoaki taan reirei bwa a na aanga reirei aika a tabu man book aika tabu ni ikotaki ma Tua ma Berita ao Bwaea aika a Bobuaka, are e na konaa ni buokiia ataei ni karikirakei aia onimaki nakon te Atua ao Natina ae Iesu Kristo.

Kanoan te Reirei

Ni kabane ataei ake a mena n te roro ae wanuua nakon tebwi ma teuana te ririki n 1 n Tianuare a riai n reireiaki man teuana mai buakon booki n reirei ni Moanrinan aika 4,5,6, ao 7. Ti teuana kanoan te reirei ae na kamanenaaki n teuana te ririki i bukiia ataei ni kabane n te karinan n roro teuana ma teuana. A karekeaki kanoan reirei aikai man te boki ae onoti ibukin taeka aika a tabu: Moanrinan 4 man Ana Boki Moomon, Moanrinan 5 man Tuua ma Berita, Moanrinan 6 man te O Tetemanti ao Moanrinan 7 man te Nu Tetemanti. I nanon te tai ae raka i aon aua te ririki ao ataei a na riai n tia n reireinaki ni booki aika tabu n tatabeua nako.

E kona ni baireaki mwaitin taian koraki n reirei, ni kaeti nakon are e kainnanoaki ao nakon mwaitia ataein te roro ae wanua nakon tebwi ma teuana man te karinan n roro teuana i bon i rouna, ma karinan n roro aika ikotaki ke koraki n reirei aika kaokoro i bukiia ataeinimwaane ao ataeinnaine. E ngae ngke a baireaki mwaitiia kaain am reirei ma ko riai ni kakoauaa raoi bwa e tau aron ana kakauongo te ataei temanna ma temanna.

Ngkana a koro aia ririki ataei ae tebwi ma uoua, a riai ni moana irakin te bootaki n Ateiaine ke aia bootaki kain te Nakoanibonga ae te Aaron ma e ngae n anne ma a na bon iriira naba aia koraki n reirei n te Moanrinan n tain te Reirei n Tabati ni karokoa moan wiikin Tianuare ike a na moana iai irakin te Reirei n Tabati.

Te reirei ae onoti ae, "Te Nakoanibonga e Kona ni Kakabwaiai Maiura," e karinaki n te boki n reirei aei. Te reirei aei e na kamanenaaki irouia Taan Reirei ibukiia ataei ake tebwi ma teuana aia ririki ngkai a katauraoia ataeinimwaane bwa a na riki bwa riikan ao ataeinaine a karikirakei nakon aia Botaki Kairake n Ataeinaine. Reirei n te reirei aei i mwaain are e a koro tebwi ma uoua ana ririki am moan ataei n am kiraati. Tataro mwaaka ibukin ana kairiiri te Uea ngkai ko tabe ni katauraoi ao n anga te reirei n te aro are a na oota iai ataei bwa tera te nakoanibonga, ao e na kanga ni kakabwaiai maiuia, ao a na kanga ni kona ni kakoroibukin mwiokoia ni karinea te nakoanibonga.

—Ni kabanean te boki n reirei, karina te reirei ae “Te Nakoanibonga e Kona ni Kakabwaiai Maiura (Te Reirei ni Katauraoi n te Nakoanibonga)” are e a tia n rairaki n te tai ae e a tia nako n aron Aitam 35721 n taetae tabeua. Tai karina te reta are e airi ma ngaike titiraki tabeua ake a kaairaki ma Aitam 35721.

Anga Reirei man te Bokinreirei aei

E boboto kanoan te reirei i aon taian reirei man Ana Boki Moomon. Ngkana ko wareki ke ko karakin ma ni maroroakin reirei aikai, a riai ataei n oota raoi riki n ana mition (mwakuri) ao kabwaraan bure i roun lesu Kristo ma ni karikirakea te onimaki ae korakora riki i nanoia ao kakoauakina i rouia. A riai n reireiniia bwa a na kangaa ni kabonganai ana reirei nako lesu Kristo i nanon maiuia ao ma ni karekei kaantaninga aika korakora riki ni kawakinan ana tua.

Kaungaia ataei bwa a na wareware n Ana Boki Moomon ni mwengaia n reireiniia taekan te burabeti are a karaoa te mwakuri ni Minita i aon Amerika ao ana mwakuri te Tia Kamaiu are E karaopia i buakoia i Nibwaite. Ngkana a reirei ataei aroia burabeti aikai ma aron te Tia Kamaiu, ao ana tangiria ni katotongi aia mwakuri ni katoto aika raraoi ma taian reirei ao ma n tangiria ni kan riki n ai aroia. Te koaua ae kakawaki are a karekea ataei man ana reirei te Tia Kamaiu ao ana burabeti e na buokiia ni katauraoia nakon kawakinan alia berita ao n anga aia beku ni ibuobuoki i nanon te Ekaretia ni karokoa tokin maiuia. Koaua aikai a na anganiia naba te korakora n eeki nako taian kabwakabwaka n te aonnaaba i nanon boong aikai.

Katauraoiko nakon
te Anga Reirei

Ni kakoroan bukin weteakim ae tabu bwa ko na reireiniia ataei, ko riai n tauraoi n am iango ao n tamneim. Mwakoron te katauraoi aei bon te atatai ao karekean te kakoaua ma n tuua ake ko reireiakin. Te Tia Kamaiu are bon te Tia Reirei ae moan te kakannato i buakoia tan reirei ni kabane, e reireira baika batu n te aro are ti na kona ni katauraoira n reirei taekan ana euangkerio nakoia tabeman:

- Ukoukora te Tamnei ma te nanorinano n te tataro. E a tia te Uea n taku “Ko na nanorinano ao te Uea ae Atuam E na kairiko n taua baim ao E na anganiko kaekaan am tataro” (T&B 112:10). Ngkana ti nanorinano ao ti riai n ataia bwa te Uea e tangiriira bwa ti na reireiniia natina.
- Kamatenanoi taeka aika tabu ao aia taeka burabeti aika a maiu. Iai te mwaaka ae korakora n reiakinan ao n iangoan Ana taeka te Uea ma te karaurau. E tuangiira, “Ukoukora moa karekean au taeka, ao i mwiina e na taimaiki newem, ao i mwiina, ngkana ko tangiria ao ko na karekea Tamneiu ao au taeka, eng, mwaakan te Atua nakon kaungaan nanoia aomata” (T&B 11:21).

E a tia Te Burabeti ibukin boong aika Kaitira, Beretitenti Etira Tabu Bentin, ni manga taekina kainanora ni kan reirei ana taeka te Uea ngke e kangai: “I ienikurii ngkami bwa kam na anga rabwatami nakon kamatenanoan taeka aika tabu. Tebonna n uaa rekeia iroum ni katoa bong n te aro are ko aonga ni karekea mwaakan te Tamnei bwa e na mena iroum i nanon weteam” (*Ensign*, Meei 1986 iteraniba 82).

- Kawakina am berita. Kairan am konabwai i roun te Tamnei e boto i aon am kakaonimaki ni kawakinan am berita are ko a tia ni karaopia ma te Tama are i Karawa. Ko na kona naba ni karaoi katoto aika raraoi ngkana ko kawakin

taian berita. . . . ma ni karaoi” (T&B 42:13). Ngkana a noora am tangira ataei ibukin te Tia Kamaiu ao am anganano ni maiuakinan te euangkerio, a na rangi ni kaungaaki nanoia ni kan rimwiina.

- Ukoukori kawai ake a na buokiia ataei n namakina ana tangira te Tia Kamaiu. Tuangiia ni mwaitin te tai bwa ko rangi n tangiriia butimwaea aron aia konabwai ma bonganaia. Am tangira e kona ni buokiia ataei n ataa ana tangira Tama are i Karawa ao lesu Kristo i bukiia. E na buokiia naba n reireiniia aron tangiraia tabeman.

Katauraoan
Am Reirei

E na kona ni buokiko te bokinreirei aei ni bairei reirei ake a boto i aon taeka aika tabu. Reirei aikai a kabonganai rongorongo ke booki man Ana Boki Moomon ni buokiia ataei bwa aonga n atai reirei n te euangkerio. Reirei aikai a aki kaotia raoi bwa a na kangaa rongorongo man taeka aika tabu n reiakinaki. Ngkana ko katauraoa am reirei ma n anga reirei ma te Tamnei, ko na konaa ni buokiia ataei bwa na oota raoi riki n rongorongan taeka aika tabu, taikan reirei ake i nanoia, ao bwa a na kangaa ataei ni kabonganai reirei aikai i nanon maiuia. Ngkana e tauraoi raoi am reirei ma ni kakaongora, ao ataei a na rang kukurei nanoia ni kan ongora ma n reirei.

Kawai aika kaotaki i nano ikai a na buokiko ni katauraoiko riki nakon reireinaia ataein am koraki n reirei n te aro ae tamaraoa riki:

1. Kamatenanoa ma te tataro ni bubuti oin te kantaninga ibukin te reirei ao mwakoron taeka man taeka aika a tabu ake a karinanaki n ana itera “Te Katauraoi” teuana te wiiki ke uoua i mwain te tai are ko nang anga am reirei iai. Manga wareka riki oin te kantaninga n te reirei ao mwakoro n taeka man taeka aika tabu ao iangoia bwa a na kangaa ni kabonganaki i rouia ataein am koraki n reirei. Titirakiniko i bon iroum: “Tera te bwai ae tangiria te Tama are i Karawa ae a na reirei iai ma ni karaoia ataei n tatabeman nako ae e reke man mwiin te reirei aei? E na kanga te reirei aei ni konaa ni buokiia ataei ni karikirakei aia onimaki i roun lesu Kristo, ao ni kakorakorai aia koaua, ao ni kona n tei i mwaain te kabwakbwaka ae e buakaka are a na kaitara ma ngai? Koroi iango ake a roko n am iango.

E katauraoaki te boki ae *Ana Reirei te Euangkerio aika a Kakawaki* (31110) bwa kairan te reirei ibukim i aoni moan reirei n te euangkerio ao tuua.

A karinanaki i aan te itera ae te “Katauraoi” mwakoro aika onoti man teretere man *Ana Reirei te Euangkerio aika a Kakawaki* ibukin reirei tabeua. A konaa mwakoro aikai ni buokiko ni katauraoiko n anga reirei i aon oin reirei ke tuua. E na kona n reke kaobiin te boki aei n auti n taromauri n te tabo ni wareware ke e kona ni kaboaki n te tabo are a tibwatibwaaki nako ma iai booki.

2. Baireia bwa ko na kabonganai te mwakuri are a iangoaki ibukin kairan aia kakauongo ataei i mwaain moanakin te reirei ke ko konaa ni bon karoa teuana i bon i roum ma kakoaua raoi bwa e tau ma n bootau nakon reirei man taeka aika a tabu.
3. Reirei aikai aki kaota aron te anga reirei i aon taeka aika tabu; ko riai ni ukoukoura te Tamnei bwa e na buokiko n iangoia bwa tera ao ko na kangaa n anga reirei. Kabonganai kawai n reirei aika kakaokoro man te wiiki teuana nakon teuana. (Taraa te “Te anga Reirei man Taeka aika Tabu” i aon te iteraniba aei.) Baireia bwa a na riai ni katabeaki ataein te reirei n te aro

ae bon tau ni mwakuri ake a na kona n reireiniia iai, ao aanga am reirei n te aro are a na konaa ataei ni manga taekin taeka aika tabu nakoia tabeman.

4. Rinei man te "Kamanenaan Titiraki n te Kakarabakau" bwaai aika a na rangi ni buokiia ataei bwa a na oota raoi n taeka aika tabu ao ni kamanenai i nanon maiuia. Ko konaa ni kabonganai titiraki n te tai are ko bon taku i nanon tain te reirei. Ma ko aki konaa ni kamanenai ni kabane.
5. Wareki "Mwakuri ibukin Karakaan te Atatai" ao baireia bwa n ningai ao e kangaa kamanenaan te mwakuri ake ko taku bwa a na manena ma n ibuobuoki nakoia ataein am koraki n reirei n oota n taeka aika tabu ao oin te kantaninga ibukin te reirei. A kakaokoro koraki n reirei nako, ao mwakuri tabeua a kona n raoiroi ibukin te kurubu teuana ma e konaa n aki raoiroi ibukin te kurubu are teuana.
6. Bairea te tai are ko na taekina iai am atatai ae bon tau are e na buoka oin te kaantaninga n te reirei. Kariaia te Tamnei bwa e na kairiko ngkana ko karakina am atatai nakoia ataein am koraki n reirei ao ngkana a taekina aia atatai ataei nakoim ao nakoia n tatabeniiia nako. Atatai tabeua aika a kaeti ma taekan te utuu ke aomata a rangi n tabu ke ti ibukin temanna ao e riai n aki taekinaki nakoia aomata.

Te anga Reirei man
Taeka aika Tabu

Ko riai n taainako ni ukoukora te Tamnei ngkana ko katauraoa am reirei ao ngkana ko anga reirei (taraa Aramwa 17:2–4), T&B 42:12–14, 50:17–22). E na buokiko te Tamnei ni karaoa am reirei bwa e na kakanongoraa man manena nakoia ataei.

Tabeman ataei n am Koraki n Reirei aaki tataneiai n Taeka aika Tabu. Ngkana kam bootaki ni wareware ao tarai aroi kain am koraki n reirei akanne ake a kainnanoa buokaia n aron ataian kakaean kiibu ni booki aika tabu. Ko na bae n tangiria ni kabanea tabeua te tai ni moan te ririki, ti ngkana ko reireiniia ataei ake a uarereke, ni kaotia nakoia ataei aron kakaean te kibu man taeka aika tabu.

Katai kawai n anga reirei ni bwain reirei aika kakaokoro bwa e aonga n teimaoa kukureia ataei. Iango aika kaotaki i nano ikai a na konaa ni buokiko ni kakaokoroa aron am anga reirei man booki aika tabu.

1. Taekin taeka man booki aika tabu ni bon oin am taeka. Kataia ni buokiia ataei bwa na iangoia n aia iango bwaai aika riki ao aomata ake a taekinaki i nanoia. Buokiia ataei bwa a na ataia bwa aomata ake ko taekiniia a bon maiu ngkoia ao bwaai ake a riki a bon tia n riki.
2. Tuangiiia ataei bwa a na wareka te kibu ke te karaki ni kaeti man taeka aika tabu ke booki aika tabu. Uringnga bwa tiaki ni kabane ataei aika a na raoiroi aia wareware ao bwa te konabwai ni wareware anne e aki baireaki n te roro. Ngkana a kona ni wareware ataei ni kabane, ko kona n anganiia tabeua te miniti bwa a na wareware n akea ae e na ongo aia wareware. I mwiina ao ko konaa ni maroroakinna bwa tera te bwai are a warekia. Kabonganaa tain te maroro i mwiin tiaia ataei ni wareware bwa e aonga ni buokiia n atai taeka ao kiibu ao karaki aika a kangaanga.
3. Kamanenai tamnei ake a tia ni baireaki ibukin taeka aika tabu bwa a na buokiia ataei n noria n aia iango bwa tera te bwai ae e a tia n riki. Angiin reirei nako iai i nanoia taamnei aika a tia ni baireaki n te tabo are a mena

iai "Bwainreirei aika a Kainnanoaki" aika kainnanoaki. A nambwanaki taian tamnei ao a karinaki inanon bookinreirei. Tamnei tabeua a mena i nanon te Kete n Tamnei n te Euangkerio ao tao e na bae n iai i nanon te tabo ni boki n te auti n taromauri (a karinanaki nambwan taian tamnei n te tabo are a mena iai "Bwainreirei aika a Kainnanoaki" aika a kainnanoaki). N tamnei aikai ao iai iai kakimototoan te karaki ae koreaki i aon akuuna. Ko kona ni kamanenai tamnei tabeua aika a bon riai ibukin te reirei.

4. Tuangiia ataei bwa a na karaoa aia kaotioti man taeka aika tabu. (Taraia raoi bwa te kaotioti e na aki kakeea kakannaton te karaki ma n taeka aika tabu.) Ko kona n uoti bwaai n aron te roobu, te tikaabu, ao bwaai riki tabeua, ao kariaia ataei bwa na karaoa te kaotioti ibukin te karaki ni kabane ke mwakoron te karaki. Titirakinia bwa tera aia namakin ngke arona bwa boni ngaiia te aomata ae aonea mwiina n te karaki.
5. Korea te tamnei ae bebete koreana ke kamatataana i aon te burakibooti, ke kamanenai tamnei ke tamnei ake a korokoreaki, ngke ko karakinna ke ni wareka te karaki man taeka aika tabu.
6. Karaoa te kaotioti i bukiia taani wareware ike a kona iai ataei tabeman n onoi mwiia aomata ake a taekinaki n te karaki. Karekeia ataei ake a na wareka te kakarabakau man taeka aika tabu ngkana e riai.
7. Kaoia kaaro, kain te uoote ke te mwaanga, ke kain te reirei bwa ana karaki nakoia ataei. Angan te aomata ana tai ni katauraoi teuana ke uoua te wiiki, ao kakoaua bwa e anganaki ana tai n taekina ana karaki.
8. Anganiia ataei kamwaninga tabeua aika a bebete i mwain reireiaia taeka aika tabu, n ai aron te kamwaninga ae te eeti ao te kairua. Kabwarabwara nakoia ataein te reirei bwa ko tangiria ni kan ataia bwa mwaitira ae a ataia man te karaki. I mwiina ao manga anganiia riki rimwi n te aro are aonga ni konaa n nooria bwa tera te bwai ae a tia n reireinia iai.
9. Koroi i aon te buarakibooti taeka aika a kakawaki ke araia aomata man taeka aika tabu. Kariaia ataei bwa a na kakauongo nakon taeka aikai ke aara aikai ngkai ko tabe ni karakina te karaki. Buokiia ataei bwa a na karikarekei aia taeka n reireiniia taeka aika boou bwa aonga ni konaa n oota raoi riki n taeka aika tabu man kukurei ni wareware ni mweengaia.
10. I mwain ae ko anga reirei, korea te titiraki i aon te burakibooti ibukin te bwai are e na karakinaki. Ngkana a ongo te reke ataei i nanon tain te karaki, tooki moa ao maroroakin ma ngaia.
11. Karakina te karaki, ao i mwiina kariaia ataei bwa a na anga nanoia ni manga taekina karakinan te mwakoro are e mamate nanoia iai. Ko kona n tuanga temanna mairouia ataein te reirei bwa e na moana te karaki ao i mwiina tuanga are i mwiina bwa e na reita te karaki.
12. Katangii kiibu ake ko a tia n rinei man rawei n te teibi man taeka aika tabu.
13. Karaoa te tatakarao are katoatoakin bwaai. Katauraoi aua nakon wanuua tiete aika a na katoatoaaki i aon te kaate ae 3" x 5" ke 7.5 c. x 12.5 c. Ni katoto aikai, ko na kaaki mwakoro ake a kaeti nakon miin Riaai i aon te kaate teuana ao kabwaraan nanona n te kaate teuana. Kamangaoi kaate ke beeба ni kabane ao kabarakii i aon te taibora ke i aontano. Tuangiia

ataei bwa na waerake temanna i mwiin temanna man katararakei uoua taian kaate. Warekia ni kabaibati bwa tera are e mwakoro i aon teuana te kaate. Ngkana a toa raoi kaate akanne katikui ni katararakei. Ngkana a aki toa raoi kaate ao ana manga kabaraakaki ao temanna riki te ataei ae na teirake n rairi kaate. Waakinako ni karokoa ae a bane n taian kaate ni katoatoaki raoi.

N aron aei, ko kona ni karaoi nimaua bwaai aika a tia ni katoatoaaki ae e karaoaki man miin Riaai. (1 Nibwaai 8; 11.) Kabonganai tenuua riki taian tiete aika a tia ni katoatoaaki n ikotia ma te bwai are a kukurei iai ataei.

- Tiete 1: Te kai—Ana Tangira te Atua
- Tiete 2: Te Oko te biti—Ana Taeka te Atua
- Tiete 3: Te Uaa-ni-kai—Te maiu ae akea tokina
- Tiete 4: Mabubun te roo—Te kataaki
- Tiete 5: Te Auti ae Korakora—Mwawaawa nanona
- Tiete 6: Te Itoi—Te Itoi
- Tiete 7: Namwakaina—Namwakaina
- Tiete 8: Taai—Taai

14. Takakaro n te takakaro ae te Kamwaninga n titiraki. Karin tabeua titiraki i nanon te kaatiibu ke te bwaoki, ao kariaia kain te reirei bwa a na karekei aia tai n anaa teuana maibuakon titiraki aikai ao ma ni kaeka.

Waakinan te kakarabakau irouia ataein te Koraki n Reirei

Irakin te Kakarabakau ao karaoan taian mwakuri ni kakukurei ma takakaro tabeua e na buokia ataei ni konaa n atai tuan nako te euangkerio. Kawai n ibuobuoki aika a kaotaki i nano ikai a konaa ni buokiko n titiraki aika manena ma ni kaunga nakoia ataei ibukin te kakarabakau.

1. Aanga titiraki ao aanga kiibu ake a na tarai man taeka aika tabu ke booki aika tabu n te aro are a na kona ni kakaai reeke man taeka aika tabu.
2. Aanga titiraki ake a aki konaa ni kaekaaki n “eeng” ke “tiaki” ma e na tangira te iango ao kakarabau. A rang oomwaaka naba titiraki ake a moanaki n taeka aika bukin *tera*, e *kangaa*, *antai*, *tera*, n *ningai*, ao *engaa*.
3. Kamwakuriia ataei ake aki batu n tataetaenikawai n tain te kakarabakau ni weteia n araia ao titirakinia titiraki aika ko taku bwa a na konaa ni kaekai. Anganiia aia tai ni kaeka. Buokiia ngkana a kainnanoia, ma ngkana ko a tia n anganiia aia tai n iango ma ni kaeka.
4. Kaungai nanoia ataei bwa a na kaoti oin aia namakin n aron aia reirei ma n taeka aika tabu. Aanga kaotinano aika raoiroi n aron te bwai are a taekinna.
5. Kamoamoia ataei ma te nano ni koaua ngkana a kaekai taian titiraki. Buokiia bwa a na ataia bwa aia iango ao ai namakin a rang boongana. Mwannanoia ma n i buobuoki nakoia ataei ake a rawa ni karaoa te mwakuri ke n taetae.

Buokiia ataei bwa a kamanenai taeka aika tabu
(te Bwaibwara ao Ana Boki Moomon)

Buokiia ataei bwa a na kamanenai baike a tia n reiakin man taeka aika a tabu (Te Bwaibwara ao Ana Boki Moomon) nakon maiuia. E reireiniira Nibwaai bwa ti na “kabotaui taeka aika tabu (ke kiibu) nakoira, bwa tao e boongana ibukin ara reirei.” (1 Nibwaai 19:23.) Iango aika a kaotaki i nanon aikai a konaa ni buokiko ni kabobongai mwakuri aikai:

1. Ngkana ko kauringaki mai roun te Tamnei, kaota am kakoaua ibukin te koaua are ko anga reirei iaona. E na rangi ni mwaaka riki am reirei ngkana ko anga reirei ma te nano ni koaua ao te onimaki ae matoatoa.

2. Kaungaia ataei bwa a na wawareki booki aika tabu ni mweengaia i bon irouia ma kain aia utuu. Kaungaia ataei bwa a na uouoti oin aia boki nakon te reirei. Ngkana akea oin aia boki ataei ke tao a mwanginga n uotii, kareke am boki aika a tatara ibukila ataei are a na kabonganaa n te reirei. Ngkana iai ana tabo ni boki te uoote ke mwaanga, ko kona ni karekei taeka aika tabu (Bwaibwara ke ana Ana Boki Moomon ikanne).
3. Tuangiia ataei bwa a na taekinna bwa tera te bwai ae a tia n reiakinna. Tuangiia bwa a na kangaa ni kabonganaa tuan te euangkerio ake a tia n reireiakin n te reirei nakon maiuiia.
4. Baka n riki bwa angkoa te tia kareke rongorongo, ao kataetaeia ataei bwa angkoa ngaia aomata ake ti wareki taekaia ni booki aika tabu. Tuangiia bwa a na tuangko taekan te karaki are e taekinaki n taeka aika tabu ao tera aron aia namakin n aron te bwai are e riki.
5. Tibwatibwaia kain te kiraati i nanon uoua ke e raka riki kurubu aika a uarereke. I mwiin tuangaia taekan te kibu man taeka aika a tabu koroi tuua aika a boongana. I mwiina ao kariaia kain taiani kurubu bwa ana karekei aia tai ni kakarabakauakin aron tuua aikai bwa a kanga aroia ni kamananei i nanon maiuiia.
6. Karaoa te kakaae: Kaungaia kain te reirei bwa a na mwaaken kiibu man te taeka aika a tabu ae kona ni kamanenaaki ni maiuia n te aro ae iai bonganana nakon maiuiia. N aron te katoto teuana, bwa a riai ni mwaakena 1 Nibwaai 2:16, ke 1 Nibwaai 4:6. Anganiia te iango teuana, ae ai aron te bwai ae riki, te aro teuana, ke te kangaanga; i mwiina kamwakuriia bwa a na kakaea te tabo ae a mena iai taeka aika a tabu ake a kabonganaaki. Karekeia ataei ake a kunea te taeka ae tabu moa, buokiia ni kinaia kain te reirei bwa a na kunea. I mwiina ao tuangiia bwa e kanga ni boraoi te iango ma te kibu aei.
7. Taekin katoto aika a rangi n teretere raoi ngkana ko nooriia ataei bwa a ongotaeka nakon tuua aika a tia ni kakarabakauakinaki aikai. N aron te katoto teuana, bwa ngkana ko anga reirei i aon te aakoi, ko kona ni kaoti katoto tabeua ngkana ko nooriia ataei bwa aakoi nakoia tabeman.
8. Tuoi taian mwakuri. Ngkana iai te mwakuri ae ko a tia ni mwiokoia kakoaua raoi bwa ko tuangiia ataei aron te bwai are a tia n rinanona i nanon moanakin te reirei n te taabati are i mwiina

Buokaia Ataei ni
Kamatenanoan
Taeka aika Tabu
n aia iango

Kamatenanoan taeka aika tabu bon te kawai ae oomwaaka ibukin te anga reirei iaon tuan te euangkerio. Angiia ataei ake a kukurei ni kamatenanoi n aia iango ngkana ko kamanenaa te kangare ke aeka ni kawai aika kakaokoro ni kamatenanoan taeka aika tabu. Iango ni katautau aika kaotaki i nano aikai bon kawai aika kakukurei ibukin buokaia ataei ni kamatenanoi taeka aika tabu n aia iango:

1. Koroia i aon te burakibooti ke karaoa te tiaata ibukin te moan reta man taeka ake a na kamatenanoaki. N aron aei, bwa tao ko na karaoa te tiata ibukin taeka ni moan taekan te onimaki:

T k t A t T a A T a N a I K a t T a R

Kotoi reeta ao manga atonga te taeka are e kaeineti ma te reta anne.
Kaokiokia i nanon tabeua te tai ao kariaia ataei bwa a na manga atongnga ngkana a kona. I nanon te tai ae waetata ao a na aki tangira te tiaata.

2. Tibwaa te taeka ae tabu i nanon mwakoro n taeka aika kimototo. Manga atongi taian mwakoro n taeka n tatabeua ni kabaibati ni moanna man kabaneana ao ma ni mwakuriia rikaakin te aro are a na kona ataei ni manga atongi ti mwakoro aika a rangi n ataki moa. N ai aron aei, bwa n Aramwa 37:35 a konaa ataei ni manga atong riki “ni kawakin ana tua te Atua i nanon tabeua te tai. I mwiina a kona ni ikotia riki ma mwakoro n taeka ake tabeua. “Eng, reirei i nanon ataeim.” Ao i mwiina a kona ni manga atonga riki te kibu ae bwanin.
3. Ngkana a konaa te wareware ataei, katauraoa katotongan te taeka ae tabu ibukiia ataei n tatabemaniia nako. Korokoroi kaobi n tatabeua nakon te taeka ke mwakoron taeka i mwiin atongan te kibu ni kabane i nanon tabeua te tai, anganiiata ei tiete n taeka ake a tia ni kamangaoaki ao kariaia bwa a na manga bairei temanna i mwiin temanna ke n te kiraati ni karinanii n aron karinanaia ae e eti.
4. Manga atongi taeka aika tabu tabeua te tai, tooki ao kariaia te ataei bwa e na atonga te taeka are i mwiina ke mwakoro n taeka. I mwiina tuanga temanna riki te ataei bwa e na ikotia riki ma tabeua taeka. Karaoia ni karokoa a bane ataei n reke aia tai ae kaan tatabeua nakon temanna.
5. Kabongana te katangitang ni buokiia ataei ni kamatenanoan te bwai teuana.
6. Tibwaia ataei i nanon uoua te kurubu. Kariaia te kurubu teuana bwa e na reke aia tai ni manga taekin taeka ke mwakoro n taeka n aron karinanaia. Ko kona ni kariaia te kurubu teuana bwa e na atonga te moan taeka, ao te kurubu are i mwiina e na atonga te kauoua ao ai arona naba nakon kiibu ni kabane.
7. Rinea te mwakoro n taeka ma n taeka aika tabu are ko tangiria bwa a na kamatenanoa ataei. Korea te taeka ae tabu i aon te burakibooti ke te beebea ae bubura ke te tiaata, kaokioka atongan te mwakoro n taeka anne tabeua te tai, karaurau n rabunna ke ni kamauna te taeka teuana i mwin te taeka teuana ni karokoa a konaa ataei n taekinna ma n aia iango n aki tarai taeka man taeka aika tabu.

Kabonganaan
Nikiran am Tai
ma te Wanawana

Ngkana e a bane am reirei are ko a tia ni katauraoia i mwain te tai are e na toki iai tain te reirei, ko konaa ni karaoa te mwakuri ni kakukurei teuana are e na kanoaa nikiran am tai. Iango ni katautau aikai a konaa ni buokiko ni kabongana te tai aei n te aro ae nako raoi:

1. Karekeia ataei tabeman aika a na karakin karaki man taeka aika tabu aika mamate nanoia iai.
2. Karaoa ukoukorani kiibu man taeka aika a tabu (Bwaibwara, Ana Boki Moomon) man anganakiiata ei iango aika a kakawaki man taeka aika tabu ake a na kona n tarai ake a tia ni kaman mwaaken. Kamwakuriia ni kakauoman ke ni kurubu aika uarereke ma ni kakaei mwakoro n taeka man taeka aika a tabu.
3. Buokiia ataei bwa a na konaa ni kamatenanoi taeka aika tabu man te reirei ke man taekan te onimaki are e kaeti nakon te reirei.
4. Karekeia ataei ake a na taekin aia iango n aron kabonganaan tuua irouia ake a karekei man te reirei ni mwengaia, n te reirei ao ma raoraoia.
5. Tibwaia ataei inanon kurubu ao kariaia ataei bwa a na kareke aia tai n titirakinia tabeman n taian titiraki man te reirei.

6. Kariaia ataei bwa a na korea aia tamnei ae kaeti nakon te reirei ke ni kaewea te mwakoro n taeka ma n uotia nakon mweengaia bwa te bwai ni kauring nakoia n aron te kantaninga ibukin te reirei.
 7. Kaoia ataei bwa a na mwaaken kiibu man taeka aika tabu ibukin aia kamatebwai ke aia kekeiaki n te tai ae na roko. Tao ko na tuangiia ataei bwa a na mwaaken kiibu man te reirei are a rangi n tatangiria ke ko kona ni kaoti kiibu ake ko bon taku are e na kauringiia ataei aron te kaantaninga ibukin te reirei.
 8. Buokiia ataei bwa a na kamatenanoi aran karinanakin booki i nanon booki aika tabu (te Bwaibwara ao Ana Boki Moomon). Ko kona ni kunei booki aikai i nanon Ana Boki Moomon aika katauraoaki ibukin te anene n aia *Children's Songbook* (iteranibaa 114, 116, 119).
 9. Manga rinanoi tuua ke karaki ma n taeka aika tabu man reirei aika a tia n nako.
-

**Te Anene ke
te katangitang
n te Umwanreirei**

E konaa ni katamaroaaki ma ni kakorakoraaki te reirei n te euangkerio n te anene ke te katangitang. Ni mwaitin te tai ao ataei a kona ni ururing riki ma n reirei raoi riki rinanon te anene ma te katangitang.

Tiaki nanona bwa ko na riai n riki bwa te tia anene ke te tia katangtang ngkoe ni kabongana te bwai ni katangitang ke te anene ae bon riai ni buokiia ataei bwa ana namakina te Tamnei ao man reirein te euangkerio. Te anene ke te bwai ni katangtang n te reirei e konaa ni kamanenaaki te teibi ke te wirio ke te kurubu n anene teuana i nanon te reirei ke i mwaain te reirei bwa e aonga ni karawawataaki iai taekan te tua. Ko kona naba n anenea te anene ke ni wareka taekan te anene n te aro are a na iai te bae a na karaopia ataei i nanon te reirei.

Tibwauaan te Tai

N taai tabetai a kona n tuangaki ataei bwa a na karaoa aia kamataku man taekan te euangkerio aika bebete n tain tibwauaan te tai n te Moanrinan. Kamataku aikai a kona ni karekeaki man taian reirei nako, e na kainnanoa reiakinana ao e na rangi n ibuobuoki nakon kakorakoraan tuua ake ko a tia n anga reirei iaoia. Ko konaa ni kabonganai iango ni katautau aikai n tain tibwauaan te tai:

1. Karaoa te kaotioti man karaki man taeka aika a tabu (te Bwaibwara ao Ana Boki Moomon).
 2. Taekin taeka aika tabu aika a tia ni kamatenikunaaki i rouia ataei.
 3. Wareki taeka man taekan te onimaki ao kabwarabwara nanona.
 4. Karaoa te Kaotioti ae boou man tuua ke reirei man te euangkerio
-

Taekan te Onimaki

Ko riai ni karinna naba bwa kanoan am reirei taeka man Taekan te Onimaki ao kaungaia ataei bwa na reiakin Taekan te Onimaki i mwain are a waerake man te Moanrinan. Kabonganaa te tai are e mwaawa ae kona n reke ni buokiia ataei ni reiakin ao man oota n Taekan te Onimaki.

**Ataakiia raoi
Ataei n te Roro ae
Wanuua nakon
Tebwi ma Teuana
te ririki**

Te buokiia ataei bwa a na reirei ma ni konaa ni konabwai i bon irouia, ko tangiraki bwa ko na atai raoi bwaai aika a kainnanoi ao aaro aika a na konaa ni kinaaki iai katein maiuia ao bairei mwakuri ni kakukurei ke takakaro ao taian kiraati aika bon riai. Ibukin ataan rongorongo riki tabeua ibukin ataan kinaan aron kateia ataein te roro aei, taraa *Teaching—No Greater Call* (33043), iteranibaa 37–38.

Kinaakin Aron Katein Maiuia Ataei

Maiuna n Rabwata

Iai ana tai ae waekoa ao ae waeremwe rikirakena iai
Tao e kaangaanga kairana
E kukurei n takakaro ma kaini kurubu nako

Ana lango

E ingainga nanona ni kan reirei
E iangoi baika a tia n riki n taai aika a tia n nako
E moanna ni kaantaningai babaire aika raraoi
E tangiria ni kan ataia bwa bukin tera
E motiki taekaia aomata ma aroaro nako
E kan riki kaanga aomata aika e rangi ni kukurei irouia
E rikirake ni konaa ni bukinaki ke ni mwiokoaki i bon i rouna
E tangira te mwakuri are e irekereke ma kamatenanoan te bwai ke ururingan bwaai

Arona n Reitaki

E moanna ni kitana aron ribaan te aomata are tiaki raona ni mwaane ke n aine nakon te iango ni kan i buobuoki imarenana ma ataeinimwane ao ataeinnaine.
E kukurei nakoia kain kurubu aika uoua ao i bon i rouna n ti ngaia.
E namakina kainnanoan te kan inaomata ae korakora.
E karikirakea aron ataan te rabakau ni manikangare.
E reke kukureina irouia tabeman.

Kairootakina

E ririba te tiribure ke te kabuakaka
E kona ni karaoa ae aki riai ngkana iai te kanganga i marenana ma rorona
E rikirake ni mwiokoaki ma n onimakinaki
E kai ataa ae raoiroi
E moanna n reke te nanououa ibukin aron tauna ke bonganana
E a kerikaaki ma n uarereke arona ni kan babaire ke ni bwabwaoti bwa e na iraki nanona are e tangiria.

Maiuna n Tamnei

E kukurei n reiakin ao ni kakaraoi reirein te euangkerio
E kai rootaki nanona n aia koaua tabeman
E rikirake i nanon te tauraoi nakon ataakin reirein te euangkerio
E korakora ana namakin ibukin te eeti ao te kaairua

**Kawai ni Ibuobuoki
aika Kakawaki
ibukiia Ataei
n Ikotaki ma
Naake a Toaraa**

E karaoa te katoto nakoira te Tia Kamaiu i bukira bwa ti na iangoia ma ni kaota te nanoanga i bukiia ataei ake a toaraa. Ngke E kawariia i Nibwaite i mwiin manga utina e taku ana taeka:

“Iai i buakomi aika a aoraki? Uotiia mai. Ao iai i buakomi aika a mwauku, ke aika a mataki, ke aika a turatura, ke aika aki konabwai, ke aika a reebera, ke aika bonotaninga, ke aika a karawawataaki n te aro teuana? Uotiia mai ao N na kamaiuia, bwa iai nanoangaeakimi irou; ao e onrake nanou n te nanoanga” (3 Nibwaai 17:7).

Ngkai te Tia Reirei ngkoe n te Moanrinan ao ko mena n te tabo ae kabanean te raoiroi ko riai ni kaota am nanoanga. E ngae ngke ko aki anganaki tao te reirei ni kataneiai nakon nakoam n Tia Reirei, ma ko kona atai aroia ataei man rabakau ni kawakiniai ataei ake a toaraa. Tabeaiangan te nano, te wanawana, ao tangiran kan karinaia ataein te reirei i nanon te mwakuri ni kakukurei ke takakaro are a reirei iai a rangi ni kainnanoaki.

Ataei aika toaraa ke aika mwauku a kona n rootaki i roun te Tamnei n aki baireaki bwa te aekaki ni wanawana raa wanawanaia. E ngae ngke tao iai ataei tabeman aika aki konaa ni kabanetai n te Moanrinan ae bwanin n iiri iai, ma e riai n reke aia tai n iiri e ngae ngke e rangi ni uarereke aia tai n namakina te Tamnei. E riai ngkana e reke raom ae rangi n atai aroia ataei ma n tauraoi ni kaeka nakon te bwai are a kainnanoia ataei ao ma ni kan mena irarikiia ataei i nanon te Moanrinan bwa e kaawa n tangiria te ataei ni kan mwaawa man te kurubu ae bwanin.

Tabeman kain te reirei iai aia kaangaanga n aia aki konabwai n reirei, ibukin aki taun wanawanaia, n aia kaangaanga n te taetae ke te taetae-ni-kawai, ke buan aia taratara ke aia kakauongo, n aia kaangaanga ni kateini maiuia n reitaki ma ataei tabeman ke ikawai, n aorakin te iango, kaangaanga ibukin te mwamwae, ke kaangaangan te kakamwakuri, kaangaangan marurungin rabwataia n te tai ae maan. Tabeman a kunea te taetae ke te katei bwa aki tataneiai iai ma ni kaangaanga nakoia. N aki rang tabeakina aroaron temanna ma temanna, iai te bwai ae a kainnanoia ataei n tatabemaniai nako ae ti te arona bwa te kan tatangiraki ma n kariaiakaki n reirei taekan te euangkerio bwa aonga n namakina te Tamnei, te kan iira karaoon te bwai teuana ma te tokanikai, ao te ibuobuoki nakoia tabeman.

Kawai n ibuobuoki aikai a kona ni buokiko n reireina te ataei ae mwauku:

Tarai baika a batu riki nakon ti taraan mwaukuna ao kataia ni kina te ataei. Karaoa ae bon tataneiai te aba iai, iraorao, ao kaota te tangira.

Reireiniko aron ataakin korakoran te ataei ao bwaai aika e kona ni karaoi.

Karaoa ae ko kona ni karaoria n reirei, ao ni kauringiia kain te reirei bwa ana karaoa tabeia ni karinea kain te reirei ni kabane. Buokaia ataein te reirei aika mwauku e kona n riki bwa kaanga aekan ana reirei ni kataitai Kristo ni koaua ibukiia kain te reirei ni kabane.

Kakaea te kawai n anga reirei ae kabanean te tamaraa ibukin reireinan

te ataei ma n ibuobuoki ma kaaro ma kain ana utuu tabeman te ataei ngkana e riai.

I mwain tuangan te ataei ae mwauku bwa e na wareware, tataro ke tataro ma ngaia, tuangnga bwa tera aron ana namakin ngkai e ira te waaki i nanon te reirei. Kabatia taekinan aia konabwai ataei n tatabemaniia ma aia taarena ao tarai kawai tabeua ake ana konaa iai tabeman n iiri waaki ma te mweraoi ao te tokanikai.

Kangaraoi bwain reirei ma bwaai nako aika a katobibiira bwa e aonga n aitara ma kainnanoia ataei ma ataei ake a mwauku.

Bwain reirei tabeua riki ibukin reireiaia ataei ma ataei ake a mwauku a tauraoi man ana tabo n tibwatibwai nako bwaai te Ekaretia (tarai “Bwain reirei i bukiia te Koraki ake a Mwauku” n ana *Salt Lake Distribution Center Catalog*).

Buokan taian

Kaangaanga aika

Reke man te Katei

ae Buakaka

Ngkai te Tia Reirei ngkoe ao ko riai n ataia ataein am kiraati bwa antai aika rotaki ni mwiin te taetae n aki akaaka ke te oreaki. Ngkana e rangi n tabeaianga nanom i roun te ataei temanna n am kiraati, taiaoka reireina te ataei arona ae riai ma am bitiobi. Ngkana ko katauraoa am reirei ma n anga reirei, tataro ibukin ana kairiiri ao ana kaetieti te Uea. Buokiiia ataei n tatabeman nako i nanon am kiraati bwa ataia bwa bon natin Tama are i Karawa ngaiia aika moan te kakawaki ao bwa Tama are i Karawa ma lesu Kristo a tangiriira n tatabemaniira nako bwa ti riai ni kukurei ma ni maiu.

Te Bwai n Tituaraoi mairoun te Tama are i Karawa ae Tatangira Ana Boki Moomon

Reirei
1

Te Kaantaninga Bwa a na buokaki ataei bwa a na tangira Ana Boki Moomon ma ni kabatiaa iangoana irouia.

-
- Te Katauraoi**
1. Reiakina Kabwarabwaraan Ana Boki Moomon ao ana Koaua te Burabeti ae lotebwa Timiti, ae mena ni moani baan Ana Boki Moomon (ke Rongorongan—lotebwa Timiti 1:29–35; 42–54, 59–60) ma te tataro mwaaka. I mwiiina ao reiakina te Reirei ao iangoia bwa ko na kangaa n reireiniia ataei rongorongo man taeka aika tabu. (Taraa “Katauraoa Am Reirei,” iteraniba vi, ao “Te anga Reirei man Taeka aika Tabu,” iteraniba vii.)
 2. Reitan Te Wareware: Moanibaan Ana Boki Moomon, Aia Koaua Taani Kakoaua aka Teniman, Aia Koaua Taani Kakoaua aka Waniman, Moomon 6–7.
 3. Rinei Titiraki ibukin te Kakarabakau ao Mwakuri ni kakukurei ni Karaka aka a na kamwakuriia ataei man rangi ni buokiia bwa aonga ni karekea te kaantaninga n te reirei.
 4. Bwainreirei aika Kainnanoaki:
 - a. Ana Boki Moomon i bukiia ataei n tatabemaniia nako.
 - b. Ana Boki Moomon ae niniraki kaanga te bwaintangira.
 - c. Bwain Maakenan te wareware n te boki i bukiia ataei, ngkana e riai (taraa te katoto n tokin te reirei).
 - d. Tamnei 4–1, E Korobokii Buatua Moomon (Ataakin te Euangkerio 306; 62520); 4–2 E Karabai Buatua Moronaai I Aon Tabukin Kumora (Ataakin te Euangkerio 320; 62462); ao 4–3, E Karekei Buatua Koora Iotebwa (Ataakin te Euangkerio 406; 62012).

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.

Kaota te bwaintangira nakoia ataei are batianaki are Ana Boki Moomon

- Bukin tera ngkai ti anga bwain tangira?
- Tera ae ko namakinna ngkana e kukurei temanna n te bwai are ko anganna?

Kabwarabwaraa bwa ibukin tangirara ae korakora i roun te Tama are i Karawa, E a tia n anganiira te bwai n tangira are e na buokiira bwa ti aonga ni karekea te maiu are akea tokina. Iai te rongorongo ae kakawaki man te bwai n tangira aei ibukira n tatabemaniira nako. E reireiniira aron ara Tia Kamaiu, ae lesu Kristo, ao arora ni maiu are ti na kona iai n okira Tama are i Karawa. E taku Etira Tabu Bentin, ae te katengaun ma teniman ni Beretitenti n te Ekaretia: “Aio te bwai n

tangira ae korakora riki maneunana ibukin te bootanaomata nakon bwain aoraki aika a tibwa kuneaki aika kamimi aika tia n nooraki n taai aikai. Bon te bwai ae korakora riki maneunana ibukin te bootanaomata nakon karikirakean aron te kiba i aannang ni waanikiba ke te mwamwananga n te eea. Conference Report, Okitobwa 1986, iteraniba 3; ke *Ensign* Nobembwa 1986, iteraniba 4)

- Tera te bwai n tangira aei n aron am iango?

Karekeia ataei aika a na buoka kabwaraan baketen te bwai n tangira. Kakoaua raoi bwa e kangaa ni kakabwaiaa maium te reirei man Ana Boki Moomon ao ma ni karikiko n aron te Tia Kamaiu.

Rongorongo man Taeka aika Tabu

Reireiniia rongorongan rokon Ana Boki Moomon man ana koaua te Burabeti ae lotebwa Timiti. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te anga Reirei man Taeka aika Tabu,” iteraniba vii.) Kamanenaa kabwarabwaraan Ana Boki Moomon ni buokiia ataei bwa ana ataa maneunan te boki ae tabu aei, are a reke mai iai taeka aika a tabu i bukira ni boong aikai. Kabonganai tamnei n taai aika a bon riai.

Kamanenaan Titiraki n te Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei inanon maiuia. Warekan kiibu ma ataei n te reirei, e na konaa ni buokiia nakon karekean aia atatai n taeka aika tabu.

- Tera te boki ae Ana Boki Moomon? Antai ae koroia? (Kabwarabwaraan Ana Boki Moomon bwakaraba 1–2. Burabeti ngkoa iaon Amerika.)
- Bokin tera ngkai e aranaki bwa a na Boki Moomon ao e aera ngkai e aki aranaki bwa ana boki Moronaai ke lotebwa Timiti? (Kabwarabwaraan Ana Boki Moomon bwarakaraba 2. E koroi angiini koroboki i nanon buatua aika koora te Burabeti ae Moomon, e anai taeka tabeua man aia koroboki burabeti ake tabeman ake a tia ni koroi.)
- Tera te bwai ae riki ae moan te kakawaki i nanon Ana Boki Moomon? Ao bukin tera (Kabwarabwaraan Ana Boki Moomon bwarakaraba 3. Kawaraia i Nibwaite i roun lesu).
- Tera ana taeka lotebwa Timiti ibukin Ana Boki Moomon? (Kabwarabwaraan Ana Boki Moomon bwarakaraba 6.) (Tara Mwakuri ni kakukurei ni karaka 3.) Ko kangaa n taku bwa te wareware ao kamatenanoan Ana Boki Moomon e kona ni buokiko?
- A mwaiti burabeti (bwa Nibwaai, Moomon, Moronaai, lotebwa Timiti) aika a tia n rinanon te karawawataaki ao te kangaanga ae korakora n te aro are ti aonga ni konaa ni karekea Ana Boki Moomon. Baikara bwaai aika tenuua aika ko kan karaoi bwa ko aonga n ataia bwa Ana Boki Moomon e koaua? (Taraa kabwarabwaraan Ana Boki Moomon bwarakaraba 8.) Warekia ao iangoa raoi ana rongorongo, bubutia te Atua ngkana e koaua.
- Baikara riki baika ti riai n atai ngkana e a reke ara koaua n Ana Boki Moomon? (Taraa Kabwarabwaraan Ana Boki Moomon bwarakaraba 9.) Bwa lesu Kristo bon te Tia Kamaiu, lotebwa Timiti te burabeti, ao te Ekaretia e koaua.
- Tera ae e karoia lotebwa Timiti ngke e moa ni kaoti nakoina te Anera ae Moomon? (Ana koaua te Burabeti ae lotebwa Timiti bwarakaraba 2–3; Rongorongan lotebwa Timiti 1:29–30.)

- Tera te bwai ae taekinna te Anera ae Moronaai nakon lotebwa Timiti. (Ana koaua te Burabeti ae lotebwa Timiti, bwarakaraba 6–9; Rongoronganlotebwa Timiti 1:34–35, 42.)
- Tera ae riki nakon lotebwa n te bong are i mwiina ngke e tabe ni mwakuri ma tamana? (Taraa ana koaua te Burabeti ae lotebwa Timiti, bwarakaraba 15–16; Rongorongan lotebwa Timiti 1:48–49.)
- E wetea lotebwa Timiti te Anera ae Moronaai n arana ngke e kawaria. Tera aron am namakin ngkana e ataaki aram i roun Tama are i Karawa?
- E tuangaki lotebwa Timiti i roun te anera ae Moronaai bwa e na tuanga tamana aron te mitara are nooria. Antai ae ko na kaongoa ngkana e reke i roum te aeka n atatai are e reke i roun lotebwa Timiti? Bukin tera?
- Tera ae karaoia lotebwa Timiti imwiin kaongoan tamana? (Ana koaua te Burabeti ae lotebwa Timiti, bwakaraba 17–19; Rongorongan lotebwa Timiti 1:50–52.)
- Bukin tera ngkai e tiku lotebwa Timiti n tataninga aua te ririki i mwain are e konaa ni karekei buatua koora. (Ana koaua te Burabeti ae lotebwa Timiti, bwarakaraba 20; Rongorongan lotebwa Timiti 1:54.)
- Tera te kauring ae karekea lotebwa i mwiin anganakina buatua koora. (Ana koaua te Burabeti ae lotebwa Timiti, bwarakaraba 22; Rongorongan lotebwa Timiti 1:59.)

**Mwakuri ibukin
Karakaan
te Atatai**

Ko konaa ni kamanena teuana ke e raka riki man mwakuri ibukin karakaan te atatai aikai n te tai n aki akaaka inanon tain te reirei ke manga rinanoan te reirei, kakimototoan te reirei ke te kataaki n titiraki.





1. Tuangiia ataei bwa a na wareka moan baan Ana Boki Moomon are e kaotaki i aona arana. Tuangiia bwa a na mwaaken taian kantaninga i nanon aia boki ibukin Ana Boki Moomon ake a koreaki i aon moan baana are e kaotaki i aona arana ao kabwarabwaraana.
2. Buokiia ataei bwa a na kamatenanoa Moronaai 10:4.
3. Kakarabakaua ao buokiia ataei bwa a na kamatenanoi kiibu n taeka aikai mai roun te Burabeti ae lotebwa Timiti:

“I tuangiia taari bwa Ana Boki Moomon bon te boki ae kabanean te eeti ibuakoni booki nako n te aonnaaba, ao ngaia aan ara aaro ni kiritian, ao te aomata e na rangi ni kaaniia riki iai te Atua ngkana e maiuakin ana reirei nako, nakon booki ake tabeua” (Kabwarabwaraan Ana Boki Moomon, bwarakaraba 6).
4. Buokiia ataei bwa a na oota ao ni kona ni kamatenanoa taekan te kawanuua ni kibu n Taekan te Onimaki.
5. Karaoa te kamataku man bwaai aika a tia n riki ake a na kairiira nakon aron rokon Ana Boki Moomon.
6. Anenei ke warekii taekan nako “The Books in the Book of Mormon”

(*Children's Songbook*, iteraniba 119), "Book of Mormon Stories" (*Children's Songbook*, iteraniba 118), "Bwatua Kora" (*Anene n Taromauri ma Aia Anene Ataei*, iteraniba 59) ke "Search, Ponder, and Pray" (*Children's Songbook*, iteraniba 109).

Kabaneana

Te Kaoti Koau	Kaota am koaua bwa lotebwa Timiti bon te Burabeti ni koaua ao bwa e koaua Ana Boki Moomon. (Bon Nanom.) Ngkana e riai anganiia ataei n tatabeniiia nako bwaini mwaakenan te wareware ma ana koaua Beretinti Etira Tabu Bentin, are e koreaki i aona (taraa te katotoo ae kaotaki n tokin te reirei).
Te Wareware n te Mweenga ae Katautauaki	Katautaua nakoia ataei bwa a na kamatenanoa ana Koaua te Burabeti ae lotebwa Timiti ni mweengaia bwa manga rinanoan te reirei. Kaotia nakoia bwa a na kunea iai te rongorongo aei ni moan te boki ae Ana Boki Moomon ke i nanon Rongorongan lotebwa Timiti 1:29–35, 42–54, 59–60. Kaungai nanoia ataei bwa a na uouoti kaobiin Ana Boki Moomon nakon aia Reirei n Tabati. Kaoa te ataei temanna bwa e na kaira te tataro ni kainiin.



E Toua Mwiin Tamana ae te Burabeti Nibwaai

Te Kaantninga Bwa a na kakorakoraaki aia kantanninga ataei n touan mwiin te burabeti ae maiu.

Te Katauraoi

1. Reiakina te 1 Nibwaai 1–2 ma te tataro. I mwiina ao Reiakina te reirei ao iangoia bwa ko na kanga n reireiniia ataei karaki man taeka aika tabu. (Taraa “Katauraoan am Reirei,” iteraniba vi, ao te “Anga Reirei man Taeka aika Tabu,” iteraniba vii.)
2. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rangi ni buokiia bwa aonga ni karekea te bwai are kaantningaaki man te reirei.
3. Bwainreirei aika Kainnanoaki
 - a. Ana Boki Moomon i bukiia ataei n tatabemaniia nako.
 - b. Te Kaonoua ni kibu n Taekan te Onimaki tiaata (65006). Rabuna te taeka ae *burabeti* n te mwakoro ni beebea ae nukumaki. I nanon te beebea ao korea iai “Te Burabeti bon te aomata ae weteki mai roun te Atua bwa e na taetae ibukina. Ngkana e taetae te burabeti ao ti teboo ma E taetae te Atua.” Ngkana e aki tauraoi te tiaata ibukin te kaonoua ni koroboki n taekan te oimaki, karaoa am tiaata i bon iroum ke koroia i aon te burakibooti.
 - c. Tamnei 4–4, E Taetae ni Burabeti Riaai Nakoia Aomata i lerutarem (Ataakin te Euangkerio 300; 62517), ao 4–5, A Kitana lerutarem ana Utuu Riaai (Ataakin te Euangkerio 301; 62238), ao tamnein te Burabeti ae maiu ngkai ke teuana man tamnein lotebwa Timiti (Ataakin te Euangkerio 401; 62002).

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kaukuuki.

Katea te kaonoua ni kibu n Taekan te Onimaki ma te taeka ae rabunaki ni karabaaki ae te burabeti. Tuangiia ataei ngkana a ataa te taeka are e rabunaki ni karabaaki. Tuanga te ataei bwa e na kanakoa te beebea ao e na anganiko. Tuangiia ataei bwa a na wareka te kaonoua ni koaua n Taekan te Onimaki ni bootaki.

Katea tamnein te burabeti ae maiu ngkai ke tamnein te Burabeti lotebwa Timiti, ao tuangiia ataei bwa antai te aomata aei.

- Tera te Burabeti?

I mwiin te kakarabakau titirakina temanna te ataei mai buakoia ataei bwa e na wareka te taeka are e mena i nanon te beebea are e rukumaki (tarraa “Te Katauraoi”).

Tuangiia bwa a tia n taainako n tuangiia aomata bwa tera te bwai ae e tangiriia te Tama are i Karawa ao lesu Kristo bwa a na karaoia. Kabwarabwaraa bwa ti na kakabwaiaaki ngkana ti ongo i roun te burabeti.

Rongorongo man Taeka aika Tabu	Aanga te reirei i aon karakinan te burabeti ae Riaai ao ana utuu ngke a kitana lerutarem n te 1 Nibwaai 1–2. (Ibukin kawain anga reirei aika a tia ni baireaki ibukin reiakinan taeka aika tabu taraa “Te anga Reirei man Taeka aika Tabu,” iteraniba vii.) Kamanenai tamnei n taai aika riai. Kamatata bwa ti riai ngaira ni kabane ni kataia ni katotoonga Nibwaai n ongo i roun te burabeti ae maiu ngkai.
Kamanenaan Titiraki n te Kakarabakau	Kamatenanoi titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataei n te kiraati, e na konaa ni buokiia nakon karekean aia atatai n taeka aika tabu.
	<ul style="list-style-type: none"> • Tera ae karoia Riaai i bukiia ana aomata? (1 Nibwaai 1:5.) Tera ae E kaotia te Uea nakon Riaai n te miitara are e nooria. (1 Nibwaai 1:6–13.) • Tera ae e karoia Riaai i mwiin reken te kaotioti i rouna? (1 Nibwaai 1:18.) • Antai are e taetae ni burabeti ibukina Riaai? (1 Nibwaai 1:9, 19. Kabwarabwaraa bwa te Meetia bon Iesu Kristo.) Buokiia ataei bwa a na oota raoi bwa Burabeti a kakoauua n taainako Iesu Kristo. Ko na kangaa ni karekea am koaua ibukin Iesu Kristo? Kakauua bwa aonga ni konaa ataei n tatabemaniia nako n ataia bwa lesu bon te Tia Kamai man kamatenanoan Ana Boki Moomon ma te tataro ao man te ongotaeka nakon ana tua nako. • Tera ae a karoia aomata ngke a ongo ana taeka te burabeti ae Riaai? (1 Nibwaai 1:19–20.) Tera ae ko na karoia ngkana ko kaenaenaaki ke ni ngareakinaki ibukina bwa ko kakoaua Iesu Kristo ao ana Ekaretia? • I mwiini kataan tiringan Riaai irouia aomata, tera te bwai are e tuangnga te Uea bwa e na karoia? (1 Nibwaai 2:1–3.) • Baikara bwaai aika a uoti ana utuu Riaai ngke a kitana lerutarem? (1 Nibwaai 2:4.) Baikara tianaki akanne? (Amwarake, kunikai, umwanrinna, bwanimwakuri ao ai bwaai riki tabeua.) Baikara bwaai aika a katukui i mwiia Riaai ma ana utuu? • Tera ae karoia Reiman ao Remuera ngke a nang kitana mweengaia ao aia koora ma aia tirewa? (1 Nibwaai 2:11–13.) Tera nanon te taeka ae <i>ngurengure</i> (Te tangitang.) Tera nanon <i>taningabono</i> (Te rawa ni bitaki ke te aki kan ongotaeka, ao te kainikatonga. Ngkana ko tuangaki bwa ko na kitana mweengam ma am bwai nako, tera aron am namakin?) • Bukin tera ngkai e aki eekanako tamana Nibwaai? (1 Nibwaai 2:16.) Kabwarabwaraa bwa <i>tang nakon te Uea</i> nanona bwa te tataro ma te koaua ao <i>kabeebetea nano[m]</i> nanona kakauongo ao ongotaeka. E na kangaa te tataro ni karika nanom bwa e na kakauongo ao n ongotaeka ni buokiko n rimwiai burabeti? • E kangaa Nibwaai ni kaota te tangira nakoia Reiman ao Remuera ngke aki kakoua? (1 Nibwaai 2:18.) Ko a tia n taatataro ibukin te temanna ae aki kawakina te tua? • Tera te bwai are berita iai te Uea nakon Riaai ibukin ana onimaki? (1 Nibwaai 2:19–22.) Tera nanon te onimaki irouum?

- Tera te bwai ae riki nakon lerutarem i mwiin kitankina irouia ana utuu Riaai? (1 Nibwaai 1:4.) A korobukin bwaai ake a taetae ni burabetiaki irouia burabeti? T&B 1:37–38.)
- A kitana lerutarem n ningai ana utuu Riaai? (E kaotaki te bong ke te tai are a kitana iai lerutarem ni baan Ana Boki Moomon mai i nano n te buraeekete man tuangko bwa tera ae a tia n riki.) Tera nanon B.C.? (I mwaain Kristo.)
- Antai te burabeti ni boong aikai? (Kaota tamneina ngkana e tauraoi.) Tera ae e a tia n tuangiira bwa ti na karaoia? Tao ko na kan taeki ke ni wareki mwakoro n taeka man taian rongorongo mairouia burabeti n taai aika a tia n nako. Ti na kangaa ni kakabwaiaaki ngkana ti rimwiia ma n toumwiiia ara burabeti aika maiu ni boong aikai.

**Mwakuri ibukin
Karakaan
te Atatai**

Ko konaa ni kamanena teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Uoti bwaai tabeua ke tamnei ni bwaai tabeua ake tao a na tia n uoti Riaai ma ana utuu nako nanon te rereua, n ai aron te umwanrianna, burangketi, bwaata, naaibi, bwai ni katebe ma kainikatebeia, roobu, ke taian ati ke koraa. Kaungaia ataei bwa ana iangoi ma n aran bwaai riki tabeua ake a na bae n tia n uoti ana utuu Riaai.

- Bokin tera ngkai a na tangiri baikai ana utuu Riaai n am iango? Baikara riki bwaai aika ko na tangiria ngkana ko mwananga n ai aron Riaai?
- Baikara bwaai aika a kangaanga kitanaia iroum?

2. Kaota tamneia Beretitenti n te Ekaretia (Te Kete n Tamnei n te Euangkerio 506; 62575), ao tuangiia ataei bwa a na kamatenanoi araia ao aron karinanaia n te tai are a mwakuri iai).

3. Wareki mwakoro n taeka mai roun Bentin, Etira Tabu, te katengaun ma teniman ni Beretitenti n te Ekaretia:

“I tangiria ni kan taetae nakoia ataein te Ekaretia. . . .

“Bwa I rangi n tangiri ngkami! E rangi n tangiri ngkami te Tama are i Karawa!

“N te bong aei ao N na reireini ngkami bwa tera ae E tangiria Tama are i Karawa bwa kam na ataia n te aro are kam na kona karaoa te bwai are e tangiria bwa kam na karaoia ao ma ni kakukurei ngkami n te kukurei ni koaua. E na buokiko ngkai ao rinanon maium ni kabane. . . .

“Moan te kukurei ngai n ongo bwa kam tangira Ana Boki Moomon. I tangiria naba, ao te Tama are i Karawa E tangirii ngkami bwa kam na waaki nako ma n reirei Ana Boki Moomon ni katoa bong. Bon Ana Bwain tangira Tama are i Karawa ae e rang ni kakawaki nakoim. Ao man irakin ana reirei nako ko na konaa n ataia ma ni kani karaoa nanon Tama are i Karawa (man te Conference Report, Eberi 1989, iteraniba 102; ke *Ensign*, Me 1989, iteranibaa 81–82).

4. Kaewei nakon te mwakoro ni beeба ae kaokoro rinerine aika kimototo man tаian Rongorongo man Moani Karinan ni Beretitenti mairouia burabeti aika maiu ngkai (tarai taekan maungatubu ake a koreaki n ana maeketiin te Ekaretia). Katuka te mwakoro n taeka anne i nanon te bwaoki ke te baeki beeба, ao kaoia ataia bwa ana roko n anai mwakoro n taeka. I mwiin tiaia ataei ni wareki taian mwakoro n taeka, tuanga neienne ke teuanne bwa e na taekinna bwa ti na kanga n tou mwiin aia reirei burabeti.
 5. Kakarabakaua taekan te kaonoua ni kibu n Taikan te Onimaki ao buokiia ataei bwa a na kamatenanoa.
 6. Aneneia ke wareki taekan “Ti Karabwako Te Atua” (*Anene n Taromauri ma Aia Anene*, nambwa 32), “Keep the Commandments” (*Children’s Songbook*, iteraniba 146), ke “Follow the Prophet” (*Children’s Songbook*, iteraniba 110).
-

Kabaneana	p
Te Kaoti Koau	Kaota am koaua bwa E tangiriira Tama are i Karawa ao e a tia n anganiira ara burabeti ae maiu ngkai. Kakoaua bwa a na kakabwaiaaki ataei ngkana a toua mwiin te burabeti ae maiu ngkai.
Te Wareware n te Mweenga ae Katautauaki	Tuangia ataei bwa a na reiakina 1 Nibwaai 2 ni mweengaia bwa manga rinanoan te reirei aei. Kaoa te ataei temanna bwa e na kaira te tatara ni kainiin.

Anaakin Buatua Aika Buraati

Te Kaantaninga Bwa a na buokaki ataei bwa aonga n ataia bwa te Tama are i Karawa E buokiia te koraki ake a mwiokoia ao a ongotaeka nakon ana tua nako.

Te Katauraoi

1. Tataro mwaaka n reiakina te 1 Nibwaai 3–5. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te Kakarabakau ao Mwakuri ibukin karakaan te atatai are e na katabeia ataei man rang ni buokiia bwa aonga ni karekea te bwai are e kaantaningaaki man te reirei.
3. Ngkana e riai, ao katauraoa katotongan te kibu n taeka ae “N na nako ni karaoi baike e tua te Uea” (1 Nibwaai 3:7) i bukiia ataei n tatabemaniia nako ma arana i aona bwa te mwaane ke te aine (noora te bwai ni katoto n tokin te reirei).
4. Bwainreirei aika kainnanoaki:
 - a. Ana Boki Moomon i bukiia ataei n tatabemaniia nako.
 - b. Beeban te rongorongo ae a tia n rairaki n tokin te reirei (ma rairana ae rabunaki ni karabaaki). E kona te baei ni koreaki i aon te beeба ke i aon te burakibooti.
 - c. Tamnei 4–6, tamneia Natin Riaai ngke angan Raabwan Kaubwaia; 4–7, tamnein te Anera ngke e Tukiia Reiman ao Remuera; ao 4–8 tamnein Nibwaai ngke e aoki nakon Riaai ma Buatua Buraati

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.

Katea te rongorongo ae karabaaki (ma rairana ae rabunaki ni karabaaki), titiraki ngkana iai ae konaa ni warekia. Kabwarabwaraa bwa ana tua tabeua te Tama are i Karawa tao a na kona n taraa ni kangaanga te ongotaeka nako iai, ao ai aron naba te rongorongo ae kangaanga warekana. Ma ti kona ni wareka te rongorongo ngkana ti buokaki. Ao ai arona naba bwa man ana i buobuoki te Tama are i Karawa ao ti na kona iai n ongotaeka nakon tuua nako.

- Baikara bwaai tabeua ae a tia n tua Tama are i Karawa bwa ti na karoia?
- E na kangaa Tama are i Karawa ni buokiira bwa ti na kawakin ana tua nako?

Kabwarabwaraa bwa e na buokiira Tama are i Karawa ngkana iai ara onimaki ao mwiokoana i roura. Kabwarabwaraa bwa n te reirei aei ao a na konaa ataei n reireiniia aron Tama are i Karawa ni buokiia natin Riaai n ongotaeka nakon ana tua are e kuri ni kanganga n te moan tai i bukiia ni kakoroa bukina.

Rongorongo man Taeka aika Tabu	Kamanenai tamnei ake a baireaki ibukin te anga reirei i aon te 1 Nibwaai 3–5 ibukin okiia Nibwaai ma tarina nako lerutarem n anai buatua buraati. (Ibukin kawai n anga reirei aika a tia ni baireaki ibukin reireiakinan taeka aika tabu, noora te “Te anga Reirei man Taeka aika Tabu,” iteraniba vii.) Buokiia ataei bwa e na oota irouia bwa a kona ni karekea te ibuobuoki ni kawakin tuua, n ai aron Nibwaai, ngkana iai aia onimaki.
Kamanenaan Titiraki n te Kakarabakauuu	Kamatenanoi titiraki aikai ao kiibu ma n taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n ootaraoi n taeka aika tabu ao ni kamanenai reirei i nanon maiuia. Warekan kiibu ma ataei n te kiraati, e na konaa ni buokiia nakon karekean aia atatai n taeka aika tabu.
	<ul style="list-style-type: none"> • Tera are tuanga Riaai te Tama are i Karawa n te mii? (1 Nibwaai 3:2–4.) Bukin tera ngkai a kainanoi buatua buraati ana utuu Riaai? (1 Nibwaai 3:19–21.) E na kangaa te buatua te buratti n riki bwa te kakabwaia nakoia ana baktibu nako Riaai? (1 Nibwaai 5:21–22.) • Tera ae karaoia Reiman ma Remuera ngke a tuangaki bwa na nako n oki nako lerutarem n anai taian buatua buratti? (1 Nibwaai 3:5, 28, 31.) • Tera ae karaoia Nibwaai ngke e tuangaki bwa e nako n anai taian buatua (1 Nibwaai 3:5–7, 15, 21.) Bukin tera ngkai e kukurei nanon Nibwaai ni karaoa te bwai are e tangiria te Uea bwa e na karaoia? E kangaa n ataia bwa e na buokia te Uea n anganna taian buatua?
	<p>Tarai taeka aika a karabaaki nanoia, ao anganiiataei aia tai ni kakaei nanon taeka aika a karabaaki nanoia ni bootaki. Kakarabakauakin nanon baika a taekinaki n 1 Nibwaai 3:7.</p> <ul style="list-style-type: none"> • Antai are buoka Nibwaai ni karekea nakoina taian buatua (1 Nibwaai 4:6). Ti kangaa ni kona ni kororaoi ni karekea ana buoka ao ana kairiiri te Tamnei ae e Raoiroi? • Bukin tera ngkai e kangaanga n tabetai te ongotaeka nakon tuua? (1 Nibwaai 7:12.) • Ti na kangaa n reireiniira n toua mwiin lesu, n aron are e a tia ni karaoia Nibwaai?

Mwakuri ibukin Karakaan te Atatai

- Ko konaa ni kamanenaa teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.
1. Buokiia ataei bwa a na kamatenanoa te 1 Nibwaai 3:7 Tuangiia bwa a na mwakena te kibu aei i nanon Ana Boki Moomon are e mena irouia.
 2. Kamatenanoa ao kakarabakauakina te katenuua ni kibu n Taekan te Onimaki n te kiraati. Kabatia taekinana bwa ti riai n ongotaeka nakon ana tua nako Tama are i Karawa ao e na kakabwaiaira ngkana ti karaoia.
 3. Tuangiia ataei tabeman bwa a na kabanea te mwakoro n taeka, “I kaota onimakin Tama are i Karawa ao lesu Kristo ngke I _____.”

4. Anenei ke wareki nakon “Nephi’s Courage” (*Children’s Songbook*, iteraniba 120) ke “Keep the Commandments” (*Children’s Songbook* iteraniba 146).
5. Katei tamnei tabeua ke bwaai tabeua, n aron aikai, ake e na kauringiira ni bwaai ake e a tia Tama are i Karawa n tuangiira bwa ti na karoia (a karinanaki nambwan taian tamnei n te tabo ni boki n te auti n taromauri. Kakarabakaui taian tua ma kakabwaia aika a na reke ma iai.

Tataro (62217)

Karaoa te Mwakuri ni Mitinare (62611)

Karaoa ae raoiroi nakoia aomata ni kabane ma te akoi ao te karinerine (62316)

Riin n te Tembora (62559)

Kana te Toa (62021)

Kabwakaa am Kabwiia ni Bwai (kaota te tinaniku ni kabwiia ni bwai)

Wareware n Taeka aika a Tabu (62373)

Maiuakina Tuan te Mauri (kaoti tamnein amwarake aika a riai ao mwakuri ni kamarurung)

Karaoa Bootakin te Utuu n te taairiki (62521)

Kabaneana

Te Kaoti Koau

Kaota am koaua bwa te Tama are i Karawa e na buokiira n ongotaeka nakon ana tua. Tao ko na tangiria ni kan taekina te bawai ae e a tia n riki nakoim ngke ko kammwakura am onimaki ni kawakina te tua, n aron kawakinan te bong ae te Tabati bwa e na tabu ke n akoi nakoia tabeman, ao taekinna bwa ko kangaa ni kakabwaiaaki.

Ngkana arona bwa e riai, anganlia ataei kaobiin te taeka ae “N na nako ni karoai baike e tua te Uea” (1 Nibwaai 3:7). Koroi araia ataei i aon aia kaobi ao kaungai nanoia bwa a na karikia bwa aia berita, naba.

Te Wareware n te

Mweenga ae

Katautauaki

Tuangiia ataei bwa a na reiakina 1 Nibwaai 3:1–8, 4 ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.

35 35 19 35 19 8 7 35 75

8 19 50 19 7 75 42 19 75 8 1 1

5 88 19 5 1 88 1 19

RAIRAN TAEKA NI KARABA: 35=N 8=K 7=O 19=A 42=B

5=T 75=I 1=E 50=R 88=U



Te Kaantaninga	Bwa a na kakorakoraaki aia kaantaninga ataei n tatabemaniia nako bwa a na ongotaeka nakon ana taeka te Atua ni kororaoi nakon te maiu are akea tokina.
Te Katauraoi	<ol style="list-style-type: none"> 1. Tataro mwaaka n reiakina te 1 Nibwaai 8, 11, ao 15:21–36. I mwiina ao reiakina te reirei ao iangoia bwa ko na kanga n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei n Taeka aika Tabu,” iteraniba vii.) 2. Rinei Titiraki ibukin te Kakarabakau ao Mwakuri ibukin karakaan te atatai are e na katabeia ataei man rang ni buokiia bwa aonga ni karekea te bwai are e kaaantaningaaki man te reirei. 3. Ngkana arona bwa e riai, katauraoa katotongan te kai ni kamaiu ma aran mwakoro nako are a na taraia ataei n tatabemaniia nako (taraa te katooto n tokin te reirei). 4. Bwainreirei aika a Kainnanoaki: <ol style="list-style-type: none"> a. Ana Boki Moomon ibukiia ataei n tatabemaniia nako. b. Te roobu, te tuain, te kora tao tebwi ma nimaua te buuti (nimaua te miita) abwakina, bwaini kabaeen te mata; ao uoua taian kaate n taeka, teuana te kaatibooti n Ara ibukin te te “bungiaki” ao kaatibooti n Ara riki tabeua riki ibukin te maiu are e aki toki. c. Te Kanikina ibukin te Kai ni Kamaiu ao te tiaata ma nanon taian kanikina, ma nanoia aika rabunaki ni karabaaki n te beeба ae raereke. d. Tamnei 4–9, lesu te Kristo (Ataakin te Euangkerio 240; 62572); 4–10, Bungiakin lesu (Ataakin te Euangkerio 200; 62116); 4–11, Te Tiringaki i aon te Kaibangaki (Ataakin te Euangkerio 230; 62505); 4–12, Miin Riaai ibukin te Kai ni Kamaiu (62620); 4–13, Te Kai ni Kamaiu ao te Oko te Biti; ao 4–14, E Ana Uaan te Kai ni Kamaiu.
Aron Kairan te Reirei ae Katautauaki	<p>Mwakuri ni Kakukurei ibukin Kairan te Kakauongo</p> <p>Kaoa te ataei temanna bwa e na kaira te tataro ni kakuuki.</p> <p>Kateia uoman ataei i mataia ataei n te kiraati, ke e tei temanna n iteran te ruu ao temanna n iterana are teuana. Tuanga te moa n ataei bwa e na taua te kaate ae koreaki i aona te buangiaki, ao tuanga te kauoman n ataei bwa e na taua te kaate ae koreaki i aona te maiu ae akea tokina. Kabaea matan te ataei are te kateniman. I mwiin minominotan te ataei anne i nanon tabeua te tai, nooria ngkana e kona n nakonako mai roun te moa n ataei nakon te kauoman n akea</p>

ae buokia. I mwiina tuangiia ataei ake uoman bwa a na katika te roobu ke te kora i marenaia temanna i tabona ao temanna itabona. Tuanga te ataei are e kabaeaki matana bwa e na kataia riki ni mwananga mai roun te moa n ataei nakon te kauoman n ataei, n te tai aei e a taua te roobu. Kakarabakauakinna bwa bukin tera ngkai e bebete riki n te kauoua n tai nakon te moa n tai. Kabwarabwaraa bwa ngkai ti maiu i aon te aonnaaba ao ti bane ni kataia bwa ti na okira Tama are i Karawa. E a tia n anganiira te bwai ae ti na taua n te aro are ti kona n ataa iai kawaira n oki nakoina.

- Tera te bwai are e a tia n anganiira Tama are i Karawa are e na kairiira nako matana? (Booki aika Tabu, burabeti, te Tamnei ae Raoiroi.)

Kaota tamnein lesu Kristo, ao tuangiia ataei bwa te reirei aei e kona ni kabwarabwara bwa e na kangaa ana reirei Kristo ni konaa ni buokiira ni kaokiira nako matan Tama are i Karawa.

Rongorongo man
Taeka aika Tabu

Kaboonganai tamnei ake a baireaki ao Ana Boki Moomon, n reiakina karakinan Riaai man te 1 Nibwaai 8 ao kabwaraan nanon te mii man te 1 Nibwaai 11 ao 15:21–36. (Ibukin kawai n anga reirei aika a tia ni baireaki ibukin “Te Anga Reirei man Taeka aika Tabu,” iteraniba vii.) Kabwarabwaraa bwa n taeka aika tabu a kaboonganaka iai taiani kanikinaa. N aron ae tataneiai te aba iai bwa te kanikina aei bon te bwai ae rangi n ataaki are e tei n onea mwiin te tua ke te reirei. N aron te katoto aei, bwa te tiibu te teei e kona n tei bwa kanikinaean te itiaki, mangaia are lesu Kristo E atongaki bwa ana tiibu te teei te Atua. Kabwarabwaraa bwa a na konaa ataei n reireinaki n te reirei aei n aron taian kanikina ma nanoia ake e noori Riaai n te mii.

Kamanenaan
Titiraki n te
Kakarabakau


Reiakin titiraki aikai ao kiibu ma n taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te kiraati, e na konaa ni buokiia nakon karekean aia atatai n taeka aika tabu.

- Bukin tera ngkai e tangiriia ana utuu Riaai bwa na kana uaan te kai ni kamaiu? (1 Nibwaai 8:10–12.) Tera ae tangiria Tama are i Karawa ibukiia natina ni kabane?
- Bukin tera ngkai ko taku bwa tabeman natin Riaai ake mwaane a kana uaan te kai ao ake tabeman a aki? (1 Nibwaai 8:13–17.) Tera bukin te bwai ae ti aki ongotaeka iai n taai nako nakon ana tua nako Tama are i Karawa?
- Tera nanon taiani kanikina i nanon miin Riaai? Kaoti kanikinaa ibukin te kai ni kamaiu ao te tiaata are e kaoti nanon kanikanaa, kanakoa rabunan nanon te kanikinaa are e maroroakinaki.

Kanikinaa:	Nanoia:
1. Te kai (1 Nibwaai 8:10)	1. E tangiriia aomata n te aro are E anga Natina ae te riki temanna iai (1 Nibwaai 11:21–22; Ioane 3:16)
2. Te Uaa (1 Nibwaai 8:11)	2. Te maiu ae akea tokina (1 Nibwaai 15:36; T&B 14:7)
3. Te oko te biti (1 Nibwaai 8:19)	3. Ana Taeka te Atua (1 Nibwaai 15:23–24)
4. Mabubu n rootongitong (1 Nibwaai 8:23)	4. Ana Kariirii te riaboro (1 Nibwaai 12:17)
5. Te auti ae bubura ma ni mwawaawa nanona (1 Nibwaai 8:26–27)	5. Te kainikatonga n te aonnaaba (1 Nibwaai 11:36)

- Ngke e tuanga te anera Nibwaai bwa e na kaota nanon te kai, e noora te kaotioti ibukin buangikin ao ana mwakuri te Tia Kamaiu. E kangaa bungiakin lesu Kristo ma a na mwakuri ni kaota ana tangira te Atua ae korakora i bukira?
- Tera ae e tei te uaa ibukina? (Ana bwaintangira ae te maiu ae akea tokina. E nooria Nibwaai bwa ibukin ana tangira lesu Kristo ibukira ao e na tiringaki i aon te kaibangaki ibukin ara bure bwa ti aonga n rairi nanora ma ni karekea te maiu ae akea tokina. Kabwarabwaraa bwa te maiu ae akea tokina bon te maeka ma te Tama are i Karawa n aroia utuu i nanon te Aba n Uea ae Tireio. Tera ae ti na karaoia bwa ti aonga ni kona ni karekea te maiu ae akea tokina?)
- Tera te bwai ae tei te oko te biti ibukina? (Ana taeka te Atua.) E na kangaa wawarekan Ana Boki Moomon ni konaa ni buokiira ni kaetiira i aon kawaira n okira Tama are i Karawa? (1 Nibwaai 15:24.) E kangaa n tia ni kakabwaiako warekan Ana Boki Moomon?
- Tera te bwai ae e tei te mabubu n rootongitong ibukina? (Ana kariiri te riaboro, are e konaa ni kaminoi ara iango ma ni kariirira nakon te tabo ae kaairua.) Baikara kawai aika e kaririira iai tatan bwa ti aonga ni kitana iai te kawai ae eeti man irariki? Tera te bwai ae ti kona ni karaoia n eekaanako ana kariiri? Bukin tera bwa ti na kukurei riki ngkana ti teimatoa n tiku i aon te kawai ae eeti ma n irariki?
- Tera te bwai ae e tei te auti ae bubura ma ni mwawaawa ibukina? (Ana kainikatonga te aonnaaba.) Baikara kawai aika ko a tia ni ngareakinaki iai ibukina ngkai ko kataia ni karaoa ae eeti? Antai ae kairi aia iango aomata aika a ngareakiniiira?

Ngkana arona bwa e riai, ao anganiia ataei n tatabemaniia nako tamnein miin Riaai ae kanimwaki i aon te kaate bwa a na uoti nakon mwengaia. Kariaia ataei bwa a na rinea are a bon taku are a na karaoia n te wiiki ae e na roko n te aro are e na buokia n taua te oko te biti. (A kona n rin n reeke te wareware man Ana Boki Moomon ni katoa bong, te ongotaeka nakoia kaaro, te tataro, te kokoaua, rineakiia rao aika raoiroi, rineakin te bwai ni kakukurei ae raoiroi ao bwaai riki tabeua.)



1 Te kai.
(1 Nibwaai 8:10)

E tangiriia aomata
te Atua n te aro are
E anga Natina ae
te riki temanna iai.
(1 Nibwaai 11:21-22;
Ioane 3:16)

2 Te uaa ni kai.
(1 Nibwaai 8:11)

Te Maiu ae akea
tokina. (1 Nibwaai
15:36; T&B 14:7)

3 Te oko te biti.
(1 Nibwaai 8:19)

Ana taeka te Atua.
(1 Nibwaai 15:
23-24)

4 Mabubu n
Rootongitong.
(1 Nibwaai 8:23)

Ana kariiri
te riaboro.
(1 Nibwaai 12:17)

5 Te auti ae bubura
ma ni mwawaawa
nanona.
(1 Nibwaai 8:26-27)

Ana Kainikatonga
te aonaaba.
(1 Nibwaai 11:36)

Mwakuri ibukin Karakaan te Atatai

Ko konaa ni kamanenaa teuana ke e raka riki man taian mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Takakaro ni Katoatoaan bwaai aika ti te arona. Kabonganaa te rongorongo ae reke ma ni kanikina ma nanoia n te tiaata ma n te kai ni kamaiu, koroi kanikina n tatabeua nako ni miin Riaai ma nanon te kanikina teuana ma teuana i aon te kaate ae okoro ae 3" X 5" abwakina. Kamanenai onoua riki te 3" x 5" kaate ni kakoroi tenua te tiete n tamnei ke kanikina ake a na katoatoaaki, n aron te mata ae matangare, itoi, ao naano. Kabobooi taian kaate, ao kabarakii n aua te rinan i aontano ke iaon te taibora. Kariaia ataei bwa a waerake nako moa temanna i mwiin temanna ao a na rairii uoua taiani kaate. Warekia ni kabaibati bwa tera are e taekinaki n te kaate teuana. Ngkana a toa raoi kaate, ao katukui ni katararakei. E na toki te takakaro ngkana a tararake taian kaate ni kabane.
 2. Buokiia ataei bwa a na kamatenikunaa 1 Nibwaai 15:23–24.
 3. Anenei ke wareki taekan te anene ae “He Sent His Son” (*Children’s Songbook*, iteraniba 34), “I Will Follow God’s Plan” (*Children’s Songbook*, iteraniba 164), “Ngai Natin Te Atua” (*Anene n Taromauri ma Aia Anene Ataei*, iteraniba 54), ke “The Iron Rod (*Hymns*, nambwa 274).
-

Kabaneana

Te Kaoti Koau	Kaota am koaua bwa man te ongotaeka n tuua ti konaa iai n oki ni maeka ma Tama are i Karawa.
Te Wareware n te Mweenga ae Katautauaki	Tuangia ataei bwa a na reiakina 1 Nibwaai 8:5–34 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin.

A Kairaki Riaai ma ana Utuu Rinanon te Rereua

Reirei
5

Te Kaantaninga Bwa ti na buokiia ataei bwa a na ataia bwa ngkana a kabane korakoraia ni mwakuri ma n onimakina te Tama are i Karawa, ao e na bon kairiia.

-
- Te Katauraoi**
1. Reiakina te 1 Nibwaai 16, Aramwa 37:38–46, ao Taeka n Rabakau 3:5–6, ma te tataro. I mwiina ao reiakina te reirei ma n iangoia bwa ko na kanga n reireiniiataei karaki man taeka aika tabu. (Taraa “Katauraaoan Am Reirei” iteraniba vi, ao “Te anga Reirei man Taeka aika Tabu,” iteraniba vii.)
 2. Rinei Titiraki ibukin te kakarabakau ao mwakuri ibukin karakaan te ataa are e na katabeia ataei man rang ni buokiia bwa aonga ni karekea te bwai are e kaantaningaaki man te reirei.
 3. I mwain waakinan te anga reirei, kataia ni karaoa moa te mwakuri ni kakukurei ni kaira te kakauongo n te aro are ko a aonga n ataa aron karaoana.
 4. Bwainreirei aika a kainnanoaki:
 - a. Ana Boki Moomon i bukiia ataei n tatabemaniia nako.
 - b. Te Bwaibwara i bukiia ataei n tatabeman nako.
 - c. Te 20 ni inti (50 c.m) te mwakoro ni kora i bukiia ataei n tatabemaniia nako.
 - d. Tamnei 4–15, Te Riaona (Ataakin te Euangkerio 302; 62041), ao Tamnei 4–16, Nibwaai ao ana Kai ni Katebe ae Uruaki.

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Anganiia ataei te kora ae 20 te inti ke (50 cm) abwakina. Tuangiia bwa a na taua tabona are teuana ni baia te angatai ao tabona are teuana n angamaingiia. Tuangiia bwa a na kabaea te timoi n te kora n aki kanakoa taboia ake a tauii. Ngkana e aki tau mwaitin te kora kariaia te ataei temanna bwa e na karaoa te mwakuri ni kakukurei i mataia ataei.

- E taraa n rangi ni kanganga te mwakuri aei ke e aki riai ni karaoaki?

Kariaia ataei bwa a na kataia n riki ni kabaea te timoi, ma n te tai aei kariaia bwa a na rukum baia ao ni kariaia bwa a na taua tabon te kora are teuana ni baia te angatai ao are teuana ni baia te angamaing. Tuangiia bwa a na tau tabon baia ngkai a aki rukum baia. E bae te timoi n aia kora. I kotii koora mairouia ataei. Ao kaotia bwa a tibwa konaa ni kabaea te timoi ataei ngke ko tia ni kaota aroni karaoana nakoia. Tuangiia ataei bwa ai bon ti te arona naba bwa ti bane ni kataaki i nanoni maiura ni mwakuri aika taraa n aki konaa ni karaoaki i roura. Ngkana ti karaoa ara kabanea ni konaa ma ni kaaki ara mwioko i roun Tama are i Karawa, e na konaa ni buokiira bwa ti aonga ni konaa ni kunea te reke.

Rongorongo man Taeka aika Tabu	Kamanenai taian tamnei n taai aika bon riai, reireiniia karakinan ana utuu Riaai n aron kairaia n te Riaona ao ana kainikatebe Nibwaai are e uruaki man 1 Nibwaai 16:17–32. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te Anga Reirei man Taeka aika Tabu”, iteraniba vii.) Kaungai nanoia ataei bwa a na karaoa aia kabanea n raoiroi ma ni mwiokoa te Tia Kamaia n te bwai n aki akaaka ae riki bwa tera.
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te kiraati, e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • E kangaa Riaai ni kakabwaiaaki ibukin ana onimaki ao ana ongotaeka ngke e mananga i nanon te rereua? (1 Nibwaai 16:10.) • Tera ae a karaoia Taman Nibwaai ma tarina ngke e uruaki ana kainikatebe Nibwaai? (1 Nibwaai 16:17–21.) Bukin tera ngkai e bebete te ngurengure ke te tangitang ngkana a aki waakinaki bwaai n aron arona are ko tangiria? • E ngae ngke e a kua ke ni baki Nibwaai, ma e aki tangitang. Tera te bwai are e karaoia ni buoka katokan te kanganga? (1 Nibwaai 16:22–32.) • Bukin tera ngkai e bubutiiia tamana ibukin te ibuobuoki? (1 Nibwaai 16:23–24.) E kanga am karo ni buokiko ngkana iai am kanganga? • Ko na kangaa riki n ai aron Nibwaai bwa te katoto ae raoiroi ngkoe nakoia am karo ao tarim ma manem nako? • E kanga ni mwakuri te Riaona (booro te buraati)? (1 Nibwaai 16:26–30.) • Tera te bwai ae e a tia te Tama are i Karawa n anganiira are e na kaota te kawai n oki nakolina? (Aramwa 37:44–45.) E ngaa te tabo ae ti na konaa iai ni kunea ana taeka Kristo? (Taeka aika tabu ke Booki aika Tabu.) Tera ae ti riai ni karaoia bwa ti aonga ni kona ni karekeana taeka te Kristo bwa e aonga ni kai riira? (Aramwa 37:46) • Tera ae ti riai ni karaoia ngkana ti tangira te buoka mai roun Tama are i Karawa? • Tera ae na karaoia Tama are i Karawa ngkana iai onimakinana ao mwiokoana i roura? (Taeka n Rabakau 3:5–6.) Ko na kangaa ni kaota mwiokoan Tama are i Karawa i roun? tera bukina ngkai ko taku bwa Tama are i Karawa e tangiriira bwa ti na mwiokoia ma ni karaoi bwaai ni kabane aika ti konai ni karaoi.

Mwakuri ibukin Karakaan te Atatai

Ko konaa ni kamanenaa teuana ke e raka riki man taian mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Kariaia ataei bwa a na manga karakina karakinan uruakin ana kainikatebe Nibwaai. Kariaia bwa antai mairouia kain ana utuu Riaai ae a kani katotoongnga ngkana a kaitara ma te kangaanga.

2. Kariaia ataei bwa a na karaoa aia kaotioti ibukin te kainikatebe ae e uruaki. I mwiina ao a na kaota aia kaotioti bwa tera te bwai ae ria n tia n riki ngke arona bwa a tia Reiman ma Remuera ni mwiokoa te Uea.
3. Titirakinia ataei bwa tera te moan tua n te euangkerio. Kabatia taekinana bwa a riai n iai aia onimaki i roun lesu Kristo. Buokiia bwa a na kamatenanoa te kaaua ni kibu n taekan te onimaki.
4. Manga rinanoa karakinan Nibwaai ngke a reke i rouna buatua buraaati n aron are e koreaki n 1 Nibwaai 3–5. Kabotaua bwa tera ae karaoia Nibwaai ma te bwai are e karaoia ngke e uruaki ana kainikatebe. Buokiia ataei bwa a na ataia bwa uoua te tai are e karaoa iai ana kabanea ni konaa ao e mwiokoa Tama are i Karawa bwa e na bon buokia.
5. Anenei ke wareki taekan te anene ae te “Faith” (*Children’s Songbook*, iteraniba 96) ke “Seek the Lord Early” (*Children’s Songbook*, iteraniba 108).

Kabaneana

Te Kaoti Koau	Tuangia ataei te tai are ko mwiokoa iai te Tama are i Karawa bwa e na buoka kabobongaan te bwai ae kangaanga. Kaota am koaua ibukin boonganan karaoan ara kabanea ni konaa ao i mwiina ti mwiokoa Tama are i Karawa. Anganiia aia mwakuri ataei bwa a na iangoa Nibwaai i nanon te wiiki ae e na roko ao ni kataia ni katotoonga arona ngkana e boo ma taian kangaanga.
Te Wareware n te Mweenga ae Katautauaki	Tuangia ataei bwa a na reiakina 1 Nibwaai 16:18–32 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin.

E tuangaki Nibwaai i roun Tama are i Karawa bwa e na Kabaa te Kaibuke

Te Kaantaninga

Bwa a na buokaki ataei ni kan riki bwa katootoo aika raoiroi ao ma ni karekea te tamanei n anainano nakoia kain aia a utuu ma n ongotaeka nakon ana tua nako Tama are i Karawa.

Te Katauraoi

1. Reiakina te 1 Nibwaai 17 ma te tataro. I mwiina ao reiakina te reirei ao iangoia bwa ko na kangaa n reireiniia ataei karaki ma n taeka aika tabu. (Taraa “Katauraoan am Reirei,” iteraniba vi, ao te “Anga Reirei ma n Taeka aika Tabu,” iteraniba vii.)
2. Rinei titiraki ibukin te kakarabakau ao Mwakuri ibukin karakaan te atatai are e na katabeia ataei man rang ni buokiia bwa aonga ni karekea te bwai are e kaantaningaaki man te reirei.
3. Bwainreirei aika kainnanoaki:
 - a. Ana Boki Moomon i bukiia ataei n tatabemaniia nako.
 - b. Te bentira ao te mwakoro ni beebea i bukiia ataei n tatabemaniia nako.
 - c. Tamnei 4–17, E kaburoa te biti Nibwaai ma ni karaoi bwai ni mwakuri mai iai, ao Tamnei 4–18, E Boaia Tarina Nibwaai (Ataakin te Euangkerio 303; 62044).

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Kaoa temanna kain te reirei bwa e na manga kauringa te karaki ma n te reirei n te wiiki are e nako i aoni karakinan uruakin ana kainikatebe Nibwaai ao e kangaa ni Nibwaai ni karekea te amwarake i bukiia kain ana utuu (taraa 1 Nibwaai 16:17–32).

Kaota tamnein te kaibuke, ke anganii ataei te mwakoro ni beebea ao te bentira n tatabeniiia nako ao tuangiia bwa a na korea tamnein te kaibuke n te tai ae waetata. I mwiina ao titirakinia man tabeua titiraki aikai.

- Baikara bwaai aika ko na tangirii ni kabaan te kaibuke ae bubura ma ni korakora ni konaa n uotiko ma am utuu riaoni marawa?
- Te aeka n ibuobuoki raa ae ko na kainnanoia?
- Ko na nako n reireiniko iaa aron kabaan te kaibuke?

Kabwarabwaraa nakoia ataei bwa a na reireinaki bwa e kangaa te Tama are i Karawa ni buoka Nibwaai ni kabaa te kaibuke.

Rongorongo man
Taeka aika Tabu

Anga reirei ma n 1 Nibwaai 17 i aon karakinan Nibwaai ma tarina ngke a katauraoi nakon kabaan te kaibuke. (Ibukin kawai n anga reirei aika a tia ni

Kamanenaan
Titiraki n te
Kakarabakau

baireaki i aoni karaki man taeka aika tabu, taraa te “Anga Reirei ma n Taeka aika Tabu,” iteraniba vii.) Kamanenai taamnei n te tai ae bon riai. Ko kona ni kariaia ataei bwa a na kinaia aomata i nanon taian tamnei n tatabeua

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei inanoni maiuiia. Warekan kiibu ma ataei n te kiraati, e na konaa ni buokiia nakon karekean aia atatai n taeka aika tabu.

- Tera ae e berita iai te Uea [nakoir] ngkana ti ongotaeka nakon ana tua? (1 Nibwaai 17:3.) Kam kangaa ngkoe ma kain am utuu n tia ni kakabwaiaaki ibukin ami ongotaeka?
- Bukin tera ngkai e tuanga Nibwaai te Uea bwa e na kabaa te kaibuke? (1 Nibwaai 17:8.) E kangaa Nibwaai ni kaeka nakon te kaetieti aei? (1 Nibwaai 17:9.) Tera te bwai ae angan Nibwaai te konabwai ae korakora aei? (1 Nibwaai 17:14–15.)
- Bukin tera ngkai ko taku bwa e aki ti anganii te kaibuke te Uea?
- Bukin tera ngkai aki kan buoka Nibwaai Reiman ao Remuera ni kabaa te kaaibuke? (1 Nibwaai 17:17–19, 45–46.) E na kanga te bootaki ni mwakuri ni kabebetea kabaan te kaibuke?
- E kangaa aron am namakin ngkana a ngareakiniko tarim ake a ikawai riki ibukina bwa ko kawakin ana tua te Tama are i Karawa? Ko kangaa ni konaa ni buokiia am utuu? E kangaa aron am namakin ngkana ko a tia ni buokiia am utuu ke ngkana ko aki buokiia am utuu?
- Tera te mwaaka are e anga te Tama are i Karawa nakon Nibwaai bwa e na karaoria ngke a kataia ni kamatea tarina? (1 Nibwaai 17:48, 54.)
- E kangaa Nibwaai ni kaota ana onimaki i nanon lesu Kristo (1 Nibwaai 17:50–51.) Ko na kangaa ni katotoonga Nibwaai ma ni kaota te ninikoria ao te onimaki i nanon lesu Kristo?

Mwakuri ibukin Karakaan te Atatai

Ko konaa ni kamanenaa teuana ke e raka riki man taian mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Tibwatibwaia ataein te kiraati i nanon uoua te kurubu. Tuangiia bwa a na kakauongo bwa tera ae e berita iai te Uea ngkana ti ongotaeka, ngkai a tabe kain te kurubu teuana ni wareka 1 Nibwaai 17:3 ni bootaki ao i mwiina kain te kurubu are teuana a na wareka 1 Nibwaai 3:7 ni bootaki. Buokiia ataei bwa a na ataia bwa a na kakabwaiaaki ngkana a kawakin tuua ma ni bubutia te Tama are i Karawa ibukin ana kairiiri.
2. Buokiia ataei bwa a na kamatenanoa 1 Nibwaai 17:3, are e moanaki man “Ao ngkana arona” ao man toki n are e kangai “ake e a tia n tuangiia.” A konaa naba ni kamatenanoa te 1 Nibwaai 17:50: “I konai ni karaoi bwaai ni kabane ngkana e tuangai te Atua bwa N na karaoi.
3. Katokaa te kaatiibu ae iai matana i aon te taibora, ao tuanga te ataei

temanna bwa e na kataia ni kauka matan te kaatiibu ni baina teaina. (Tuanga te ataei bwa e na kaaki baina are teaina i akuuna.) I mwiin kataakina i rouna i nanon tabeua te tai, tuanga temanna riki te ataei bwa e na buokia ni kamanenaa ti baina teaina. Kabwarabwara bwa a kona ni bebete riki karaoan te mwakuri ngkana ti bootaki ni mwakuri. Kakarabakaui kaantaninga tabeua ibukin te utuu, n ai aron kakaraoan bootakin te utuu n te tairiki, te tatato n utuu ao reirein te utuu n taeka aika tabu, ao titirakiniiia bwa a na kangaa ataei ni konaa ni buoka te utuu ni karekei ke kakoroi bukin kaantininga aikai.

4. Tibwatibwai beeба ma bentira, ao titirakiniiia ataein te kiraati bwa a na koroi bwaai aika a kona ni karaoi ni buoka iai aia utuu n reirei n taekan te Euangkerio ao ni kawakin tuua, n aron kaungaan te reirei n taeka aika tabu ni katoa bong, kukurein te nano n iira te tatato n utuu, ti ibuobuoki nakon bairean ao irakin bootakin te utuu n te tairiki, te ongotaeka nakoia aia karo, te i buobuoki ni kawakina mwengaia bwa e na taraa raoi ma n itiaki, tatato i bukiia kain te utuu, kaota te tangira ao te akoi nakon temanna ma temanna, tibwauaia ma ngaia bwa tera ae a tia n reirei iai n te moanrinan ao bwaai riki tabeua. Kariaia bwa a na rinea te bwai teuana ae a tangiria ni kan mwakuri i aona ni katamaroa i nanon te wiiki ae e na roko.
5. Koroia i aon te burakibooti te bwai ae a boraoi iai Riaai ma ana utuu ao Tibun Iteraera ngke a tiotio nako i nanon te rereua (taraa 1 Nibwaai 17:22–46). Titirakiniiia ataei bwa tera ae ti konaa n reireira iai man baika a tia n riki aikai.
6. Anenei ke warekii taekan te anene ae kangai “Nephi’s Courage” (*Children’s Songbook*, iteraniba 120), “Keep the Commandments” (*Children’s Songbook*, iteraniba 146), ke Rinea te “Choose the Right Way” (*Children’s Songbook*, iteraniba 160).

Kabaneana

Te Kaoti Koau	Kakoauaa bwa a kona ataei ni karaoi katoto aika raoiroi i nanon ana utuu. Taekinna nakoia bwa ti konaa ni kakabwaiaaki ngaira ma kain ara utuu ngkana kawakin tuua nako.
Te Wareware n te Mweenga ae Katautauaki	Tuangiia ataei bwa a na reiakina 1 Nibwaai 17:3–22, 45–55 ni mweengaia bwa manga kauringan te reirei aei. Kaoa te ataei temanna bwa e na kaira te tatato ni kainiin.

Te Borau Rinanoni Marawa

Reirei
7

Te Kaantaninga	Bwa a na buokaki ataei bwa a na tangira te itiaki ibukin ana iraorao te Tamnei ae Raoiroi.
Te Katauraoi	<ol style="list-style-type: none">Tataro mwaaka n reiakina 1 Nibwaai 18. I mwiina ao reiakina te reirei ao iangoia bwa ko na kangaa n reireiniia ataei rongorongo n taeka aika tabu (taraa “Katauraaoan Am Reirei” iteraniba vi, ao “Te anga Reirei n Taeka aika Tabu,” iteraniba vii.)Reitan te Wareware: <i>Ana Reirei te Euangkerio aika a Kakawaki</i>, [Numbwa 31110 ke PBIC0245] te Mwakoro 7Rinei titiraki ibukin te kakarabakau ao Mwakuri ibukin karakaan te atatai are e na katabeia ataei man rang ni buokiia bwa aonga ni karekea te bwai are e kaantaningaaki man te reirei.Bwainreirei aika kainnanoaki:<ol style="list-style-type: none">Ana Boki Moomon i bukiia ataei n tatabemaniia nako.Te mwakoro ni kunikai ibukin kabaean te mata.Tamnei 4–15, Te Riaona (Ataakin te Euangkerio 302; 62041); 4–19, E kabaeki Nibwaai; ao 4–20, A Roko n te Aba ni Berita Riaai ma ana Aomata (Ataakin te Euangkerio 304; 62045).
Aron Kairan te Reirei ae Katautauaki	<p>Mwakuri ni Kakukurei ibukin Kairan te Kakauongo</p> <p>Kaoa te ataei temanna bwa e na kaira te tataro ni kakuuki.</p> <p>Kabonganai kaintekateka ke bwaai riki tabeua ake a konaa n tuuka te kawai mai moa n te umwa n reirei. Tuangiaa ake a kan anga nanoia bwa a na kabaeki mataia. Minominota te ataei tabeua te tai; i mwiina ao kabwarabwaraa nakon te ataei are e kabaeki matana bwa e na kaira kawaina temanna te ataei ribuakon bwaai ake a na tuuka kawaina n te wirikiriki ke ni karaurau n taekin kawai ake e na toua. Manga kaoka te mwakuri ni kakukurei, n te tai aei tabeman ataei a na takaruaeae te kawai are e na toua n te aro are e na aki konaa te ataei are e kabaeki matana n rangi n iangoa te bwai are e tuangaki n te wirikiriki.</p> <p>Kaoa te ataei are e kabaeki matana bwa e na taekina te kaokoro n aron te bwaai ake a tia n riki nakoina ake ouua.</p> <ul style="list-style-type: none">• Antai te Tamnei ae Raoiroi? E kangaa ni buokiira? (<i>Tarai Ana Reirei te Euangkerio aika a Kakawaki</i> te Mwakoro 7 [Nambwa 31110 ke PBIC0245])• E kangaa aron te bwai ae a tia n riki nakoina ngke e a tia ni kairaki ribuakon bwaai ake a tuuka kawaina n ai aron te kakauongo nakon te Tamnei ae Raoiroi? <p>Baikara mwaaka aika buakaka ke “bwanaa aika karongoaa,” ni katobibiira aika a konaa ni kamangaoi ara iango ke ni kataia ni kairi kawaira nakon kawai aika a kairua?</p>

Rongorongo man Taeka aika Tabu	Reireiniia karakinan ana Utuu Riaai ngke a borau rinanoni marawa ma n te 1 Nibwaai 18. Kamanenai tamnei n te tai ae bon riai. (N aron kawai n anga reirei aika a tia n baireaki i aon rongorongan taeka aika tabu, taraa te “Te anga Reirei man Taeka aika Tabu,” iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu ma n taeka aika tabu ngkana ko katauraoa am reirei. Kamanenai titiraki aika ko taku bwa na rangi ni buokiia ataei n oota raoi n taeka aika tabu ao n kamanenai reirei i nanoni maiuia. Warekan kiibu ma ataein te kiraati, e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • E kangaa ni konaa ni kabaa te kaibuke Nibwaai are e konaa ni uotiaa ana utuu rinanoni marawa n akea te kabuanibwai i rouia? (1 Nibwaai 18:1-3.) • Tera te bwai ae a karaoria Reiman, Remuera ao natin Itimaera mwaane ma buuia are e a aki mwakuri iai te Riaona? (1 Nibwaai 18:9-12.) Tera te bwai ae e a tia Tama are i Karawa n anganiira kanga ai aron te Riaona? (bon te Tamnei ae Raoiroi.) Baikara bwaai tabeua aika konaa ni kabuui ana kairiiri te Tamnei ae Raoiroi nakoira? • E kanga aron aia aki ongotaeka Reiman ao Remuera n rotiia aia karo ao kaain te utuu ni kabane? (1 Nibwaai 18:12-19.) A kangaa ara ongotaeka ke ara aki ongotaeka n rootiia ara karo ma kain ara utuu ni kabane? • Tera ae karaoria Nibwaai ngke a karaoa ae buakaka nakoina tarina? 1 Nibwaai 18:16.) Bukin tera ngkai ko taku bwa e neboa te Uea Nibwaai n onea mwiin tangitangina ngke e taonaki n te rawawata? • N aaro raa aika ko na kona ni katotoonga riki iai Nibwaai? • Ni kawai baikara aika e na kona n roko iai i roura ana kairi te tamnei ae e Raoiroi? (E kona n roko kanga ai aron namakinan te rau ke te mweraoi, te iango are e kairi nanora nakon karaoran te rinerine ae eeti, te kaetieti n te wirikiriki, te namakin are e kauringko man te kangaanga, ao ai arona naba.) • Tuangiia ataei ake a tia n namakina ana kairi te Tamnei ae Raoiroi bwa a teirake ma n taekinna nakoia ataei. Tera te bwai ae ti na karaoria ni katauraoia bwa ti aonga n kona ni kinaa rokon te Tamnei ae Raoiroi i roura? • Baikara rinerine aika e karo Nibwaai bwa e aonga n tau nakon ana iraorao ma te Tamnei ae Raoiroi? (1 Nibwaai 18:3,10,16.) Baikara rinerine aika ko kakaraoi ni katoa bong bwa ko aonga n tau nakon am iraorao ma te Tamnei ae Raoiroi?

Mwakuri ibukin Karakaan te Atatai

Ko konaa ni kamanenaa teuana ke raka riki man taian mwakuri ibukin Karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Koroi taeka ke mwakoro ni kibu n taeka n ai aron te tataro, aia rinerine raoraom taeka aika ti kamanenai, te kaotitamnei n te terewitin, te burokuraem man te wirio, te katangitang, kaoti tamnei, te ongotaeka nakoia kaaro, Kawakinan tuua, te akoi nakoia taari mwaane ao aine, karineaia aomata tabeman, makuri ni ibuobuoki, ke mwakuri ni kakukurei aika a bon tau riki tabeua i aon te mwakoro ni beebe aika okoro. Kaaki taiani beebe i nanon te bwai teuana. Ngkana a anai beebe ataei n tatabemaniia nako, tuanga

neienne ke teuanne bwa e na warekia nakoia ataei ma n taekinna bwa e kanga te koroboki are e koreaki i aon te beebea n rooti ara konaa ni kariaia te Tamnei ae Rairoi bwa e na mena i nanoni maiura.

2. Manga kaokia ke aanga te moan ao te kaaua ni koroboki n Taekan te Koaua.
3. Kakarabakaua ma ataei bwa e kangaa ni buokiira ana reirei lesu ni karekea mwaakan te Tamnei ae Raoiroi i nanon maiura. Kariaia ataei bwa a na rinea ana reirei lesu Kristo are a na maiuakinna i nanon te wiiki ae na roko aei ao ma ni koroia i aon te mwakoro ni beebea ma ni uotia nakon mweengaia bwa te bwai ni kauring.
4. Aneneia ke wareka taekan te anene ae “The Holy Ghost” (*Children’s Songbook*, iteraniba 105), “The Still Small Voice” (*Children’s Songbook*, iteraniba 106), ao “Listen, Listen” (*Children’s Songbook*, iteraniba 107).

Kabaneana

Te Kaoti Koau

Tao ko na kan taekina te bwai ae e a tia n riki nakoim ngke e kairaki am iango i roun te Tamnei ae Raoiroi. Kaota am koaua ibukin kairan am iango i roun te Tamnei ae Raoiroi i nanon maium ao ibukin kainnanoan kateimatoaan ana iraorao.

Te Wareware n te Mweenga ae Katautauaki

Tuangiia ataei bwa a na reiakina 1 Nibwaai 18:5–25 ni mweengaia bwa manga Kauringan te reirei aei.

Kaoa te ataei temanna bwa e na kaira te tataro ni kainiin.

E Kaitaraaki te Burabeti ae Iakobwa i roun Tierem

Te Kaantaninga	Bwa a na kakorakoraaki aia koaua ataei i roun lesu Kristo bwa e aonga n reke i rouia te mwaaka ni kaaitarai mwakuri aika bubuaka.
Te Katauraoi	<ol style="list-style-type: none"> Tataro mwaaka n Reiakina Iakobwa 7:1–23. I mwiina ao reiakina te Reirei ao iangoia bwa ko na kangaan reireiniiataei rongorongo man taeka aika tabu. (Taraa “Katauraoan Am Reirei,” iteraniba vi, ao “Te anga Reirei man Taeka aika Tabu,” iteraniba vii.) Te Wareware ae raka: 1 Nibwaai 18:7, 2 Nibwaai 2:1–4, 11:2–3, Iakobwa 1:17–19 ao te Intekiti n Ana Boki Moomon: Iakobwa–natin Riaai. Rinei Titiraki ibukin te Kakarabakau ao Mwakuri ibukin karakaan te atatai are e na katabeia ataei ma ni rang ni buokiia nakon karekean te bwai are e kaantaningaaki man te reirei. Bwainreirei aika kainnanoaki: <ul style="list-style-type: none"> a. Ana Boki Moomon i bukiia ataei n tatabemaniia nako. b. Te mwakoro ni kora ae maraurau ae uoua te buuti (60 cm) abwakina te mwakoro n roobu ae matoatoa ae tao uoua te buuti abwakina. c. Te mwakoro ni beebea ao te bentira i bukiia ataei n tatabemaniia nako. d. Tamnei 4–9, lesu te Kristo (Ataakin te Euangkerio 240; 62572).
Aron Kairan te Reirei ae Katautauaki	<p>Kaoa te ataei temanna bwa e na kaira te tataro ni kakuuki.</p> <p>Angan te ataei temanna te mwakoro ni kora ae uoua te buuti abwakina. Tuangnga bwa e na motika te kora. I mwiina ao anganna te roobu bwa e na motikia. Kariaia ataei riki tabeman bwa a na kataia ni motika te roobu. Kabwarabwaraa bwa ara koaua e moanaki kaanga ai aron te mwakoro ni kora ae te nanoteaina ma e konaa ni kakorakoraaki ni karokoa ae a aki konaa ni moti. Ti bane ni konaa ni karikirakei ara koaua bwa a na korakora are e na buokiira ngkana a na kataia tabeman ni kataira n ara onimaki ke nimwamwanaira. Tuangiia ataei bwa e na taekinaki n te reirei taekan Iakobwa are e aki konaa n uruaki ana koaua.</p>
Rongorongo man Taeka aika Tabu	Taekina karakinaia Iakobwa ma Tierem man Iakobwa 7:1–23. Kamanenaa te tamnei n te tai ae bon riai. (Ibukin kawai n anga reirei aika a tia ni baireaki ibukin reiakinan taeka aika tabu, taraa te “Anga Reirei ma n Taeka aika Tabu,” iteraniba vii.)
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanoni maiuia. Warekan te kibu ma ataei n te kiraati, e na konaa ni buokiia nakon karekean aia atatai n taeka aika tabu.

- Antai lakobwa? (Bon temananna Ngaia mai buakoia tarin Nibwaai ake a ataei riki.) Tao a na iraua te ririki i mwaain bungiakin Kristo n te tai are a maiu iai lakobwa ma Tierem? (Taraa baan te boki ae lakobwa 7 mai nano.)
- E kangaa lakobwa n ataa taekan lesu Kristo, are e tuai ni bungiaki? (lakobwa 7:5, 10–12.)

Tera te bwai are e karaoia Tierem ni kataia n anai nanoia aomata bwa e na aki roko lesu? (lakobwa 7:2–4.) Tera ae nanonaki ni kabonganaan te taeka ae [kababa]? (Kamoamoa temanna n te aro ae kewe ke ae rangi n riao, te aeka ni mwaan ae akea te koaua iai.)

- Antai ae e anaa nanon Tierem? (lakobwa 7:4, 18.) E kangaa Tatan ni kataia n anai nanora?
- Baikara ana kewe tabeua Tierem? (lakobwa 7:7,9–10,19.)
- Bukin tera ngkai e konaa lakobwa n totokoi ana mwakuri n anainano Tierem? (lakobwa 7:5,8,10–12.) E ngae ngke ti aki kona n nooriia anera ke n ongo bwanaan te Atua, tera te bwai ae ti na karaoia bwa ti aonga ni korakora ngkana a kataira aomata bwa ti na karaoa ae buakaka? Taekina te bwai ae e a tia n riki nakoim ke wetea te ataei temanna bwa e na taekina te bwai ae e a tia n riki nakoina ngke e a tia n totokoi aia mwakuri n anainano aika bubuaka tabeman.
- Bukin tera lakobwa ngkai e aki kan kaoti kanikina nakon Tierem? (lakobwa 7:13–14.) Bukin tera ngkai tiaki te aro ae raoiroi kan ataan taiani kanikina ibukin karekean ana koaua lesu Kristo. (T&B 63:7–12.) Kabwarabwaraa bwa a konaa kanikina n roko i mwiin kaotan te onimaki ao te ongotaeka, ma ti riai n aki ukoukoria. Manga kauring aron uarereken aia onimaki Reiman ao Remuera ma n reirei aika a tia nako e ngae ngke a tia n noori taiani kanikina. (Tia Reirei manga kauringa: 1 Nibwaai 3:29–31; 16:39; 17:45; 18:20.)
- Tera te bwai ae a rootaki iai aomata ni mwiin kaotan ana bure ao maten Tierem? (lakobwa 7:21–23.)
- Bukin tera ngkai ti kainnanoa karekean ara koaua ae korakora ibukin lesu Kristo? Ti na kangaa ni kakorakorai ara koaua ibukin te Tia Kamaiu? (Taraa Mwakuri ni Kakukurei 2.) Ti na kangaa ni kaota ara koaua nakoia tabeman? Bukin tera ngkai e rikirake ni korakora riki ara koaua ngkana ti taekinna nakoia tabeman?

Mwakuri ibukin Karakaan te Atatai

Ko konaa ni kamanenaa teuana ke e raka riki man Mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Koroi i aon mwakoro ni beeба aroaro ike e konaa iai temanna ni kataia ni kaungaa nanon te ataei nakon karaoon ae buakaka ao te kibu ae e na kona n taraaki are e boraoi ma te tua ma n taeka aika a tabu ke (Booki aika Tabu). N aron te katooto aei, e iriko raoraom nakon te titooa ao e kataia n tuangko bwa ko na iraea te kanree (Te Otinako 20:15 ke Motiae 13:22), temanna ae e anganiko bwa ko na nima te manging (T&B 89:7), ke ko kataaki bwa ko na tiku ni mweengam n aki nako nakon te taromauri (T&B 59:9). Kariaia ataei bwa a na tarai ma ni wareki kiibу aikai man taeka aika tabu ke man aia Boki

aika a tabu. Kakarabakauakinna bwa ti na kangaa n ataa te bwai ae ti reireiaki iai ma n taeka aika tabu ao ma ni kakorakorai ara onimaki ibukin lesu Kristo ao ma ni buokiira ni kona n eekiinako mwakuri n anainano aika bubuaka.

Tao ko na tangiriia ataei bwa a na katotoong aroaro ni maiu aikai ma ni kariaia ataei ake tabeman bwa a na keetinna bwa tera te aeka ni maiu are katotoonga.

2. Tibwatibwaia ataei i nanon uoua te kurubu. Katabeia te kurubu teuana n Aramwa 5:46, ao Aramwa 37:35 nakon te kurubu are teuana. Kariaia ataei bwa a na kakaei ma ni kiibu aikai kawai ake a na kona iai ni kakorakorai aia koaua ibukin lesu Kristo. Koroi aia kaeka ni kakimototoi i aon te burakibooti.
3. Anenei ke wareki taekan te anene ae “I Will Be Valiant” (*Children’s Songbook*, iteraniba 162) ke “Beku Ma Te Koaua” (*Anene n Taromauri ma Aia Anene Ataei*, iteraniba 60).

Kabaneana

Te Kaoti Koau	Tuangiia ataei aron boonganen karekean ao kakorakoraan ara koaua ibukin lesu Kristo n te aro are ti aonga ni konaa n totokoi mwakuri n anainano aika bubuaka aika a katobibiira. Kaota am koaua ibukin te Tia Kamaiu n arona n Atua. Kataia ataei bwa a na rinea te kawai teuana are e na konaa ni kakorakorai aia koaua ao koroia i aon te mwakoro ni beebea bwa te bwai ni kauring are ko na uotia nakon mweengam ma n mwakuri i aona i nanon te wiiki.
Te Wareware n te Mweenga ae Katautauaki	Tuangiia ataei bwa na reiakina lakobwa 7:1–23 ni mweengaia bwa manga kauringan te reirei aei Kaoa te ataei temanna bwa e na kaira te tataro ni kainiin.

Ana Tataro Enoti

Reirei
9

Te Kaantaninga Bwa a na kaungaaki nanoia ataei ni ukoukori kakabwaia ake a reke man te tataro ni koaua nakon Tama are i Karawa.

Te Katauraoi

1. Reiakina ana boki Enoti. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa Katauraoan am Reirei iteraniba vi, ao te “Te anga Reirei man Taeka aika Tabu” iteraniba vii.)
2. Reitan te wareware: *Ana Reirei te Euangkerio aika a Kakawaki Mwakoro* 8.
3. Rinei Titiraki ibukin te Kakarabakau ao Mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
4. Bwainreirei aika kainnanoaki: Ana Boki Moomon i bukiia ataei n tatabemaniia nako.

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo	Kaoa te ataei temanna bwa e na kaira te tataro ni kakuuki. Kaoa te ataei temanna bwa e na kaira te tataro ni kakuuki. Makuri ni Kakukurei ibukin Kairan te Kakauongo Wareki titiraki ni kamwaninga aikai, ao tuangiia ataei bwa a na katei baia ngkana ataa te reke. Tiaki te aomata ngai te tabo, ke te bwai. I konaa n rangi ni karaurau n te aro are akea riki temanna ae konaa n ongo, ke e oomwaaka teutana n te aro are a na konaa n ongo aomata ni kabane i nanon te ruu. I konaa ni kamanenaaki ngkana ti ngkoe ke i nanon te kurubu. I kamanenaaki n te tai n aki akaaka, n te tabo n aki akaaka, ke i aan aeka ni waaki nako n aki akaaka. I kamanenaaki ibukin kaotan te kaaitau, te kairiiri, te mweeraoi, te kabwarabure, te otanga, te ibuobuoki, te marurung ae raoiroi, ke ibukin kakabwaia riki tabeua ake a kainnanoi ibukim ke ibukin temanna riki. Ko kamanenaa n taetaenikawai ma Tama are i Karawa. Antai Ngai? Koroi aia kaeka ataei i aon te burakibooti. Ngkana ataia bwa te reke te tataro tuangiia ngkana iai aia titiraki ibukin te tataro. Kakimototoi aia titiraki i aon te burakibooti, ao tuangiia ataei bwa a na kakauongo nakon te reke ngkai ko taekina karakinan Enoti. N tokin te karaki, manga okiri taian titiraki ma ni kakarabauakin.
---	---

Rongorongo man Taeka aika Tabu	Reiakin karaki ma n ana boki Enoti. Kabwarabwaraa bwa Enoti bon natin lakobwa are ko reiakina taekana n Reirei 8. (Ibukini kawai n anga reirei aika a tia ni baireaki ibukin reiakinan Taeka aika Tabu, taraa, "Te Anga Reirei man Taeka aika Tabu," iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu ma n taeka aika tabu ngkana ko katauraoia am reirei. Kamanenai titiraki aika ko taku bwa a na rangi ni buokiiataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te kiraati, e na konaa ni buokiiatakon karekean aia atatai n taeka aika tabu.</p> <ul style="list-style-type: none"> • Bukin tera ngkai e nako n tataro Enoti? (Enoti 1:1–4.) Antai ae reireinna taekan lesu Kristo? A kanga am karo ni buokiko n reireinam taekan Tama are i Karawa ao lesu Kristo. • Tera te tataro ae korakora ao te bubuti? Ko kangaa n taku bwa e kaokoro te tataro aei ma tataro ake tabeua? E kanga te Tama are i Karawa ni kaeka ana tataro Enoti? (Enoti 1:5.) • E kangaa n ataia Enoti bwa a kabwaraaki ana bure? (Enoti 1:5–6.) • Bukin tera ngkai e taekinna te Tama are i Karawa bwa a kabwaraaki ana bure Enoti? (Enoti 1:8.) Kabwarabwaraa bwa ibukina bwa e a tia ni karawawataaki lesu Kristo ibukin ara bure, a konaa ni kabwaraaki ara bure ngkana ti rairi nanora. • Antai are e tataro ibukina Enoti ngke a tia ni kabwaraaki ana bure? Tera te kaeka are e anga te Uea nakon Enoti ibukiia i Nibwaite? (Enoti 1:10.) • Bukin tera ngkai e tataro Enoti i bukiia i Reimwanaite ngkai aia kairirbai i Nibwaite? (Enoti 1:11.) Baikara kakabwaia aika ko na butiia iai te Tama are i Karawa bwa e na angan temanna are e a tia n aki akoiko? tera ae tangiria Enoti i bukiia i Reimwanaite? (Enoti 1:13.) • E tataro Enoti ibukiia kawakinan tauanimwia ana aomata. Bukin tera ngkai a rangi ni kakawaki tauaniwiia ana aomata aikai? Tera te bwai ae e berita iai te Uea nakon Enoti? (Enoti 1:15–18.) Tera ae nanonaki n te bubuti i nanon te onimaki? • Baikara berita ake e anganaki Enoti? (Enoti 1:8, 12, 15.) Ti na kanga ni karekei berita aika ti tebo ma aikai? • Baikara mwiin aia reirei ma aia mwakuri nako i Nibwaite aika reke nakoia i Reimwanaite? (Enoti 1:20.) • Tera ae ko a tia n ataia ibukin te tataro man ana karaki Enoti? • Ngkana ko tataro, ko kangaa n taetae nakon te Tama are i Karawa? Ti na kangaa ni karaoa ara tataro bwa e na koaua riki? • E ongo bwanaan te Uea Enoti i nanon ana iango ni kaekaan ana tataro. Baikara kawai riki tabeua are ti na kona iai ni karekei kaekaan ara tataro? (Namakinan te rau; te namakin bwa iai te bwai ae aki eti; te mweeraoi; iango aika a roko nakon ara iango; kiibu man taeka aika tabu ake a karekeea te oota nakon te aeka ni maiu teuana; taeka n reirei mairouia ana tia kairiri te Ekaretia, kaaro, ao tabeman riki ake a kanakoaki mai roun te Uea, taiani mii ke kaotioti.) Weteia ataein te reirei bwa a na taekina te bwai ae e a tia n riki nakoia n aron karekean kaekaan te tataro.

- Bukin tera ngkai e riai ni kaeka te Tama are i Karawa ni kangai “tiaki” nakon ara tataro? Ti na kanga n ataia ngkana ana kaeka te Tama are i Karawa “tiaki”?
- Bukin tera ngkai ti riai ni kakauongo raoi i mwiin tiara n tataro, n ai aron are karaoia Enoti?
- Tera ae a tia n ataia Enoti ibukin te maiu i mwiin te mate? (Enoti 1:27.) Tao ko na tangiria ni kan wareka te kibu aei ke ni kariaia ataein te reirei bwa na warekia ni bootaki.

Tuo bwaai ake a karinanaki i aon te burakibooti ni kakoaua bwa aia titiraki ataei a tia ni kaekaaki ni kabane.

Mwakuri ibukin

Karakaan te Atatai

Ko konaa ni kamaneneaa teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Angan te ataei te mwakoro ni beeба teuana ma te bentira, ao kariaia bwa a na koroi taian titiraki. *N ningai ae ti na konaa n tataro iai? Te tabo raa ae ti na tataro iai?* ao Tera ae ti na tataro ibukina? Kamwawai taabo i marenan titiraki ibukin nnen aia kaeka: Kariaia bwa a na korei aia kaeka ngkana ko tungiia titiraki.
2. Manga rinanon kawain te tataro aei:
 - a. Moanna man atongan Tama are i Karawa.
 - b. Tuangnga bwa tera te bwai ae ko kaitau ibukina.
 - c. Bubutia bwa tera ae ko tangiria.
 - d. Kainna n atongan, “N aran lesu Kristo, amene.”
3. Manga rinanon taekan te tataro. Buokiia ataei bwa a na oota bwa ti kaota te karinerine ngkana ti kamanenai taeka aika *ngkami, ami, ngkoe, am*, n onoimwiin taeka aika *ngkoe/ngkami, am/ami, am/ami* (taraa Taarin H. Ookiti ni Conference Report, Eberi 1993, iteraniba 16–20; ke *Ensign*, Meei 1993, iteraniba 15–18).
4. Kaewei kibu n taeka aikai i aon te burakibooti mai roun te Unimwaane Booiti K. Baeka (man Conference Report, Okitobwa, 1979, iteraniba 30; ke *Ensign*, Nobembwa, 1979, iteraniba 21), ma ni katukui taabo akana akea kanoaia n aki kanoaaki.

“Tabeua b a konaa n reke man warekan a, tabeua man te ongora mairouia e. Ao, n taai tabetai, ngkana e kakawaki, tabeua a na roko ni kaeineti nakoim man ana d. ae f. Taeka ake a taekinaki a kona n c ma n aki konaa ni kairua.”

Kabonganai taeka aikai ni kanoai iai taabo ake akea kanoaia:

- a. Taeka aika tabu
- b. reeke
- c. mataata
- d. mwaaka
- e. tan taetaenikawai
- f. ana kairi te Tamnei ae Raoiroi

5. Kabwarabwaraa bwa e kangaa n tataro Enoti ibukin kawakinan tauan mwiia ana aomata (Enoti 1:14–16) ni kaekaaki tebubua te ririki rimwi ma rokon Ana Boki Moomon. N aron are e a tia ni berita iai te Uea nakon Enoti, aomata ni boong aikai a konaa ni karekei aia koaua ibukin lesu Kristo man Ana Boki Moomon. Ko konaa ni kaoa te mitinare ae a bane ana tai nakon am reirei bwa e na taekina te bwai ae e a tia n riki nakoina i bukiia aomata aika a tia ni karekei aia koaua ibukin lesu Kristo rinanon te tataro ao Ana Boki Moomon. Ke ko konaa n tuanga te karo ke kain te uoote tabeman bwa e na taekinna bwa e kanga te tataro ni buokia ni karekea ana koaua ibukin Ana Boki Moomon.
6. Manga rinanon ana moa ni kaotioti lotebwa Timiti, ngke e anga te tataro ni koaua ma te onimaki (Rongorongan—lotebwa Timiti 1:14–16). Tao ko na kan kamanena tamneina ibukin te Moa ni Kaotioti. (Kete ne Tamnei ao Koro Tamnei n te Euangkerio 403;62470).
7. Manga rinanon te kaitiua ao te karuaiua ni koroboki n Taikan te Onimaki. Kaungaia ataei bwa a na rinea teuana are kamatenanoa i nanon tain te reirei ke ni mweengaia i nanon te wiiki ae na roko.
8. Anenea ke wareka taikan te anene ae “A Child’s Prayer” (*Children’s Songbook*, iteraniba 12), “Tell Me, Dear Lord” (*Children’s Songbook*, iteraniba 176), “I Pray in Faith” (*Children’s Songbook*, iteraniba 14), ke “If with All Your Hearts” (*Children’s Songbook*, iteraniba 15.).

Kabaneana

Te Kaoti Koau	Taekina am koaua ibukin mwaakan te tataro i nanon maium. Tao ko na tangiria ni kani kabotaua te bwai ae e a tia n riki nakoim are e a tia ni kakorakora am onimaki ao am koaua n te tataro. Kaoia ataei bwa a na taekina te bwai ae e a tia n riki nakoia man te tataro.
Te Wareware n te Mweenga ae Katautauaki	Tuangia ataei bwa a na reiakina Enoti 1:1–8, 21–27 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin.

E Reireiniia ana Aomata te Kiing ae Beniamina

Reirei
10

Te Kaantaninga Bwa a na kakorakoraaki nanoia ataei nakon kawakinan te berita n te bwabetiito ma n toua mwiin lesu Kristo.

Te Katauraoi

1. Tataro mwaaka n reiakina te 2 Nibwaai 31:5–12 ao Motiaeaa 2:1–22; 3:2–19; 4:11–16; 5:5–8, 13–16. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraaoan am Reirei,” iteraniba vi ao “Te Anga Reirei man Taeka aika Tabu,” iteraniba vii.)
2. Rinei titiraki ibukin te kakarabakau ao mwakuri ibukin karakaan te atatai are e na katabeia ataei man rang ni buckiia nakon karekean te bwai are e kantaningaaki ma n te reirei.
3. Bwainreirei aika kainnanoaki:
 - a. Ana Boki Moomon i bukiia ataei n tatabemaniia nako.
 - b. Tamnei 4–21, E Taetae Kiing Beniamina Nakoia ana Aomata (Ataakin te Euangkerio 307; 62298).

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kaukuuki.

Korei aran aia utuu ke kabanean araia ataei i aon te burakibooti. Tuangiia ataei bwa a na kabwarabwaraa bwa bukin tera ngkai a reke aara aikai i rouia.

- Tera nanon katokaan aran te utuu irouum?

Kabwarabwaraa bwa ngkana ti bungiaki nakon te utuu, e katokaaki i aora aran te utuu. Te araa aei e kona n tei ibukin bwaai aika batia aika kakawaki, n ai aron taekan bwain ara utuu, ara koaua, arora ni karaoi bwaai ao ai arona naba. Ngkana ti bwabetitooaki ao ti riki bwa kaain ana Ekaretia lesu Kristo i bukiia aika Itiaki ni boong aika kaitira ao ma ni katokaa i aora aran lesu Kristo. Ngkana ti katoka aran lesu Kristo i aora ti taekina ara koaua ibukina ao kukurein nanora n iiri ana reirei nako. Kabwarabwaraa bwa te Kiing ae Beniamina bon te burabeti ngaia are e reirei taekan bwaai aika boongana are bon katokaan aran lesu Kristo i aora.

Rongorongo man Taeka aika Tabu

Reireiiia ataei karakinan te Kiing Beniamina ngke e reireiniia ana aomata man te Boki ae Motiaeaa 2:1–22; 3:2–19; 4:11–16; 5:5–8, 13–16. Kamanena te tamnei n te tai ae bon riai. (Ibukin kawai aika baireaki ibukin te anga reirei i aon karaki man taeka aika tabu, taraa “Te Anga Reirei man taeka aika tabu, iteraniba vii.)

Kamanenaan
Titiraki n te
Kakarabakau

Reiakin Titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika a na rangi ni buokiia ataei n oota n taeka aika tabu ma ni kamanenai reirei inanon maiuiia. Warekan kiibu ma n taeka aika tabu ma ataei e na konaa ni buokiia ni karekea aia atatai man taeka aika tabu.

- Bukin tera ngkai e weteia ana aomata te Kiing ae Beniamina bwa a na bootaki? (Motiaeaa 1:10.) A kanga aomata i aon Tiraemmra ni kaeka nakon te wewete bwa a na bootaki n te tembora ma n ongora ana taeka te burabeti ao te kiing? (Motiaeaa 2:1–6.) Ti na kangaa n ongora ao ni karekea ana taeka te burabeti ae maiu? (Kaongora man Te Mangautabu ni Kabuta ibukin te Ekaretia, taromauri ke bobotaki n te Ekaretia, ao ai arona naba.) Ti na kangaa ni katauraoira n ongora nakon aia taeka mataniwi? (Motiaeaa 2:9.)
- E kangaa te Kiing Beniamina ni beku ibukiia ana aomata? (Motiaeaa 2:12–15.) E kangaa ana taeka Kiing Beniamina are e taekinna bwa ti konaa ni beku ibukin Tama are i Karawa? (Motiaeaa 2:16–19.) Ko kangaa n taku bwa te beku ibukiia tabeman e kaota ara kaaitau ao ara tangira nakon Tama are i Karawa?
- Tera te bwai ae berita iai nakoira Tama are i Karawa ngkana ti kawakin ana tua? (Motiaeaa 2:22.)
- Tera te bwai ae e reireiia iai aomata te Kiing Beniamina ibukin lesu Kristo? Tera te mawakuri ae kakannato are e karaoia lesu ibukira n tatabemaniira nako? (Motiaeaa 3:11–13.) Kabwarabwaraa bwa e karawawataaki lesu ma ni mate n te aro bwa ti aonga n rairi nanora man ara bure, ni bwabetitooaki, ni kautaki ma n te mate ao ma ni maeka ma Tama are i Karawa. Ana aanga Karea i bukira e aranaki bwa te atonement—kabwaraani buure.
- Bukin tera ngkai e kakawaki ibukira bwa ti na katoka aran lesu i aora? (Motiaeaa 3:17.) Tera ae tuangiira lesu Kristo bwa ti na karaoia bwa ti aonga ni katokaa arana i aora? (2 Nibwaai 3:5–12; Motiaeaa 2:22. Kariaia te bwabetitooaki ao ti na kawakin tuua. Motiaeaa 3:19. Kanakoi nanora nako n ara Tia Kamaiu.)
- Tuua raa ake e tuangiia ana aomata Beniamina bwa a na ongotaeka nako iai? (Motiaeaa 3:21; 4:11–15; 5:5. Ko konaa ni kamanenai beebantaeka ke taeka aika koreaki i aon te beeba ae e raereke n te mawakuri ni kakukurei 1 ae raka bwa kaanga mwakoron am kakarabakau.) Tera te bwai are e taekinna te Kiing Beniamina bwa e na riki ngkana ti kawakin tuua? (Motiaeaa 2:41.)
- A kangaa aomata ni kaekaa ana reirei te Kiing Beniamina? (Motiaeaa 5:2.) Tera te bwai ae ti konaa ni karaoia n noora iai koauan te bitaki ae korakora aei? (Motiaeaa 3:19.)
- Tera te berita nakoia ana aomata Kiing Beniamina are a na karaoia? (Motiaeaa 5:5–9.)

**Mwakuri ibukin
Karakaan
te Atatai**

Ko konaa ni kamanenaa teuana ke e raka riki ma ni mwakuri ibukin karakaan te Atatai aikai n te tai n aki akaaka i nanon tain te reirei ke ni manga rinanoan te reirei, kakimototoan te reirei ke te kataaki n titiraki.

1. Karaoi ma ni katei beeban taeka i aoia. Korea te tamnei are e na tei ibukin te Taua are e kabonganaa te Kiing Beniamina n reireiniia ana aomata mai iai. Kaaki beeban taeka i aon tamnei ngkana ko kaakarabakauakini kawai ake ti na konaa ni katokaa iai i aora aran lesu Kristo. Kariaia ataei bwa a na iangoi kawai ake a na konaa iai n ongotaeka nakon tuua ake a oneaki mwiiia n taeka ake a koreaki i aon beeban taeka.

Karekea onimakinan lesu Kristo (Motiae 3:2)
 Raira nanom (Motiae 3:21)
 Karaoi ma ni kaawakin berita n te babetiito (Motiae 5:5)
 Tataro ni katoa bong (Motiae 4:11)
 Bwaina te akoi nakoia tabeman (Motiae 4:13)
 Tai un ke ni kauntaeka (Motiae 4:14)
 Beeku ibukiia tabeman (Motiae 4:15)
 Buokiia kainnano (Motiae 4:16)
 Maiuakina te Euangkerio (Motiae 4:15)
2. Kamanenai aeka ni kunikai ni kawai ke bwaai ni kaotioti, ao karaoa te kaotioti ibukin Kiing Beniamina ngke e taetae nakoia ana aomata. A konaa ataei ni bairei aia kaintekateka n aron tein te umwa n rianna ma te kawai ae kaukaki mai i moa. Ao ataei a konaa n tekateka i aontano i nanon te umwa n rianna n taraa mooa. Te aomata are e tei ibukin Beniamina e konaa n taetae nakoia ngke e tei iaon te kaintekateka are e mena mai moa. Kariaia te ataei aei bwa e na wareki ana taeka te Kiing Beniamina man Motiae 2:9.
3. Taekinna nakoia ataei taekan te maungatabu ni kabuta n te Ekaretia are e a tibwa tia ni karaoaki. Ngkana e riai kaota taekan te Maungatabu anne n te Maeketiin ae te Riaona. Kabotaua aron te Maungatabu aei ma aron te bootaki are e karaoria te Kiing Beniamina ma ana aomata. Kabwarabwara bwa e kangaa te Ekaretia ni buokiia kain te Ekaretia ni karekei rongorongo mai roun te Beretitenti n te Ekaretia ao Mataniwi ni Kabuta ake tabeman rinanon te reerio, terewitin, ao kanakobwanaa n te eea ao rinanon boki aika boretiaki. Kakarabakauakin atuu ni iango tabeua man te Maungatabu ae e a tibwa tia ni karaoaki. Kaungaia ataei bwa a na kakauongo nakon taian rongorongo man te maungatabu ae na roko ao iiri aia taeka n reirei ara burabeti ma taani kairiiri.
4. Buokiia ataei bwa a na ataia ma n kona ni kamatenanoa te kabanea ni mwakoro n taeka ni Motiae 2:17: “Bwa ngkana kam beku ibukiia raomi ao kam bon ti beku iai ibukin Atuami.”

5. Kakarabakauakina te katebwi ma tenuua ni kibu n taekan te onimaki bwa tera te bwai ae e boraoi iai ma ana taeka Benamina. Buokiia ataei bwa aonga ni konaa ni kamatenanoa taekan te onimaki aei.
 6. Anenea ke wareka taekan te anene ae “Love One Another” (*Hymns*, nambwa 308; ke *Children’s Songbook*, iteraniba 136) ke “I’m Trying to Be Like Jesus” (*Children’s Songbook*, iteraniba 78).
-

Kabaneana

Te Kaoti Koau	Kaota am koaua ibukin kabwaraan buure i roun lesu Kristo ao e kangaa ni kakabwaiai maiura. Katuruturua taekinan aron kakawakin kawakinan tuua ngkai ti katokaa i aora aran lesu Kristo.
Te Wareware n te Mweenga ae Katautauaki	Tuangjia ataei bwa a na reiakina Motiae 2:1–18 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin.

Abinatai ao te Kiing ae Nooa

Reirei
11

Te Kaantaninga Bwa a na kaungaaki ataei bwa a na ninikoria n tei bwa taani kakoaua ibukin Iesu Kristo.

Te Katauraoi


1. Reiakina Motiaeaa 11–13; 6–8; 16:14–15; ao 19:4–20 ma te tataro. I mwiina reiakina te reirei ma n iangoia bwa ko na kangaa n reireiniia ataei karaki man taeka aika tabu (Taraa “Katauraoan am Reirei” iteraniba vi, ao te Anga Reirei man Taeka aika Tabu” iteraniba vii.)
2. Reitan te Wareware: Motiaeaa 14–16.
3. Rinei Titiraki ibukin te Kakarabakau ao Mwakuri ibukin karakaan te atatai are e na katabeia ataei man rang ni buokiia nakon karekean te bwai are e kaantningaaki man te reirei.
4. Bwainreirei aika kainnanoaki:
 - a. Ana Boki Moomon ibukiia ataei n tatabemaniiia.
 - b. Ibukin mwakuri tabeua riki ibukin Kairan te Kakauongo, karin bwaai aika i nanon te buua ke te baeki:
Te beeба ibukin te buai (taraa te kamataata n tokin te reirei)
Te tooti ke wiikin te taura te iti
Te beeба are e mwakoro i aona Tuua ake Tebwiina (taraa te kamataata n tokin te reirei)
Tamnein Kristo
Te matiati
 - c. Tamnei 4–22, Tamnein Abinatai i Matan Kiing Nooa (Ataakin te Euangkerio 308; 62042).

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.

Anganiia ataei kaobiin tamnein biriari aika ruaiua, ke korea tamneina i aon te burakibooti. Tuangiia ataei bwa na tomai taian biriari ni kabane man korean aua raain aika eeti n aki mwemweka te bentira mai i aon te beeба ke te tiaoka mai i aon te burakibooti. I mwiin tiaia ni karoai kataitai tabeua n aron karoana, kaota aron karoana nakon temanna te ataei n aki tuangiia ake tabeman. Tuanga te ataei are e ataa karoana bwa e na kaotia nakon temanna riki te ataei, ao ai arona naba anne ni karokoa a konaa ataei ni kabane n tomai taian biriari. Kabwarabwaraa bwa ngkana ti reirei te bwai teuana, ti konaa ni buokiia aomata tabeman ngkana ti reireiniia te bwai ae ti ataia. Ngkana ti reireiniira aron te Tama are i Karawa ti konaa ni buokiia tabeman ngkana ti taekina arona nakoia.



Mwakuri Tabeua riki ibukin Kairan te Kakauongo	Kariaia ataei bwa a na ikaruoruo ni kaotinakoi bwaai mai nanon te baeki. Tuangia ataei bwa a na taekina taekan teuana ke uoua te bwai man aia bwai. Kabwarabwaraa nakoia ataei bwa ngkai a reirei ataei aron te burabeti ae raoiroi ma n ninikoria ae arana Abinatai, ana konaa n nooria bwa a kangaa ni booraoi bwaai n tatabeua ma maiuna.
Rongorongo man Taeka aika Tabu	Katea tamnein Abinatai ngke e tei i matan Kiing Nooa, ao reireiniia karakinan Abinatai man Motiae 11–13; 15:1, 6–8; 16:14–15; 17; ao 19:4–20. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te Anga Reirei man Taeka aika Tabu,” iteraniba vii.) Katuruturua taekinana bwa Abinatai bon ana tia kakoaua lesu Kristo ae ninikoria, e ngae ngke e tiringaki ibukina bwa e ninikoria. Ngkana ko kamanenaa te mwakuri ni kakukurei ni ikaruoruo ibukin kairan te kakauongo, kabwarabwaraa bwa a kangaa bwaai aikai n tatabeua ni boraoi ma maiun Abinatai.
Buain te matanria: Wikin te taura te iti ke te tooti:	E oki Abinatai ma taraana ae bitaki (Motiae 12:1) E oota ma n raneanea matan Abinatai (Motiae 13:5)
Tuua ake Tebwiina: 13:11–24)	E reirei Tuua ake Tebwiina Abinatai (Motiae 13:11–24)
Tamnein Kristo:	E kakoaua lesu Kristo ma te ninikora Abinatai (Motiae 15; 16; 17:8).
Temati:	E kabaeaki Abinatai (Motiae 17:13).
Te Matiati:	E mate Abinatai n te ai (Motiae 17:20)
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai tuua i nanon maiuia. Warekan kiibu ma ataei n te reirei e na konaa ni buokiia nakon karekean aia atatai n taeka aika tabu.
	<ul style="list-style-type: none"> • Tera ana moa ni kaetieti te Uea nakon Abinatai are e atongnga nakon te Kiing Nooa ao ana aomata? (Motiae 11:20–21.) • Tera aekan maiuin te Kiing ae Nooa ma ana aomata? (Motiae 11:1–7, 14–15, 19.)

- E kangaa aron ana kaeka te Kiing Nooa ma aomata nakon ana taeka Abinatai (Motiaeae 11:26–29.) Bukin tera ngkai ko taku n am iango bwa a un aomata ma naake a weteia nakon te rairannano?
- Tera te bwai are e taekinna ni kakoaua ma te ninikoria Abinatai nakon te Kiing ae buakaka ae Nooa ao ana ibonga ibukin tuua? (Motiaeae 12:33–36;13:11–24) Bukin tera ngkai e kakawaki ibukira bwa ti na ongotaeka nakon ana tua nako te Atua?
- Bukin tera ngkai a maaku ana aomata Kiing Nooa ni katokaa baia i aon Abinatai? (Motiaeae 13:3–5.)
- Tera ae e kakoaua Abinatai ibukin lesu Kristo? (Motiaeae 15:1, 6–8, 16:14–15)
- E kangaa Abinatai ni kaota ninikoriana? (Motiaeae 17:7–10.) Bukin tera ngkai e kangaangaa n taai tabetai te tei ibukin te eeti? Ti na kangaa n tei ibukin te eeti?
- Bukin tera ngkai e kabuokaki n tiringaki n te ai Abinatai? (Motiaeae 7:20.) Bukin tera ngkai ko taku bwa e kariaia riki te bwai aei te Uea (Aramwa 60:13)
- Tera te bwai ae kakawaki nakon te Kiing Nooa? (Motiaeae 11:14, 19:7–8.) Tera te bwai ae kakawaki nakon Abinatai? (Motiaeae 13:4; 17:7–10.) Tera ae e riai ni kakawaki nakoira?
- Antai are e rootaki n ana koaua Abinatai i mwaaini matena? (Motiaeae 17:1–4.)
- E kanga ana taetae ni burabeti Abinatai ni Motiaeae 12:3 ni kakoroaki bukina? (Motiaeae 19:19–20.)
- Antai ae ko konaa ni iangoia bwa e ninikoria ni boong aikai n tei bwa te tia kakoaua ibukin lesu Kristo?

Mwakuri ibukin Karakaan te Atatai

Ko konaa ni kamanenaa teuana ke raka riki man taian mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Karekeia ataei ake a na onea mwiin Abinatai ao te Kiing Nooa n te karaki ao karekeia temanna ae e na riki bwa te tia kareke rongorongo are e na kataetaeia. Karaoi titiraki ibukin te tia kareke rongorongo are e na titirakinia ataei ake aonea mwiin Abinatai ao Kiing Nooa n ai aron aei:

Te Riboota nako n Nooa:

Ko kangaa n tataro ibukin am auti ae tikiraoi?

Te Riboota nakoia ibonga:

Bukin tera ngkai kam taua Abinatai bwa te bure?

Te Riboota nakon Aramwa:

Tera am iango n aron ana reirei Abinatai?

Te Riboota nakon Abinatai:

Bukin tera ngkai a kan tiringko aomata aikai? Bukin tera ngkai ko aki kakewei baike ko a tia n taekin nakoia aomata aikai?

2. Katimtimmwa te beneka nako nanon te boora n ran. Katuka te boora n ran n te tabo are a na konaa n nooria ataei. Tuangiia bwa te beneka e tei i bukiia te koraki ake a rinea te kan riki n ninikoria. Tuangiia bwa a na taraia bwa tera ae na riki ngka na e kaakaki te buakaka i rarikiia naake a ninikoria. Katimwa te timmna te toobu ni ire bwain amwarake, are e tei n onea mwiiin te buakaka, i nuukan te boora. E na mwae ni waetata te beneka. Ngke e kakoaua ana koaua Abinatai Aramwa, e rinea te kan riki n ninikoria n ongo taeka nakon te burabeti ao man kiton kawain te Kiing ae Nooa aika a bubuaka. Titirakinia ataei bwa baikara bwaai aika a kararoaia ma iai n te aro are aonga ni kona n ninikoria iai?
3. Kakarabakauakin Tuua aka Tebwina man Motiae 12:34–36, 13:12–24.
4. Kabotaua aron maiun te uea ae raoiroi ma n ninikoria ae te Kiing ae Beniamina ma te Kiing ae Nooa.
Te Kiing Beniamina: Motiae 2:10–14, 4:9–10.
Te Kiing Nooa: Motiae 11:2, 6–7, 27; 19:8.
5. Kakarabakauakina aron te booraoi i marenan te bwai are e karaoaki nakon Abinatai i roun te Kiing ae Nooa ma aomata ma te bwai are e karaoaki nakon Kristo.
Kristo: Motiae 15:5, Mataio 26:66, Ruka 24:20.
Abinatai: Motiae 13:1; 17:7, 10, 13.
6. Anenea ke wareka taekan te anene ae “I Will Be Valiant” (*Children’s Songbook* i. 162), “Beku Ma Te Koaua” (*Anene n Taromauri ma Aia Anene Ataei*, iteraniba 60), ke “The Church of Jesus Christ” (*Children’s Songbook*, iteraniba 77).

Kabaneana



Te Kaoti Koau

Kakoaua bwa e ngae ngke kakaraoan ae raoiroi e aki kainaomataira man te maraki ao te kataaki, ngkana ti ninikoria n ara koaua ibukin lesu Kristo, E na kakabwaiaira Tama are i Karawa n te rau i nanon te maiu aei ao ni kabane ana bwai ake iai i rouna n te maiu are e na roko.

Te Wareware n te Mweenga ae Katautauaki

Tuangiia ataei bwa a na reiakina Motiae 11:1–2, 20–21, 26–29; 12:1–9; ao 17 ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.



E Bwabwabetiito Aramwa n Ranin Moomon

Te Kaantaninga Bwa a na reireiaki ataei nanon aia berita n te bwabetito ao kakawakin kawakinaia.

Te Katauraoi

1. Tataro mwaaka n reiakina Motiea 17:2–4; 18. I mwiina reiakina te reirei ma n iangoia bwa ko na kangaa n reireiniiia iai ataei rongorongan taeka aika tabu (Taraa “Katauraoan Am Reirei” iteraniba vi, ao te “Te anga Reirei man Taeka aika Tabu” iteraniba vii.)
2. Rinei titiraki ibukin te Kakarabakau ao Mwakuri ibukin karakaan te atatai are e na katabeua ataei ma n rang ni buokiia nakon karekean te bwai are e kantaningaaki man te reirei.
3. Bwainreirei aika kainnanoaki:
 - a. Ana Boki Moomon i bukiia ataei n tatabemaniia.
 - b. Bon Nanom: Te roka ao te king ibukin te mwakuri ni kakukurei ni kaira te kakauongo (n ai aron te katootoo, te roka, te boki ni kanoa ni bong, te bwaoki ae e tirewa, ke te tutikeeti).
 - c. Te kiing ae te beeба ae a tia ni korokoreaki ae kaobiin te taeka ae *Berita* ae a tia ni koreaki i aona (taraa kabanean te reirei).
 - d. Kaobiin te angabai “Au Berita n te Bwabetitoo” i bukiia ataei n tatabeman (taraa tokin te reirei).
 - e. Tamnei 4–23, Aramwa E Bwabetito n Ranin Moomon (Ataakin te Euangkerio 309; 62332).

Aron Kairan te Reirei ae Katautauaki Kaoa te ataei temanna bwa e na kaira te tataro ni kakuuki.

Mwakuri ni Kakukurei ibukin Kairan te Kakauongo

iKaota te kiing nakoia ataei ao titirakiniiia ataei bwa tera ae kabonganaaki iai te kiing. Ko konaa n tuanga te ataei temanna bwa e na kabongana te kiing ni kauka te roka. Tua te kiing ae te beeба n te aro ae a na aki noora te taeka are e koreaki i aona ae *Te Berita*, ao raeraeia mai nuukana. Kabwarabwaraa bwa e aki konaa ngkai ni mwakuri te kiing ngkana e reke i roum tii teiterana. Kaitaraia ma mwakorokoron te kiing ae te beeба are e mwakoro i aona *Te Berita*. Tuangiia ataei ngkana ataia bwa tera nanon te taeka aei. Kabwarabwaraana i nanon te euangkerio bwa te taeka ae *Berita* bon te boraraoi ke te berita i marenan te Tama are i Karawa ma natina. Ngkana ti kawakin ara berita ma Tama are i Karawa, e na konaa ni kakoroa bukin ana taeka n taainako. Ma ngkana ti aki kawakina ara berita ke ara moti n taeka, ao te berita e a uruaki. Kawakinan ara berita n te bwabetiito bon te kiing nakon taian kakabwaia ao te maiu are akea tokina. Kabwarabwara bwa te maiu are e aki toki bon te riki n ai aron te Tama are i Karawa ma ni maeka ma Ngaia n aki toki. Kabwarabwaraa bwa ngkai kaanga ataei aika a reirei aron Aramwa ma ana aomata a na kauringaki ibukin aia berita n te bwabetiito ao bwa a na kangaa ni kawakini.

Rongorongo man Taeka aika Tabu	Reireiniia ataei karakinan Aramwa ngke e bwabwaabetiito n Ranin Moomon man te boki ae Motiaeaa 17:2–4; 18. (Ibukin kawai n anga reirei aika baireaki ni karaki ma n taeka aika tabu, taraa te “Anga Reirei ma n Taeka aika Tabu i. vii.) Kaatuua taekinan te berita are ti karoia n te bwabetiito ao kakawakin kawakinaia. Kamanenai tamnei n te tai aei bon riai.
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa na rangi ni buokiiia ataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataein te reirei, e na konaa ni buokiiia nakon karekean aia atatai n taeka aika tabu.</p> <ul style="list-style-type: none"> • Tera ae karoia Aramwa ni katauraoia ibukin te bwabetiito? Motiaeaa 17:2–4; 18:1.) Ko kangaa ni katauraoiko nakon bwabetitooakim? • Tera te bwai ae karika te tabo ae aranaki bwa Moomon bwa te tabo ni karaba ae raoiroi ibukin Aramwa n reireiniia aomata? (Motiaeaa 18:4–5.) Bukin tera ngkai a tangiria ni kani karabaia? • E kangaa aron aia namakin ana aomata Aramwa ngke a ataia bwa a nang bwabetitooaki? (Motiaeaa 18:11.) Tera aron am namakin ngke ko bwabetitooaki? Tera ae ko uringnga n te bong anne? • Tera te berita are ti karoia n tatabeman nako ngke ti bwabetiitoaki? tera are e berita iai Tama are i Karawa nakoira? (Motiaeaa 18:8–10.) Katea ke kaota te angabai nakoia ataei “Au Berita n te Bwabetiito”, ao kakarabakauakin berita n tatabeua nako. Kabwarabwaraa bwa akea ae kororaoi i roura ni kabane ma ti riai ni karoa ara kabanea ni konaa ni kawakina ara berita n te bwabetiito. • Ti na kangaa ni kaotia bwa ti a tia ni katokaa aran Iesu Kristo i aora ao ti tei ibukina bwa ana tia kakoaua? • Tera nanon te kibu n taeka ae <i>kukurei n ibuobuoki n uotami i marenami bwa aonga ni bebete ao kukurei n nanokawaki ma akanaa taonaki n te nanokawaki</i>? Kawai baikara ake e beku iai i bukira Kristo ma tabeman ngke e mena i aon te aba? Ti na kanga n tou mwiin ana mwakuri ni katoto Iesu Kristo man beku ibukiia tabeman aomata? • Baikara tuua ake e anganiiia ana aomata Aramwa bwa a na buokiiia ni kawakin aia berita n te bwabetiito? (Motiaeaa 18:21–23, 27–29.) Ti na kanga ni maiu kaanga ai aroia ana aomata Aramwa? • Rinanon te ootenanti raa ae ti na konaa iai ni kabouu ara berita n te bwabetiito ni katoa Tabati koraki? Tao ko na kani kabwarabwaraa te bwai anne bwa: nanon manga kabouua bon te karoia bwa e na boou ke moanna mai moana riki. Manga kauringa tataron te toa ma ataei ao buokiia bwa a na kona ni kunei berita ake iai (taraa Moronaai 4:3; 5:2). Anganiiia ataei n tatabemaniia nako kaobiin te angabai, ao manga rinanon aia berita n te bwabetitoo.
Mwakuri ibukin Karakaan te Atatai	Ko konaa ni kamanenaa teuana ke raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoa te reirei ke te kataaki n titiraki.

1. Kaoa te ataei bwa e na taua te boki ae tinebu ni baina teaina are e na aroria ni kaetia nako moana ngke ko tabe n taetae nakoia ataei ibukin te berita n te bwabetitoo. Titirakina te ataei are e taua te boki ngkana e a kakai baina. Karekea temanna riki te ataei ae na buoka tauan te boki. Kabwarabwaraa bwa aio teuana mai buakon taiani berita ake ti karaoi ngke ti bwabetitoaki are e kangai: ao kam na kukurei n ibuobuoki n uotami i marenami, bwa a aonga ni bebete." Kakarabakauakin uota tabeua ake a na namakin n aia roro n ataei, n ai aron aikai bwaini ngareaki, ituaki n te aoraki, reken te kangaanga ma kain te utuu te kan kaina te kurubu teuana, ke reken taian kangaanga n te reirei. Titirakinia ataei bwa a na kangaa ni buokia tabeman ni kabebetei uotaia.
2. I mwain te reirei ao tuangia aia karo ataei bwa n ningai te tai are a buokiia iai tabeman. Taekin bwaai aika a riki aikai nakoia ataei n te reirei ao taekina aia mwakuri ataei ake a tia ni buokiia iai tabeman. Taekinna nakoia bwa mwakuri n ibuobuoki aikai a tia ni kabebeteaki iai uota aika rawawata i rouia naake a tia ni ibuobuoki.
3. Kabwarabwaraa nakoia ataei bwa mwakoron te berita are ti tia ni karoia ngke ti bwabetitoaki bon kukurein te nano ni katokaa aran lesu Kristo i aora ma n riki bwa te Kiritian ni koaua, ke te tia ririmwiin Kristo. Ti riai n tau ni maiura ibukin arana. Titirakinia ataei bwa a na iangoa aroia bwa arora aron karinean aran lesu Kristo irouia, ngkai ko karakina te karaki are e koreaki i roun Beretitenti Tioti Arobati Timiti, are te kawaniman ni Beretitenti n te Ekaretia:

"Tabeua te ririki n nako ao I ituaki n te aoraki ae e rangi ni korakora. . . . I rikirake n rangi ni mamaara n te aro are I aki batu ni konaa te kakammwakuri.

N te bong teuana ao e bua au ururing n aki ataa te bae e riki ao I taku bwa I a mate

I moanna n nakonako ma n taratarai bwaai ake a katobibiai . . . ao I mwiin tiau n nakonako i nanon tabeua te tai . . . rinanon te buakonikai, I noora te aomata ae tabe ni mwananga nakoii. I nooria bwa te aomata ae rangi ni korakora rabwatana, ao I kawaetataai nakoina ni kawaria, ibukina bwa I kinaa bwa bon tibuu. . . . I uringa aron kukureiu n nooria ni kawarau. I a tia n anganaki arana ao I rangi ni kamoamoa iai.

"Ngke e a kaan nakoii bwa tao ai ti tabeua te buuti raroana mairou, e tei. . . . E taraai ma ni karekea taraau ao e taku:

"I kan ataia bwa tera ae ko a tia ni karoia nakon arau.'

"Bwaai ni kabane ake I a tia ni karaoi a rimoau kaanga ai aron te tamnei ae oti n te bwai ni kaoti tamnei. . . . Maiu ae bwanin e a tia n nako i mwaaui. I ngare ao I tara tibuu ma n taku:

"I tuai ma ni karoa te bwai teuana nakon aram are ko maamaa iai.'


"E keerake ma n rabwatai ni baina, ao ngke e karoa aei, I moanna ni manga oki au iango ibukin bwaai aika katobibiai n te aonnaaba. E oonrake uningau n te mwaimwai n te aro are ti teboo ma e a tia ni kabwaroaki te ran i aona n ranin matau ibukin te kukurei ni kaitau bwa I a tia ni kaeka n aki maamaa ("Aram ae Raoiroi," *Improvement Era*, Mar. 1947, iteraniba 139).

Kabwarabwaraa nakoia ataei bwa ngkana a kukurei ni kawakin tuua ao ma ni karaoi mwakuri n ibuobuoki nakoia tabeman, ao a karinea iai aran lesu Kristo.

4. Anenea ke wareka taekan te anene ae “Baptism” (*Children’s Songbook*, iteraniba 100) ke “The Fourth Article of Faith” (*Children’s Songbook* iteraniba 124).

Kabaneana

Te Kaoti Koau	Kaota am koaua bwa ngkana ti kawakina ara berita n te bwabetito, ao ti na ataia iai aron te ibuobuoki nakon temanna ma temanna n te aro ae raoiroi riki ao te riki kaanga ai aron lesu Kristo.
Te Wareware n te Mweenga ae Katautauaki	Tuangjia ataei bwa a na reiakina Motiae 18:1–11, 30–35 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin. Taraia: Ngkana ko iangoia ni kani kamanena te Mwakuri ni Kakukurei ibukin Karakaan te Atatai 1 n te reirei ae i mwiin aei, karaoa te mwakuri teuana te wiiki i mwaina.





Au Berita n te Bwabetitoo

(E kabouaki ni Katoatai n te Tai are I kana iai te Toa)

N tain te Bwabetitoo ao I berita iai ma te Uea bwa

1. N na rin i nanon ana nanai (tiibu) te Atua (te riki bwa kaain ana Ekaretia lesu Kristo).
2. Bwa N na aranaki bwa natina te mwaane ke te aine (ni katoka iaou aran Kristo)
3. Kukurei n ibuobuoki n uotami imarenami, bwa aonga ni bebete; nanokawaki ma akanaa taonaki n te nanokawaki; ao kabebeteia akanaa kainnanoa kabebeteia (buokiiia tabeman).
4. Teei kanga ana tia kakoaua te Atua n taai nako ao ni bwaai nako ao n taabo nako (Kakoaua Kristo ao kaota te katoto ae raoiroi n taai nako).
5. Tooro i roun te Atua ao kawakin ana tuua nako.

Ngkana I Kaawakina Au Berita n te Bwabetiito, e berita te Uea bwa e na

1. Kabwarai au bure.
2. Kabwaroa Tamneina ae bati riki nako aou (anganai ana iraorao te Tamnei ae Raoiroi).
3. Kamaiuai bwa I aonga ni warekaki ma naake a na moa n anganaki te mangauti ma ni karekea te maiu are ake a tokina (kariaiai bwa N na rin ni mimitongin Uean te Atua ae te tiretio ni maeka ma te Tama are i Karawa ao lesu Kristo).

Ana Aomata te Kiing ae Rimwai ao ana Aomata Aramwa

Te Kaantaninga Bwa a na reireiaki ataei bwa te nanorinao ao te onimaki inanon Iesu Kristo e konaa n anganiira te korakora ni kaitaraa te karawawataaki.

- Te Katauraoi**
1. Tataro mwaaka n reiakina Motiae 21:1–16; 22; 23:1–6, 29–39; ao 24 ao manga kauringa Motiae 12:2, 4–5. I mwiina reiakina te reirei ma n iangoia bwa ko na kangaa n reireiniia ataei karaki man taeka aika tabu (Taraa "Katauraoan Am Reirei" iteraniba vi, ao te "Te anga Reirei man Taeka aika Tabu" iteraniba vii.)
 2. Buokan te Wareware: Motiae 20–25 (ibukin te karaki ae bwanin).
 3. Rinei Titiraki ibukin te Kakarabakau ao Mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
 4. Ngkana ko iangoia bwa ko na kamanenaa te Mwakuri ni Kakukurei ni Karaka 1, ko na riai ni moana karaoaan te mwakuri tao teuana te wiiki i mwaain taina.
 5. Bwainreirei aika kainnanoaki:
 - a. Ana Boki Moomon i bukiia ataei n tatabemaniia nako.
 - b. Tamnei 4–24, I Nibwaite ngke a Tarataraya i Reimwanaite, ao 4–25, Ana Aomata te Kiing ae Rimwai ngke a birinako.

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki..

Koroi taeka aikai ao nanoia i aon te burakibooti ke te boutita. Kabwarabwaraa bwa na reireiaki ataei taeka tabeua aika kakawaki ni karaki man taeka aika tabu. Kariaia ataei bwa antai ae tokaki nanona bwa e na atonga te taeka ma n rinea nanona.

- | | |
|---------------------|---|
| Te Karawawataaki | a. Te uota ae rawawata ke te nanokawaki ae kangaanga iangoana |
| Te Tautoronaki | b. Kan reirei; aki kamoamoa |
| Te Nanorinano | c. Tekebuaka, karawawataaki, ke kangaanga |
| Bwainikirinaki | d. Akea te inaomata, kaaunganaki |
| Te Onimaki | e. Te Katabeaiangaaki, Te Bwainikirinaki, ke buakanak |
| Te Uota ae rawawata | f. Kakoaua n aki nooria |

	Reeke: Te Karawawataaki: c; Te Tautoronaki: d; Te Nanorinano: b; Bwainikirinaki: e; Te Onimaki: f; Te Uota ae Rawawata: a
Rongorongo man Taeka aika Tabu	Manga rinanon ana taetae ni burabeti Abinatai ni kaeti ma taekaia i Nibwaite man Motiaeae 12:2, 4–5. Taetae ni burabeti aika a rangi ni koaua ma n tia ni korobukiia e ngae ngke a bwenuaaki i Nibwaite i nanon uoua te kurubu aika a kaokoro. Reireiniia karanakinaia ana aomata te Kiing ae Rimwai ao ana aomata Aramwa man Motiaeae 21:1–16; 22; 23:1–6, 29–39; ao 24. Kamanenai tamnei n te tai ae bon riai. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te anga Reirei ma n Taeka aika Tabu”, iteraniba vii)
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te reirei e na konaa ni buokiia nakon karekean aia atatai n taeka aika tabu Ana Aomata te Kiing ae Rimwai
	<ul style="list-style-type: none"> • Ni kawai raa aika a bwainikirinaki iai ana aomata Rimwai i rouia i Remwainaite? (Motiaeae 21:3.) Bukin tera ngkai e riki aei? (Motiaeae 21:4; 12:2, 4–5.) • Tera te bwai ae a rootaki iai ana aomata Rimwai i mwiin konakiia n te buaka tenua te tai i rouia i Reimwanaite? (Motiaeae 21:13–14.) Tera nanon te taeka ae nanorinano? Bukin tera ngkai ko taku n am iango bwa n tokina ao a tibwa kananorinanoia i Nibwaite? • Bukin tera Tama are i Karawa ngkai e waeremwe n ongo tangiia ana aomata Rimwai? Motiaeae 21:15.) E kangaa ni kaekaa aia bubuti ibukin buokaia n te kabanea n tai? (Motiaeae 21:15–16.) Tera ae a reireiaki iai ana aomata Rimwai man te tautoronaki? E kanga ni buokiira te karawawataaki ni karekea nakoira te kan nanorinano, n ongotaeka, ao n tatato mwaaka? • I mwiin karoan berita ke boraraoi i roun te Kiing Rimwai ma ana aomata, ma te Atua, tera te bwai are a kani karoia ni kaotia bwa a karinea aia berita ma Ngaia? (Motiaeae 21:35.) Ti na kangaa ni kaotia nakon Tama are i Karawa bwa ti karinea ara berita n te bwabetitoo?
	Ana Aomata Aramwa
	<ul style="list-style-type: none"> • Baikara bukin kataakin aia onimaki ma aia taotaonakin nano ana aomata Aramwa ? (Motiaeae 23:21.) Tera te berita are e karoia te Uea nakoia ao nakoira ngkana ti kaaki ara mwioko i rouna ngkana a kataaki ara onimaki ma ara taotaonaki n nano? (Motiaeae 23:22.) Ko kangaa ni kakabwaiaaki man mwiokoan te Uea i roum? • Bukin tera ngkai e taekinna Aramwa bwa ana aomata a riai n akii maaku? (Motiaeae 23:27.) A kanga aia kaeka aomata nakon ana taeka n reirei? (Motiaeae 23:28.) E kanga te Uea ni buokiia? (Motiaeae 23:29.) E kangaa te Uea ni buokiko bwa ko na karekea te ninikoria?

- Tera ae ko na konaa ni karaopia bwa ko aonga ni korakora riki rinanon te karawawataaki? E kanga Tama are i Karawa ni kakabwaiako ke am utuu i nanon te karawawataaki?
- E kangaa Aramwa ao ana aomata n tuanga te Tama are i Karawa kainnanoia ngke e aki kariaia bwa a na tataro ni kabaibati te tia tautaeka ae buakaka ae Amiuron? (Motiaeae 24:12.) E kangaa Tama are i Karawa ni kaekaa aia tataro ao ma ni kawakina Ana berita nakoia? (Motiaeae 24:13–16.) E kanga te Tama are i Karawa ni kawakina ana berita nakoim?
- Tera te bwai ae uringnga Aramwa ma ana aomata ni karaopia i mwiin kainaomataaia ma irouia i Reimwanaite? (Motiaeae 24:21–22.) Bukin tera ngkai e kakawaki bwa ti na kaota ara kaaitau, e ngae ngkana ti mena i nanon te karawawataaki? Ti na kangaa ni kaota ara kaaitau nakon Tama are i Karawa ibukin kakabwaiara i rouna.
- A kanga aomata ni kakabwaiaka n te tamnei i nanon karawawatakiia?
- E kangaa ni kakorakorako te onimaki i nanon lesu Kristo ma te nanorinano i nanon tain te karawawataaki?

**Mwakuri ibukin
Karakaan
te Atatai**

Ko konaa ni kamanenaa teuana ke raka riki man taian mwakuri ibukin Karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Kaoia uoman ikawai bwa na kunikainiia kanga te Kiing ae Rimwai ao Aramwa. E konaa ni karakina karakinaia ana aomata te Kiing ae Rimwai man Motiaeae 21 ao 22. Ao Aramwa e konaa ni karakina karakinaia ana aomata man Motiaeae 23 ao 24. Kariaia ataei bwa a na titiraki ibukin bwaai ake a taekinaki n te karaki. E konaa te kakarabakau ao kamanenaan taian titiraki ni wakinaki n tain te karaki ke n tokin te karaki.
2. Tibwaia ataei nakon uoua ke aua te tiim, ni kaeti nakon mwaitiin kain te kiraati. Kariaia te tiim teuana bwa e na karaoa kain te mwakoro teuana man te karaki ae mamate nanoia iai ao kain tiim ake tabeua a na ketiinna bwa tera te bwai are katea kaina.
3. Kamatenanoa te kaaua n Taikan te Onimaki
4. Anenea ke wareka taikan te anene ae “The Fourth Article of Faith” (*Children’s Songbook* iteraniba 124), ke “Faith” (*Children’s Songbook* iteraniba 96).
5. Kaoia ataei bwa a na wareki tabeua taeka aika tabu aikai n te aro ae akea ae e na ongo bwanaaia ao ma ni mwaaken kiibu ake aboongana nakoia:
Motiaeae 23:7, 15, 21–22
Motiaeae 24:12–16, 21–22
Motiaeae 25:10, 15–16, 22–24

Kabaneana

Te Kaoti Koau Kaota am kaaitau ao am koaua ibukin ana kakabwaia te Uea nakoim i nanon tain karawaawaataam

Te Wareware n te Mweenga ae
Katautauaki Tuangiia ataei bwa ana reiakina Motiae 21:6–16 ao 24:10–15 ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.

A Rairi Nanoia Aramwa te Tei ao Natin Motiaeae Mwaane

Te Kaantaninga	Bwa a na reireinaki ataei bwa e riai te <i>rairannano</i> ibukin te kukurei n te aonnaaba ao te <i>maiua are aki toki</i>
Te Katauraoi	<ol style="list-style-type: none"> 1. Tataro mwaaka n reiakina Motiaeae 27; 28:1–9 ao Aramwa 36:11–24. I mwiina reiakina te reirei ao iangoia bwa ko na kanga reireiniia ataei karaki man taeka aika tabu. (Taraa “Katauraaoan Am Reirei,” iteraniba vi, ao “Te anga Reirei man Taeka aika Tabu” iteraniba vii.) 2. Rinei Titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kantaningaaki man te reirei. 3. Bwainreirei aika kainnanoaki: <ul style="list-style-type: none"> a. Ana Boki Moomon ibukiia ataei n tatabemaniaa. b. Te Baekibaeki ke te baeki ao aua ke nimaua bwaai aika rarawata n ai aron booki, atiibu, ke buriki. Aranii bwaai akanne ni buure n aron te kewe, bwainingareaia tabeman, te moko ao tabeua riki. c. Tamnei 4–26, E kaoti te Anera nakon Aramwa ao Natin Motiaeae mwaane.
Aron Kairan te Reirei ae Katautauaki	<p>Kaoa te ataei temanna bwa e na kaira te tataro ni kakuuki.</p> <p>Uota te baekibaeki ke te baeki ae kanoaaki ni bwaai aika rarawata nakon te reirei. (Ko bae n atai bwaai aika a na anaaki nanoia iai ataein te roro aei.) Kamanenai baikai n aranii bwaai iai. Kariaia ataei bwa a na ikaruoruo n taua te baeki ae rawaawata aei. Imwiina kariaia ataei bwa a anai bwaai mai i nanon te baeki teuana imwiin teuana.</p> <p>Ngke a bane “buure” ni kanakoaki, uotan te ataei ae “rawaawata,” ke te uota ae rawaawata e na bebete. (Tao ko na tangiria ni kan kanimwii bwaai iaon te o ni karokoa ae bane te reirei n te aro are ko aonga ni manga okirii.) Kabootaua te baeki ae rawaawata ao te baeki ae bebete. E tuangiira lesu bwa ngkana ti nakoina rinanon te onimaki, te <i>rairannano</i>, ao te bwabetiito, a na kabebeteaki uotara. Te <i>rairannano</i> bon te raraoma ibukin karaoan te bure, tai manga oki ni karaoia riki, ao imwiina kataia ni maiu n ai aron te Tia Kamaiu. N te reirei aei ao a na konaa ataei iai n nooria bwa e kangaa Aramwa te Teei ma Natin Motiaeae mwaane ni kunea te karawaawataaki n te bure ao te kukurei are e reke ngkana e uotaki te rawaawata rinanon te onimaki i nanon lesu Kristo ao te <i>rairannano</i></p> <p>Rongorongo man Taeka aika Tabu</p> <p>Kamanenai tamnei n te tai ae bon riai, reirei karakinan te bitaki ae korakora are e riki i nanoni maiuia Aramwa te Teei ao natin Motiaeae mwaane n aron are</p>

koreaki ni Motiaeaa 27 ao 28:1–9. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te Anga Reirei man Taeka aika Tabu,” iteraniba vii.) Buokiia ataei bwa a na oota bwa te reirei aei e boboto iaon karakinan Aramwa te Teei (tamana Aramwa te Unimwaane, bon Aramwa are e rairaki n ana kabwarabwara Abinatai). Kakarabakaua aron te rairannano are e rinanona Aramwa te Teei are bon tii te arona naba ma te kawai ae ti riai n rinanona ngkana ti rairi nanora (taraa Aramwa 36:16–21):

1. Kinaa te bure
2. Kaota te bure ao tataro ibukin kabwaraana
3. Karaoa ara kabanea ni konaa ibukin kabooani mwiin te kairua
4. Kaaki te bure ke kitana te bure
5. Ongotaeka n tuua ao maiu n ai aron te Tia Kamaiu.

Kamanenaan
Titiraki n te
Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te kiraati e na konaa ni buokiia nakon karekean aia atatai n taeka aika tabu.

- Tera te bwai ae a karoia taan aki kakoaua nakoia kain te Ekaretia? Tera ae nanonaki iai ngkana ti bwainikirinaki? Bukin tera ngkai ko taku n am iango bwa a bwainikirinii kain te Ekaretia te koraki aei? (Motiaeaa 27:1, 8–10.) Ni kawai raa ake a konaa iai ni bwainikirinaki kain te Ekaretia ni boong aikai?
- Antai ae tataro ibukin Aramwa te Teei ao natin Motiaeaa mwaane? A tataro ibukin tera? (Motiaeaa 27:14.) Tera am iango n aron te bwai ae tataro ibukina am karo ngkana a tataro ibukim?
- Ti na kangaa n tataro n te aro are ti na konaa ni karekei taian kaeka (Motiaeaa 27:14.) Kaoia ataein te reirei bwa a na taekina te bwai ae e a tia n riki nakoia ngke a tia ni karekei kaekaan aia tataro. Tao ko na tangiria naba ni kan taekin baika a tia n riki nakoim.
- A kangaa Aramwa ma raona ake aman n noora aron mwaakan te Tama are i Karawa? (Motiaeaa 27:11, 15, 18.)
- Tera te bwai ae e riki nakon Aramwa n aron ana mwakuri te tamnei aei? E kangaa n riki bwa te kakabwaia ae korakora i nanon maiun Aramwa?
- Tera ae karoia Aramwa te Unimwaane ngke e ongo aron te bwai are e riki nakon natina? (Motiaeaa 27:20–23.) Bukin tera ngkai a tangiria ara karo bwa ti na ongotaeka nakon ana tua nako Tama are i Karawa?
- E kangaa aron ana namakin Aramwa i mwiin tian te Anera n taetae nakoina? (Aramwa 36:11–17.) Bukin tera ngkai e kakawaki ibukira bwa ti na raraoma ibukin ara bure?
- E kangaa ana atatai Aramwa n aron kabwaraani buure i roun Iesu Kristo ni buokia n raira nanona? (Aramwa 36:17–18.) Tera ae karoia Aramwa ngke e uringa te Tia Kamaiu? (Aramwa 36:18.) Bukin tera ngkai e kakawaki kaotan ara bure ao n tataro ibukin kabwaraaia ngkana ti rairi nanora?
- E kangaa Aramwa ni kataia ni kabooa mwiin te kairua are e a tia ni karoia? (Aramwa 36:24.) Ngkai bon kanoan naba te raira n nano, bukin tera ngkai e kakawaki ibukira bwa ti na bitaki ao ni kataia ni kabooa mwiin te kairua are ti a tia ni karoia?

- Ngke a tia Aramwa te Teei ma natin Motiaeaa mwaane n rairi nanoia ma n bitii aron maiuia aika bubuaka, tera te bwai are a tangiria ni kan karaoia ni buokia tabeman? (Motiaeaa 27:32; 35; 28:1.) Ti na kangaa ni konaa n riki bwa bwaai ni katootoo aika raoiroi i buakoia kain ara utuu ke raoraora?
-

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri ibukin karakaan te atatai aikai n te tai n aki akaaka i nanon te reirei ke manga rinanoan te reirei, kakimototoan te reirei ke te kataaki n titiraki.

1. Kamanenaa tamnein te teei ae uarereke, kaoa temanna ma natina ae uarereke nakon te reirei. Kabotaua itiakin te teei ae uarereke ma te aomata are e a tia n raira nanona.
 2. Kaoa temanna ae a tibwa tia n rairaki nakon te Ekaretia bwa e na taekin kawai tabeua ibukin te raira n nano ao te bwabetiito are e a tia n roota maiuna ma kukureina.
 3. Kamanenaa te bwatoro ae kakanoa n te ran ae itiaki bwa onean mwiin te aomata ae e a inaomata man te bure. Katimmwa teutana te kara ibukin karanakin te amwarake i nanon te ran, ao taekinna nakoia ataei aron te kara arei ngke e butanako i nanon te ran. Kabotaua te baei ma te bure. I mwiina ao renganna n te timnna te ran man te bwai ni kanako memea ni kanakoa te kara, ao kabotaua te baei ma aron kaitiakan ara bure n te kabwarabure. (Tao ko na tangiria ni kan kataa te kataitai aei i mwaain tain te reirei n te aro are ko aonga n ataia raoi bwa mwaitira te kara ao te bwai ni kaako memea ae ko na kamanena.)
 4. Anenea ke wareka taekan te anene ae kangai taekana: "Help Me, Dear Father" (*Children's Songbook*, iteraniba 99).
-

Kabaneana

Te Kaoti Koau

Kaota am koaua, bwa ti rinanon te rainnano ao kabwaraani buure i roun lesu Kristo are e na konaa iai ni kabebeteaki karawawataara n ara bure ao ti na kona ani karekea kabwaraan ara bure ao te kimwareirei ae bwanin.

Te Wareware n te
Mweenga ae
Katautauaki

Tuangiia ataei bwa a na reiakina Motiaeaa 27:10–24 ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.

Aia Mwakuri ni Mitinare Aramwa ma Amureka i aon Amonia

Reirei
15

Te Kaantaninga Bwa a na reireiaki ataei kakawakin te kakaonimaki n ongotaeka nakon ana tua nako Tama are i Karawa.


-
- Te Katauraoi**
1. Tataro mwaaka n reiakina Aramwa 8:8–9:34 ao 11:21–12:19. I mwiina ao reiakina te reirei ma n iangoia bwa ko na kangaa n reireiniia ataei karaki man taeka aika tabu (Taraa “Katauraoan Am Reirei” iteraniba vi, ao te “Te anga Reirei man Taeka aika Tabu” iteraniba vii.)
 2. Reitan te Wareware: Aramwa 10.
 3. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nkaon karekea te bwai are e kaantningaaki man te reirei.
 4. Bwainreirei aika Kainnanoaki
 - a. Ana boki Moomon ibukiia ataei n tatabemaniia.
 - b. Tamnei 4–27, Aramwa ngke e reireiniia Aomata i aon Amonia

**Aron Kairan
te Reirei ae
Katautauaki**

Kaoa te ataei temanna bwa e na kaira te tataro ni kakuuki.

Mwakuri ni Kakukurei ibukin Kairan te Kakauongo

iKorotamneii bwaini Kamataata aikai i aon te Burakibooti:



Kaoa te ataei temanna bwa e na katuka te tiaoka i aon te biriari ao ni korea te rain n iiri kaetieti aikai:

1. Nakon te Angatai tenuua te tikuea
2. Naako naano uoua te tikuea.
3. Nakon te angamaing teuana te tikuea.
4. Naako ni waerake teuana te tikuea.
5. Nakon te maing uoua te tikuea.
6. Naako naano teuana te tikuea.
7. Naako n te Angatai teuana te tikuea.

	<p>8. Naako naano teuana te tikuea. 9. Naako n te Angatai uoua te tikuea.</p> <ul style="list-style-type: none"> • Ngkana (aran te ataei) e aki iira au kaetieti, e toki te rain i aon te itoi? <p>Kaitaua te ataei ibukin ongotaekana n iiri kaetieti ni kabane. Tuangiia ataei bwa n te reirei aei ao a na konaa iai n reireiniia aroia mitinare aika uoman ake a ongotaeka nakon bwaai ni kabane ake a tuangaki bwa ana karaoi.</p>
Rongorongo man Taeka aika Tabu	<p>Reireiniia ataei ni karakinaia Aramwa ao Amureka ao mwakuri ni mitinare i aon Amonia man Aramwa 8:8–9:34 ao 11:21–12:19. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te anga Reirei man Taeka aika Tabu,” iteraniba vii.) Kamanena te tamnei n te tai ae bon raiai.</p>
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataei n te reirei e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • Bukin tera ngkai aki kan kakauongo aomata i aon Amoonia nakon ana taeka Aramwa? (Aramwa 8:10.) • Tera am iango n aron te bwai ae ko na tia ni karaoia ngke arona bwa ko a tia n rinanon ana mwakuri Aramwa nooria bwa tera ae e a tia ni karaoia Aramwa ni moan nakona nako Amonia? (Aramwa 8:13–14.) Bukin tera ngkai e tuangaki Aramwa i roun te Anera bwa e na kimwareirei? (Aramwa 8:15.) E kangaa aron am namakin ngkana ko a tia n ongotaeka nakon ana tua nako te Tama are i Karawa? • N ni ngai te moan tai are e kanakoaki iai te anera aei ma te rongorongo ibukin Aramwa? (Taekina te taeka ae <i>kanakoa</i> n te butunoute n Aramwa 8:15, ao i mwiina ao tuanga temanna bwa e na wareka Motiae 27:11–16.) Manga kauringnga n te aro ae kimototo aron Aramwa ngke e raira nanona ma n riki bwa ana toro Tama are i Karawa ae ongeaaba (taraa Reirei 14). • Tera te bwai ae ti na konaa n reireira iai n aron ana kaeka Aramwa nakon ana kaetieti te Anera? (Aramwa 8:18.) • Bukin tera ngkai e rangi ni kukurei nanon Amureka ni kan buoka Aramwa? (Aramwa 8:20.) Baikara bwaai aika tuangaki bwa a na karaoi Aramwa ma Amureka? (Aramwa 8:29.) • E kangaa te Tama are i Karawa ni buokiia Aramwa ma Amureka ni kaitaraia aomata aika buakaka i aon Amoonia? (aramwa 8:30–32.) Tera ae ti na konaa karaoia bwa ti aonga n tau nakon n ana ibuobuoki Tama are i Karawa n aaro aika kangaanga? • Tera te bwai are e taetae ni burabetiia Aramwa bwa e na riki nakoia aomata i aon Amoonia ngkana a aki rairi nanoia ao n ongotaeka nakon tuua? (Aramwa 9:18.) • Tera te bwai are e taetae ni burabetiia Aramwa ma Amureka ibukin lesu Kristo? (Aramwa 9:26–28.) • Tera ae nanonaki n te aki mamamatam? Bukin tera ngkai e aki mamamatam

Aramwa ibukiia aomata i aon Amoonia? (Aramwa 10:7.) E na kanga te aki mamatam n riki bwa te kakabwaia nakoim?

- E kanga Titirom ni kataia ni kaririia Amureka? (Aramwa 11:22.) E kanga aron Amureka ni kaeka nakon ni kaririaki aei? (Aramwa 11:23–25.) E a tia temanna ni kamwanea te kaririiko bwa ko na karaoa te bwai ae kairua? Ko na kanga n eekaanako te kaririaki aei?
- E kanga Titirom ni kakabwaiaaki man aia ongotaeka Aramwa ma Amureka? Tera te bwai ae karika rairannan Titirom? (Aramwa 12:7–8.) E kanga kaotan am koaua ni buokiia tabeman ni karekei aia koaua? Tera te bwai are e reireina iai Titirom Aramwa ibukin te Atua bwa e kanga ni motiki taekara? (Aramwa 12:12–15.)

Mwakuri ibukin Karakaan te Atatai

Ko konaa ni kamanenaa teuana ke raka riki man taian mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoa te reirei ke te kataaki n titiraki.

1. Kaoa te mitinare ae a bane ana tai bwa e na roko nakon te reirei bwa e na taekina aron kakawakin te ongotaeka nakon tuan te mwakuri ni mitinare ao nakon ana reirei Iesu Kristo n aron ae a tia n rinanona. Kabwarabwaraa bwa ni katoa ingaabong ao a kakorakoraia mitinare n reiakin taeka aika tabu ni karaoa aia tataro i mwaain mwanangaia n reirei taekan ana euangkerio Iesu Kristo. Reireiniia ataei bwa te ongotaeka nakon tuua nako e na buokiia ni karekea aia onimaki, ninikoriaia, ao otangaaia mai roun Tatan.

2. Uoti bwaai ke kunikai tabeua n te aro ae a na konaa ataei ni bwainia kaanga Aramwa. Kariaia ataei tabeman bwa a na karaoa te kaotioti ibukin ana mwakuri ni mitinare Aramwa i aon Amonia. Angan te ataei are e riki bwa Aramwa te kaate ae koreaki i aona te rongorongo ae kangai: “Ngai Aramwa. I roko bwa N na reireini ngkami aron ara Tia Kamaiu ae Iesu Kristo, ao arora n ongeaaba nakon tuua nako. I konaa n rin?” Anganiia ataei tabeman taiani kaate ake a koreaki i aoia rongorongo aikai:

Ai tiaki kaain te Ekaretia ngaira ngkai, Aramwa. Tiaki kakoauai bwaai ake ko taekin.

Ko aki konaa n rin, Aramwa. Kiitana ara kaawa ao abara.

Riin. I kan ongora am rongorongo.

Akea! Ti uringa arom ngkoa n rarawa n ongoraa, Aramwa. Tiaki kan ongoraa nakon ana taeka te tia mwamwanaa te aba.

Taekina aron ninikoriaia mitinare are e reke i rouia ao aron te onimaki i nanon Iesu Kristo ao te ongotaeka nakon ana tua nako e konaa n anganiira te ninikoria.

3. Tuanga te ataei temanna bwa e na riki bwa Amureka. Ao tuanga te ataei temanna bwa e na riki bwa Titirom e na kaotia bwa angkua iai i rouna onoua te onti n tirewa i nanoni baina. Angan te ataei aei te kaate are e koreaki i aona te rongorongo ae kangai taekana: “Noria, aikai onoua onti n tirewa, ao N na anganiko bwaai ni kabane ngkana ko atongnga bwa akea te Aomata ae Moan te Rietata.”

Katoka te kaotioti ao titirakinnia ataei bwa tera aia iango n te bwai are e riai Amureka n taekinna n aron te anainano n te mwane aei. Katuruturua taekinan aron ninikorian Amureka ni karaoa ae eeti. Taekina te ninikoria are e tangiriira

iai Tama are i Karawa ao lesu Kristo bwa ti na karekea n te ongeaaba.

Titirakinia ataei bwa baikara tuua ake a tia ni ongetaeka nako iai ke aika a na ongotaeka nako iai n te bong aei, n aron taekinan te tataro, te nako n te taromauri, te anenei anene, te kaoti koaua, kanakin te toa, iangoakin lesu Kristo, i nanon tain te toa, karaoan mwakuri n akoi ni ibuobuoki, ao kabwakaan te kabwiiianibwai. Kaungaia ataei bwa a na riai n atai aron baika a kakaraoi, aia taeka, ao aia iango i nanon te wiiki ae na roko, ao ma ni karekea te ninikoria n ongotaeka nakon ana Tua nako Tama are i Karawa.

5. Anenea ke wareka taekan te anene ae kangai taekana: “Beku Ma Te Koaua” (*Anene n Taromauri ma Aia Anene Ataei*, iteraniba 60), “Stand for the Right” (*Children’s Songbook* iteraniba 159), ke “Choose the Right Way” (*Children’s Songbook* iteraniba 160)
-

Kabaneana

Te Kaoti Koau

Kaota am koaua bwa te Tama are i Karawa e tangiriira bwa ti na ongotaeka nakon ana tua nako n te aro are ti na konaa n tau nakon tamneina are e na mena i roura ao are e na buokiira ni kaokiira nakoina.

Te Wareware n te
Mweenga ae
Katautauaki

Tuangjia ataei bwa a na reiakina Aramwa 8:14–20 ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.

Aramwa ma Amureka i nanon te Karabuuti

Reirei
16

Te Kaantaninga Bwa a na buokaki ataei ni karikirakei aia onimaki inanon Iesu Kristo bwa aonga n tei ibukin te eeti.

Te Katauraoi

1. Tataro mwaaka n reiakina Aramwa 14:1–16:10. I mwiina reiakina te reirei ma n baireia bwa ko na kangaa n reireiniia ataei karaki man taeka aika tabu (Taraa “Katauraoan Am Reirei” iteraniba vi, ao te “Te anga Reirei man Taeka aika Tabu,” iteraniba vii.)
2. Reitan te Wareware: Aramwa 60:13.
3. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
4. Bwainreirei aika Kainnanoaki:
 - a. Ana Boki Moomon ibukiia ataei n tatabemaniia
 - b. Te Kiaba.
 - c. Tamnei 4–28, Aramwa ao Amureka iaon Amonia, ao Tamnei 4–29, Aramwa ao Amureka ngke a nakonako n otinako man te Karabuuti are e bwaka.

Aron Kairan te Reirei ae Katautauaki	Kaoa te ataei temanna bwa e na kaira te tataro ni kakuuki.
Mwakuri ni Kakukurei ibukin Kairan te Kakauongo	Kaota te Kiaba nakoia ataei (kaotia bwa angkoa iai te kiaba iroum) ao Ana Boki Moomon. Titirakiniia bwa a kanga bwaai aika uoua aikai n taraa n ti te arona. Buokiia ataei bwa a na oota bwa te kiaba e na aki konaa ni kataniira man te karau ni karokoa ae ti kaukia ao man tei i aana. Ao ai bon tii te arona naba ma Ana Boki Moomon bwa e aki konaa ni karikirakea ara onimaki i nanon Iesu Kristo ni karokoa ti kaukia ma n reiakinna ma te tataro mwaaka ao ma ni maiuakin ana reirei. Weteia ataei bwa a na kauka Ana Boki Moomon ake anganaki ao a na reirei iai aroia mitinare ake uoman ake iai aia onimaki ae tau are e konaa n urua oon te karabuuti ni kabwakaa nako aontano.
Rongorongo man Taeka aika Tabu	Anga reirei iaon karakinan Aramwa ma Amureka ngke a mena i nanon te karabuuti man Aramwa 14:1–16:10. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te Anga Reirei man Taeka aika Tabu,” iteraniba vii.) Kamanenai tamnei n te tai ae bon riai.
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa ana rangi ni buokiia ataei n oota raoi n taeka aika tabu ao ni kamanenai reirei i nanoni maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.


- Manga kauringa karakinan Titirom man te reirei ae nako. E kangaa aron ana namakina Titirom ngke e ataia bwa e a tia ni kamatakiia aomata n aia iango? (Aramwa 14:6.)
- E kangaa Titirom ni kaotia bwa e nanokawaki ibukin ana bure? (Aramwa 14:7.) A kangaa aroia aomata nakoina? Bukin tera ngkai a konaa aomata n taai tabetai ni bwainikiriniia te koraki ake a kokoaua te Tama are i Karawa?
- Tera te bwai ae karoia ana aomata Amonia nakon Titirom ao naake ake a kokoaua Aramwa 14:7,9.) E kangaa aron am namakin ngke arona bwa e riki aei nakoi?
- A nanokawaki Aramwa ao Amureka ngke a taratarai koroboki aika tabu ao aine nuuma ma ataei aika kabuokaki n te ai aika akea aia bure, tera te bwai are e tuangaki iai Aramwa i roun te Tamnei ae Raoiroi? (Aramwa 14:11.) Bukin tera ngkai e kariaia Aramwa bwa e na kamaiuiia aomata ma n te ai?
- Tera te bwai ae riki nakoia aomata aika raoiroi ake a mate ibukin aia totoko ibukin aia koaua.? (Aramwa 60:13.) Buokiia ataei bwa e na oota i rouia bwa n taai tabetai aomata aika raoiroi a tia ni mate ibukin aia koaua.
- Bukin tera ngkai ko taku n am iango bwa a tia Aramwa ma Amureka ni konaa n tokanikai i aon bwainikirinakii? Tera ae ko konaa ni karoia ni kataia ni karekea onimakinan lesu Kristo, n aron are a tia ni karekea Aramwa ao Amureka? E kanga te tei ibukin te koaua ni karekea te ninikoria?
- Ngke a mena n te karabuuti Aramwa ma Amureka, tera te bwai are anganaki iai te mwaaka ni karoia? (Aramwa 14:25–28.) Antai ae anganiiia te mwaaka aei? Bukin tera ngkai ko taku n am iango bwa a biri nako aomatan te kaawa mairouia Aramwa ma Amureka? (Aramwa 14:29.)
- Bukin tera Titirom e ituaki n te aoraki ae te kabuehue ae korakora? Aramwa 15:3.) Tera te bwai are e kariaia tokin aorakin Titirom n rabwatana ao n tamneina? (Aramwa 15:6–8.) E kanga aron am namakin ngkana ko a tia ni karoao te bwai teuana ae kairua? E kangaa aron am namakin ngkana ko a tia n raira nanom? (Taratara raoi bwa ko na aki kakarabakauakin bwaai aika a na kamamaaiia ataei.)
- I mwiin marurungina man aorakina ao bwabetitooana, tera te bwai ae karoia Titirom? (Aramwa 15:12.) Tera te bwai ae ko karoia ngkai n tataekinan te Euangkerio ma tabeman? Ko na kangaa ni katauraiko ibukin karoao am mwakuri ni mitinare ae bwanin? Tera te bwai ae riki nakon Amureka ibukina ngkai te mitinare? (Aramwa 15:16) Baikara anganano aika karoai mitinare ni boong aikai n nakoia ni karoao aia mwakuri ni mitinare.?
- Tera te bwai are e taetae ni burabetiia Aramwa bwa e na riki nakoia aomata n te aba ae Amonia ngkana a rawa n rairi nanoia? (Aramwa 9:18.) E kangaa ni kakoroaki bukin te tatae ni burabeti aei? (Aramwa 15:15; 16:2–3, 9–10.)
- Tera te reirei ae ko a tia ni karekea ma n karakinan Aramwa ao Amureka are e buokiko ni karekea am onimaki i nanon lesu Kristo ao ma n tei ibukin te eeti ma te koaua?

Mwakuri ibukin

Karakaan te Atatai

Ko konaa ni kamanenaa teuana ke e raka riki ma n taian mwakuri ibukin karakaan te atatai aikai n te tai n aki akaaka i nanon te reirei ke manga rinanoan te reirei, kakimototoan te reirei ke te kataaki n titiraki.

1. Karaoa kaobin te tiata ibukin te Teei ibukin te Eeti n tokin te reirei aei, ao anganiia ataei n tatabemaniia nako. Kariaia ataei bwa a na korei raain ake a na toma nakon taeka aikai man te angamaing nakon taeka akana n te angatai ni karaoa te kibu n taeka are e na reke iai te korakora ni karaoakina. Tuangiia ataei ngkana a tia. Ngkana a bane n teirake, tuangiia bwa a na tekateka ao a na rinea te kibu n taeka are a kan tei ibukina. Anganiia ataei aia tai n tatabemaniia nako bwa a na waerake nako moa ma ni manga taekina te tia ae a uaiakinna ni kabaibati ngke a tabe ni kauka te kiaba man tei i aana. N aron aei: "N na kakaonimaki ni karaoa te aki babakanikawai!" (E raoiroi ibukiia ataei tabeman bwa a na rinea te tia ae tii te arona.) Kabwarabwaraa bwa te kiaba e tei ibukin ana reirei lesu Kristo are e na otangaira mai roun Tatan ngkana ti ongotaeka nako iai.



2. Koroi i aon te burakibooti ma ataei bwaai ake a na konaa ataei ni karaoia ni kakorakorai aia onimaki i nanon lesu Kristo. Tuangiia ataei bwa a na rinea teuana man te bwaai ake a karinanaki are a na karaoia i nanon te wiiki ae e na roko. Kariaia ataei bwa a n a kamatuui mataia ma n iangoia n aia iango bwa a tia ni kabobongaa te tia are a na uaiakinna. Kaoia ataei nakon te wiiki ae e na roko bwa a na taekina aron te mwakuri are a tia ni karaoia.

3. Wareka te kaaua n taekan te onimaki ao tuangiia ataei bwa a na kaotia bwa e kanga Titirom ni rinanon kawai aika a karinanaki aikai.
 4. Anenea ke wareka taekan te anene ae “Stand for the Right” (*Children’s Songbook* iteraniba 159). Kaririaia ataei bwa a na tei ngkana anenea te kabanea ni kibu ae kangai, “Ao Teei ibukin te Eeti.”
-

Kabaneana

Te Kaoti Koau	Kakoaua bwa ngkana ti ongotaeka nakon taian tua n aron are a tia ni karaoia Aramwa ma Amureka, onimakinan lesu Kristo iroura e rikirake ao ti na ninikoria n tei ibukin te eeti.
Te Wareware n te Mweenga ae Katautauaki	Tuangiia ataei bwa a na reiakina Aramwa 14:23–29 ao 15:1–13 ni mweengaia bwa manga kauringan te reirei aei. Kaoa te ataei temanna bwa e na kaira te tatato ni kainiin.

TEEI IBUKIN TE EETI

TEEI IBUKIN TE EETI

Rinea	Tai'an Tataro	Rinea	Tai'an Tataro
Taeicina	Te bwai	Taeicina	Te bwai
Tuai-man	Akoi	Tuai-man	Akoi
Ongotaeka	Babakanikawai	Ongotaeka	Babakanikawai
Karinea	Te Koaua	Karinea	Te Koaua
Ko na	Berita	Ko na	Berita
Kararoa	Te Eeti	Kararoa	Te Eeti
Atonga	Ana Tuia te Atua	Atonga	Ana Tuia te Atua
Toua mwiin	Taeika aika tabu	Toua mwiin	Taeika aika tabu
Reiakina	Iesu	Reiakina	Iesu

Ana Toro Amon ae Kakannato

Te Kaantaninga

Bwa a na kaungaaki ataei n tatabemaniia nako bwa na taekina te euangkerio ma ni karaoai katootoo aika raraoi ao ma ni kaoti koaua ibukin lesu Kristo.

Te Katauraoi

1. Tataro mwaaka n reiakina Aramwa 17–19. I mwina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraaoan Am Reirei” iteraniba vi, ao “Te Te anga Reirei man Taeka aika Tabu,” iteraniba vii.)
2. Rinei Titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kantaningaaki man te reirei.
3. Bwainreirei aika Kainnanoaki:
 - a. Ana Boki Moomon ibukiia ataei n tatabemaniia nako.
 - b. Tamnei 4–30, Amon e Kamaiuia Ana Nanai Kiing Ramoni (Kete n Tamnei ao Koro Tamnei n te Euangkerio 310; 62535).

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Kariaia ataei bwa a na karaoa aia kaotioti ibukin te aomata ae tiaki kaain te Ekaretia Karekeia ataei uoman aika a na riki bwa mitinare n te tai anne. Ko konaa ni koroi aara i aan beeba ngkana ko tangiria. Karekeia mitinare ni kakauoman ake a na kaekai aia titiraki te koraki ake a tibwa moana aia ukeuke n te Ekaretia temanna ke uoman ake ti te arona ma aika a kaotaki i nano ikai.

Ko kanga n ataia bwa e maiu Tama are i Karawa?

Arora aron Tama are i Karawa?

Antai lesu Kristo?

Tera ae karaoia lesu Kristo ibukira?

Antai te Tamnei ae Raoiroi?

E kanga ni buokiira te Tamnei ae Raoiroi?

Tuangiiia ataei bwa tera ae a namakinna ngkana a taekina aron Tama are i Karawa, lesu Kristo, ao te Tamnei are Raoiroi. Buokiia ataei bwa a na kokoauaa bwa a kaota aia koaua ngkana a taekina aron Tama are i Karawa, lesu Kristo, ao te Tamnei ae Raoiroi.

E konaa ni kamanenaaki te Mwakuri ni Kakukurei 1 n onea mwiin te Mwakuri ibukin kairan te kakauongo.

Kabwarabwara bwa aio te reirei ibukin te mitinare ae kakannato ae iai ana koaua ae matoatoa.

Rongorongo man Taeka aika Tabu	Kamanenaan Tamanei n te tai ae riai, reireiniia ataei ni karakinan Amon ao Kiing Ramoni man Aramwa 17–19. Kabwarabwara bwa e kaota ana koaua Amon nakon te Kiing ae Ramoni ni wanawanana mai roun Tama are i Karawa. (ibukin kawai aika iangoaki ibukin reireiiia ataei karaki man taeka aika tabu, taraa “Te Anga Reirei man Taeka aika Tabu,” iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na ibuobuoki nakoia ataei n atai taeka aika tabu ma ni kamanenai reirei i nanon maiuiia . Warekan kiibu ma ataei n te kiraati e na buokiia ni karekei atatai man taeka aika tabu.</p> <ul style="list-style-type: none"> • Tera a e nanonaki n te riki bwa “bwai ni mwakuri i nanon bain [te Uea]”? (Aramwa 17:9.) Kabwarabwaraa bwa <i>te bwai ni ibuobuoki</i> bon te bwai ni mwakuri. I mwiin rairan nanoia, natin Motiaeaa a kanga ni katauraoiia ibukin aia mwakuri ni mitinare (Aramwa 7:2–3.) Tera ae ko karaoia ngkai n taekinan te euangkerio nakoia tabeman? Tera ae ko na karaoia bwa ko aonga n tauraoi n riki bwa te mitinare ae kakaonimaki? • Bukin tera ngkai a tangiria natin Motiaeaa mwaane ni kan nako ni karaoa aia mwakuri ni mitinare i rouia I Reimwanaite? (Aramwa 19:22–23.) Bukin tera ngkai e kakawaki bwa natin te Atua ni kabane a riai n ongora man oota raoi n ana euangkerio lesu Kristo? • Tera te bwai ae kantaningaia Amon ngke e buakaniia I Reimwanaite aika buakaka? (Aramwa 17:29.) • Tera te bwai ae berita iai te Uea nakon Motiaeaa ibukiia natina? (Aramwa 17:35.) E kangaa te Uea ni kakoroa bukin ana berita? • Tera te bwai ae rootaki iai te Kiing ae Ramon n ana mwakuri ni katootoo Amon? (Aramwa 18:9–11.) Antai ae a tia ni karaoa te katootoo ae raoiroi ibukim? Antai ae ko na karaoa te katootoo ibukina? • E kangaa aron ana koaua Amon ao Tamnein te Atua n roota te Kiing ae Ramon? (Aramwa 18:40–43.) A kangaa aia koaua tabeman ni buokiko? N te aro raa ae ko na konaa iai n taekina am koaua ma tabeman. • E kangaa te uea n aine ao ana toro ni kaota aia onimaki ae korakora? (Aramwa 19:8–12, 17.) • Tera te bwai ae a kakoauaa Ramoni ao te uea n aine? (Aramwa 9:12–13), 29–30.) Tera am iango n aron te bwai are e namakinna Ramoni i mwiin nooran lesu Kristo i rouna? (Aramwa 19:12–13.) • Bukin tera ngkai e kakawaki bwa ti na buokiia tabeman bwa a na ataa aron lesu Kristo n aron are a karaoia Amon ma te Kiing ae Ramoni.
Mwakuri ibukin Karakaan te Atatai	Ko konaa ni kamanenaa teuana ke e raka riki man mwakuri ibukin karakaan te atatai aikai n te tai n aki akaaka i nanon te reirei ke manga rinanon te reirei, kakimototoan te reirei ke te kataaki n titiraki.

1. Kaoti nakoia ataei tabeua bwai ni mwakuri ake a kamanenaaki irouia kabentaa, taan ununiki taani been, ao tabeman riki. Tuangiia ataei bwa a na taekinna bwa tera ae ataia ni bwai ni mwakuri aikai n tatabeua, antai ae kamanenai, ao a kanga ni kamanenaaki.
Kakarabakauakina boongan taian bwai ni mwakuri. Kabwarabwaraa bwa a na kangaa n riki ataei bwa bwai ni mwakuri i nanon bain te Atua.
2. Anganiia ataei n tatabemaniia te mwakoro ni beeба ao te bentira ao kariaia bwa a na korea aia koaua ke aron aia namakin ibukin te Ekaretia ao ana Euangkerio Iesu Kristo. A konaa ni karin iango ao namakin aika a namakinaki i rouia bwa a kaan riki iai nakon Tama are i Karawa. Kariaia bwa a na iangoa temanna are a na taekin aia koaua ma ngaia.
3. Kariaia ataei bwa a na karaoi kaate aikai bwa a na uoti nakon mweengaia:
I konaa n riki bwa te Mitinare ngkai n _____(Kariaia bwa a na kanoaa te tabo ane akea kanoana.)
4. Anenea ke wareka taikan te anene ae “I Will Be Valiant” (*Children’s Songbook*, iteraniba 162), “I Want to Be a Missionary Now” (*Children’s Songbook*, iteraniba 168), ke Karaki man “Book of Mormon Stories,” kiibu 5 (*Children’s Songbook*, iteraniba 118).

Kabaneana

Te Kaoti Koau	Kakoauaa bwa E kakabwaiaira te Uea ngkana ti kaota ara kakoaua ibukina ao ibukin te euangkerio. Ti konaa n tibwauaa te euangkerio ma tabeman man ara mwakuri ni katootoo ngkana ti maiuakina ana euangkerio Iesu Kristo.
Te Wareware n te Mweenga ae Katautauaki	Tuangiia ataei bwa a na reiakina Aramwa 17:19–25, 18:8–40 ni mweengaia bwa manga kauringan te reiri aei. Kaoa te ataei temanna bwa e na kaira te tataro ni kainiin.

E a Rairaki Taman te Kiing ae Ramoni

Reirei
18

Te Kaantaninga Te buokiia ataei bwa a na ataia bwa rinanon te baire ae raoiroi ibukin te kamaiuaki a konaa ni kabwaraaki ara bure.

- Te Katauraoi**
1. Tataro mwaaka n reiakina Aramwa 20:1–22:26 ao 23:1, 4–5 ma te tataro. I mwiina reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraaoan Am Reirei” iteraniba vi, ao “Te anga Reirei man Taeka aika Tabu,” iteraniba vii.)
 2. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nakon kaerekean te bwai are e kantaningaaki man te reirei.
 3. Katauraoi taeka aika koreaki i aon beebar taeka (ke konaa ni koroi taeka i aon te burakibooti):
Karikan Bwaai
Atam ao Nei Eewa—Te Bwaka
Te Bure
Maten te Rabwata
Iesu Kristo—Kabwaraani buure
Te Manga Uti
Te Babaire ibukin te Kamaiuaki
 4. Bwainreirei aika kainnanoaki:
 - a. Ana Boki Moomon ibukiia ataei ni kabane.
 - b. Tamanei 4–9, Iesu te Kristo (Kete ne Tamnei ao Koro Tamnei n te Euangkerio 240; 62572); 4–31, Amon ao Ramoni a kaitiboo ma ana karo Ramoni; ao 4–32, E wareki taeka aika tabu Aaron nakon Taman Ramoni.

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Tuangii ataei bwa a na uringa aron te bwai are a namakinna ngke a noora te bwai ae moan te buakaka ni mii. Tuanga temanna ke uoman ataei bwa a na taekina aron aia namakin. Tuangii bwa a na uringnga aron tokina ngke a uti man ataia bwa ngaia bon tiaki te koaua bwa bon ti te mii.

Kabwarabwaraa bwa te aki ongeaaba nakon ana Tua Tama are i Karawa e karika te aki kukurei, te maraki, ao te nanokawaki. Naake a namakina kaairuaia ibukin te aki ongeaaba tao a na taku bwa ngkana a “uti” ao a na kunea bwa e a tia n nako aia bure. Kabwaraan buure tiaki te bwai ae beebeete n airon anne, ma Tama are i Karawa E a tia ni katauraoa te kawai ibukin kabwaraan ara bure.

Katei taeka aika koreaki i aon beebar taeka aikai : Te Kariki “Bwai,” “Atam ao Nei Eewa—Te Bwaka,” “Te Bure”, ao “Maten te Rabwata.” Kabwarabwaraa ni kakimototoa (baireia bwa tao ouua te miniti) bwa i mwain karikan te aonnaaba ao ti maeka n aron natin Tama are i Karawa ngaira aika tamnei. E karika te

	<p>aonnaaba ma bwaai ni kabane Iesu Kristo man ana kaetieti Tama are i Karawa. A katuakaki Atam ao Eewa n te Oo n Aroka are Eten ike a iangoa iai kanakin te uaa ni kai are e a tia Tama are i Karawa n tabuuia bwa a na aki kanna. Aia aki ongeaaba Atam ma Eewa ni kanakin uaan te kai e aranaki bwa te bwaka. Kabwarabwaraa bwa ti kaaataua Atam ao Nei Eewa bwa a tia ni kataua ibukira bwa ti na bungiaki i aon te aonnaaba. Te bwaka bon te bwai ae riai, ma iai uoua bwaai aika a rangi ni kaangaanga mwiia ibukira ni kabane:</p> <p>Ti na bane ni karaoa te bure, ni karaoan rinerine aika aki raoiroi i marenan ae raoiroi ma ae buakaka.</p> <p>Ti na bane n rootaki ni maten te rabwata.</p>
Rongorongo man Taeka aika Tabu	<p>Kabwarabwaraa bwa i mwain karikan aonnaaba, Tama are i Karawa e a kaman tia n reke ana baire bwa e na konaa ni kaoka maiura ke ni kamaiuira ngkana ti rairi nanora. (Aramwa 12:22–25.) Kabwarabwaraa bwa i nanon te reirei aei ao a na konaa n reireiniia iai aron te kiing are e ataia bwa e a tia ni karaoa te bure ae moan te buakaka ma aron karekean kabwaraan ana bure ibukin ana bure.</p> <p>Reirei karakinan rairakin Taman te Kiing ae Ramoni are e koreaki n Aramwa 20:1–22; 26. Karinna n am kakarabakau bwa tera te bwai ae a tia n ataia n aron te baire ibukin kaokan maiura. (Ibukin kawai aika iangoaki n reiakinan karaki man taeka aika tabu, taraa “Te Anga Reirei man Taeka aika Tabu,” iteraniba vii.) Kamanenai tamnei n te tai ae bon riai..</p>
Kamanenaan Titiraki n te Kakarabakau	<p>Reiakin titiraki ao kiibu man taeka aika tabu aikai ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota n taeka aika tabu ao ma ni kamanenai tuua i nanon maiuiia. Warekan kiibu ma ataein te reirei e na buokiia ni karekei atatai man taeka aika tabu.</p> <ul style="list-style-type: none"> • Bukin tera ngkai e nako te Kiing ae Ramoni ma Amon nakon abaia i Mitoni (Aramwa 20:1–5.) Kabwarabwaraa bwa Aaron bon ngaia temanna mai buakoia tarin Amon are e karinaki n te karabuuti. • Ti na kangaa n ataia bwa taman Ramoni e tuai n tauraoi ni butimwaea te euangkerio ngke e moa ni kaitibo ma Amon? (Aramwa 20:10, 13–14.) • Tera te bwai ae buoka nanon Ramoni n angii te tai n te aro are i mwina ao e na kareke a rongorongan te euangkerio? (Aramwa 20:26–27.) E kangaa aron am namakin ibukiia aomata aika a kaota aia tangira nakoim? Ko na kangaa ni kaota am tangira nakoia aomata tabeman? • E kanga Aaron n ataia bwa e na kawara taman Ramon? (Aramwa 22:1.) • Tera te bwai ae karawawataaki iai Taman Ramoni? (Aramwa 22:4–6.) • Bukin tera ngkai ko taku bwa e a kukurei nanon taman Ramoni n te euangkerio ngke e taku Amon: “Ngkana ko raira nanom ao ko na kamaiuaki, ao ngkana ko aki raira nanom ao ko na tewenakoaki n te kabanea ni bong?” (Aramwa 22:6). • Tera te bwai ae kamanenaa ngke e reireina Taman te Kiing ae Ramoni? (Aramwa 22:12.) E na kangaa warekan taeka aika tabu ni buokiira? • Tera te moani bwai are e kakarabakaua Aaron ma taman Ramoni? (Aramwa 22:7–8.) Bukin tera ngkai e kakawaki kakoauaan Tama are i Karawa? • Tera ae reireina iai taman Ramoni ibukin te Kariki-bwai Aaron? (Aramwa 22:10.)

- Ti katootoonga antai ngke ti karikaki? (Aramwa 22:12.) Bokin tera ngkai e kakawaki ibukim bwa ko na ataia bwa ko karikaki ni katootoongan Tama are i Karawa?
- Tera ae reireina iai taman Ramoni Aaron ibukin te Bwaka ao Kabwaraani Buure? (Aramwa 22:11–14.)

Buokiia ataei bwa a na oota bwa man te karawawataaki ibukin ara bure, n anga maiuna ibukira, ao ni manga utina mai buakoia maate E tokanikai lesu Kristo i aon te Bwaka are e riki nakira. Katea te taeka are koreaki i aon te beeба n taeka ae “Iesu Kristo—Kabwaraani buure” mai i aon te taeka are e koreaki i aon te beeба ae raereke ibukin “Atam ao Eewa—Te Bwaka.”

Ti na bane ni manga uti ibukin manga utin lesu Kristo mai buakoia maate. Katea te taeka are e koreaki i aon te beeба n taeka ae “Te Mangauti” i aon te taeka ae “Maten te Rabwata.”

E karawawataaki lesu Kristo ibukin ara bure, ma ni kataua ibukira bwa ti na rairi nanora ao ni kabwarai ara bure. Katea te taeka are e koreaki i aon beeба n taeka ae “Te Rairannano” i aon te taeka ae “Te Bure.”

Katea te taeka ae “Te Babaire ibukin te Kamaiuaki” mai iaon taeka ake a tia ni kateaki ake tabeua, ao kabwarabwaraa bwa bon aio ana babaire Tama are i Karawa ni buokiira bwa ti aonga n riki n ai arona.

- I mwiin kabwarabwaraan te Baire ibukin te Kamaiuaki, tera ae tangiria ni kan ataia Taman Ramoni? (Aramwa 22:15.)
- Tera ae tuanga Taman Ramon Aaron bwa e na karaoia? (Aramwa 22:16.) Tera ae ti riai ni karaoia bwa ti aonga ni karekea kabwaraan ara bure ao man tau nakon te maiu are akea tokina?
- Tera ae karaoia taman Ramoni are e kaotia iai bwa e kan raira nanona? (Aramwa 22:17–18.) Tera te bae riki n aron mwiin rairakin te uea? (Aramwa 22:22–23, 25–26; 23:1, 4–5.)

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri ibukin karakaan te atatai aikai i nanon tain te reirei n aki akaaka ke manga rinanoan te reirei, kakimototan te reirei, ke te kataaki n titiraki.

1. Tuangija ataei bwa a na mwaken kiibу ake a tia ni wareki man taeka aika tabu, n aron aikai, ake a taku bwa a raka bonganaia:

“Ngkana ko raira nanom ao ko na kamaiuaki, ao ngkana ko aki raira nanom ao ko na tewenakoaki n te kabanea ni bong” (Aramwa 22:6).

“N na kanakoi au bure ni kabane bwa I aonga n ataiko” (Aramwa 22:18).

2. Manga rinanon te kauoua ao te katenuua ni koroboki n Taekan te Onimaki ao buokiia ataei bwa a na oota raoi man kamatenikunai.

3. Korea te tikuea ae bubura i aon te burakibooti ke te beeба ao tibwatibwaia i nanon ruaiua tikuea aika booraoi. Nambwan taian tikuea man teuana ni karokoa ruaiua n aron ae kaotaki ikai:i tiko oqo:

1	2	3
4	5	6
7	8	9

Bwenuauaia ataein te Reirei i nanon uoua te tiim. Angan teuana te tiim kanikinaeana n aron aei X ao O. Tuanga temanna man te moa n tiim bwa e na rinea teuana te nambwa man nambwa teuana nakon ruaiua; i mwiina ao wareka te titiraki are e aitara ma te nambwa ma i nano. A konaa kain te tiim n aki akaaka ni kaeka te titiraki. Ngkana eeti kaekaan te titiraki i rouia kain te tiim, a konaa ni korea aia bwii i nanon te tikuea are e booraoi nambwana ma nambwan te titiraki are a kaekaa. Ngkana e kaairua kaekaan te titiraki irouia, katuka te tikuea n akea kanoana. Kariaia tiim ni ikaroruoa aia tai. E na toki te takakaro ngkana e reke tenua aia mwaake kain te tiim teuana n te rinan.

- 1) Tera aran ana baire Tama are i Karawa ae kakannato ibukira? (Te baire ni kamaiu, te baire ibukin te kamaiuaki ke te baire ibukin te kukurei.)
- 2) Tera nanon te tia kaboir? (Te Tia Kamaiura man te kabaeaki n te mate.)
- 3) Antai ae karika te aonnaaba? (Iesu Kristo i aan ana kaetieti Tama are i Karawa.)
- 4) Antai moan aomata n te aonnaaba? (Atam ao Nei Eewa.)
- 5) Tera ae riki ibukin kanakin uaan te kai ae tabuaki i roun Atam ma Eewa? (A tewenakoaki mai nanon te Oo n Aroka are Eten, a konaa ni kariki natia, a riki bwa aomata aika mamate, ao a konaa n rinerine i marenan te eeti ke te kaairua. [Taraa Moote 5:11].)
- 6) E reireina te kiing aia Aaron man taeka aika tabu ke buatua burati? Baikara booki ake aua aika kamanenai n reirei iai taekan te euangkerio, ke te baire ibukin te Kamaiuaki? (Te Bwaibwara, Ana Boki Moomon, Tuua ma Berita, ao Bwaea aika Bobuaka.)
- 7) Tera te moa ni bwai are e reireina iai taman te Kiing ae Ramoni Aaron? (Iai te Atua.)
- 8) Tera te bwai ae karaoia Iesu Kristo bwa e aonga n riai ibukira bwa ti na manga oki ni maeka mangaia riki? (E karawawataaki ao e mate ibukin ara bure.
- 9) Tera ae ti riai ni karaoia bwa ti aonga ni manga oki nakon Tama are i Karawa? (Rairi nanora man ara bure, kawakina ara berita, karaoi mwakuri aika raraoi.

Karaoi titiraki man te reirei ibukin karoan te takakaro riki.

4. Anenea ke wareka taekan te anene “Families Can Be Together Forever” (*Children’s Songbook*, iter. 188), “He Sent His Son” (*Children’s Songbook*, iter. 34), ke “Ngai Natin te Atua” (*Children’s Songbook*, iteraniba 54).

Kabaneana

Te Kaoti Koau	Kaota am koaua bwa E tangiriira Tama are i Karawa ao e E a tia ni katauraoa te babaire ibukin te Kamaiuaki n te aro ae ti na konaa n rairi nanora man ara bure ao man riki n ai arona.
Te Wareware n te Mweenga ae Katautauaki	Tuangjia ataei bwa na reiakina Aramwa 22:1–16 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin. Taraia: Ngkana ko na kamanenaa Mwakuri ni Kakukurei 1 n am reirei n te wiiki ae na roko, ko riai ni katauraoa te mwakuri are e na karoaki teuana ke uoua te wiiki i mwain taina.

Te Kaantaninga Bwa a na Kakorakorai nanoia ataei nakon kawakinan berita aika tabu.

Te Katauraoi

1. Tataro mwaaka n reiakina Aramwa 23–24; 26:23–33; ao 27. I mwiina reiakina te reirei ao iangoia bwa ko na kangaa n reireiniia ataei karaki man taeka aika tabu (Taraa “Katauraoan Am Reirei,” iteraniba vi, ao “Te anga Reirei man Taeka aika Tabu,” iteraniba vii.)
2. Reitan te Wareware: Aramwa 25:1–26:22.
3. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
4. Bwainreirei aika Kainnanoaki:
 - a. Ana Booki Moomon ibukiia ataei n tatabemaniiia nako.
 - b. Ibukin onean mwiin te mwakuri ni kakukurei ni karaka: te bwaoki ae reme, ke te baan, te taoro teutana ke te tano ae na tau ibukin kanoakin te bwaoki te tokana ae manii, te mwaake ingke, ke te kureiaon, ao te atiibu.
 - c. Tamnei 4–33, “A Taunii Aia Kabaang Taan Ante-Nibwaai-Riaai” (Ataakin te Euangkerio 311; 62565).

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Oneani mwiin
Mwakuri ibukin
Kairan te
Kakauongo.

Kaoa te ataei temanna bwa e na kaira te tataro ni kakuuki.

Kaota tamneia i Ante-Nibwaai-Riaai ngke a tauna aia kabaang. Tuangiia ataei ngkana a tangiria n taun aia bwai ni buaka ngkana ataia bwa a na reke n te kangaanga n te buaka. Ataia aomata n te aba ae Ante-Nibwaai-Riaai bwa a tabe n iangoaki tiringaia i rouia aia kairiribai, ma a tia ni karaoa te berita ae tabu ma Tama are i Karawa bwa a na aki buaka. Kabwarabwaraa te berita man te euangkerio bon te boraroi are a kabaeaki iai ke te berita i marenaia ma Tama are i Karawa ao natina nako. Tuangiia ataei bwa a na kakauongo ngkana ko karakina karakinaia i Ante-Nibwaai-Riaai ni kaakea bwa bukin tera ngkai a karaoa te berita ma te Atua aei ao a kangaa ni kawakina aia berita.

Kabwaroa te taoro ke te tano teutana ni baim nako nanon te bwaoki. Ao i aon te taoro ke tano anne ao korea iai te taeka ae *berita*. Titirakinia ataei n titiraki aikai:

- Ko a tia ni kakaraoa te boraraoi ke te berita ma tabeman ake a urui mwakoron aia berita? (Kariaia ataei bwa a na taekina aron aia iango ngkana e uruakaki te berita ngke ko uka te taoro ke te tano ni kamaunaa te taeka.)
- Tera ae ti arana iai te berita are ti karaoia ma Tama are i Karawa? (Te Berita ma te Atua.)

- N ni ngai te tai ae karaoa iai ara berita ma Tama are i Karawa? (Ngke ti bwabetitoaaki.)

Kauringia ataei bwa te berita e aki riai ni karaoaki n aki akaaka. Katuruturua raoi kakawakin kawakinan am taeka. Korea te taeka ae *Berita ma te Atua* i aon te atiibu n te mwaake ingke ke te kureiaon. Kabwarabwaraa bwa te berita ma te Atua n te Euangkerio bon te berita i marenan Tama are i Karawa ma natina nako. Uka te koroboki are e koreaki i aon te atiibu ni kamataataa bwa e aki konaa ni kai mauna te taeka aei. Ngkana ti karaoi berita ma te Atua ti riai n uringnga bwa a tabu, ao ti riai n iangoia bwa ti na kaawakin raoi.

Rongorongo man Taeka aika Tabu

Anga te Reirei i aon karakinaia i Ante-Nibwaai-Riaai n aron karinean aia berita ma te Atua man Aramwa 23–24;26:23–33; ao 27. (ibukin kawai n anga reirei aika a tia ni baireaki ibukin reiakina taeka aika tabu, taraa “Te anga Reirei man Taeka aika Tabu,” iteraniba vii.) Kamanenai tamnei n te tai ae bon riai.

Kamanenaan Titiraki n te Kakarabakau

Reiakin titiraki aikai ao kiibu ma n taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai reirei i nanoni maiuiia. Warekani kiibu ma ataei n te kiraati, e na konaa ni buokiia nakon karekean aia atatai n taeka aika tabu.

- Antai araia natin Motiaeae ake aman? (Motiaeae 23:1.)
- Bukin tera ngkai a tangiria n tataekina te euangkerio i buakoia i Remwainaite? (Motiaeae 28:3.) Bukin tera ngkai a ngarengare i Nibwaite i aon Tiaraemra ngke a taekin aia babaire natin Motiaeae nakoia? (Aramwa 26:23–25.)
- A kangaa n rairaki i Remwainaite nakon lesu Kristo (Aramwa 23:5–6.) I raman mairouia te koraki ake a rairaki aikai ake a teimatoa n aia onimaki i roun lesu Kristo? Tera ae ti na konaa ni karaopia bwa e aonga n matoatoa ara onimaki i nanon lesu Kristo?
- Bukin tera ngkai a bita araia i Reimwanaite ake a tia n rairaki? (Aramwa 23:16–17.) I mwiina ngke a mwaenako te koraki aika a tia n rairaki aikai nakon te aba ae Tiotin, tera araia are a ataaki iai? (Aramwa 27:26.) Tera te ara are ko aranaki iai ni karaopian am berita ma Atuam are e na katokaaki i aom (Motiaeae 5:7–8).
- Bukin tera ngkai a iangoia i Ante-Nibwaai-Riaai bwa a na aki manga buaka ma aia kairiribai? (Aramwa 24:10–13, 16.)
- Tera te berita are a karaopia i Ante-Nibwaai-Riaai ma te Uea ngke a tauni aia bwai ni buaka? (Aramwa 24:17–18.) E kangaa aron aia anga nano nakon kawakinan aia berita ma te Atua aei? (Aramwa 24:19–22.) Tera te tua ae ko a tia ni berita ma Atuam iai bwa ko na ongotaeka nako iai? (Tuan te Mauri, Kabwiia ni bwai, kawakinan te Tabati n tabuiia, ao karekean iango ma mwakuri aika itiaki.)
- Tera ae riki nakon mwaitia ana tia buaka i Reimwanaite ngke a noriia ana aomata te Atua bwa a aki buaka ma a wene bwa a na kamateaki? (Aramwa 24:24–27.) E na kangaa ara mwakuri ni katootoo ni buokiia tabeman ni kaaina te Ekaretia? E kangaa ara mwakuri ni katootoo ni kawakinan ara berita ma Atura ni konaa ni buokiia tabeman ni kan kawakina aia berita ma Atuaia?

- Tera aroia are a kaotia nakoia aia kairiribai ngke a tauna aia bwai ni buaka? (Aramwa 26:32–33.) Bukin tera ngkai ko taku bwa aomata aika a tia n rairaki ni koaua nakon ana Euangkerio lesu Kristo iai irouia te tangira ao tabetaben nanoia i rouia aomata ni kabaneia ni ikotaki ma aia kairiribai?
- Bukin tera ngkai a aki maaku ni mate i Ante-Nibwaai-Riaai (Aramwa 27:28.)
- Bukin tera ngkai e taekinna aia kiing i Ante-Nibwaai-Riaai bwa ngaia ao ana aomata a riki bwa tooro i rouia i Nibwaite? (Aramwa 27:4–8.)
- Tera ae ti konaa ni karaoia bwa ti aonga n riki n ai aroia i Ante-Nibwaai-Riaai ni karinea ara berita ma Atuara?

Mwakuri ibukin

Karakaan te Atatai

Ko konaa ni kamanenaa teuana ke e raka riki man mwakuri ibukin karakaan atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Karekea te ikawai temanna are e na riki bwa angkoa aia kiing i Reimwanaite ngke e taekinna bwa bukin tera ana aomata ngkai a na aki taui aia kabaang ni bukaniiia tariia. Manga kauringa te berita are e karaoia ma Atuana ngke e tauna ana kabaang. (Taraa Aramwa 24:6–13, 16–18.)
2. Manga kauringa te katebwi ma tenuua n Taekan te Onimaki. Titirakinia ataen ngkana a maiuakin reirei aikai ana aomata Aamon. Titirakinia bwa e kangaa maiuakinan reirei aikai ni buokiira ni kawakin ara berita ma Atuara.
3. Anenea ke wareki taekan te anene ae “I Feel My Savior’s Love” (*Children’s Songbook*, iteraniba 74) ke “Love One Another” (*Children’s Songbook*, iteraniba 136).

Kabaneana

Te Kaoti Koau

Kakoaua bwa ngaira kain ana Ekaretia Kristo, ao ti a tia ni karaoi ara berita ma Atura aika tabu. Ti riai ni karinei ara berita ma Atuara ngkana ti tangiria ni kan karekei kakabwaia ake e a tia ni berita ibukiia.

Te Wareware n te Mweenga ae Katautauaki

Tuangjia ataei bwa a na reiakina Aramwa 24:6–27 ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.

Te Ante-Kristo Korioa

Reirei
20

Te Kaantaninga

Bwa a na buokaki ataei bwa a na oota raoi bwa man touan mwiin lesu Kristo ao a na aki konaa ni mwamwanaaki i roun Tatan.

Te Katauraoi

1. Tataro mwaaka n reiakina Aramwa 30 ao Motiae 7:15–17. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraoan Am Reirei” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
3. Bwain Reirei aika Kainnanoaki:
 - a. Ana Boki Moomon ibukiia ataei n tatabemaniia nako.
 - b. Mwakoro ni beeba ma taeka aika koreaki i aoia aika koaua ao te teibi.
 - c. Tamnei 4–9, lesu te Kristo (Ataakin te Euangkerio 240; 62572); 4–34, E kokoaua Aramwa nakon Korioa Bwa iai te Atua; ao 4–35, E Koroboki Korioa bwa E Ataia bwa iai te Atua.

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.

I mwaain te reirei ao koroi taeka aika iai kaaitaraaia (n aron aei, te moa n taeka man taeka aika katoatoaaki ni kakauoua n ai aron aikai) iaon mwakorokoro ni beeba, ao kanimwii n te teibi taeka ake ko a tia ni koroi n te beeba i aan ana kaintekateka te ataei temanna ma temanna (ke ko konaa n tibwatibwai nakoia ngkana a rin n te umwa-n-reirei.) Tuangiia ataei bwa a na kakaea te taeka i aan aia kaintekateka. Titirakinia ataei temanna i mwiin temanna bwa a na iangoia te taeka are kaitaraan te taeka are e mena i aan ana kaintekateka. Kariaia ataei bwa a na taekina kaitaraan te taeka are a tia n iangoia ao nikiraia ataein te kiraati bwa a na kataia ni keetina te taeka ni koaua are e mena n ana beeba te ataei anne.

Katotoongan Taeka:

oota/roo	eeti/e bure	itiaki/barekareka
mai/mate	koaua/kairua	kukurei/nanokawaki
raoiroi/buakaka	te rau/te buaka	marurung/aoraki
tangira/riribai	koaua/kewe	akoi/bwatauti
tokanikai/konaaki	itiaki/aki itiaki	kimwareirei/nanokawaki

	<p>Ngkana a bane n tia n reke aia tai n anga kaitaraan taeka, kabwarabwaraa bwa tii te arona aroia bwa ni kabane taeka i nanon te mwakuri ni kakukurei aei iai kaaitaraaia, Tatan iai katotoongana n arona ni keekewe ke ana reirei ake a kaaitarai ana reirei lesu Kristo. Touani mwiin Tama are i Karawa e uota te kukurei; Touani mwiin Tatan e uota te nanokawaki. Titirakiniaataei te kaokoro i marenan aia namakin aomata ngkana a kewe ao arora aia namakin ngkana a taekina te koaua.</p> <p>Reireiniiaataei bwa ngkana e mwaiti te bwai ae ti ataia ao ti na konaa n taekina te kaokoro i marenan te bwai anne ma kaaitaraana. Ma ngkana e mwaiti te bwai ae ti reireiniira iai n aron lesu Kristo man touani mwiina e na rang mwaiti riki ara konaa n e ekaanako ana kariiri ao ana kewe Tatan.</p> <p>Kabwarabwaraa bwa a konaaataei n reireiniia te kaaitara nakon lesu Kristo—te ante-kristo. Te aomata temanna ke te bwai teuana are e rangi ni kakaitaraa lesu Kristo (n te aro ae ataaki n te aro ae karabaaki) bon te Anti-Kristo.</p> <p>Rongorongo man Taeka aika Tabu</p> <p>Aanga te reirei i aon karakinan Korioa man Aramwa 30. (Ibukin kawai n anga reirei aika a tia ni baireaki ibukin reiakin taeka aika tabu, taraa te “Te anga Reirei man Taeka aika Tabu”, iteraniba vii.) Ko konaa ni karekea te ataei temanna ae na wareka ana taeka Aramwa ao temanna e wareka ana taeka Korioa ma ni wareki taian titiraki ma kaekaaia n Aramwa 30:37–45. Kamanenai Tamnei n te tai ae bon riai.</p> <p>Kamanenaan Titiraki n te Kakarabakau</p> <p>Reiakin titiraki aikai ao kiibu ma n taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiiaataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te kiraati e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • Bukin tera ngkai e taku Korioa bwa a nanobaba aomata? (Aramwa 30:12–16.) Ti na kanga n ataaia i roura bwa lesu Kristo e maiu? (Man karekean ara kakoaua ibukin lesu Kristo.) Ti na kangaa ni karekea ara koaua? (Man reiakinan taeka aika tabu, te tataro, te ongoraa nakoia burabeti ao a mwaiti riki.) • Tera ana taeka Korioa ni kaeti ma te bwai ae kainnanoaki ibukin kabwaraani buure i roun lesu Kristo? (Aramwa 30:17.) Bukin tera ngkai tiaki konaa n tokanikai i aon te bure i bon i roura? E kangaa lesu Kristo ni katua ibukira bwa ti na tokanikai i aon te bure? • Tera te bwai ae kakukureiko n aron ana koaua Aramwa ibukin Kristo? (Aramwa 30:39–41.) Ngke arona bwa ngkoe Aramwa, tera ae ko riai n tia n tuanga Korioa ibukin lesu Kristo? • Ngke e titirakina Aramwa Korioa ibukin te kanikina are e na anaaki iai nanona bwa iai te Atua, baikara katootoo ake e anganna Aramwa? Aramwa 30:44.) Tera te bwai ae ko nooria ni katobibiko ni katoa bong are e buokiko n ataaia bwa Tama are i Karawa e maiu? Baikara mwakuri ke bwaai aika a tia n riki nakoim ake a buokiko n ataaia bwa e maiu te Atua? • Tera te kanikina are karekea Korioa? (Aramwa 30:48–50.) Tera are e koroia Korioa ibukin te Atua ao Tatan i mwiin tiana n aki konaa n taetae? (Aramwa 30:52–53.)
--	--

- E kangaa Tatan ni boutokaia naake a toro ibukina? (Aramwa 30:60.) E kanga Tama are i Karawa ni kaboiia te koraki ake a toro ibukina? (Motiaeae 2:41.) Tuangia kain te reirei bwa a na taekina te bwai ae a tia n riki nakoia ngke a tia ni kakabwaiaaki ibukin kawakinan tuua.
- Ko atai aaro aika kaungaa te nano n eekanaako ana reirei lesu Kristo ? Bwaai baikara aika ko tuuki karaoia ibukina bwa ko ataia bwa tia ki aron maiun Kristo? Baikara bwaai aika kaunga ke anaa nanom nakon kakoauaan Kristo? (Moronaai 7:15–17.)
- Ko na kangaa ni konaa ni kaawakinaki man te mwamwanaaki i roun Tatan? (Rinanon kawakin taian tua, te ongora nakon ana te Tamnei ae raoiroi, te reiakin taeka aika tabu, ao rimwiia burabeti aika maiu.

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataki n titiraki.

1. Anganiia ataei katotongan te angabai “E Kaungaai te baei bwa N na Kakoaua lesu Kristo?” n tokin te reirei. Kabwarabwaraa bwa e *kaungaa* nanona bon anaan nanon te aomata bwa e na kakoauaa ke ni karaoa te bwai teuana. Tuangiia (ataei) bwa aio te kairi nakoira are ti a tia n anganaki mai roun te burabeti ae Moronaai ibukin te babaire i marenan ae raoiroi ma ae buakaka (taraa Moronaai 7:15–17). Kakoaua raoi bwa a oota ataei bwa ngkana a kaungaaki nanoia n te te bwai teuana bwa a na karaoa ae raoiroi ao ni kakoaua lesu Kristo, e raoiroi, ma ngkana e aki, ao e buakaka. Tao a na tangiria ataei n uota aia beebea nakon mwengaia bwa te bwai ni kauring.
2. Buokiia ataei bwa a na kamatenanoa te katebwi ma tenuua n taekan te onimaki ao kakarabakauakinna bwa e na kangaa ni konaa naba n riki bwa rinean te eeti.
3. Katei tamnein bwaai aika a karikaki i roun te Atua are e kakoaua bwa e maiu Tama are i Karawa. Ko na kona ni karekei tamnei aikai n te Nne ni boki n te auti ni Bootaki: Te Kariki bwai (62483), Te Aonnaaba (62196), Ataei aika tarai uee n tain te (Tiburing) rikirake ni kaai (62270), ao bwaai riki tabeua. Tuangiia ataei bwa a na kaoti aia namakin ma aia iango ngkana a tarai tamnei aikai ao a kangaa tamnei ni kaota te kakoaua ibukin te Atua.
4. Wareki ao kakarabakaui kibu n taeka aikai mai roun te Beretitenti are te katengaun ma teniman n Beretitenti n te Ekaretia. Are e katuruturua iai taekinan Ana Boki Moomon bwa te bwai ni mwakuri ae mwaaka ni katokan te mwamwanaaki.

“Iai te mwaaka n [Ana Boki Moomon] are e na moana waakina nako nanoni maium ngkana ko moana am reirei ae aki manikangare n te boki aei. Ko na kunea te mwaaka ae korakora riki n eekanako te kaririaki. Ko na kunea te mwaaka ae toki iai te mwamwanaaki. Ko na kunea te mwaaka are e kateimatoako i aon te kawai ae eeti ae irariki” (*Witness and Warning iteraniba 21–22*).

5. Anenea ke wareka taekan te anene ae kangai taekana: “The Still Small Voice” (*Children’s Songbook*, iteraniba 106) or “My Heavenly Father Loves Me” (*Children’s Songbook*, iteraniba 228).
-

Kabaneana

Te Kaoti Koau	Kaota am koaua bwa ti na aki kona ni mwamwanaaki ngkana ti kaawakin tuua, ti iiri ana taeka te Tamnei ae Raoiroi, reiakin taeka aika tabu, ao rimwiia burabeti.
Te Wareware n te Mweenga ae Katautauaki	Tuangiia ataei bwa ana reiakina Aramwa 30:12–18, 37–56 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin.

**E kaungaa nanon te baei bwa N
na onimakina Iesu Kristo?**

taraa Moronaai 7:15–17

**E kaungaa nanon te baei bwa N
na onimakina Iesu Kristo?**

taraa Moronaai 7:15–17

**E kaungaa nanon te baei bwa N
na onimakina Iesu Kristo?**

taraa Moronaai 7:15–17

**E kaungaa nanon te baei bwa N
na onimakina Iesu Kristo?**

taraa Moronaai 7:15–17

**E kaungaa nanon te baei bwa N
na onimakina Iesu Kristo?**

taraa Moronaai 7:15–17

I-Tioromwaite ao Rameumtom

Te Kaantaninga

Te Reireiniia ataei bwa a na taromauriia Tama are i Karawa ma te nanorinano ao te koaua.

Te Katauraoi

1. Tataro mwaaka n reiakina Aramwa 31; 34:1–30, 38–41; ao 35:1–9. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu? (Taraa “Katauraoan Am Reirei,” iteraniba vi, ao “Te anga Reirei man Taeka aika Tabu,” iteraniba vii.)
2. Rinei titiraki ibukin te kakarabakau ao Mwakuri ibukin karakaan te atatai are e na katabeia ataei ma n rang ni buokiia nakon karekea n te bwai are e kaantaningaaki man te reirei.
3. Bain reirei aika kainnanoaki:
 - a. Ana Boki Moomon ibukiia ataei n tatabemaniia nako.
 - b. Uoua te tiete ni bwai n amwarake.
 - c. Tamnei 4–36, I Tioromwaite ao I Rameumtom.

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Karaoia bwa angkoa te amwarake ni koaua. Karekei uoua, kiraati, ao uoua te tiete ni bwai n amwarake, ma akea amwarake i aoia. Bakan amwarake ao karaoa te aro are angkoa ko rangi ni kukurei n te amwarake ae kangkang. Tuanga te ataei temanna bwa e na raoniko. Te amwarake man raurau aika akea kanoaia e kabotauaki nakon te kairua ao aia taromauri ae kairua Tioromwaite are e kabwarabwaraaki n te reirei aei. Te taromauri ae akea nanona akea te bwai ae konaa ni karaoia ibukin kanara n tamnei ae raoiroi riki nakon te aki amwarake ibukin marurungin rabwatara. N te reirei ao a na reireiaki iai ataei aron kawai aika riai man koaua nakon taromaurian te Atua.

Rongorongo man
Taeka aika Tabu

Taekin karakinaia I Tioromwaite ao aia koaua ae kairua n aron are koreaki n Aramwa 31. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Anga Reirei man Taeka aika Tabu,” iteraniba vii.) Kamanenai Tamnei n te tai ae bon riai.

Kamanenaan
Titiraki n te
Kakarabakau

Reiakin titiraki aikai ao kiibu ma taeka aika tabu ngkana ko katuraoa am reirei. Kamannenai titiraki aika ko taku bwa a na rangi ni buokiia ataei n oota raoi n taeka aika tabu ao ni kamanenai tuua i nanoni maiuia. Warekan kiibu ma ataei n te kiraati, ke a na kona ani buokiia nakon karekean aia atatai n taeka aika tabu.

- Antai I Tioromwaite? (Aramwa 31:1–3, 8.) A kangaa ni kiton ana reirei te Ekaretia? (Aramwa 31:8–11.)

- A kangaa, n ningai, ao te taboraa ae a taromauri iai I Tioromwaite? (Aramwa 31:13–18, 21–23.) N te aro raa ae ti riai n taromauriia iai Tama are i Karawa ao Iesu Kristo.
- Bwaai baikara ake a kokoauai I-Tioromwaite aika a kairua? (Aramwa 31:15–17, 20.) Bukin tera ngkai e kakawaki ataakin Tama are i Karawa ao Iesu Kristo bwa antai ngaiia ni koaua ao tera aron katootongaia?
- Ti kangaa n ataia bwa a kairua aia tataro I-Tioromwaite? (Aramwa 31:23,27.) Ti kangaa ni karaoa ara tataro bwa e na koaua riki?
- Bukin tera ngkai a taku i Tioromwaite bwa a raoiroi riki nakoia tabeman? (Aramwa 31:24–25, 27–28.) Ni kawai baikara aika ti na konaa iai n namakinna n taai tabetai bwa ti raoiroi riki nakoia tabeman? Bukin tera ngkai te kainikatonga bon te bure ae korakora? (E kairiira nako mai roun te Atua.)
- Tera aron aia namakin Aramwa ma taani kairiiri tabeman ngke a nooria aomata ake a bwaka man kitana te koaua? (Aramwa 31:19, 24, 30–31.) Ti na kanga ni buokiia te koraki ake aki ataa te koaua? Ti na kangaa ni konaa ni buokiia kain te Ekaretia ake aki batni kakaonimaki?
- Baikara bwaai aika a tabe nanoia iai i Tioromwaite? (Aramwa 31:28.) Baikara bain te aonnaaba tabeua aika a katahei nanoia i aoia ataei tabeman aika ami roro ni boong aikai? Bukin tera ngkai e kairua bwa ti na katahei nanora i aon bwain te aonnaaba?
- Baikara bwaai aika e tataro ibukiia Aramwa ibukin ao ibukiia raona? (Aramwa 31:31–35.) E kangaa te tataro ibukin bwaai aika onoti taekaia ni buokiira ni karaoa ara tataro bwa e na koaua riki?
- Tera te bwai ae kakoaua Amureka ibukin lesu Kristo? (Aramwa 34:8.) A kangaa i Tioromwaite ni karekei aia koaua ibukin lesu Kristo? (Aramwa 34:17.)
- Ti na kangaa ao n ningai ae ti riai n tataro iai? Tera te bwai ae ti riai n tataro ibukina? (Aramwa 34:18–27.) Ti na kangaa n taromauriia Tama are i Karawa ni katoaa te bong n te wiiki?
- Tera ae ti riai ni karaoia i mwiin ara tataro n te aro are a na rangi n oomwaaka ara tataro? (Aramwa 34:28.)
- A kangaa aroia aomata i aon Amon (Ante-Nibwaai-Riaai) ni butimwaaia i Tioromwaite ake a raonii? (Aramwa 35:9.) E na kanga arora ae ti na karaoia nakoia irua ke te koraki ake a kainnano ibuakora? E kanga te aro aei ni kaota te tangira ibukin Tama are i Karawa? (Mataio 25:40; Motiaeaa 2:17.)

**Mwakuri ibukin
Karakaan
te Atatai**

Ko konaa ni kamanena teuana ke raka riki man mwakuri ibukin Karakaan te Atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei ke te kataaki n titiraki.

1. Korei kiibu man taeka aika tabu aikai i aon te burakibooti. Titirakiniaataei bwa a na katoatoai kiibu ake e kabwarabwarai aron aia koaua i Tioromwaite aika kairua ma kiibu ake a reke iai taekan ana reirei Aramwa ma Amureki aika eeti:
 Aramwa 31:16 (A kakoauaa i Tioromwaite bwa akea Kristo.)
 Aramwa 31:20–23 (Aanga te tataro ae ti te arona i Tioromwaite ni kabane ao i mwiina aki manga tau riki ni kabanea te wiiki.)
 Aramwa 31:24 (A kareke nanoia i Tioromwaite ni kaubwain te aonnaaba.)
 Aramwa 34:8 (E kakoaua Kristo Amureki.)
 Aramwa 34:19–27 (E reirei Amureki bwa ti riai n tataro n taainako ibukin bwaai ni kabane.)
 Aramwa 34:28–29 (E reirei Amureki bwa ti riai n anga kaubwaira nakoia aika a kainnano.)
2. Titirakiniaataei bwa a na kanga aron aia namakin (ke aia iango)ngke arona bwa a bwai ni ngareaki. Kakarabakaui kawai ake a taraa ni kamoamoa iai aomata. Kauringiaataei bwa te auti ae bubura ae mwawawa nanona i nanon miin Riaai e tei ibukin te kamoamoa n te aonnaaba. Kabwarabwaraa bwa te nanorinano bon kaitaraan te kamoamoa. Tuangiiaataei n tatabenii nako bwa a na koreia i aon te beeба te kawai teuana are a na kataia bwa aonga n nanorinano riki iai.
3. Tuangiiaataei bwa a na wareware ao ma ni mwaaken kiibu aikai ke kiibu n aki akaaka aika kakawaki man te reirei aei (tao a na tangiriaataei ni kamatenanoi mwakoron kiibu aikai ni kabane ake a taku bwa a na boongana nakoia.)
 Aramwa 31:34–35
 Aramwa 34:26–2
 Aramwa 34:38
4. Anenea ke wareki taekan te anene ae kangai taekana: “A Child’s Prayer” (*Children’s Songbook*, iteraniba 12), “E Boni Maiu Tamau” (*Anene n Taromauri ma Aia Anene Ataei*, iteraniba 55), ke “The Eleventh Articles of Faith” (*Children’s Songbook*, iteraniba 130).

Kabaneana

Te Kaoti Koau	Kaota am koaua bwa ngkana ti taromauriia Tama are i Karawa ma te nanorinano ao te koaua, ao E na kakabwaiaira ao ti na karekei kaekaan ara tataro.
Te Wareware n te Mweenga ae Katautauaki	Tuangiiaataei bwa a na reiakina Aramwa 31:8–25 ao 34:17–29 ni mweengaia bwa manga rinanoan riki te reirei aei. Kaoa te ataei temanna bwa e na kaira te tataro ni kainiin.

E Reirei Aramwa aron te Onimaki

Reirei
22

Te Kaantaninga Te reireiniia ataei bwa Ana Taeka te Atua, ngkana ti anganaki bwa ti maiu iai n te onimaki, e na konaa n rikiraki i nanora n riki bwa kakoauaan lesu Kristo.

Te Katauraoi

1. Tataro mwaaka n reiakina Aramwa 32–33. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraaoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te kakarabakau ao Mwakuri ibukin karakaan te atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
3. Kakaei raoi buokan te reirei ake n te taratara ni kabanean te reirei ao baireia bwa ko na kangaa ni katei ni kaotii n tain te reirei. Ko kona ni karaoa katotongan bwaai ni kamataata aika n tatabeua nako n te beeba, kaewea te bwai ni kamataata nako aon te beeba ae maten riki ke katauraoiko ni korotamneii bwaai ni kamataata aikai i aon te burakibooti.
4. Bwainreirei aika Kainnanoaki:
 - a. Ana Boki Moomon ibukiia ataei ni kabane.
 - b. Te koraa ibukiia ataei n tatabemaniia nako, ngkana e riai.
 - c. Katotongan buokan te reirei n te taratara ae kaeweaki n te beeba n tokin te reirei (te koraa, te koraa ae a otrake marewena, te aroka ae uarereke, te kai (n aron te ni), te karau, taai, te tano, ao te bwai n aoraki ibukin kamaiuan aroka).

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kaukuuki.

Anganiia ataei n tatabeniiia nako te koraa, kaotia nakoia kamataatan te koraa, ke korea tamnein te koraa i aon te burakibooti.

- Tera te bwai ae e konaa n riki iai te koraa? (te aroka, ni kaeti ma aekan te koraa anne.)
- Tera te bwai ae riai n riki i mwain are e konaa te koraa ni moana rikina? (Kaota te koraa are e a riki ke korea tamneina i aon te burakibooti ibukin kamatataana.)
- Tera aron taraan te kai ngkana e uarereke? (Kaota te kai ae uarereke ke korea tamneina i aon te burakibooti ibukin kamatataana.) Tera aron taraana ngkana e ikawai? (Kaota te kai ae a ikawai ke korea tamneina i aon te burakibooti ibukin kamatataana.)

- Tera te amwarake ae tangiria te koraa bwa e na buoka rikirakena nakon te aroka ke te kai? Kabwarabwaraa bwa te *amwarake*: nanona bwa te bwai are buoka rikiraken bwaai ke kawakinaia bwa a na maiu ma n rikirake raoi, n ai aron te ran, te bwai n aoraki, te riringa, ao te tano. Katikui tamnei ni kamataata ibukin taai, te karau, te tano, ao bwain kamaiuan aroka irarikin tamnein te koraa.)

Kabwarabwara nakoia ataei bwa n te reirei aei ao a na konaa iai n reireiniia bwa a na kangaa ni konaa ni karekea aia koaua ae matoatoa. Ko konaa ni kamanenai taeka aika koreaki iaon beeban taeka man te mwakuri ni kakukurei ni karaka 1 ngkai ko tabe ni kakarabakaukin tuua n te reirei.

Rongorongo man
Taeka aika Tabu

Reirei karaki ke rongorongo man Aramwa 32–33 mai roun Aramwa ngke e reireiniia i Tioromwaite. (Ibukin kawai n anga reirei aika a tia ni baireaki ibukin reiakinan taeka aika tabu, taraa “Te Anga Reirei man Taeka aika Tabu,” iteraniba vii.) Katuruturua taekinana bwa ai ti te arona naba ma te koraa ae raoiroi ma te tararua ae raoiroi man maiu, e na rikirake nakon te koaua ae matoatoa.

Kamanenaan
Titiraki n te
Kakarabakau

Reiakin titiraki aikai ao kiibu ma n taeka aika tabu ngkana ko katauraoa am reirei. Kamanenai titiraki aika ko taku bwa a na riai ni buokiia ataei n oota raoi n taeka aika tabu ao ni kamanenai tuua i nanon maiuia. Warekan kiibu ma ataein te kiraati, e na konaa ni buokiia ataei nakon karekean aia atatai n taeka aika tabu.

Kabwarabwaraa bwa n te reirei ae nako ao a reirei iai ataei n taekan te kaubwai ao i Tioromwaite aika kamoamoa.

- Bukin tera ngkai a nanorinano kaain Tioromwaite ake a kainnano? (Aramwa 32:2–3.) Baikara karawaawata ake a konaa ni kananorinanoia iai aomata man ongoraa nakon te euangkerio?
- Tera ae nanonaki ni “kainnanon te nano”? (Nanorinano, kai reireinaki, rairannano ni koaua, ao inanaomata man te kainikatonga.)
- E kangaa n riki bwa te kakabwaia nakoia aomata te riki ni kainnano? (Aramwa 32:12–13.) Kabwarabwaraa bwa aomata a konaa n nanorinano e ngae ngkana a tuai n rotaki n te kangaanga ke te kainnano, ma n taai tabetai aomata aika a kaubwai a manga kamoamoa. Bukin tera ngkai e riai ibukira bwa ti na nanorinano ngkai ti reireiaki te euangkerio?
- Tera te onimaki? (Aramwa 32:21.) Bukin tera ngkai e riai n iai ara onimaki ni karikirakea ara onimaki n te euangkerio? (Aramwa 32:26.) Kabwarabwaraa bwa e na bon maan karekean te koaua. E konaa kawakinan tuua ni buokiira ni karekea te koaua nakoira bwa a koaua tuua.
- Tera ae tuangiira Aramwa bwa ti na karoia ni karikirakea te onimaki. (Aramwa 32:27.) Tera te bwai ae ti konaa ni karoia ni karikirakea te nano ni kani kakoaua?
- E kangaa te ongotaeka nakon tuua n riki bwa te makuri ni “kakatai” n ana taeka te Atua? Kabwarabwaraa bwa nanon te *kaakatai* bon te katai bwaai tabeua aika ko aki koaua raoi iai. Ngkana ti karoia te mwakuri ni kakatai, ke kawakinan tuua, n ai aron Tuan te Mauri, ti karekei kakabwaia ibukin ara ongotaeka ao e rikirake ni korakora ara onimaki. E kangaa n tia n rikirake am onimaki rinanon am ongotaeka nakon tuua?
- Ti na kangaa n unika ana taeka te Atua i nanora n te aro are e aonga n

rikirake ara koaua? (Man reiakinan taeka aika tabu n taai aika teimatoa; te ongora n te Moanrinan, ni bootakin te toa ni bootakin te utuu n te tairiki (ke n te Moanibong koraki); n te tataro; ao ni kamanenaan tuua man te euangkeio i nanon maiura n tainako.)

- Ti kangaa n ataia ngkana e a moanna n rikirake i nanora te koraa ae raoiroi ke te koaua n te euangkerio? (Aramwa 32:28, 34.) Kaoia ataei bwa a na kaoti aia koaua ao ni kabwarabwarai bwa a kangaa ni karekei. Kaungaia ataei bwa a na karekei man kakorakorai aia koaua. Kakoaua nakoia bwa ngkana iai aia onimaki ao a na konaa ni karekei aia koaua aika matoatoa n te euangkerio.
- Tera ae nanonaki ni kamwarakean te koraa? (Kabwarabwaraa bwa *tongaia* nanona kamwarakea ke tararuua.) Baikara anua ni maiu ake e taekin Aramwa nakoira bwa ti riai ni kamwarakei ke n tararuai ara koaua n te euangkerio iai? (Aramwa 32:41–42.) Bokin tera ngkai ko taku bwa te taotaonakinnano ao te mwakuri mwaaka bwaai aika riai ni karikirakean te onimaki?
- E kangaa reiakinan taeka aika tabu ni kakorakoraa ara koaua? (Aramwa 33:14.)
- Baikara reirei aika kakannato aika riai n riki bwa mwakoron ara koaua.? (Aramwa 33:22.)
- E kanga te koaua ae matoatoa ni katotoonga te kai? (Aramwa 33:23.) E na kanga karekean te koaua ni buokiira ni karekea te maiu are akea tokina? Ko konaa ngkana ko tangiria n taekinna bwa e kanga am koaua ni kabebetea am kangaanga ao man anganiko te kimwareirei.

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimototoan te reirei, ke te kataaki n titiraki.

1. Karaoi taeka i aon te beeба n taeka man taeka ke kibu n taeka aikai:

Ana Taeka te Atua.
 Ana Koaua Iesu Kristo.
 Te Tataro
 Reiakin Taeka aika Tabu.
 Ongotaeka nakon Tuua.
 Anga te Mwakuri n ibuouoki

Ngkana ko reireiniia ataei karaki man taeka aika tabu, kabwarabwaraa bwa Ana Taeka te Atua e kabotauaki ma te koraa n te Boki ae Aramwa 32. Katuka te taeka ae “Ana Taeka te Atua” are e koreaki i aon te beeба n taeka i aon te bwai ni kamataata ae te koraa. (Kabwarabwaraa bwa n te boki ae tabu ao Ana Taeka te Atua nanona te euangkerio, ke a na reirei Iesu Kristo.) ae ti te arona ma te koraa ae tabe n rikirake bwa te kai ae bubura. Ngkana ti reirei man ongotaeka nakon Ana Taeka te Atua, ti konaa ni karekei iai ara koaua aika matoatoa n te euangkerio.

Katuka te taeka are e a tia ni koreaki i aon te beeба n taeka ae “Ana Koaua Iesu Kristo” i aon te bwai ni kamataata are te kai. Bon ti te arona naba ma te koraa ae tangira tararuaana ao kakamwarakeana n te amwarake bwa e

aonga n rikirake bwa te kai ae bubura, ara koaua n te euangkerio e tangira te onimaki ao tararuaana bwa e na rikirake ni korakora. Titirakiniiataaei bwa tera ae a konaa ni karaoia ibukin kakorakoraan aia koaua. Ngkana a kaeka, ao katuka te taeka are e koreaki i aon te beebea n taeka ae "Tataro", Reiakin Taeka aika tabu," Ongotaeka nakon Tuua," ao Anga te "mwakuri ni ibuobuoki" irarikin te bwaai ni kamataata are e na kamwarakea te kai.

2. Karaoi kamwaninga ibukiia ataei n tatabemania nako man taeka aika a kaeti nakon te reirei mani korean taeka i aon taiani mwakoro ni beebea ao korokoroi beebea akanne nakon mwakorokoro ni beebea. A konaa taeka akanne n rin ibuakon taeka aikai: te *nanorinano*, te *kaantaninga*, *kamwarakea*, te *ongotaeka*, ao tabeua riki. Tibwatibwaia kaain te kiraati i nanon te mwaiti ni kurubu are ko bon taku bwa e tau ma mwatin taeka ake a reke iroum. Ngkana e tia te kurubu ni booti taeka ni kabane, kariaia te ataei man te kurubu anne bwa e na manga rinanon te reirei are e a tia n reiakinaki ibukin te taeka anne.
3. Katauraoi mwakoro ni beebea ma tuan te euangkerio, n aron aei: te kabwiia ni bwai, Tuan te Mauri, aika a koreaki i aon te beebea n tatabeua. Biniia ke kanimmwa n te teibi i aon akuia ataei n tatabeman, n akea te ataei ae nooria. Tuangiia ataei bwa a na titirakiniiataaei tabeman titiraki ni kataia ni ketinna bwa tera te tua anne, ke kariai aia iango nikiraia ataein te kiraati. I mwiin tian te ataei n anga ana keeti ae eeti, tuangnga teuanne ke neinne bwa e kangaa temanna ni karekea ana koaua ibukin te tua anne. N aaro aikai n tatabeua te reke e riai n rin iai te tataro ao maiuakinan te tua.
4. Anenea ke wareka taekan te anene ae kangai: "Faith" (*Children's Songbook*, iteraniba 96) ke "The Fourth Article of Faith" (*Children's Songbook*, iteraniba 124).

Kabaneana








Te Kaoti Koau

Kaota am koaua bwa ataei a na konaa n rabakau n ana Taeka te Atua ao n ongeaaba nakon Tuua ngkai ataei ngaia, ana karekei aia koaua aika mamatoa n te koaua ae bwanin man ana euangkerio. Taekina aron te bwai ae ko namakinna n aron am onimaki i roun te Tia Kamaiu ao ana euangkerio.

Te Wareware n te
Mweenga ae
Katautauaki

Tuangiia ataei bwa a na reiakina Aramwa 32:21–22, 26–28, 40–43 ataei ni mweengaia bwa manga kauringan te reirei aei.

Kaoa te ataei temanna bwa e na kaira te tataro ni kainiin.



E Reireiniia Natina Mwaane Aramwa aika Ereman ao Tiburon

Te Kaantaninga

Bwa a na reireinaki ataei bwa ti anganaki taeka aika tabu bwa kawain te kukurei n te maiu aei ao bwa te bwai ni kairi ibukira bwa ti aonga ni konaa n okira Tama are i Karawa ao ni karekea te maiu are akea tokina.

Te Katauraoi

1. Tataro mwaaka reiakina Aramwa 37–38. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraaoan am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te Kakarabakau ao Mwakuri ibukin karakaan te Atatai are e na katabeia ataei ma n rang ni buokiia nakon karekean te bwai are e kaantaningaaki man te reirei.
3. Katauraoa kaobiin te angabai (*handout*) “Taeka aika Tabu (n tokin te reirei) ibukiia ataei n tatabemaniia nako. (Bon nanom bwa ko kani karaoia ke ko aki)
4. Katauraoa te taeka i aon te beeба n taeka ibukin “Te Maiu are Akea Tokina.”
5. Bwainreirei aika kainnanoaki:
 - a. Ana Boki Moomon ibukiia ataei n tatabemaniia.
 - b. Te Tamnei ae uarereke ibukin lesu Kristo
 - c. Tamnei 4–9, lesu te Kristo, (Ataakin te Euangkerio 240; 62572), ao 4–15, Te Riaona, (Ataakin te Euangkerio 302; 62041).

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

I mwain waakin te reirei ao karaba tamanein lesu Kristo ae uarereke ke te taeka i aon te beeба n taeka ibukin “lesu Kristo” n te tabo teuana i nanon te Umwa n Reirei. Katea te taeka are ko a tia ni koroia i aon te beeба n te taeka ibukin “Te Maiu are Akea Tokina.” Kabwarabwaraa ngkai kain te Ekaretia ngaira ao ti tangiria ni kakaea te kukurei n te maiu aei, te oki nakon Tama are i Karawa ao ma ni karekea te maiu are akea tokina, are bon te maiu n aki toki kanga utuu i matan Tama are i Karawa. Buokiia ataei bwa a na oota raoi bwa te maiu are akea tokina bon ana bwai n tituaraoi te Atua ae moan te kakannato nakoia natina. E tangiriira Tama are i Karawa bwa ti na tau n aaro nako ke ni kororaoi ni maeka mangaia n aki toki. Tuangiia ataei bwa e karabaaki te Tamnei ae urereke (ke te beeба n taeka) n te tabo teuana i nanon te ruu, ae tamnein te aomata temanna are e tangiria ni kan buokiira bwa ti na karekea te maiu are akea tokina. Anganiia ataei tabeua tenibwi te tekan n ukouke ibukin te tamnei (ke te beeба n taeka). Kaurungiia bwa Tama are i Karawa e a tia n anganiira kairara are e na kairiira nakon te maiu are akea tokina. Aanga iango ke kawai n ibuobuoki tabeua ngkana e riai.

	I mwiin tian kuneakin te Tamnei (ke te beeba n taeka), kaotia nakoia Tamnein Kristo ae bubura ao Booki aika Tabu. Kabwarabwaraa bwa ti a tia n anganaki taeka aika tabu (ke Booki aika Tabu) bwa te bwai ni kairi nakoira are e na buokiira n reireiniira aron lesu Kristo ao man riki ngaira n ai aron katotongana n te aro are ti na konaa iai n okira Tama are i Karawa.
Rongorongo man Taeka aika Tabu	Kamanenai tamnei aika a iangoaki, reirei ana Reirei Aramwa nakoia natina mwaane aika Ereman ao Tiburon ae konaa n reke man Aramwa 37–38. Katurutua taekan ana Reirei Aramwa ni kaeti ma taekan Taeka aika Tabu bwa a kanga ni konaa n riki bwa bwaai ni kairi nakon maiura. Ibukin kawai n anga reirei aika a tia ni baireaki (ke n iangoaki) ibukin reiakinan rongorongo man taeka aika tabu, taraa “Te Anga Reirei man Taeka aika Tabu” iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rangi ni buokiia ataei n oota raoi n taeka aika tabu ao ma ni kamanenai reirei i nanon maiuia. Warekan kiibu ma ataei n te kiraati e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • Bukin tera ngkai e kakawaki ibukiia burabeti n ana Boki Moomon bwa a na kawakin man tararuai taian buatua burati bwa a na aki uruaki (Aramwa 37:4, 8; taraa reirei 3.) • Bukin tera ngkai e anganaki Riaai te Riaona? E kanga ni mwakuri (1 Nibwaai 16:10, 28.) • A kanga n ti te arona taeka aika tabu ma te Riaona? (Aramwa 37:44–45.) A kanga ni konaa ni buokiira taeka aika tabu ni kaokiira ni maeka ma Tama are i Karawa. • Tera te bwai ae e reireiniia iai i Reimwanaite taeka aika tabu are e karekea nakoia te kan rairi nanoia? (Aramwa 37:9.) • Tera are e taekinna Aramwa nakon natina ae Ereman bwa e na reireiniia iai aomata? Aramwa 37:32–34.) Ti na kangaa n tokanikai i aon te kaririaki? • Tera are e nanonna Aramwa ngke e reireina natina ae Ereman ngke e kangai “reirei te rabakau i nanon uarerekem (ke ataeim)”? (Aramwa 37:35.) Bukin tera ngkai e rangi ni kakawaki maiuakinan te euangkerio i nanon uarerekera (ke ataeira)? • Tera ae e reireina iai Ereman Aramwa ibukin te tataro? (Aramwa 37:36–37.) Ko na kangaa ao n te tai raa ae ko na tataro iai? Tera ae nanonaki n te taeka ae “ko na tabekakirake n te kabanea ni bong. Buokiia ataei bwa a na oota bwa e kaeti te baei ma te kabanea ni motikitaeka ngkana a tia ni kabane n roko i matan Tama are i Karawa te koraki ni kabane ake a tia n ongtaeka nakon tuua ao ma ni maeka ma Ngaia n aki toki. • E kanga natin Aramwa ae Tiburon n uoota te kimwareirei ae korakora nakoina? (Aramwa 38:2–4.) E kanga ongotaekam nakon tuua ni uota te kimwareirei nakoia am karo? • Tera te kainikatonga? (Aramwa 38:11. Te aki nanorinano ke te aki kan reireiaki. Aomata aika kamoamoa a taku bwa a rangi ni kakannato riki nakoia

tabeman. Aomata aika kamoamoa a iriiri oin nanoia nakon irakin nanon Tama are i Karawa.) E kangaa te rabakau ni kariai ma ni kaeti ara bure ma ni kaaniira riki ma Tama are i Karawa? Tera ae e nanonaki n te kainikatonga?

- E kangaa Aramwa n atai bwaai ake e a tia n reireina iai natina? (Aramwa 38:6–8.) Tera ae ti riai ni karaoia bwa e aonga te Tamnei ae Raoiroi ni konaa ni buokiira n te aro naba are e karaoia nakon Aramwa? E kangaa te Tamnei ae Raoiroi n reireiniko ke ni buokiko ni karaoa te bwai ae eeti?
- Tera are kakoaua Aramwa nakon Tiburon ibukin lesu Kristo? (Aramwa 38:9.) Ti na kangaa ni kamanenaa teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimotoan te reirei ke te kataki n titiraki.

Mwakuri ibukin Karakaan te Atatai

Ko konaa ni kamaneneaa teuana ke e raka riki man mwakuri ibukin karakaan te atatai aikai n te tai n aki akaaka i nanon tain te reirei ke manga rinanoan te reirei, kakimotoan te reirei ke te kataki n titiraki.

1. Kabwarabwaraa bwa teuana mai buakon bukin anganakira taeka aika tabu bon te buokiira bwa ti na konaa n tokanikai ao ma ni konaa ni buoki ara kangaanga ni katoki. Anganiia ataei te reirei n tatabemaniia nako kaobiin aroaro nako aika aua mwaitiia aika a tia ni koreaki. Tuangiia ataei bwa a na mwakuri ma raoia n iangoia bwa a kangaa kiibu man taeka aika tabu aika a tia ni karinanaki ni konaa ni ibuobuoki nakon aroaro n tatabeua nako. Aroaro aika aua aika a kaotaki i nano ikai bon tii taiani bwai ni katootoo. Ko konaa ni kamanenai kiibu riki tabeua ake a bootau riki nakoia ataei n am kiraati. Kiibu man taeka aika tabu ae raka riki nakon teuana a konaa ni kamaneaaki nakon aeka n aroaro n tatabeua nako.)

Ngke e tia Tiim ni bwabetitoaki, a un kaain ana utuu nakoina. Ao ngke e tuangaki Tiim i roun te Bitiobi bwa e na kariaia te wewete nakoina bwa e na karaoa a na mwakuri ni mitinare ae bwanin raoi taina, ma e aki tau mwaitin ana mwane Tiim i rouna.

Iai ana iango Tieri ae kakawaki ae kan taekinna, ma e ngae n anne, i mwiin taetaena ma aomata aika bat e aki konaa ni motikia bwa tera ae na karaoia.

Raoraon Eeta aki toki ni kataia n tuanga bwa e na iraei bwaai ma n te titoa n aki kabooi mangaiia. Ngke e rawa ao a kaenaenaa.

E a tia Tooka n anganaki ana mwakuri ae kangaanga katiaana n te tai are e baireaki te mwakuri bwa e na tia iai.

Aramwa 26:12; 1 Nibwaai 3:7; Aramwa 37:37; 1 Nibwaai 17:3

2. Kaewei taeka aikai man Aramwa 37 nako aon uoua beebe aika bubura aika okoro i bon irouia.

"Reireiniko te rabakau i nanon ataeim; eng, reirei i nanon ataeim ni kawakin ana tua te Atua" (Aramwa 37:35).

"Karekei taeka n reirei mai roun te Uea ni bwaai ni kabane aika ko karaoi, ao e na kaira kawaiam nakon te raoiroi" (Aramwa 37:37).

Kuarerekei taeka aika tabu n tatabeua nako n te taeka teuana ma teuana. Tibwaia ataei i nano uoua te kurubu. Angan te kurubu teuana te mwakoro ni beebea ao te bentira. Tuanga temanna te ataei man te kurubu teuana bwa e na waerake nakon te bwaoki ke te kaatiboti ni boki n anaa teuana te beebea ao e na uotia rikaaki nakon ana kurubu. E na karaoa naba anne te ataei are i mwiina, ao ai arona naba anne. Ana karinani raoi beebea kurubu n tatabeua n aroia ae a riai ni baireaki iai. Ngkana a tangira buokaia ataei, anganiiia kiibu man taeka aika tabu. Ngkana e a reke irouia aia kibu man taeka aika tabu, a konaa ni kaewei ke ni koroi man kamatenanoi. Ni kabaneana, a konaa n taekina taekan aia kibu kain kurubu nako n teuana te tai.

3. Wareka 1 Nibwaai 16:28 ma ataein te kiraati. "Ao, Ngai, Nibwaai, I noori kainikoto ake i nanon te booro, bwa a mwakuri man te onimaki ma te nanomwaaka ao te ongeaaba ake ti anganiiia." Kaakarabakaua bwa e kangaa ni mwakuri te Riaona ibukin Riaai ao ana utuu. Tibwaia ataei i nanon tenuua te kurubu ao angan te kurubu teuana ma teuana taeka ake tenuua.(te onimaki, nanomwaaka, ao te ongeaaba) ma nanoia ke kabwarabwaraaia.

Te Onimaki: kakoauaan te bwai ae aki nooraki ae koaua.

Nanomwaaka: te anga korakoram ni kabobongaa te bwai teuana.

Ongeaaba : te kakauongo, taraia.

Kariaia kain kurubu nako bwa kakarabakauakin nanon aia taeka ao e kangaa te reirei ni konaa ni buokiiia ni kamanenai taeka aika tabu bwa bwaai ni kairi ni kaokiira nakon Tama are i Karawa. Kariaia bwa a na iangoi katootoo ake a na kamataatai raoi. I mwiin uoua ke tenuua te miniti kariaia kurubu n tatabeua bwa a na rinea temanna ae na kabwarabwaraa nakoia ataei bwa e kangaa te reirei anne ni buokiiia nakon kamanenaan booki aika tabu kanga te Riaona.

4. Kaoa temanna kain te uoote nakon am kiraati ao ke taekina aron te bwai ae e a tia n nooria ngke e tia n anganaki kairana ao kaekaan ana tataro man taeka aika tabu (ke booki aika tabu).
5. Wareka ao kakarabakaua te kawanuua ni kibu n Taekan te Onimaki. Katuruturua taekinana bwa a kangaa taeka aika tabu ni kaokiira nakon Tama are i Karawa. Tao ko na tangiria ni kan kamanenaa te kawanuua n Taekan te Onimaki, tiaata (65008).
6. Anenea ke wareka taekan te anene ae kangai: "Search, Ponder, and Pray" (*Children's Songbook*, iteraniba 109), "Seek the Lord Early" (*Children's Songbook*, iteraniba 108), ke "As I Search the Holy Scriptures" (*Hymns*, nambwa 277).


Kabaneana

Te Kaoti Koau	Kaota am koaua bwa reiakinan taeka aika tabu ni katoa bong e konaa ni buokiira ni katoki ara kangaanga, ma n tokanikai i aon te kabwakabwaka (ke te kaririaki) ao man tiku i aon te kawai ae eeti man irariki, ni kaokiira nakon Tama are i Karawa ao mani karekea te maiu are akea tokina.
	Anganiia ataei n tatabeman nako kaobiin te angabai. Tuangiia bwa a na kaaki i nanon aia Boki aika Tabu bwa kaanga te bwai ni mwaakena tokin te wareware.
Te Wareware n te Mweenga ae	Tuangiia ataei bwa a na reiakina Aramwa 37:33–47 ao 38:1–12 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin.

TAEKA AIKA TABU

*Kairau n okiran Tama are i Karawa ao ni
karekean te Maiu are Akea Tokina*


1. N na warekia ao N na iangoi raoi taeka aika tabu ni katoa bong.
2. N na ukoukora ana ibuobuoki te Tamnei bwa I aonga n oota raoi iai.
3. N na kabotaui taeka aika tabu ma oin au atatai ni baika a tia n riiriki ma aroaro nako.



TAEKA AIKA TABU

*Kairau n okiran Tama are i Karawa ao ni
karekean te Maiu are Akea Tokina*


1. N na warekia ao N na iangoi raoi taeka aika tabu ni katoa bong.
2. N na ukoukora ana ibuobuoki te Tamnei bwa I aonga n oota raoi iai.
3. N na kabotaui taeka aika tabu ma oin au atatai ni baika a tia n riiriki ma aroaro nako.



TAEKA AIKA TABU

*Kairau n okiran Tama are i Karawa ao ni
karekean te Maiu are Akea Tokina*


1. N na warekia ao N na iangoi raoi taeka aika tabu ni katoa bong.
2. N na ukoukora ana ibuobuoki te Tamnei bwa I aonga n oota raoi iai.
3. N na kabotaui taeka aika tabu ma oin au atatai ni baika a tia n riiriki ma aroaro nako.



TAEKA AIKA TABU

*Kairau n okiran Tama are i Karawa ao ni
karekean te Maiu are Akea Tokina*

1. N na warekia ao N na iangoi raoi taeka aika tabu ni katoa bong.
2. N na ukoukora ana ibuobuoki te Tamnei bwa I aonga n oota raoi iai.
3. N na kabotaui taeka aika tabu ma oin au atatai ni baika a tia n riiriki ma aroaro nako.



E Reireina Natina Aramwa ae Korienton

Te Kaantaninga Te buokiia ataei bwa a na oota bwa iai raoiroin ao buakakan mwiin ara rinerine.

Te Katauraoi

1. Reiakina Aramwa 39 ma te tataro mwaaka. I mwiina ao reiakina te reirei ao iangoia bwa ko na kangaan reireiniia ataei rongorongan taeka aika tabu. (Taraa "Katauraoan Am Reirei," iteraniba vi, ao te "Te anga Reirei man Taeka aika Tabu," iteraniba vii.)
2. Rinei titiraki ibukin te kakarabakau ao Makuri ibukin Karakaan te Atatai are e na katabeia ataei ma n rangi ni buokiia nakon karekean te bwai are e kaantaningaaki ma n te reirei.
3. Karaoa te tiaata ibukin bwaai akana a karinaki i aan Mwakuri ni Kakukurei ibukin kairan te Kakauongo, ke koroi iaon te burakibooti.
4. Bwain Reirei aika Kainnanoaki: Ana Boki Moomon ibukiia ataei.

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.

Tuangiiataei bwa a na iangoia n aia iango bwa angko a toka i aon te ebaeban tii ngaia i nuukan marawa. A kunea bwa a riai ni kabebetea uotaia ibukina bwa e a iinako te ebaeba i aan te ran. A riai n karenako bwaai ni kabane ma ti ouua bwaai mai buakon bwaai aika a na aki. Man bwaai aika a karinanaki aikai tuangiia bwa a na rinei ouua bwaai aika a na kawakin:

Te bwai ni uaua
Te bwaoki ni bwai n aoraki
Te bwaoki ae matoatoa ae on n te koora
Te kai n roaroa, ma matau ao te ao te iaia ao bwaai n akawa tabeua
Te keeti ibukin teuana te tatin ni bwatoro n ran
Te rerio ae ouua baenna
Te bwaoki ibukin taura ake a kakikibaaki n tain te kangaanga
Te kaen ae bubura ibukin kanakoan te bakoa

Koroi i aon te burakibooti taian rinerine, ao tuangiia ataei bwa a na kabwarabwaraa bukin aia rinerine. Rinerine n te mwakuri aei e konaa ni karika te kangaanga nakon karaoan te rinerine. Kaotia nakoia bwa e konaa ni kangaanga te rinerine ibukina bwaa aki ataia bwa tera te bwai ae na riki n te tai ae na roko: Tao a na iinako are a na tangira iai te bwai n uaua, a na taka n te aro are a na tangira iai te ran ni mooi, ana baki n te aro are ana tangira iai te kai n roaroa, ngkana a karina ni kaitiboo ma te bakoa a na tangira iai bwain kanakoan te bakoa, a na tangira te rerio i bukin kakaaean buokaia, ngkana a ikoaki a na tangira te bwai n aoraki, a na tangira te taura ibukin kamaiuaia n te tairiki, ke tao ngkana a kamaiuaki i nanon tabeua te aoa ao tao a na tangira ni kawakina aia koora.

	<p>Kabwarabwaraa bwa i nanon te maiu aei ao a mwaiti rinerine aika a kangaanga karaoaia, ma e a tia Tama are i Karawa n anganiira tuua bwa buokara. Te reirei aei e boboto i aon karaoan taian rinerine.</p>
<p>Rongorongo man Taeka aika Tabu</p>	<p>Reireiniia ataei rongorongan Aramwa ngke e reireina natina ae Korianton man Aramwa 39. (Ibukin kawai n anga reirei aika a tia ni baireaki reiakinan taeka aika tabu, taraa “Te Anga Reirei man Taeka Aika Tabu,” iteraniba vii.) Taraia: Tai reirei kanoan raoi Aramwa 39:3–6 ni kabane. Ti kakimototoa ni kabwarabwaraa bwa e karaoa te bure ae rangi ni buakaka Korianton ngke e karaoa ana mwakuri ni mitinare i buakoia i Tioromwaite. Ngkana a titiraki ataei ibukin aron ana bure Korianton, tuangiia bwa a na maroroakinna ma aia karo.</p>
<p>Kamanenaan Titiraki n te Kakarabakau</p>	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataei n te reirei, e na konaa ni buokiia nakon karekean aia atatai n taeka aika tabu.</p>
	<ul style="list-style-type: none"> • Tera te mwakuri ni katootoo are e karaoia tarin Korianton nakoina? (Aramwa 39:1.) Antai ae ko tataraia ibukin mwakuri ni katootoo aika raraoi? Baikara rinerine aika raraoi aika a tia n rinei? • Bukin tera ngkai e taekinna Aramwa bwa e aki kukurei i roun Koriantan? (Aramwa 39:2.) Tera nanona ngkai e aki ongo nakon ana taeka Tamana? (E aki ongotaeka Korianton i roun Aramwa.) Bukin tera ngkai ti riai ni ongotaeka nakoia ara karo? Tera nanon te kamoamoa? (Te taetae ni kamoamoa ke te kan uotiira rake i aoia tabeman.) Bukin tera ngkai e kairua te kamoamoa? • Bukin tera ngkai e taku Aramwa bwa e kaurunga Korianton n ana bure? (Aramwa 39:7–9. Kabwarabwaraa bwa “tukan rabwatam man baikai ni kabane” [Kiibu 9] nanona bwa ko na tannako man baika a bubuaka aikai.) Antai ae atai ara bure ni kabane? (Aramwa 39:8.) E kangaa namakinan karaoan te bure ni kaira te aomata nakon rairan te nano? • Antai are e taekinna Aramwa bwa e konaa n angan Korianton taeka n reirei aika raraoi i bukin karaoan taian rinerine? (Aramwa 39:10.) A kanga am karo ao kaain am utuu ni buokiko ni karaoi babaire aika eeti? Baikara kawai riki tabeua ake ko na konaa iai ni kareke taeka n reirei aika raraoi? • A kangaa ana mwakuri Korianton aika aki raraoi n rootiia i Tioromwaite? (Aramwa 39:11.) Ni kawai raa aika a konaa iai ara rinerine n rootiia tabeman? • Baikara rinerine aika ko riai ni karaoi? E na kangaa te Tamnei ae Raoiroi ni buokiko n ataia bwa ko a tia ni karaoa te moti ae raoiroi. Kaoia kain te kiraati bwa a na taekin baika a tia n riki nakoia ngke e a tia te Tamnei ae Raoiroi ni buokiia ni karaoa aia moti. • Tera ae reireina iai Korianton Aramwa ibukin te rairannano? (Aramwa 39:13.) Tera am iango n nanon “rairaki nakon te Uea ma nanom, korakoram, ao marurungim ni kabane”? Bukin tera ngkai ti riai ni kabwarai ara bure nakoia te koraki ake ti a tia ni kamarakiia n ara rinerine aika a kairua? • Tera ana reirei Aramwa ibukin ukoukoran te kaubwai? (Aramwa 39:14.) Tera ae riki nakoia aomata ngkana a iangoia bwa te bwai ae kakawaki ni maiuiia te kaubwai? • Tera te bwai ae reireina iai Korianton Aramwa ibukin ana mwakuri lesu Kristo? (Aramwa 39:15.) Tera te bwai ae riai Korianton n anga reirei ibukina?

(Aramwa 39:16.) Tera ae ti konaa ni karaoia n taekinan te euangkerio nakoia naake a maeka ni katobibiira?

Ko konaa ni kamanenai Mwakuri ibukin karakaan te atatai 2 ao 3 ni buokiiia ataei bwa a na oota raoi ni mwiin taian rinerine ake a karaoi i nanon maiuia.

Mwakuri ibukin

Karakaan

te Atatai

Ko konaa ni kamanenaa teuana ke raka riki man mwakuri aikai n te tai n aki akaaka i nanon tain te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Manga rinanon ao kakarabakaua te kauoua n taekan te onimaki, ao kariaia ataei bwa a na kamatenanoa. Kaotia nakoia bwa a bukinaki aomata n tatabemaniia nako ibukin te bwai are e karaoia (te mwaane ke aine).
2. Kakarabakau ma ataei n rinerine ake a konaa ni karaoi ni baikai ke n aaro aika ti te arona. Kabonganai iango ibukin kangaanga aika a konaa n riki nakoia am ataei n am kiraati. Titirakinia bwa baikara rinerine aika e na tangiriia Iesu Kristo bwa a na karaoi. Buokiia bwa na iangoi mwiin rinerine aika kakaokoro aika a konaa ni karaoi.

Te taetae ae a kamanenaa

Kawakinan te bong ae te Tabati n tabuuia

Kunikai aika kunikainii

Te ongeaaba nakoia aia karo

Te katangitang ae a ongoraa iai

Te iraa

Tamnei ake a matakaukin n te bwai ni kaotitamnei, te wirio, ao terewitin Taekinan te koaua

Booki ao Nutibeeba ake a wareki

3. Karekeia ataei ake a na karaoa aia kaotioti n aaro aika riiriki ni karaoan rinerine nako ao baika a konaa n riki mantaian rinerine n aron aikai:

Te rao ae taekina te kewe ibukin temanna.

Te rao ae e tangiriko bwa ko na matakau n te kaoti tamnei ke te wirio aika a aki raraoi.

Te rao ae karakina te karaki ae aki riai nakoim.

Te rao ae tangiriko bwa ko na babakanikawai n te reirei.

Te rao ae tangiriko bwa ko na urua tuan te mauri.

Temanna ae anganiko bwain aoraki aika tabuaki n te tua.

4. Kaakarabakaukin ma ataei aron mwiin te moti are karaoia Beretitenti Tibentia W. Kimboro:

"I iangoia ngke bon te ataenimwaane ngai ae uarereke bwa N na aki urua tuan te mauri. . . . I ataia bwa ngke e taekinna te Uea, ao e rangi ni kakukurei nakoina ibukiia aomata bwa a na kararoia man bwaai aika a kakamaaku man tiritiri ma te bwai ae I tangiria ni karaoia bon te kakukureia Tama are i Karawa. Ma ngaia are I iangoia raoi man kamatoaa bwa N na bon aki riingii bwaai aika kamamate akanne. I mwiin tian iangoakina raoi n akea te nanououa, I kunea bwa e aki kangaanga kawakinan te berita i rou ao i roun Tama are i Karawa" (i nanon Conference Report, Eberi 1974, iteraniba 127; ke Ensign, Me 1974, iteraniba 88).

5. Karaoi taian angabai ibukin temanna te ataei n am kiraati ibukin taeka aika N na karaoi rinerine aika eeti. Kawenei taian angabai ni kabarakii i aon te

taibora, ao kariaia ataei bwa a na roko nako moa temanna i mwiin temanna n rinea teuana. Tuangiia ataei bwa a na kaekai titiraki aikai:

- Tera ae ko na kabonganaa ae e na kaira am iango ni karaoaan am rinerine n te wiiki aei?
- Tera mwiin karaoaan rinerine aika kairua?
- Tera mwiin karaoaan te rinerine ae eeti?

N tokin te mwakuri, kaatuua taekinan kakaawakin iangoakin baika a kona riki i mwaain karaoaan ara rinerine.

6. Kakarabakaua te katebwi ma teuana n taekan te onimaki ao bwa a kangaa aomata n tatabemaniia ni bukinaki ibukin aia rinerine.

- Bukin tera ngkai ti aki riai ni kataia n imanonoia tabeman bwa a na kakoauaa te euangkerio?
- Bukin tera ngkai ti riai ni kaantaningaia tabeman bwa a na kariaira n taromauriia te Atua n aron ae ti tangiria?

Buokiia ataei bwa a na kamatenikunaa te katebwi ma teuana n taekan te onimaki.

7. Anenea ke wareka taekan te anene ae kangai: “Choose the Right Way” (*Children’s Songbook*, iteraniba 160), ke “Beku Ma Te Koaua” (*Anene n Taromauri ma Aia Anene Ataei*),” iteraniba 60).

Kabaneana

Te Kaoti Koau	Kakoauaa bwa iangoan rimwiakin lesu Kristo e na kairiira nakon karaoaan rinerine aika eeti ao bon ti aei te kawai nakon kakaean te kukurei ni koaua.
Te Wareware n te Mweenga ae Katautauaki	Baireia bwa a na reiakina Aramwa 39:12–19 ataei ni mweengaia bwa kaanga manga rinanoan te reirei aei. Kaoa te ataei temanna bwa e na kaira te tataro ni kainiin.

E Tokanikai i aoia i Tieraemra Kaaben Moronaai

Te Kaantaninga	Te Kaungaia ataei n tatabeniiia bwa a na katokaa i aoia ana otanga te Atua bwa katanaia man baika a bubuaka.
Te Katauraoi	<ol style="list-style-type: none">1. Tataro korakora n Reiakina Aramwa 43–44 ao I Ebeto 6:11, 13–18. I mwiina ao reiakina te reirei ao iangoia bwa ko na kangaa n reireiniia ataei karaki man taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)2. Reitan te Wareware: Tuua ma Berita 27:15–18.3. Rinei titiraki ibukin te kakarabakau ao mwakuri ibukin karakaan te atatai are e na katabeia ataei ma n rangi ni buokiia nakon karekean te bwai ae e kantaningaaki ma n te reirei.4. Bwain reirei aika kainnanoaki:<ol style="list-style-type: none">a. Ana Boki Moomon ibukiia ataei.b. Te Babara.c. E bon nakon are ko tangiria ni kan reireiniia ataei iai n aron ana ootanga te Atua, karaoi beebea n taeka, otanga aika a korokoreaki ni kauarerekeaki ma tamnein te aomata ibukiia ataei n tatabemaniiia, ootanga aika bubuubura riki n onoi mwiin tamanei ake a koreaki i aon te burakibooti, ke ootanga aika karaoaki man te kaatibooti are e konaa ni katokaaki i aon te ataei. (Taraa te kamataata ae kaotaki n tokin te reirei.)d. Tamanei 4–37, Ana Tautia Kaaben Moronaai ngke a buakaniiia i Reimwanaite, ao 4–38, Aia taanga ni buaka i Tieraemna ngke a Tewenakoi aia Bwai ni Buaka.
Aron Kairan te Reirei ae Katautauaki	<p>Kaoa te ataei temanna bwa e na kaira te tataro ni kakuuki.</p> <ul style="list-style-type: none">• N taai ake ngkoa ngkana a nako ni buaka aomata ma kabaang, a kangaa ni kawakin atuuia, burooia, birotoia, baia, rangaia ao rauraun waeia? (Ma te ootanga.) <p>Kabwarabwaraa bwa ti bane ni kaaina te buaka n eekanako te buakaka. Te kaririaki ao mwaakan Taatan a rangi ni koaua. E aki tangiria Tama are i Karawa bwa ti na iri n te buaka n eekanako te buakaka n aki otanganaki. Rinea te ataei temanna ae e na wareka I Ebeto 6:11, 13–18. Kakarabakauakin taikan taian ootanga n tatabeua nako ni kabonganai taian beebea n taeka, ke ootanga ake a korokoreaki. Kabootauii ootanga n tatabeua bwa ti na kangaa ni maiu man otangaaki man bwaai aika buakaka aika a katobibiira.</p>

Rongorongo man Taeka aika Tabu	<p>Reireiniia ataei karakinan Kaaben Moronaai ngke e tokanikai i aoia i Tieraemna man Aramwa 43–44. (Ibukin kawai n anga reirei aika a tia ni baireaki i aon karaki man taeka aika tabu, taraa te “Te anga Reirei man Taeka aika Tabu,” iteraniba vii.) Katuruturua taekinana bwa ana taanga ni buaka Moronaai aki n ae a tii katokai i aoia ootanga aika a karaoi aomata ma iai naba irouia ana ootanga te Atua aika korakora riki. Kamanenai tamnei n tai aika bon riai.</p>
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataei n te reirei, e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • Bukin tera kaain Tieraemna, te Kamwaanta mairouia i Reimwanaite ngkai a rineia i Amerekaite ao i Tioromwaite bwa mataniwi ni kaaben iaoia i Reimwanaite? (Aramwa 43:6–7.) Bukin tera i Reimwanaite ngkai a tangiria ni kan buakaniia i Nibwaite? (Aramwa 43:8, 29.) • Bukin tera i Nibwaite ngkai a kukukrei nanoia ni kan buaka? (Aramwa 43:45, 47.) Bukin tera ngkai e manena te buaka ibukin mweengara, ara utuu, inaomatara, ao te Ekaretia? Tera te bwai ae iai manenana ae tau ae ko na buaka ibukina? • E kanga Kaaben Moronaai ni katauraoa ana taanga ni buaka ni kaaitaraia i Reimwanaite i aon Tietion? (Aramwa 43:18–19.) Bukin tera ngkai e kakamakuia i Reimwanaite te katauraoi aei? (Aramwa 43:20–21.) N aaro raa aika ko konaa iai ni katokaa iaom ana ootanga te Atua n taamnei ao man tauraoi n tei ibukin te eeti? • E kangaa Kaaben Moronaai ni kunea bwa te tabo ae e na kanakoa nako iai ana taanga ni buaka? (Aramwa 43:23–24.) A kangaa burabeti ni buokiira ni boong aikai? • A ngae i Nibwaite ni bwain ootanga, bukin tera ngkai a maaku man birinako mairouia i Reimwanaite? (Aramwa 43:48.) E kangaa Moronaai ni kaungai nanoia? • Tera ae a karaoia kain ana taanga ni buaka Kaaben Moronaai ni karekei korakoraia ao ninikoriaia ni buaka? (Aramwa 43:49–50.) E kangaa te tataro ni buokiko ni katokaa ana ootanga te Atua iaom? (I Ebeto 6:18.) • I mwiin tian Moronaai ni katobibiiia i Reimwanaite, tera ae karaoia are e kaotaki iai bwa tiaki te tia katutuua te raraa ngaia? (Aramwa 43:54; 44:1–6.) • Bukin tera ngkai e anga i Reimwanaite nako nanon baia ana taanga ni buaka Moronaai? (Aramwa 44:3.) Tera te berita are e karaoia te Uea ma i Nibwaite ao nakoira ngkana ti kakaonimaki? (Aramwa 44:4.) Tera aia iango i Tieraemna n te bwai are kawakiniia i Nibwaite? (Aramwa 44:9.) • Tera ae riki ngkana aki karoa te berita ae tabu ibukin te rau i Tieraemna? (Aramwa 44:12.) Tera ae riki nakoia i Reimwanaite ake a berita ma te Atua bwa a na aki buaka? (Aramwa 44:15.) Bukin tera ngkai kakawaki i roura bwa ti na kawakin taian berita ma berita ma te Atua?

Mwakuri ibukin
Karakaan
te Atatai

Ko konaa ni kamanenaa teuana ke raka riki man mwakuri aikai n te tai n aki akaaka i nanon tain te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Takaakaro ni katoatoaani bwaai (taraa te “Te anga Reirei man Taeka aika Tabu,” iteraniba vii). Koroi aran mwakorokoron bwain te otanga i aon onoua te kaate ao tera are a tei ibukiia i aon teuana riki te tiete ni kaate ae onoua mwaitina. Kariaia ataei bwa a na katoatoai mwakorokoron bwain te ootanga bwa tera ae kanikinaai ara ootanga mairoun Tama are i Karawa.

Te roo — te Koaua (I Ebeto 6:14)

Te tanga — te Raoiroi (I Ebeto 6:14)

Te Kau — te tauraoi

Te Ootanga — te Onimaki (I Ebeto 6:16)


Te Barengaru — te kamaiuaki

Te Kabaang — Tamnein te Atua, ke Ana Taeka te Atua (I Ebeto 6:7; T&B 6:2.)

2. Kamanenaa I Ebeto 6:13–18, buokiia ataei bwa a na kamatenanoi mwakoron nako ana ootanga te Atua bwa tera are e tei ibukina te mwakoro teuana. Arana mwakoron te ootanga teuana ngkana ko karea te ataei n te booro. Kariaia te ataei bwa e na anga nanon mwakoron te ootanga anne ao i mwiina arana mwakoron te ootanga ngkana ko karea temanna riki te ataei n te booro, are e na aanga nanona man rinea teuana riki mwakoron te ootanga ae boou, ao ai arona naba anne.

3. Titirakinia ataei bwa bwaai baikara aika e kabonganai Tatan ni boong aikai ni kataia ni kaikoakiira ke n tiringiira n taamneira. Tao a na taekin bwaai n aron te kaotitamnei, te taamnei ake a kanakoaki n te eea n taian terewitin, te wirio, booki, ke taian Nutibeeba, taian kaririaki nakon uruakan ke riaoan tuan te mauri; te kaririaki bwa ti na aki nakon te taromauri; ao ai arona naba. Kakarabakaua ma ataei bwa tera te bwai ae a karaoia ni kakorakorai iai aia otanga n tamanei, n aron karaoan am tataro i bon i roum ao te utuu, karaoan te reirei man taeka aika tabu i bon i roum ao n te utuu, karaoan te taromauri n utuu n tairikin te Moanibong koraki, te iri n te taromauri, ao ai arona naba.


4. Kaakarabakauakinna bwa e kanga Kaaben Moronaai ni kamwaneia aia taanga ni buaka i Reimwanaite, n aron ae taekinaki n Aramwa 43:31–42. Kamanenaa te burakibooti ni kabwarabwaraa aia tabo aika a mena iai aia taanga ni buaka i Nibwaite ao i Reimwanaite.






5. Anenea ke wareka taekan te anene ae “Beku Ma Te Koaua” (*Anene n Taromauri ma Aia Anene Ataei*), iteraniba 60), ke “Choose the Right Way” (*Children’s Songbook*, iteraniba 160).

Kabaneana

Te Kaoti Koau	Kaota am koaua ibukin bonganan katokaan ana ootanga te Atua i aora bwa e na otangaira man mwakuri aika bubuaka.
Te Wareware n te Mweenga ae Katautauaki	Baireia bwa a n a reiakina Aramwa 43:41–54 ao 44:1–4 ataei ni mweengaia bwa kaanga manga rinanoan te reirei aei. Kaoa te ataei temanna bwa e na kaira te tataro ni kainiin.





Kaabon Moronaai ao Katean te Taeka ae te Inaomata

Te Kaantaninga	Te reireiniia ataei bwa e roko te inaomata ni koaua man tukan te buakaka ao kawakinan ana tua Tama are i Karawa.
Te Katauraoi	<ol style="list-style-type: none">1. Tatato korakora n reiakina Aramwa 46, 48, ao 49:21–30. Imwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)2. Reitan te Wareware: Aramwa 47, 49:1–20.3. Rinei titiraki ibukin te kaakarabakau ao Makuri ibukin Karakaan te Atatai are na katabeia ataei ma n rangi ni buokiia ni nakon karekean te bwai ae e kantanningaaki ma n te reirei.4. Bwain reirei aika kainnanoaki:<ol style="list-style-type: none">a. Ana Boki Moomon ibukiia ataei.b. Te mwakoro ni beebea ae abwaabwaki ke te burakibooti), te kai ao te teibi (ke te bwai ni kanimnim).c. Tamnei 4–39, E Irakea Maniuan Te Inaomata Kaaben Moronaai (Ataakin te Euangkerio 312; 62051).
Aron Kairan te Reirei ae Katautauaki Mwakuri ni Kakukurei ibukin Kairan te Kakauongo	<p>Kaoa te ataei temanna bwa e na kaira te tatato ni kakuuki.</p> <p>Katea Tamnein Kaaben Moronaai. Tuangiia ataei bwa a na kauka aia boki aika tabu nakon Aramwa 46. Kabwarabwaraa bwa a na konaat ataei ni karekean man te reirei aei taekaia mwaane aika uoman ake bon taian kamwaanta ngaiia n te taanga ni buaka—Kaaben Moronaai ao Amerikiia. Bon te i Nibwaite Amerikiia ngke e bungiaki, ma e a tia ni mwaninga taekan te Uea. E riki bwa te kiing Amerikiia i rouia i Reimwanaite n te kewe, te bureburea te aba, ao te tiritiri. E tangiria Amerikiia bwa e na konaia i Nibwaite n te buaka n te aro are e aonga n riki bwa te kiing i aoia i Nibwaite ao i Reimwanaite.</p> <p>Bon te mataniwi ni kamwaanta Kaaben Moronaai n aia taanga ni buaka i Nibwaite. Bon te mwaane ae marurung man korakora are e tangira te Uea ao man tangiriia ana aomata. E a tia ni berita man anga ana taeka ni bau bwa e na kaawakiniaiia ana aomata mairoun Amerikiia ao ana taanga ni buaka i Reimwanaite.</p> <p>Ngke a tauraoi Amerikiia ma ana taanga ni kamaunaia i Nibwaite, ao Kaaben Moronaai e katauraoia ana aomata bwa a na kaaitaraia.</p>

	Katea te kunikai (ke beeба), raeuaa mwakorona ae abwaabwaki, ke korea tamnein te kunikai ae raeuaaki i aon te burakibooti. Taekinna nakoia ataei bwa e raeuaa te mwakorona man ana kooti Kaaben Moronaai ao e karaopia bwa te buraeki ke kunikai ae korobokiaki i aona te taeka ae te Inaomata. Tuangiia ataei bwa a na bootaki ni wareka Aramwa 46:12. Koroi taeka aikai i aon te mwakoro ni kunikai ke ni beeба: "N uringan Atuara, ara aaro ao te inaomata, ao raura, buura ao ara ataei." Ngkana ko a tia ni kamanenaa te kunikai ke te beeба tuangiia ataei bwa a na kanimwa te buraeki n te kai. Tuanga temanna te ataei bwa e na katea te buraeki i matan te umwa n reirei.
Rongorongo man Taeka aika Tabu	Reireiniia ataei te karaki man Aramwa 46–49 ae karakinan Kaaben Moronaai, ae ana aomata te Atua ae korakora are e katauraoia ana aomata bwa a na tei ibukin inaomataia. (Ibukin kawai n anga reirei aika a tia ni baireaki ibukin relakinan taeka aika tabu, taraa te "Te anga Reirei man Taeka aika Tabu," iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu ma taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanoni maiuia. Warekan kiibu ma ataei n te reirei, e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • Tera te bwai ae kakiriweea rauia i Nibwaite? (Aramwa 42:24; 46:1–2.) Bukin tera ngkai moan te mwaii aomata aika rimwiin Amerikiia? (Aramwa 46:5.) • Tera te bae karaopia Kaaben Moronaai ngke e ongo taekan te buaka aei? (Aramwa 46:11–12.) Imwiin tian katean te Taekan ae te Inaomata i roun Moronaai, tera ae karaopia? (Aramwa 46:13, 16.) • Tera te bwai ae tuangiia aomata i aon Nibwaite Moronaai bwa a na karaopia? (Aramwa 46:19–20.) Bukin tera n am iango bwa taeka ake a koreaki n taekan te inaomata are e kateaki e kaungai nanoia i Nibwaite? • Tera te berita are a karaopia aomata ake a ira Kaaben Moronaai? (Aramwa 46:21–22.) Ko kanga n taku bwa karaooan te berita aei ma te Atua e buokiia aomata n tei ibukin inaomataia ao aia Aaro ni Kiritian? Baikara berita tabeua aika ti a tia ni karaopia ma Atuara? • Tera ae tangiria Kaaben Moronaai bwa a na uringnga ana aomata? (Aramwa 46:23–24.) Kaotia bwa kiibu aikai a konaa ni kuneaki n te O Tetemantii ibukin lotebwa ao ana Kooti ae batia aekan matana. • A kangaa aia katauraoi i Nibwaite ni kaokoro ma aia katauraoi i Reimwanaite? (Aramwa 48:7.) A kanga i Nibwaite ni kataia n ootangaa aia kaawa? (Aramwa 49:2, 4.) Ti na kangaa ni katauraoiraa bwa ti aonga n tokanikai i aon mwaakan Tatan. • Tera ae a reireinaki iai i Nibwaite n aron te buaka? (Aramwa 48:14.) Tera ae a kokoaua bwa e na karaopia Tama are i Karawa ibukiia? (Aramwa 48:15–16.) • E kangaa ana namakin te Burabeti ae Moomon, are e korea te rongorongo aei, ibukin Kaaben Moronaai? (Aramwa 48:11–13, 17–18.) Kawai raa aika ko tangiri bwa ko aonga n riki n ai aron Moronaai?

- A ngae i Nibwaite ngke aki tangiria ni kan nako ni buaka, ma bukin tera ngkai a buaka ma i Reimwanaite? (Aramwa 48:23–24.)
- Tera ae riki nakoia i Reimwanaite ni kabanean aia bobuaka ma n eekanako te kaawa ae Nooa? (Aramwa 49:21–25.) Tera am iango n te bwai are e anganiiia i Nibwaite te korakora ni buaka n te bobuaka aei? Tera te bwai ae anganiko te korakora n ootangaa te raoiroi ao te inaomata?
- Imwiin birinakoia i Reimwanaite ao a inaomata i Nibwaite mairouia aia kairiribai, tera ae a karaoia i Nibwaite? (Aramwa 49:28.) Ti kangaa ni kaota ara kaitau ibukin te inaomata are ti kukureira iai.

Mwakuri ibukin Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka i nanon tain te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Tuangiia ataei bwa a na taraa tamnein Kaaben Moronaai. Manga kauringa bwainakin ana otanga te Atua n te aro bwa ti aonga otangai rabwatara man baika a bubuuaka. Kaotaa raoi bwa a kaaman kanakoaki ataei i roun Tama are i Karawa nakon te aonnaaba ni kaawakina te raoiroi ao te koaua n te tai aei. Tuangiia ataei bwa a na kinai raoi ana ootanga Moronaai ni buaka n tatabeua nako (Aramwa 46:13), ao taekinna bwa tera ae tei ibukina ngkana te otanga ibukin te tamnei (taraa Reirei 25 ao I Ebeto 6:11, 13–18).

Roon te Nuuka: Te Koaua. E nanonaki iai ataakin te eeti, man te kairua, n tangira te koaua, ni kawakinan itiakim, ao n itiaki ni katein te maiu.

Te Tanga: Te Raoiroi. E nanonaki iai rinean te eeti ao irakin lesu Kristo.

Te Otanga: Te Onimaki. E nanonaki iai karekean te onimaki i nanon te Uea ae lesu Kristo.

Te Barengaru: Te Kamaiuaki. E nanonaki iai aron bairean taum ni maeka ma Tama are i Karawa n aki toki.

Te Kabaang: Te Tamnei ke te Tamnei ae Raoiroi. E nanonaki iai kairam iroun te Tamnei ae Raoiroi ao kaotakin ana taeka lesu Kristo.


Te Kau: Katauraoan euangkerioon te rau. E nanonaki iai ataakin te euangkerio n te aro bwa ti aonga n nakonako i nanon te kawai ae eeti man irariki.

Anganiiia ataei n tatabemaniia nako kaobiin te angabai ae kaairaki ma te reirei aei ao mwakuri ma ataei ni kanoai taabo aika akea kanoaia i aon aia beebea. Tuangiia ataei bwa a na korei araia ni kabanean aia beebea mai nano. Kaoia uoman ataei bwa na waerake nako moaia ataei ao man katea taekan te inaomata are e kamanenaaki n tain mwakuri ibukin kairan te kakauongo. Tuanglia ataei bwa a na wareka te kabanea ni kibu n taeka i aon aia beebea, "I a tauraoi n tei n tiring ana kai ni bakarere teuare e buakaka aika uramwaaka," ao maroroaakinna bwa tera nanon te kibu n taeka anne. Tuangiia ataei bwa a na anai aia otanga ake "Ana Otanga te Atua" ake beebea nakon mweengaia ni kaoti nakoia kain aia utuu.

2. Katea buraekin abam. Kabwarabwaraa bwa te buraeki bon te tia kauring ae raoiroi. Ni kabane aaba iai aia buraeki are bon te kanikina nakoia aomata bwa antai ngaia ao tera ae e tei abaia ibukina. Anganiia ataei te mwakoro ni beeba ke ni kunikai ao bwaini korobanna tabeua ao tuangiia bwa a na korea tamnein aia buraeki are e na kaota te bwai teuana ae boongana nakoia, n ai aron aei bwa antai ngaia, tera te bwai ae kakukureiia, antai ae a na kaantaningaia n riki n ai arona, ao tera ae a tei ibukina. Kam konaa n tibwauai kanikina tabeua ake tei ibukin baikai.
 3. Kaakarabakaua te katebwi ma uoua ni koaua n taekan te onimaki ma ataei, ao buokiia ni kamatenanoa.
 4. Anenei ke wareki taekan te anene ae kangai “Keep the Commandments,” (*Children’s Songbook*, iteraniba 146).
-

Kabaneana

Te Kaoti Koau	Kaota am koaua bwa te inaomata bon te kakabwaia ae korakora. Kakoaua bwa ti karekea te inaomata ae koaua ngkana ti tuuka te buakaka ao n ongotaeka nakon ana Tua Tama are i Karawa.
Te Wareware n te Mweenga ae Katautauaki	Baireia ma ataei bwa a na reiakina Aramwa 48:11–13, 17–18 ni mweengaia bwa manga kauringan te reirei aei. Kaoa te ataei temanna bwa e na kaira te tataro ni kainiin



N NA KATOKAA I AOU ANA OOTANGA TE ATUA AE BWANIN

N na tei ma te roo n nuuka ibukin _____.

N na ootangana buroou n te tanga are te _____.

N na tei ma waeu aika nangoaki n te _____.

N na taua ni baiu te ootanga ae te _____.

N na rabuna atuu n te barengaru ae te _____.

N na taua ni baiu te kabaang are te _____.

I a tauraoi n tei n tiring ana kai ni bakarere teuare
e buakaka aika uramwaaka.

Ereman ao Tan Buaka aika Uoua Tengaa Mwaitiia

Reirei
27

Te Kaantaninga Te reireiniia ataei bwa irakin aia katootoo ao aia reirei kaaro aika raoiroi e anganiira te mwaaka ni kawakina te koaua ao te eeti.

Te Katauraoi

1. Tataro korakora n reiakina Aramwa 53:10–23 ao 56:1–58:27. Imwiina reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraaoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Reitan te Wareware: Aramwa 24.
3. Rinei titiraki ibukin te kaakarabakau ao Makuri ibukin Karakaan te Atatai are e na katabeia ataei ma n rangi ni buokiia nakon karekean te bwai ae kaantningaaki ma n te reirei.
4. Bwain reirei aika kainnanoaki:
 - a. Ana Boki Moomon ibukiia ataei.
 - b. Tamnei 4–33, A Taunii Aia Kabaang Taan Ante-Nibwaai-Riaai. (Ataakin te Euangkerio 311; 62565, ao 4–40, Uoua te Ngaa Taani Buaka Aika Rikirake (Ataakin te Euangkerio 313; 62050).

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.

Katea tamneia i Ante Nibwaai-Riaai ngke a taunii aia kabaang. Kauringiia ataei bwa a reiakin taekaia aomata aika kakannato aikai tabeua te wiiki n nako (taraa reirei 19). Titirakinia ataei n titiraki aikai:

- Antai i Ante-Nibwaai-Riaai? Bukin tera ngke a taunii aia kabaang?

Tuanga temanna te ataei bwa e na wareka Aramwa 24:19. Kabwarabwaraa bwa Ante Nibwaai-Riaai a kaota te katootoo ae raoiroi ibukioia natiaa.

Kaoia ataei bwa a na taekin aia katootoo aika manena man tuua n ai aron te kokoaua, te akoi, kabwakaan te kabwiia ni bwai, kawakina te bong ae te tabati n tabuuia, ao tabeua riki, ake a tia ni karekei mairouia aia karo ao e kangaa te ongotaeka n tia ni kakabwaiaia.

Kabwarabwaraa bwa e a tia Tama are i Karawa n anganiira ara karo ake a na tangiriira, n reireira, ao ni kairiira i nanon maiura. Kabwarabwaraa bwa i nanon te reirei aei a na konaa ataei ni karekeia ma iai bwa a kangaa Uoua tengaa taani buaka aika roronga ake natiaa i Ante Nibwaai-Riaai, ni kamanenai aia reirei ma aia katootoo aia karo aika raoiroi ni kawakina aia berita ma Atuaia ni buaka ibukin inaomataia.

	(Noria: Ngkai iai mairouia ataei aika kaikawaaki i rouia tibuuia, aia koraki, ke tabeman riki, manga karaoa am reirei ni karinii aia waaki aika kakawaki.)
Rongorongo man Taeka aika Tabu	Kamanenai tamnei n te tai ae riai, reireiniia ataei rongorongan Ereman ao Uoua Tengaa Taan Buaka aika roronga man Aramwa 53, 56–58. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.) Katuruturua taekinana bwa a kanga roronga aikai ni iiri aia reirei ao aia katootoo aia karo ao ni kamaiuaki n te buaka.
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataein te reirei, e na konaa ni buokiia nakon karekean aia atatai n taeka aika tabu.
	<ul style="list-style-type: none"> • Tera te berita ma te Atua are a karaopia aia karo roronga ake uoua tengaa mwaitiia ake taan buaka? (Aramwa 53:10–12.) Bukin tera ngkai a iangoa uruakan te berita aei? (Aramwa 53:13.) Bukin tera Ereman ngkai e aki tangiriia i Ante Nibwaai-Riaai bwa ana buoka buakanakiia i Reimwanaite? (Aramwa 53:14–15.) Bukin tera ngkai e rang ni kakawaki bwa ti kawakina ara berita ma Atuara? • Bukin tera ngkai a iangoia rorobuaka n ataei ake uoua tengaa bwa a na buaka? (Aramwa 53:16.) Tera aia berita taan buaka aika roronga aikai are a buaka ibukina? (Aramwa 53:17.) • Tera aekan taraaia roronga aikai? (Aramwa 53:20–21.) Tera ae nanonaki n “te kokoaua n taai nako ni bwaai ni kabane [ake ko] mwiokoaki iai”? Baikara kawai tabeua aika ko konaa ni kokoaua iai ao n nakonako n te kawai ae eeti i matan te Uea? • A kanga taama ni buokiia natiaa bwa a na aki urua aia berita n aki buaka. (Aramwa 56:27.) Baikara kawai tabeua ake a angani ngkami ami karo bwa buokami? • Tera are e tuanga Moronaai Ereman ibukin korakoraia ao ninikoriaia taan buaka aika roronga aikai? Tera are a reireinaki iai irouia tinaia? (Aramwa 56:46–48.) Bukin tera ngkai a aki maaka te mate? A kangaa ami karo ni kataia ni katauraoi ngkami bwa kam na karekea te ninikoria ao te onimaki ni kaaitarai taian kakaewenako? • Tera te bwai ae anganiiia taan buaka aika uoua tengaa aika roronga te korakora ao te ninikoria n te buaka? (Aramwa 57:26–27; 58:39–40.) • A kangaa taan buaka aikai n iira Ereman? Tera ae nanonaki n irakin te kaetieti ma te koaua n “akea te kaairua”? Bukin tera ngkai e kakawaki bwa ti na ira ana taeka n reirei ara tia kairiiri ma ara karo n akea te kaairua? • Tera ae a karaopia taan buaka aika roronga ake uoua tengaa ngkana a kainnanoa te korakora? (Aramwa 58:10.) E kanga aia tataro ni kaekaaki? (Aramwa 58:11.) Kaoia ataei bwa a na taekin aia atatai (ke baika a tia n riki nakoia) ngke a tia ke kain aia utuu n tuangaki i roun te Tamnei ae raoiroi. • E kangaa aia onimaki ae korakora ao ninikoriaia roronga aikai ni kabooaki? (Aramwa 57:26–27; 58:40.)

Mwakuri ibukin

Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka inanon tain te reirei, ke kaanga manga rinanoan te reirei, kakimototoan te reirei, ke te kataaki n titiraki.

1. Karaoi kaobiin taian angabai n tokin te reirei ibukiia ataei n tatabemaniaa bwa a na uoti nakon mweengaia.

2. Kariaia ataei bwa a na aanga nanoia ni kanoai taabo aika akea kanoaia man kiibu n taeka aikai:

I konaa n riki n airoia taani buaka aika roronga man aron au _____.

I konaa n riki bwa kaanga taani buaka aika roronga man uringakina bwa au karo a reirei bwa N na _____.

I rang ni kamoamoa _____ ibukiia taan buaka aika roronga.

Te mwakoro ae mamate nanou iai n rongorongoia taan buaka aika uoua tengaa aika roronga bon _____.

3. Kaungaia ataei bwa ana mwaaken kiibu ake a mamate nanoia iai ibukiia taan buaka aika uoua tengaa mwaitiia aika roronga. Tao a na tangiria ni kan rineia man katootoo tabeua aikai:

Aramwa 53:20–21

Aramwa 56:45–48

Aramwa 57:21, 25–27

Aramwa 58:10–11


Aramwa 58:39–40

4. Buokiia ataei ni kamatenanoa te kanimaua n tua (taraa Motiaeaa 13:20).


5. Anenea ke wareka taekan te anene ae “We’ll Bring the World His Truth” (*Children’s Songbook*, iteraniba 172), “Beku Ma Te Koaua” (*Anene n Taromauri ma Aia Anene Ataei*, iteraniba 60), ke “Book of Mormon Stories” (*Children’s Songbook*, iteraniba 118), kibu 6.

Kabaneana


Te Kaoti Koau	Taekina am koaua n taian kakabwaia aika reke man irakin reirei ao katootoo aika raraoi mairouia ara karo.
Te Wareware n te Mweenga ae Katautauaki	Baireia bwa a na reiakina Aramwa 53:16–21 56:45–48, ao 57:25–27 ataei ni mweengaia bwa kaanga manga rinanoan te reirei aei. Kaoa te ataei temanna bwa e na kaira te tataro ni kainiin..




“A rangi nataei ao a matoatoa nāia iango, ao a kaaki aia
mwioko i roun te Atua n taai nako.” (Aramwa 57:27.)



“A rangi nataei ao a matoatoa nāia iango, ao a kaaki aia
mwioko i roun te Atua n taai nako.” (Aramwa 57:27.)



“A rangi nataei ao a matoatoa nāia iango, ao a kaaki aia
mwioko i roun te Atua n taai nako.” (Aramwa 57:27.)



“A rangi nataei ao a matoatoa nāia iango, ao a kaaki aia
mwioko i roun te Atua n taai nako.” (Aramwa 57:27.)

Nibwaai ao Riaai i nanon te Karabuuti

Reirei
28

Te Kaantaninga

Te kaungai nanoia ataei bwa a na karika te Tia Kamaiu bwa aan maiuia man rinean maiuakinan ana reirei nako.

Te Katauraoi

1. Tatato mwaaka n reiakina Ereman 5. I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa "Katauraaoan Am Reirei," iteraniba vi, ao te "Te anga Reirei man Taeka aika Tabu," iteraniba vii.)
2. Rinei titiraki ibukin te kaakarabakau ao Mwakuri ibukin Karakaan te atatai are e na katabeia ataei ma n rangi ni buokiia nakon karekean te bwai ae kaantaningaaki ma n te reirei.
3. Bwain reirei aika kainnanoaki:
 - a. Ana Boki Moomon ibukiia ataei.
 - b. Te atiibu, te tano ke taoro, ao matan te bwaoki ke te burakibaan ae reme.
 - c. Tamnei 4–41, Nibwaai ao Riaai i nanon te Karabuuti.

Aron Kairan te Reirei ae Katautauaki

Mwakuri ni Kakukurei ibukin Kairan te Kakuongo

Kaoa te ataei temanna bwa e na kaira te tatato ni kaukuuki.

Kabwarabwaraa bwa i mwaain katean te auti, taan mwakuri a karaoa moa aan te auti ni kamatoatooa are a na kateitei i aona. Tuangiia ataei bwa a na kabotaua matoatoan te bwaa ao te tano bwa aan te auti are e na kateaki i aona. Katoka i aon te taibora te mwakoro ni bwaa ae aki bati ni buubura ao matan te bwaoki ke te baan ae reme nanona ma te tano ke te taoro i nanona. Uuka te bwaa n angin wiim ao i mwiina uuka te tano ke te taoro.

Tuangiia ataei bwa ngkana a katea aia auti bukin tera ngkai a riai n rinea te bwaa nakon te tano ke te taoro bwa aan aia auti. Kabwarabwaraa bwa e kabotauaki Iesu Kristo ma te bwaa ae matoatoa ibukin aan maiura are ti na kateia i aona. Ti katei maiura i aon te bwaa are Kristo ngkana ti rinea bwa ti na maiuakina ana reirei nako.

Anenea "The Wise Man and the Foolish Man" Ko konaa ni butiia te tia kaira te anene ibukin te Moanrinan bwa e na roko ni buokiia ataei n anenea te anene (*Children's Songbook*, iteraniba 281). Ko konaa naba ni katanga te anene aei n te teibi ke ko konaa n tuangiia ataei bwa a na wareka taekan te anene aei ni bootaki.

N te rongorongo aei Nibwaai ao Riaai a tia ni katei maiuia i aon te Tia Kamaiu ae aan te maiu ni koaua. Are nanona bwa e matoatoa aia koaua ibukin Iesu Kristo. A buokiia i Reimwanaite aika bati ni kareke aia koaua naba ibukina. Ngaira naba ti konaa ni katei maiura i aon aan te maiu ni koaua ae Iesu Kristo.

Rongorongo man Taeka aika Tabu

Reireiniia ataei rongorongan Nibwaai ao Riaai ae ko konaa ni kuneaki n Ereman 5. (Ibukin kawai n anga reirei aika a tia ni baireaki ibukin reiakinan rongorongan

Kamanenaan
Titiraki n te
Kakarabakau

taeka aika tabu, taraa “Te Anga Reirei man Taeka aika Tabu,” iteraniba vii.) Katuruturua taekinana bwa a kangaa mwaane aika kakaonimaki aika uoman aikai ni karika lesu Kristo bwa aan maiuia.

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataein te reirei, e na konaa ni buokiia nakon karekean aia atatai n taeka aika tabu.

- Antai Ereman? (Ereman 2:2.) Bukin tera ngkai e arana natina n aran Nibwaai ao Riaai? (Ereman 3:6.)
- Antai arana ae ti katokaa i aora ngke ti bwabetitooaki? (2 Nibwaai 31:13.) Ti na kanga n riki n airon lesu Kristo?
- Bukin tera Nibwaai ngkai e rawa n riki bwa te mataniwi n tia moti? (Ereman 5:2–4.)
- E kangaa lesu Kristo ni karekea te riai ibukira bwa ti na kona ni kamaiuaki man ara bure nako? (Ereman 5:9–10.) Tera te bae ti riai ni karaopia bwa e aonga lesu Kristo ni kamaiuira man ara bure? (Ereman 5:11.)
- Tera nanon ae kangai “i aon ana bwaa ara Tia Kaboira are Kristo, ae Natin te Atua are kam na kateitei i aona”? (Ereman 5:12.) Bukin tera ngkai ti aan maiura ni koaua lesu Kristo? Ko na kanga ni karika lesu Kristo bwa aan maium?
- E kangaa Taatan ni kanakoa te ang ae korakora, . . . ana kainiwai, [ao] . . . ae bwaka i aoia aomata n tatabemaniia nako ao utuu ni boong aikai? Mwaitira korakoran te riaboro i aoia te koraki ake a katei maiuia i aon aan te maiun ae lesu Kristo? (Ereman 5:12.)
- E kangaa ana reirei Ereman n rootiia Nibwaai ma Riaai? (Ereman 5:13–14.) Tera ae a tia n reireiniko iai am karo are e a tia ni buokiko inanon maium?
- Katea taamneia Nibwaai ma Riaai inanon te karabuuti. A kanga ni kawakinaki i nanon te karabuuti? (Ereman 5:22–23.) Ti na kanga n konaa ni buokaki ngkana ti kororaoi?
- E kanga lesu Kristo n itoman ma i Reimwanaite i nanon te karabuuti? (Ereman 5:29–30.) Aekakira aekan te bwanaa anne? Tera ae taekinna te Uea nakoia i Reimwanaite? (Ereman 5:29, 32.)
- Tera are e tuangia i Reimwanaite Aminataba bwa a na karaopia bwa e aonga n nako te nang ae rootongtong? (Ereman 5:41.) Tera te bwai ae riki imwiin nakon te rootongtong? (Ereman 5:43–47.) Tera am i anga ae na reke iroum ngke arona bwa ko mena ikekei? E kanga namakinana ngkana e iai te Tamnei i nanon maium? Kariaia ataei bwa na taekin aia atatai ngkana a tia n namakina te Tamnei i nanon maiuia.
- Antai are e kaoti nakoia i Reimwanaite? (Ereman 5:48.) Tera ae a karaopia i Reimwanaite i mwiin nooraia anera irouia? (Ereman 5:50.)
- A kanga te koraki ake a tia n rairaki ni bitaki aroia? (Ereman 5:52.) Baikara kawai tabeua aika ti konaa ni maiuakin ni kaotia bwa lesu Kristo bon aan ara koaua?

Mwakuri ibukin Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka i nanon tain te reirei, ke kaanga manga rinanoan te reirei, kakimototoan te reirei, ke te kataaki n titiraki.

1. Buokiia ataei ni kamatenanoi taeka aikai man Ereman 5:12: "Uringnga, uringnga bwa e mena i aon ana bwaa te Tia Ibuobuoki are te Kristo, ae Natin te Atua, are kam riai ni katea aami iai." Kataia ataei bwa a na kamatenanoi kibuna ae bwanin i nanon te wiiki.
 2. Manga rinanon te kaaua ni koaua n taekan te onimaki, ao buokiia ataei bwa a na kamatenanoa. Buokiia bwa a na ataia bwa tuua ao ootenanti n te euangkerio a buokiira ni katei maiura i aon aan maiun lesu Kristo.
 3. Anenea ke wareka taekan te anene ae "Follow the Prophet" (*Children's Songbook*, iteraniba 146), ke "Seek the Lord Early" (*Children's Songbook*, iteraniba 108).
-

Kabaneana

Te Kaoti Koau

Kaota am koaua ibukin te Tia Kamaiu ma mwaakana i nanon maium. Taekinna bwa e kangaa am koaua n anganiko te korakora ao te mwaaka ni kaitaraa ana kariiri Tatan. Kataia ataei bwa a na karika lesu Kristo bwa aan maiuia man rinea maiuakinan ana reirei nako ao i kakorakora n taai nako n riki bwa kaanga ai aron katotoongana.

Te Wareware n te
Mweenga ae
Katautauaki

Baireia bwa a na kamatenanoa Ereman 5:12 ataei ni mweengaia bwa kaanga manga rinanoan te reirei aei.

Kaoa te ataei temanna bwa e na kaira te tataro ni kainiin.

E Taetae ni Burabeti Nibwaai

Te Kaantaninga Te reireiniia ataei bwa Tama are i Karawa e kanakoia burabeti bwa a na reireira aron te Tia Kamaiu, ni buokiira n rairinanora ao ni kauringiira ibukin baika a na roko.

Te Katauraoi

1. Tataro mwaaka n reiakina Ereman 6:18–23 ao 7–9. I mwiina ao reakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te kaakarabakau ao mwakuri ibukin karakaan te atatai are e na katabeia ataei ma n rangi ni buokiia nakon karekean te bwai ae kaantaningaaki ma n te reirei.
3. Bwain reirei aika kainnanoaki:
 - a. Ana Boki Moomon ibukiia ataei.
 - b. Ituuua katootoongan mwanekan waen te aomata n tokin te reirei. Korea teuana te taeka man taeka aikai iaon mwaanekan waae n tatabeua nako: *Iriira, te, burabeti, e, ata, te kawai.*
 - c. Katootoongan te kabwarabwara are e taekinaki iroun te burabeti ae maiu ngkai (man taekan te maungatabu n te *Ensign* ke man teuana maeketinin te aonnaaba).
 - d. Tamnein te burabeti ae maiu ngkai.

Aron Kairan te Reirei ae Katautauaki	Kaoa te ataei temanna bwa e na kaira te tataro ni kakuuki.
Mwakuri ni Kakukurei ibukin Kairan te Kakauongo	Imwaain te reirei ao kanimwi mwaneka-beeba ni katararakei iteraia ake akea korobokiaia, i aon tano ke i aon te timanti n te umwa n reirei. Karereenai mwaneka akanne nakon tamnein te burabeti ae maiu ngkai. Tuangiia ataei bwa a na ira te kawai ake a toua taian mwaneka; i mwiina rikorikoi tain mwaneka beeba ao bootii ni karinanii raoi. Kariaia ataei n te reirei bwa a na wareki taeka ni kabaibaiti ake a koreaki i aoia. Kabwarabwaraa bwa ngkana ti ongotaeka nakon taeka aikai, ti konaa n ataa te koaua ao n tuuka te mwamwanaaki. Kabwarabwaraa bwa te reirei aei ibukin te burabeti ae Nibwaai are natin Ereman. E ataa te tia tiriaomata Nibwaai are e a tia n anga nanona nako iai ao antai te tia tiriaomata anne ae aki nooraki n te tabo are e karoaki iai te bure. Tuangiia ataei bwa ngkana ataa raoi riki aron te burabeti ae Nibwaai, a na kona ni kakorakorai aia onimaki n ana taeka te burabeti ae maiu ngkai.
Rongorongo man Taeka aika Tabu	Reireiniia ataei rongorongan ana kauringa ao ana atatai Nibwaai man Ereman 7–9. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,”

Kamanenaan
Titiraki n te
Kakarabakau

iteraniba vii.) Katuruturua taekinana bwa Tama are i Karawa e kanakoia burabeti bwa a na reireiniira aron te Tia Kamaiu, ni buokiira n ukoukoura te kukurei, e buokiira n rairinanora, ao e kauringiira ni baika a na roko.

Reiakin titiraki aikai ao kiibu man taeka aika tabu ngkana ko katauraoa am Reirei. Kamanenai titiraki aika ko taku bwa a rang, buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e konaa ni buokiia nakon karekean aia atatai n taeka aika tabu.

- Antai taan iraa i aon Korianton? (Ereman 6:18.) Tera aia taeka ni bau are a tia ni karaoia kain te bootaki aei? (Ereman 6:21–22.) Baikara mwakuri aika buakaka aika a tia ni karaoi taan iraa i aon Korianton? (Ereman 6:23.)
- Tera te bae e karaoia Nibwaai ibukin aia buakaka aomata? (Ereman 7:6–7, 10.) Tera te bwai ae a karaoia aomata ngke a nooria i aon te taua? (Ereman 7:11–12.)
- Tera ae taekinna Nibwaai nakoia aomata? (Ereman 7:13–18.) Bukin tera n am iango n am iango bwa e taekina taekan te rairannano? Tera ae ti riai ni karaoia ngkana ti na rairinanora?
- Tera te bwai ae e na riki ae taekinna Nibwaai nakoia aomata ngkana aki rairinanoia? (Ereman 7:19, 22.) E kanga Nibwaai n atai baikai bwa a na riki? (Ereman 7:29.) Tera ae a tia n taekinna burabeti ake tabeman bwa e na riki nakoira ngkana tiaki rairinanora? E na kangaa ni buokiira ni maiura te kakauongo nakon aia taeka burabeti aika maiu ngkai? (T&B 21:4–6.)
- A kangaa aia kaeka tia moti nakon ana reirei Nibwaai? (Ereman 8:1.) A kangaa aomata tabeman n ootangaa Nibwaai? (Ereman 8:7–9.) Bukin tera n taai tabetai e roko te ninikoria ni kan tei ibukin te koaua? Tera ae ti konaa ni karaoia ni kamatoa te burabeti ae maiu n te kateibai?
- Tera te bwai ae a tia burabeti aika tabu ni kakoaua ibukina? (Ereman 8:14–16.) Tera ae a tia n reireiniira iai te burabeti ae maiu ibukin lesu Kristo? (Tao kona kan taekina te taeka ae kimototo are e taekinaki mairoun ara burabeti ae maiu ibukin lesu?)
- Tera te bwai ae tuangiia aomata iai Nibwaai ibukin ai mataniwi tia moti? (Ereman 8:27–28.) E kanga Nibwaai n ataia bwa tera te bwai ae a tia n riki?
- Tera te bwai are a iangoia mwaane ake niiman ngke a tabe ni biri nakon te kaintekateka ni motikitaeka? (Ereman 9:2.) Ti kanga n ataia bwa ao mwaane ake niiman a kakoauai ana taeka Nibwaai? (Ereman 9:4–5, 39.) Tera ae ti konaa ni karaoia ni kakorakoraa ara koaua ibukin ara burabeti ae maiu ngkai?
- A kangaa tia moti ake tabeman n anai nanoia aomata bwa Nibwaai bon te burabeti ni kewe? (Ereman 9:16.) Tera ana kaeka Nibwaai nakon aia taeka ni kabuakaka ibukina? (Ereman 9:25–35.)
- Tera te bwai ae a rootaki iai aomata n ana kaotioti Nibwaai? (Ereman 9:39–41.) Ko kangaa n tia ni kakabwaiaka man irakin aia taeka burabeti? Ko konaa ni kamanenaa te Mwakuri ibukin karaka te atatai nambwa 3 ni buokiia ataei bwa a na oota n ana beku te burabeti.

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri aikai n te tai n aki akaaka i nanon tain te reirei bwa kaanga manga rinanoan te reirei, kakimototoan te reirei ke te kataaki n titiraki.



1. Tuangiia ataei bwa a na karaoa aia kaotioti ma n Ereman 8–9.
2. Wareka ao kakarabakaua te kibu n taeka aei ae taekinaki mairoun Unimwaane Tiemti E. Booti:

“Ti a tia n anganaki te berita bwa e na karekea te kaetieti ibukira ni kabane te Beretitenti n te Ekaretia ngkai ngaia te tia karekei kaotioti. E mena Kamaiuara i aan ara kakauongo raoi nakon te baere e taekinna ao man iiri ana taeka n reirei” (i nanon Conference Report, 1989, iteraniba 11; ke *Ensign*, Nov. 1989, iteraniba 10; taraa naba T&B 21:4–6).

3. Kaakarabakauakinna bwa a kangaa burabeti ni boong aika kaitira ni kaotii rabakau mairoun Tama are i Karawa. Aanga katootoo tabeua ibukin kaotioti ni boong aika kaitira, n ai aron Tuan te Mauri (tarraa T&B 89), ao a kangaa ni kakabwaiai maiuiia te koraki ake a tia ni karaoi. Taekina ana taeka te burabeti ae maiu ngkai man taeka ake a taekinaki n te maungatabu ae a tibwa n nako (tarraa te *Ensign* ke teuana man maeketinin te aonnaaba). Tuangiia ataei bwa a na kanga ni kakabwaiaaki man irakin ana taeka n reirei te burabeti ae maiu ngkai.
4. Manga kauringa te Karuaia ni koaua n Taekan te Onimaki ao buokiiia ataei bwa a na kamatenanoa.
5. Anenea ke wareka taekan te anene ae “The Still Small Voice” (*Children’s Songbook*, iteraniba 106), ke “Follow the Prophet” (*Children’s Songbook*, iteraniba 110).

Kabaneana

Te Kaoti Koau	Taekina am koaua ibukin te burabeti ae maiu ngkai ao koaua bwa tera te reirei ae a tia n reiakinna. Tuangiia ataei bwa ko kangaa ni kakabwaiaaki man irakin ana reirei te burabeti.
Te Wareware n te Mweenga ae Katautauaki	Baireia bwa a na reiakina Ereman 8:25–28, 9 ni mweengaia bwa manga kauringaan te reirei aei. Kaoa te ataei temanna bwa e na kaira te tataro ni kainiin.



E Karekea te Mwaaka ae Korakora Nibwaai

Te Kaantaninga	Te reireiniia ataei bwa rinanon te mwaaka ao te kariaiakaki n te nakoanibonga e kairi kawaia ao e kakabwaiaia taan touamwiin ana Ekaretia lesu Kristo.
Te Katauraoi	<ol style="list-style-type: none">1. Tataro mwaaka n reiakina Ereman 10. Imwiina reiakina te reirei ao iangoia bwa ko na kangaa n reireiniia ataei n rongorongan taeka aika tabu. (Taraa "Katauraaoan Am Reirei", iteraniba vi, ao te "Te anga Reirei man Taeka aika Tabu," iteraniba vii.)2. Reitan te Wareware: Ereman 11:1–18.3. Rinei titiraki ibukin te kaakarabakau ao mwakuri ibukin karakaan te atatai are e na rangi ni katabeia ataei man buokiia nakon karekean te bwai ae e kaantaningaaki ma n te reirei.4. Bwain reirei aika kainnanoaki: Ana Boki Moomon ibukiia ataei.
Aron Kairan te Reirei ae Katautauaki	Kaoa te ataei temanna bwa e na kaira te tataro ni kaukuuki.
Mwakuri ni Kakukurei ibukin Kairan te Kakauongo	Moana am reirei ni kamateakin taura. Tuangiia ataei ngkana a noora te bwai ae kaokoro ae aki tataneiai iai. Tuanga temanna bwa e na manga kaurai taura. Taekina aron mwaakan te iti are e anga te oota. Kaakarabakaukin bwaai ni mweengaia ataei aika maiu man te iti (te titoobu, te aitibwaoki, te iriba, bwaai ni mwakuri, ao tabeua riki). Kabwarabwaraa bwa e na taekinaki n te reirei aei te aeka ni mwaaka ae kaokoro ae te mwaaka ae korakora riki nakon te iti: mwaakan te Atua n te nakoanibonga.
Te Mwakuri ni Ikaruorou	Ibukin Umwa-n-Reirei ake akea iai te iti, taraa mwakuri ibukin karakaan te Atatai 1.
Rongorongo man Taeka aika Tabu	Reireiniia ataei n te rongorongo man Ereman 10 ibukin Nibwaai ngke e karekea te mwaaka ni kabaebae te otanga n te nakoanibonga ni karaoan ana mwakuri te Atua. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te "Te anga Reirei man Taeka aika Tabu," iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a rang buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.</p> <ul style="list-style-type: none">• Ngke e tabe ni mwananga Nibwaai iaoni kawaina nakon ana auti, tera ae karaoia? (Ereman 10:2–3.) Tera ae nanonaki n te taeka ae iangoia raoi ma te karaurau? (Te iangoa arona ke n iangoia n te aro ae nano—Tera ae ti riai n iangoia raoi ma te karaurau ke n iangoia?)

- Bukin tera ngkai e bwara nanon Nibwaai ngke e mwakuri n tataekina te euangkerio nakoia i Nibwaite? (Ereman 10:3.)
- Tera aron Nibwaai ni kakukureia Tama are i Karawa ao lesu Kristo? (Ereman 10:4.) Ti na kanga ni kakukureiia?
- Tera te kakabwaia are e berita iai lesu Kristo nakoia i Nibwaite? (Ereman 10:5.) Tera ae nanonaki bwa a na aki tataro ibukin te bwai teuana are e “boobuaka ma ana nanon [Kristo]”? Ti na kanga n ataa nanon lesu Kristo?
- Tera te mwaaka are e anganaki Nibwaai bwa e na karaoia? (Ereman 10:6–10.)
- Tera te mwaaka ni kabaebae are e anganaki Nibwaai? (Ereman 10:7; taraa naba T&B 132:7.) E kanga te mwaaka ni kabaebae aei n te nakoanibonga ni kakabwaiaira ni boong aikai? (A konaa kaain ara utuu ni kabaeia ni bootaki n aki toki.) E kanga ni karika te namakin nakoim n ataa bwa a konaa ni maiu ni bootaki kain am utuu n aki toki? (Ngkana iai mairouia ataei aika a tia n nako nakon te tembora ni kabaeaki, ko konaa n tuangiia bwa a na taekinna bwa e kanga aron aia namakin ngke a kabaeaki nakoia kaain aia utuu?)
- Tera ae tua te Uea nakon Nibwaai bwa e na taekinna nakoia aomata? (Ereman 10:11.) E kanga Nibwaai ni kaota ana ongotaeka ngke e a bane ana taeka te Uea nakoina? (Ereman 10:12.) Ni kawai baikara aika e kona iai te Uea n taetae nakoira? Ti na kanga ni kaota te ongotaeka nakoina?
- Bukin tera ngkai e aki bitii maiuiia i Nibwaite ana kaotioti Nibwaai ibukin tiringan te tia moti? (Ereman 10:13.)
- E kangaa Nibwaai ni kawakinaki ngke e tataekina ana taeka te Atua, nakoia aomata? (Ereman 10:15–17.) Tera am iango ae e nanonaki iai bwa “e mena mwaakan te Atua i roun” Nibwaai? E kangaa te nakoanibonga ni konaa ni kakabwaiaira ao ni kawakiniira ni boong aikai?
- Tera mwiin ana reirei Nibwaai ae reke nakoia aomata? (Ereman 10:18.)
- Ko kangaa ao kain am utuu n tia ni kakabwaiaaki man mwaakan te nakoanibonga?

**Mwakuri ibukin
Karakaan
te Atatai**

Ko konaa ni kamanenaa teuana ke raka riki man mwakuri aikai n te tai n aki akaaka i nanon tain te reirei, ke kaanga manga rinanoan te reirei, kakimototoan te reirei, ke te kataaki n titiraki.

1. Taekinna nakoia ataei bwa ko iangoa te taeka teuana. Tuangiia bwa a na kakauongo nakon kabwarabwara aikai ao ke a katea baia ngkana a ataa te taeka.

Bon mwaakan te Atua.

E kakabwaia natina ao ana ekaretia te Atua rinanon te mwaaka aei.

Naake e a reke i rouia te mwaaka aei a tei n oneamwiin te Uea ae lesu Kristo.

Naake e a reke i rouia te mwaaka aei a rineaki bwa na karaoi bwaai ake e tangiri te Tia Kamaiu bwa a na karaoaki.

- Tera aran te mwaaka aei? (Te nakoanibonga.)

2. Katei beeба-n-taeka aikai: "Riikan," "Tia Reirei," "Te Ibonga," "Te Unimwaane," "Tebwi ma Uoua," "Tebwi ma Aua," "Tebwi ma Onoua," "Tebwi ma Wanuua."

Wareki taian kabwarabwara aikai nakoia ataei, teuana n teuana te tai, ao tuangiia bwa a na kakaei uoua beeба-n-taeka ma taeka i aoia aika a bootau ma kabwarabwaraan nakoia ao katei i aon te burakibooti. E na rangi n anainano riki ibukiia ataei ake a ikawai riki ngkana a warekaki tain kabwarabwara n aron baireaia. (Kabwarabwaraan ana beku te Nakoanibonga ae te Aaron a anaaki man Tuua ma Berita 20:46–59. Kabwarabwaraan ana mwakuri te unimwaane n te Nakoanibonga ae te Merekitereka e a anaaki man Tuua ao Berita 20:38–45; 107:11–12.)

- a. I a tia n anganaki te Nakoanibonga ae te Aaron. I kabuta te toa. I konaa ni ibuobuoki kaanga te tia uarongorongo ibukiia taan kairiiri n te nakoanibonga. I rikorikoi angabwai n aki mamatam. I buoka tararuaan taian Umwantabu ao aontano. Antai Ngai? Iraua au ririki ae N na konaa iai n rineaki? (Te Beeba ae Raereke: "Riikan," "Tebwi ma uoua")
- b. E a reke i rou te Nakoanibonga. Iai i rou mwakuri ni kabane ao mwaakan te riikan, ao I katauraoa te kariki ao te ran ibukin te toa. Tao N na bae ni katabeaki bwa te Tia Reirei n te mweenga. Antai Ngai? Iraua au ririki are N na konaa n rineaki iai? (Beeба-n-taeka: "Tia Reirei," "Tebwi ma aua")
- c. E a reke i rou te Nakoanibonga ae te Aaron. Iai i rou mwakuri ni kabane ao mwaakan te riikan ao te tia reirei, ao I konaa ni katabua man kakabwaiaa te toa. Iai te kariaiakaki i rou ni bwabetiito, ao ni buoka katabuaia ao rineaia naake e a reke irouia te Nakoanibonga ae te Aaron, ao man kairi taian bootaki ngkana ake kaain te Nakoanibonga ae te Merekitereka ae roko. I buokiia kaain te Ekaretia ni maiuakina ana tua te Atua. Antai Ngai? Iraua au ririki are N na konaa iai n rineaki? (Beeба-n-taeka: "Ibonga," "Tebwi ma onoua".)
- d. E a reke i rou te Nakoanibonga ae te Merekitereka Tao N na konaa ni karaoa au mwakuri ni mitinare ae bwanin taina. I weteaki bwa N na reirei, N na kabwarabwara, N na kaungai nano, N na bwabetiito, ao n tararuaa te Ekaretia. Tao N na konaa n anga ana bwai n tituaraoi te tamnei ae raoiraoi, N na kairii bootaki, N na kakabwaiaia ataei aika uarereke, N na kakabwaiaia aoraki ao N na kakabwaiaia kain utuu nako. Antai Ngai? Iraua au ririki are N na konaa iai n rineaki? (Beeба-n-taeka: "Unimwaane," "Tebwi ma wanuua.")

Tuangia ataei bwa a na arana te bwai teuana ae a tia n ataia man mwakuri n Nakoanibonga aika aua aikai.

3. Taekan karaki aikai ibukin te mwaaka n te nakoanibonga:

Te Unimwaane ae Aaki B. Buraun boni kain aia Kooram kain te Katengaun ma Uoman n Abotoro. Ngke bon te ataei ni mwaane te Unimwaane ae Buraun, bon te aobitia ngaia n aia taanga ni buaka i Kanata i aon te aba ao e kanakoaki nako Engiran bwa e na ira te buaka ni Moan Buakan te Aonnaaba ibukin te kiing i Engiran.

E tangiria te Unimwaane ae Buraun bwa e na riki bwa ana aobitia te kiing, bwa iai mwaakana ni karaoi baika a batu ibukin te kiing.

N te ingaabong teuana ao e roko weteana nakon te tareboon. Te tautia are e rin te Oo n Aoraki e tangira Unimwaane Buraun bwa e na kawaria. A mwaiti tautia n te Oo n Aoraki aika tangira Unimwaane Buraun bwa e na kawariia. A ataia bwa ngkai te aobitia ngaia ao iai mwaakana mairoun te kiing ni kaokii nakon mweengaia, Ngke e nako n te Oo n Aoraki Unimwaane Buraun, e iangoa te mwaaka are e a tia n reke i rouna ngkai te aobitia ngaia. E namakina te kukurei bwa e konaa n tuanga te kiing man baireia ngkana a na tiku ke a na oki nakon mweengaia.

Ngke e rin te Unimwaane Buraun n ana ruu te tautia, e aki bubuti te tautia bwa e na kanakoaki nakon mweengana. Ma n onea mwiin anne ao e taku, "Unimwaane Buraun, ko konaa n anganai te kakabwaiaaki? I mwaaku bwa ae N nang mate, ao I tangiriko bwa ko na butiia te Atua bwa e na kamaiuau."

E miimii te Unimwaane ae Buraun. E aki kanakomaia te tautia ibukina ngke te aobitia ao e konaa ni karaoa ana mwakuri te kiing. Ma e kanakomaia te tautia ibukina bwa iai i rouna te nakoanibonga ao e konaa ni karaoa ana mwakuri Tama are i Karawa. E ataia te Unimwaane ae Buraun bwa mwaakan te kiing e aki konaa ni kamaiua maiun te tautia. E na uota mwaakan Tama are i Karawa ni kamaiua iai te tautia. Ngke e katokai baina i aon atuun te tautia ma n anganna te kakabwaia, e namakina te nanorinano ae batu.

Ngke e a kiitana te Oo n Aoraki te Unimwaane Buraun, e aki iangoa mwaakana n aobitia. E tabe n iangoa mwaakana n te nakoanibonga. E ataia bwa a riai mwaane ni karekea te nakoanibonga ma ni karaoa ana mwakuri te Atua i aon te aonnaaba. E kukurei bwa e a tia n reke i rouna te nakoanibonga ao ma n konaa ni karaoa ana mwakuri te Atua. (E oneaki mairoun Aaki B. Buraun, *Continuing the Quest*, iteranibaa 26–27.)

4. Anganiia ataei n tatabemaniia tamanei aikai ke tamnei aika ti te arona ae tamneia naake a tia ni karekea te nakoanibonga ngke a kamanenaa te nakoanibonga. (Ko konaa ni karekei tamnei man am tabo ni boki n te auti ni bootaki.) Weteia ataei bwa a na kaoti aia tamnei ao a na kabwarabwaraa bwa tera te ootenanti are e karaoaki n taian tamnei n tatabeua ao te nakoa n te nakoanibonga are e karekea te ataeinimwaane ke te mwaane.

Te ataeinimwaane ae nang bwabetitoaki (62018)

Te Ataeinnaine ae nang kamatoaaki (62020)

Kabutan te Toa (62021)

Te Katabuaki nakon te nakoanibonga (62341)

Kakabwaiaan te Aoraki (62342)

Kakabwaiaan te Toa (62343)

5. Wareka ao kaakarabakaua Moronaai 3, are e kabwarabwaraa iai aron katabuaia ibonga, ao taan reirei, irouwia unimwaane.

6. Wareka ao kaakarabakaua te kanimaua ni koaua man taekan te onimaki. Buokiia ataei bwa na konaa ni kamatenanoi taekan te onimaki aikai.

7. Anenea ke wareka taekan te anene ae “The Priesthood Is Restored” (*Children’s Songbook*, iteraniba 89).
-

Kabaneana

Te Kaoti Koau	Kaota am koaua ibukin kakabwaiaam n te nakoanibonga i nanon maium. Tuangiia ataei bwa a na taekin aia atatai ngke e a tia te nakoanibonga n riki i nanon maiuiia bwa te kakabwaia.
Te Wareware n te Mweenga ae	Baireia bwa a na reiakina Ereman 10:1–12 ataei ni mweengaia bwa kaanga manga rinanoan te reirei aei. Kaoa te ataei temanna bwa e na kaira te tataro ni kainiin. Nooria: Ngkana ko iangoia bwa ko na kamanenaa te mwakuri ni ibukin kairan te kakaauongo ibukin te reirei n te wiiki ae na roko, katabeia teniman ataein te kiraati i mwaain taina ibukin karaoan aia kaotioti.

Tamuera ae te I-Reimwanaite

Reirei
31

Te Kaantaninga

Te reireiniia ataei bwa burabeti a kaman tataekina maiun ao ana mwakuri lesu Kristo.

Te Katauraoi

1. Tataro mwaaka n reiakina Ereman 13–14, 16, ao 3 Nibwaai 23:9–13. I mwiina reiakina te reirei ao iangoia bwa ko na kangaa n reireiniia ataei n rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Reitan te Wareware: Ereman 15.
3. Rinei titiraki ibukin te kaakarabakau ao mwakuri ibukin karakaan te atatai ae na katabeia ataei man rangi ni buokiia ni karekea te bwai ae kaantningaak ma n te reirei.
4. Bwain reirei aika kainnanoaki:
 - a. Ana Boki Moomon ibukiia ataei.
 - b. Tenuua taian kaate ake a koreaki i aoia mwakoron ana taetae ni burabeti Nibwaai, Abinatai, ao Aramwa (tarraa te mwakuri ni kakukurei ibukin kairan te kakauongo).
 - c. Bwaai aika uarereke, n aron te tikaabu, roobu, nnen te ara, ibukin bwaai ake a na kamanenai ataei n aia kaotioti ibukin Nibwaai, Abinatai, ao Aramwa.
 - d. Tamnei 4–42, Tamuera te I-Reimwanaite iaon te O (Ataakin te Euangkerio 314; 62370).

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Karekeia teniman ataei aika rabakau n wareware man am kiraati aika a na karaoa te kaotioti ibukiia Nibwaai, Abinatai ao Aramwa. A konaa ni kanimwii n nen aara ma araia iaona ke kunikai ae a rang tangiria riki. A konaa n ae angko a tibwa roko man te mitiin are taumwiin bwaai aika a tia n riki ni kawara te kiraati ao ni manga taekina aia taetae ni burabeti ibukin maiun lesu Kristo, ao ana mwakuri.

“I roko n te aba ni berita n te tai ae kaan nakon onobubua te ririki i mwaain bungiakin Kristo. I tuangiia au aomata aron te kaotioti are I karekea are e reireiai taekan bungian Kristo ao matena: ‘I taratara nako ao I manga noora riki te kiibono, ae taua te ataei i nanon baina. Ao e taku te anera nakou: Noora ana tiibu te teei te Atua.’ I mwiina ‘I nooria bwa e tauraki i aon te kaibangaki ao e tiringaki ibukin ana bure te aonnaaba’ (1 Nibwaai 11:20–21, 33.) Antai Ngai?” (Nibwaai).

“I maiu tao tebubua ao nimabwi te ririki i mwain lesu Kristo. A ribaai aomata ao aki kakoauai bwaai ake I tuangiia. I taetae ni burabeti bwa e na ruo lesu Kristo

ni mena ibuakoia natia aomata, ao . . . e na kamaiuia ana aomata man ‘taurana n te kaibangaki man tiringaki’ ao ni katokaa ‘i aona aia buakaka’ (Motiaeae 15:1, 7, 9). I kabuokaki i aon te kai ibukin au koaua. Antai Ngai?” (Abinatai.)

“I mwiin te kaotioti ae kaokoro arona are e reke i rou tao tebubua te ririki imwaain bungiakin lesu Kristo. I ataia bwa I konaa ni kamaiuaki ti rinanon ara Tia Kabooira, are e na roko. I mwamwananga nakon taabo nako n tuangiia aomata te bwai ae I a tia n ataia, bwa ‘Natin te Atua e na karawawataaki n te maraki ao n te kaangaanga ao n te kaririaki n aekaia nako . . . ao e na katokaa i aona te mate, bwa e na kabwara kabaean te mate [ao] e na aanga te buoka [ke ni buokiia] ana aomata ni kaeti nakon mamaraia’ (Aramwa 7:10–12). Antai Ngai?” (Aramwa.)

Kabwarabwaraa bwa tiaki ti burabeti aika teniman aikai aika a taetae ni burabeti ibukin lesu Kristo, ma aia aroia naba burabeti ni kabane. Manga taraa Motiaeae 13:33: “E aki taetae ni burabeti Moote ni kaeti ma rokon te Meetia ao bwa e riai te Atua ni kamaiuia ana aomata? Eng, ao tiaki ti ngaia ma burabeti ni kabane ake a tia n taetae ni burabeti ma ngke e moa ni karikaki aonnaaba—a tia ke a tuai n taekina ae mwaiti riki ke ae e karako riki ni kaeti ma baikai?

Kabwarabwaraa bwa n te reirei ao ana reirei iai taekan te burabeti temanna ae kakawaki, ae Tamuera te I-Reimwanaite, are e anga reirei ma te ninikoria ae korakora ao mwaakan bungiakin lesu Kristo, matena, ao ana mwakuri.

Rongorongo man
Taeka aika Tabu

Reireiniia ataei rongorongan Tamuera te I-Reimwanaite man Ereman 13–14, 16. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu” iteraniba vii.) Katuruturua taekinana bwa Tamuera e reireiniia aomata ma te ninikoria ibukin lesu ao Kabwaraan buure.

Kamanenaan
Titiraki n te
Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai man taeka aika tabu.

- Tera te rongorongo are e kanakoa Tamuera ni kaotia nakoia i Nibwaite? (Ereman 13:6–7.) Baikara rongorongo aika raoiroi ake e kanakoaki Tamuera bwa e na anga reirei i aoia? (Ereman 14:9, 11–13.) Kabwarabwaraa bwa “nanona “rongorongo aika raoiroi,” (ke te euangkerio.) Bukin tera ngkai te rongorongo ae raoiroi nakoira ana Euangkerio lesu Kristo? (Ti konaa n rairinanora ao ni kabwarai ara bure.)
- Tera ae taekinna Tamuera bwa e na riki nakoia i Nibwaite ngkana a aki rairinanoia? (Ereman 13:6, 8–10.) Bukin tera ngkai e kakawaki bwa ti na karekea te Tamnei i roura? Bukin tera ngkai kakawaki bwa ti na aki katoka te rairannano? (Ereman 13:38.)
- Antai ake a ririmwiina i Nibwaite n onoi mwiiia burabeti? (Ereman 13:27–29.) Baikara reirei aika nanobaba man aki nooraaba aika a kairiia aomata ni boong aikai? A kangaa tabeman ni kataia n taai tabetai n tuangiira bwa ti na karaoi bwai aika a kairua?
- Bukin tera ngkai a rawa aomata n ana reirei Tamuera (Ereman 14:10.)
- Katea tamnein Tamuera te I-Reimwanaite i aon te Oo. Bukin tera ngkai e toka Tamuera i aon oon te kaawa? (Ereman 14:11–12.) Tera te bwai are e taetae ni

burabetia Tamuera bwa e na riki i nanon nimaua te ririki, ao baikara taian kanikina? (Ereman 14:2–6.) Baikara kanikina aika a na nooraki ni maten Kristo? (Ereman 13:20–28.) Bukin tera ngkai e kaoti kanikina aikai te Uea nakoia i Nibwaite? (Ereman 14:12–13, 28.)

- Tera are e anga reirei i aona Tamuera ibukin Kabwaraan Buure? (Ereman 14:15–18.) Tera te mwiokoaki are e reke i roura ngkana ti oota raoi ni kabwaraan buure? (Ereman 14:19.) Tera te mwiokoaki ae e reke i roura ibukin mwakuri aika tikaraoi? (Ereman 14:30–31.)
- Tera ae a karoia i Nibwaite ake a kakoauaa Tamuera i mwiin tiana ni kabwarabwara? (Ereman 16:1.) Tera ae a karoia te koraki ake aki kakoauaa? (Ereman 16:6.) Bukin tera ngkai ko taku bwa aki kan rinea te burabeti aomata ni kakoaua? Tera ae ti konaa ni karoia ni kakorakorai ara koaua ibukiia burabeti?

Mwakuri ibukin

Karakaan te Atatai

Ko konaa ni kamanenaa teuana ke e raka riki man mwakuri aikai n te tai n aki akaaka i nanon tain te reirei ke manga rinanoan te reirei, kakimototoan te reirei, ke te kataaki n titiraki.

1. Kakaei taetae ni kawai ake a taekinaki i rouia burabeti ni boong aikai (taraa rongorongan te maungatabu are koreaki n maekeitinin te aonnaaba). Wareka mwakorona tabeua man taian taetae ni kawai, ao kariaia ataei bwa na kakaea bwa tera ae reireiniia te burabeti ni boong aikai bwa a na karoia. Koroi aia reke ataei i aon te burakibooti. Kariaia ataei bwa a na rinei tuua aika a tangiri ni kan iiri, ao kariaia bwa a na koroi i aon te kaate.
2. Koroi uoua taian kaoram ibukin atuun rongorongo i aon te burakibooti: "Kanikina ibukin Bungiakin Kristo" ao "Kanikina ibukin Maten Kristo." Koroi kanikina ni kabane ibukin bungiakin Kristo ao matena ake a kaakarabakauakinaki i nanon te reirei aei i aon mwakoro ni beebe aika onoti i bon i rouia, ao booti ni kamangaoi i nanon te bwai teuana. Kariaia ataei bwa a na kareke aia tai n ana teuana te beebe, ni warekia, ao ni kaaki i aan teuana te kaoram mai buakon kaoram ake uoua.

Kanikina ibukin bungiakin Kristo (Ereman 14:2–6)

Oota aika korakora i karawa

Iai teuana te ngaina ao te tairiki ao te ngaina kaanga ai aron teuana te ngaina ao akea te tairiki.

Te itoi ae boou

A batu kanikina ma baika a kamiimii i karawa

Kanikina ibukin maten Kristo (Ereman 14:20–28)

E na roo taai, namwakaina ao itoi

A na akea te oota i nanon tenuua te bong

Te rurungaa ma te iti i nanon aua aika batu

E na mwaeiei man ruru aon te aba

Ao a na uruaki bwaa (atiibu)

Angibuaka aika korakora

Maunga a na karinanoaki

- Mwarua a na riki bwa maunga
A na uruaki kawai
Kaawa a na tiku n akea kaaia
A na uki rua ni mate ao a na kaotinakoia aia mate
3. Kamatenanoa te kaonoua, te kaitiua, ke te karuaiua ni koaua n taekan te onimaki.
 4. Anenea ke wareka taekan te anene ae “Book of Mormon Stories” (*Children’s Songbook*, iteraniba 118), kibu 7; “Samuel Tells of the Baby Jesus” (*Children’s Songbook*, iteraniba 36); ke “Follow the Prophet” (*Children’s Songbook*, iteraniba 110).

Kabaneana

Te Kaoti Koau	Kaota am koaua ibukin koauan bwaai aika a taekin burabeti nakoir, n taai aika uoua bwa ngkoi ao ngkai.
Te Wareware n te Mweenga ae	Baireia bwa ana reiakina Ereman 14:1–14, 20–31 ataei ni mweengaia bwa manga rinanoan te reirei aei.
Katautauaki	Kaoa te ataei temanna bwa e na kaira te tataro ni kainiin.

Kanikina i aon Amerika ni Bungiakin lesu Kristo

Reirei
32

Te Kaantaninga Te reireiniia ataei bwa ngkana iai ara onimaki, a kona ni kakorakorai ara koaua kanikina ibukin lesu Kristo.

-
- Te Katauraoi**
1. Reiakina 3 Nibwaai 1–2. I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
 2. Rinei titiraki ibukin te kaakarabakau ao mwakuri ibukin karakaan te atatai are na katabeia ataei man rangi ni buokiia ni karekea te bwai ae kaantaningaaki ma n te reirei.
 3. Bwain reirei aika kainnanoaki:
 - a. Ana Boki Moomon ibukiia ataei.
 - b. Buokan te Reirei n te taratara, a karinaki n tokin te reirei aei (ke ko konaa ni karoai korobanna aika bebete i aon te burakibooti).

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Wetea te ataei temanna bwa e na kaira te tataro ni kakuuki.

Tuangiiia ataei bwa ko na anganiia iango tabeua ibukin te bwai teuana are e riki i nanon ririki aika batu n taai aika a tia n nako

Butiia ataei bwa a na katei baia ngkana ataa te bwai are e riki man taian iango ake kabwarabwaraa taekana. Tuangiiia ataei bwa a na waerake nako moaia ataein te reirei ao n taua te tamnei (taraa buokan te reirei n te taratara n tokin te reirei) ni bwaai aikai ngkana ko tibwatibwai:

Anera
Ana Kai te Tia Kaawakin Tiibu
Te Taongkii
Itoi
Nnen Kanaia Maan
Te Teei

Ngkana eeti aia keeti ataei bwa te bwai are e riki bon bungiakin lesu Kristo, katuka te itoi n te tabo are e kateaki iai. Kabwarabwaraa bwa te reirei aei e reireiniira aron te tabo ae raroa ma lerutarem ike a taratarai kanikina mai iai aomata ibukin bungiakin te Tia Kamaiu ao a noora te itoi.

Rongorongo man
Taeka aika Tabu

Reireiniia ataei rongorongoia aomata i aon Tieraemra n te tai are e buangiaki iai Kristo are e taekinaki n te 3 Nibwaai 1–2. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.)

Kamanenaan
Titiraki n te
Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao mi kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.

- Tera te bae a taekin aomata tabeman ibukin ana taetae ni burabeti Tamuera te I-Reimwanaite? (3 Nibwaai 1:5–6.) A kanga taan kakoaua ni kabooa mwiin te mwakuri are a karaoia taan aki kakoaua? (3 Nibwaai 1:7.)
- Tera te kanikina are a tataraia? (3 Nibwaai 1:8.) Tera ae e reireira n aron teimatoaia n aia onimaki?
- Tera te bwai ae kakamaaku are a karaoia taan aki kakoaua nakoia naake a kakoaua? (3 Nibwaai 1:9.) Bukin tera ngkai ko taku bwa tabeman aomata a un ma te koraki ake a kakoauaa te Atua?
- Tera ae karaoia Nibwaai ngke e noori aia buakaka aomata? (3 Nibwaai 1:12.) Tera te kaeka nakon ana tataro Nibwaai? (3 Nibwaai 1:13–14.) Bukin tera e taku lesu Kristo bwa e na roko n te aonnaaba?
- E kangaa te taetae ni burabeti ni kakoroaki bukina? (3 Nibwaai 1:15, 19.) Bukin tera ngkai a maaku te koraki ake aki kakoaua ngke a noori kanikina bwa e kakoroaki bukin te taetae ni burabeti? (3 Nibwaai 1:18.) E kangaa aron am namakin ngke arona bwa ko mena ikekei?
- Tera te kanikina are a nooria i Nibwaite are e nooraki naba i aon Betereem? (3 Nibwaai 1:21.)
- E kangaa Tatan ni kataia n tukiia aomata man kakoauaan kanikina. (3 Nibwaai 1:22.) A kangaa aomata ni kaota aia kakoaua i nanon te Uea. (3 Nibwaai 1:22–23.)
- Tera te bae e riki are e karika kerikaakin aia onimaki ao raoiroia aomata? (3 Nibwaai 1:29–30.) Bukin tera ngkai e kakawaki bwa irakin katootoo aika raraoi ao aia reirei ara karo? Ko kangaa ni kakabwaiaaki n am ongotaeka nakoia am karo?
- Tera aroia aomata nakon kanikina aika batu ake a noori? (3 Nibwaai 2:1–2.) Tera te bae ti konaa n ataia n aron korakoran te koaua ake a boboto i aon taian kanikina? Tera ae ti konaa ni karaoia ni kakorakoraa ara koaua?
- Tera mwiin aia aki kakoaua i Nibwaite ae riki nakoia? (3 Nibwaai 2:3, 11.) Tera ae a karaoia i Nibwaite ao Reimwanaite aika raoiroi n ootangaiia iai? (3 Nibwaai 2:12.) E kanga te bootaki ma kaain te Ekaretia ake tabeman n taromauriia Tama are i Karawa ni buokiira ni karikirakea korakora riki?
- N tokina, tera te bae e riki nakoia aomata ibukin aia buakaka? (3 Nibwaai 2:17–19.)
- Ko kanga n ataia bwa taian taetae ni burabeti ibukin kauaokin lesu Kristo a na kakoroaki bukiia? (3 Nibwaai 1:20.)
- Tera am iango n aron taraan te aonnaaba ngkana e manga oki lesu Kristo? Te aeka n aomata raa ae ko tangiria n riki nako iai ngkana e roko? Tera ae ti konaa ni katauraoia ibukin te Kauaoki?

Mwakuri ibukin

Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka i nanon tain te reirei ke manga rinanoan te reirei, kakimototoan te reirei, ke te kataaki n titiraki.

1. Butiia ataei bwa a na atong araia aomata aika aki kakaonimaki ake a reiakin man reirei aika a tia n nako ake titiraki ibukin ke a noori kanikina ao man kaakarabakaui mwiin kanikina ake a riki nakon aia koaua. Kamanenai katootoo aikai ngkana a kainnanoa te ibuobuoki ataei:

Reiman ao Remuera (1 Nibwaai 3:28–31; 17:45)

Tierem (Iakobwa 7:13–20)

Korioa (Aramwa 30:43–56)
2. Butiia ataei bwa angkoa taan reirei n te mweenga aika kakawarii mweenga. Kariaia bwa a na anga nanoia n taekina te bwai are a na reireiniia aomata iai ni buokiiia bwa a na teimatoa n aia koaua.
3. Buokiia ataei bwa na kamatenanoa te 3 Nibwaai 1:20, ao kaakarabakaua bwa ti na kangaa ni kamanenaa i nanon maiura.
4. Buokiia ataei bwa na kamatenanoa te katebwiina ni koaua n taekan te onimaki.
5. Anenea ke wareka taekan te anene ae “He Sent His Son” (*Children’s Songbook*, iteraniba 34), “Smauel Tells of the Baby Jesus” (*Children’s Songbook*, iteraniba 36), ke “When He Comes Again” (*Children’s Songbook*, iteraniba 82).

Kabaneana




Te Kaoti Koau

Kaota am koaua bwa Tama are i Karawa e na kakoroi bukin taian taetae ni burabeti ake a tia n taekinaki. Katuruturua taekan kainnanoan te maeka n te maiu ae raoiroi ao man tauraoi ni kaitiboo ma te Tia Kamaiu ni manga okina kaua.

Te Wareware n te Mweenga ae Katautauaki

Baireia bwa a na reiakina 3 Nibwaai 1:4–15, 19–22 ataei ni mweengaia bwa manga rinanoan te reirei aei.

Kaoa te ataei temanna bwa e na kaira te tatato ni kainiin.



E Kaoti te Tia Kamaiu nakoia I-Nibwaite

Reirei
33

Te Kaantaninga	Te kakorakorai aia koaua ataei bwa Iesu Kristo bon Natin te Atua, are bon ara Tia Kamaiu, ao are e maiu ni boong aikai.
Te Katauraoi	<ol style="list-style-type: none">1. Tataro mwaaka n reiakina te 3 Nibwaai 8–11. I mwiina ao reiakina te reirei ao iangoia bwa ko na kangaa n reireiniia ataei n rongorongan taeka aika tabu. (Taraa “Katauraaoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)2. Reitan te Wareware: 3 Nibwaai 7.3. Rinei titiraki ibukin te kaakarabakau ao mwakuri ibukin karakaan te atatai are na katabeia ataei man rangi ni buokiia ni karekea te bwai aekantaningaaki ma n te reirei.4. Bwain reirei aika kainnanoaki:<ol style="list-style-type: none">a. Ana Boki Moomon ibukiia ataei.b. Tamnei 4–43, E Kaoti Kristo Nakoia Nibwaite. (Ataakin te Euangkerio 315; 62047); 4–44, Mwaben te Aonnaaba; ao 4–45, E Reirei Iesu n te Itera Maeao (Ataakin te Euangkerio 316; 62380).
Aron Kairan te Reirei ae Katautauaki	Kaoa te ataei temanna bwa e na kaira te tataro ni kakuuki.
Mwakuri ni Kakukurei ibukin Kairan te Kakauongo	Tuangjia ataei ngkana iai mairouia aika a tia ni boo ma te bwai ae kakamaaku, te buaka ae korakora. Wetea temanna ke uoman mairouia ataei bwa a na taekina te bwai ae e a tia n riki nakoia, ke ko kona ni taekina te bwai ae e a tia n riki nakoim. Kabwarabwaraa bwa n te tai are e tauraki iai Iesu Kristo iaon te kaibangaki lerutarem, iai te buaka ae moan te kakamaaku man karika te uruaki ae moa te korakora i aon Amerika. Kabonganaa te mwabe ni kaota te tabo are e maeka iai ao ni mate n te tabo ae aranaki ngkai bwa Iteraera. Kabarabwaraa bwa aio te reirei ibukin te bwai ae a tia n riki i aon Amerika n te tai are e mate iai Iesu Kristo.
Rongorongo man Taeka aika Tabu	Kamanenaan te tamnei n te tai ae riai, e na reireiniia ataei rongorongan taian kanikina ibukin maten te Tia Kamaiu ao kawaraia i Nibwaite i rouna man 3 Nibwaai 8:5–11:41. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.)
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.

- Tera are e taetae ni burabetia Tamuera ae te I-Reimwanaite nakoia i Nibwaite ibukin maten te Tia Kamaiu? (Ereman 14:20–27.) Bukin tera ngkai e kataia ni katauraoia? (Ereman 14:28–29.) A kangaa taetae ni burabeti aikai ni kakoroaki bukia? (3 Nibwaai 8:5–25.)
- Tera ae taekinna te Tia Kamaiu are ngaia bukin tiringaia aomata? (3 Nibwaai 9:2, 12.) Tera ae taekinna nakoia aomata ake aki tiringaki? (3 Nibwaai 9:13–14.) Tera ae nanonaki n te kawara Kristo? Tera te kakabwaia ae ti na karekea ngkana ti konaa n riki n ai aron te Tia Kamaiu?
- Tera te bwai ae reireiniia iai aomata n aron ana mwakuri? (3 Nibwaai 9:15–17.) Bukin tera ngkai e kakawaki bwa ti na ataia bwa bon Natin te Atua Iesu Kristo?
- Tera ae taekinna Iesu are ngaia bukin rokona n te aonnaaba? (3 Nibwaai 9:21.) Tera te ae ti riai ni karaoia bwa ti aonga ni kamaiuaki man ara bure? (3 Nibwaai 9:22.) E kangaa ataakin kabwaraan buure ni karika te namakin inanoia aomata? (3 Nibwaai 10:10.)
- Mwaitira te tai are aongo iai te bwanaa mai karawa aomata n te tempora i aon te aba ae Bwauntiburu man aki oota iai. (3 Nibwaai 11:3–4.) Tera ae karaoia aomata n te aro are aonga n oota n te bwanaa? (3 Nibwaai 11:5–6.) Tera ae nanonaki ni kaukan “taningaia n ongoraa iai? (Ti riai ni kakauongo ao n tauraoi ni butimwaia bwa tera are e tangiria Tama are i Karawa ongo.)
- Tera te bwai ae aongo aomata are tuangiia Tama are i Karawa n te katenua n tai? (3 Nibwaai 11:6–7.) Baikara bwaai aika kakawaki aika ti a atai man te moa n taeka aei? (Ti a ataia bwa Iesu Kristo bon Natin te Atua, bon uoman Ngaiia aika a bon okoro i bon irouia, Te Tama e tangira te Nati ao ngaira ti riai ni kakauongo, ke n ongora nakon te nati.) Tera ae ti kona ni karaoia bwa ti aonga ni konaa n ongoraa raoi riki man oota n ana taeka Iesu Kristo?
- Tera te bwai ae a nooria aomata ngke a tararake nako karawa? (3 Nibwaai 11:8.) Ngke e tuangiia te Tia Kamaiu bwa antai Ngaia, bukin tera ngkai a kabwaka nako aontano? (3 Nibwaai 11:10–12.) E kangaa aron am namakin ke am iango ngke ko mena ikekei? Bukin tera ngkai e kariaia aomata Kristo bwa na taua ikoakin rabwatana ni baia? (3 Nibwaai 11:14–15.)
- A kanga i Nibwaite ni kaota aia namakin ao aia kaaitau ma aia tangira ibukin te Tia Kamaiu? (3 Nibwaai 11:16–17.) Ti na kangaa ngaira ni kaota ara tangira ao ara kaaitau ibukina ao ibukin te bwai ae e a tia ni karaoia ibukira?
- Tera te ootenanti ae kakaawaki are e anganaki Nibwaai te mwaaka ni karaoia mairoun Iesu Kristo? (3 Nibwaai 11:22–27.)
- Tera ae taekinna te Tia Kamaiu ibukin te kauntaeka ao te itabaraara. (3 Nibwaai 11:28–30.)
- Tera ae taekinna ibukira ni kabane ae ti riai ni karaoia bwa e aonga n reke i roura te maiu are akea tokina? (3 Nibwaai 11:33–38.)
- Kabwarabwaraa bwa te rongorongo ae kakannato n te aonnaaba ni boong aikai bwa e maiu Iesu Kristo. A mwaiti aomata aika a ti ataia bwa e a tia ni maiu n taai aika a tia n nako ao angkoa e a tia ni mate i aon te kaibangaki.

Tera te rabakau ae reke i roura ngaira aika kaain te Ekaretia aei are e karika te namakin i nanora bwa ti a rang kaan riki nakon te Tia Kamaiu? (Ti ataia bwa e a tia ni karawawataaki ibukin ara bure ao e anga maiuna ibukira ao bwa e manga maiu ma n kaira ana Ekaretia n te bong aei.)

Kaoia ataei bwa a na kaota aia namakin ibukin lesu Kristo.

Mwakuri ibukin Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka inanon tain te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Wareka ao kaakarabakaua te moan, te kauoua, ke te kaaua, ni koaua n taekan te onimaki. Buokiia ataei bwa a na kamatenanoa teuana mai buakoia.
2. Kaakarabakaua nanon karekean te koaua. Teuana te bwai ae moan te kakawaki mai buakon bwaai aika batia e konaa ni karekean te aomata n te maiu aei bon te koaua are lesu Kristo bon te aomata ni koaua ao bon Natin te Atua are e karikia n Atua. Te koaua bon ana namakin te tamnei ao te kokoaua ae korakora are e kona n riki bwa te rabakau. Ngkana ko moana karekean te koaua, ko namakinna i nanom bwa e koaua te euangkerio. E rikirake te namakin aei ao e na rikirake ni korakora riki ngkana ko tongaia n te kamatebwai ao n te tataro ao te ongotaeka. Ko na moanna ni konaa ni karaoi rinerine aika eeti ibukin am onimaki ao te tangira are e reke i roum ibukin Tama are i Karawa ao Natina ae lesu Kristo. Ngkana ti kaoti ara koaua, ti kaaota aron ara namakin nakoia tabeman ao ara motinnano ma Tama are i Karawa ao lesu Kristo. Ti kaota naba ara koaua man aron maiura, kunikaira, ao n ara mwakuri aika karaoi. Ngkana ti rinea te eeti, ti kaotia nakoia tabeman bwa iai ara koaua i roun lesu Kristo ao ana euangkerio.
3. Kaakarabakaua bwa bukin tera ngkai e kakawaki ibukira bwa ti na reirei n taainako aron lesu Kristo. Kabwarabwaraa bwa ti kan riki n ai aroia naake ti ataiia, ti kukurei i rouia, ao ti karineia. Ti konaa ni katikaki ni kaaniaki riki nakon lesu Kristo ao man riki kaanga ai arona ngkana ti reirei arona ao ni kataia n iiri ana mwakuri ni katootoo.
4. Anenea ke wareka taekan te anene “He Sent His Son” (*Children’s Songbook*, iteraniba 34), “This Is My Beloved Son” (*Children’s Songbook*, iteraniba 76), ke “Had I Been a Child” (*Children’s Songbook*, iteraniba 80).

Kabaneana

Te Kaoti Koau	Kaota am koaua ibukin koauan raoi lesu Kristo ao arona n Atua.
Te Wareware n te Mweenga ae Katautauaki	Baireia nakoia ataei bwa a na reiakina 3 Nibwaai 11 ni mweengaia bwa manga rinanoan te reirei aei. Kaoa te ataei temanna bwa e na kaira te tataro ni kainiin.

E Reireiniia I-Nibwaite Iesu Kristo n Taeka ni Kakabwaia

Te Kaantaninga

Te reireiniia ataei bwa taekani kakabwaia ao koaua riki tabeua ake e reireiniia iai i Nibwaite Iesu Kristo e konaa ni buokiira ni karikiira bwa kaanga ai aron Tama are i Karawa ao Natina.

Te Katauraoi

1. Reiakina te 3 Nibwaai 12 ao 13 ma te tataro. Imwiina ao reakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa "Katauraoan Am Reirei," iteraniba vi, ao te "Te anga Reirei man Taeka aika Tabu" iteraniba vii.)
2. Rinei titiraki ibukin te kaakarabakau ao mwakuri ibukin karaka te atatai are e na katabeia ataei ma n rangi ni buokiia ni karekea te bwai ae kaantaningaaki man te reirei.
3. Bain reirei aika kainnanoaki:
 - a. Ana Boki Moomon ibukiia ataei.
 - b. Tamnei 4–45, E Reirei Iesu n te Itera Maeao (Ataakin te Euangkerio 316; 62380).

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Tibwatibwaia ataei ni kakauoman. Ngkana iai ae e toaraa ae akea toana irouia ataei, katoaa te ataei ane akea toana. Butiia ataei bwa a na kakauongo moa nakon taian kaetieti ao imwiina kataia n uring ao karaoi n aroia are karinanaki iai.

1. obai ma toam, ao tuangnga (teuanne ke neienne) aram ae bwanin.
2. Teirake ao tuanga toam te bwai teuana ae ko kamoamoa iai (teuanne ke neienne).
3. Miino n raun teuana n tannako ao tuanga toam te bwai teuana ae ko tangiria ibukim.
4. Kakaea te bwa ae mamate nanon iai toam n Ana Boki Moomon te burabeti.
5. Tekateka ao bootii baim.

Tuangjia ataei bwa a nang waaki. Ngkana aia kaangaanga ataei n uringakin bwaai ni kabane, manga kaokii kaetieti ao kariaia bwa a na kataia riki. Kabwarabwaraa bwa ngkana e manga kaokaki te mwakuri aei tabeua te tai a na riai ni kabane ni konaa n uringnga ao ni karaoa te bwai are a tuangaki bwa a na karaopia. Ngkana ti rineia bwa ti na iri ana reirei nako Iesu Kristo rinanon maiura ti na reireira teutana imwiin teutana riki kaanga ai aron Tama are i Karawa ao Natina.

	Kabwarabwaraa bwa e kawara Amerika lesu Kristo i mwiin utina man te mate. E rinea tengan ma uoman taan reirei ao e reireiniia i Nibwaite reirei aika ti te arona ma ana Reirei i aon te Maunga i lerutarem (taraa Mataio 5–7). Ataaki reirei aikai bwa Taeka ni Kakabwaia aika a kakawaki ibukin maiura. Nanon te Taeka ae <i>Beatitude</i> bon te kukurei ke te kakabwaia.
Rongorongo man Taeka aika Tabu	Katea Tamnein lesu ngke e reirei n Iteran te Aonnaaba are n te Itera Maeao, ao reireiniia ataei 3 Nibwaai 12 ao 13 n ana Reirei lesu Kristo ibukin Taeka ni Kakabwaia. (Ibukin kawai n anga reirei aika a tia n baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.) Katuruturua taekinana bwa e reireiira te Tia Kamaiu bwa ti na kangaa n riki kaanga ai arona ao Tama are i Karawa?
Kamanenaan Titiraki n te Kakarabakau	Reiakin titiraki aikai ao kiibu aikai man taeka aika tabu ngkana ko katauraoa am reirei. Kamanenai titiraki aika ko taku bwa a na rang buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e konaa ni buokiia nakon karekean aia atatai n taeka aika tabu. <ul style="list-style-type: none"> • Antai are e taetae lesu Kristo nakoina ngke e kaangai a riai i Nibwaite n kakauongo nakon ao n ongotaeka? (3 Nibwaai 12:1.) Bukin tera ngkai e kakawaki bwa ti na kakauongo nakon ao n ongotaeka nakoia ara tia kairiiri ni boong aikai? • Kakabwaia baikara aika ti karekei ngkana ti bwabetitooaki? (3 Nibwaai 12:2.) Tera ae ti riai ni karaoia ngkana ti tangira te Tamnei ae Raoiroi bwa e na buokiira? • Tera nanon te taeka ae “nanorinano” (3 Nibwaai 12:3. Kai reireinaki, aki nanorieta, ke aki kamoamoa.) Ti na kanga ni kaotia nakon Tama are i Karawa bwa ti kai reireiaki? Taekinna bwa te taeka ae kangai “aika a nakoia” n te kibu 3 akea taeka aikai n rongorongan te Baibara ma a buokiira ni kaotaira raoi riki n Taeka ni Kakabwaia. Te “nanorinano” e aki batu n tau ma ti ngkana ti nakon te Tia Kamaiu. E kaeti naba aei nakon taian Taeka ni Kakabwaia n tatabeua. E reireiniira te Tia Kamaiu bwa ti na rairinanora ao ti na nakoina “n aron te ataei ae uarereke” (3 Nibwaai 9:22). Taekin aroaro aika a kona ni katotoongaki aika ko a tia n nooria i roia ataei n tatabemaniia. Katuruturua taekinan kakawakin te karinerine i nanon te reirei, ni kataia ni karekeea rabakaum ao ni buokiia tabeman ni kareke rabakauia.
	Wareka 3 Nibwaai 12:4. Taekina te tai are ko namakina iai te mweeraoi mairoun te Tamnei. Anoia ke kaoia ataei bwa na taekin aia bwaika a tia n riki nakoia ngke e reke irouia te mweeraoi. <ul style="list-style-type: none"> • Tera nanon nimamannei? (3 Nibwaai 12:5. Te maem ao te ataataiaomata ao te kaotiota atakin te riai.) Ti na kangaa ma ake tabeman ni kakabwaiaaki ngkana ti nimamannei? • Tera ae nanonaki ni bwaruan te raoiroi ni kan mooi iai bwa a na ngae? (Ti riai n raoiroi n aron mwaitin tangiran te amwarake ao te ran.) Tera te berita ae ti anganaki ngkana ti baki ao ti taka ibukin kakaean te raoiroi? (3 Nibwaai 12:6.) • Tera ae nanonaki ni kaotan te nanoanga? (3 Nibwaai 12:7. Te kukurei ni kabwara buure, te ataataiaomata ao te tatangira.) Ngkana ti kaotiota te

nanoanga tera are e bitaaki nakoira? Tao ko na kan taekina am ekitibirienti ngke ko rineia bwa ko na kabwaraa ana bure temanna ao tera te bae ko namakinna ngke ko karaopia?

- Tera ae nanonaki n itiaki n te nano? (3 Nibwaai 12:8.) Ni kokoaua ao ni koaua raoi, ni karekea te iango ao te nano ae itiaki, ni kakukureia ni baika a raraoi, ao te tannako man baika a bubuaka ke te buakaka n te iango ao n te mwakuri.) Baikara katootoo tabeua n rineakin mwakuri aika raraoi iaon aika a buakaka? E kangaa ni buokiira te ongotaeka nakon reirei n te euangkerio bwa ti na itiaki n nanora?
- Tera ae nanonaki n te riki bwa tia raoi? (3 Nibwaai 12:9.) Baikara aaro ke katei tabeua aika ko konaa ni bitaki mai iai ngkana ko riki bwa te tia raoi? Tera aron am namakin ngkana ko a riki bwa te tia raoi?
- Tera are e berita iai te Tia Kamaiu nakoia naake a (bwainikirinaki ni kaenaenaki, ni ngareakinaki, ni kammarakaki) ibukin aia koaua ibukina? (3 Nibwaai 12:10–12.) Iai ae ko ataia ae a tia n teimatoa n te bwainikiriinaki ibukin te Tia Kamaiu? Tao ko na tangiria ni kan taekina te tai are ko tei iai n te temanna ae ko ataia e ngae ngke tiribureaki iai.
- Tera ae nanonaki n taarin te aba? (3 Nibwaai 12:13. Taraa mwakuri ibukin karakaan te atatai 4.) E kanga am mwakuri ni katootoo ae raoiroi nakoia tabeman ni kabotauaki ma te taari?
- Mwaitira ootan te taura ae ura ngkana e rabunaki iaan te bwaketi ke te kaen? (3 Nibwaai 12:14–16.) Ni kawai raa aika ko konaa ni kariaia am oota (ke am katootoo) bwa e na nooraki ootana. E kanga aia katootoo tabeman n riki bwa te oota i nanon maium?
- E kangaa kawakinan tuua ni buokiira ni buokiira ni karikiira kaanga te Tama are i Karawa ao lesu Kristo? (3 Nibwaai 12:48.)
- E aera ngkai e kakaawaki ibukira bwa ti na kabwarai aia bure tabeman? (3 Nibwaai 13:14–15.)
- Tera ae ti konaa n reireiniira iai n aron te aki mamatam man 3 Nibwaai 13:16–18?
- Tera am iango n nanon te kibu n taeka ae “Tai kaiko bwain te aonnaaba . . . ma kaiko bwain karawa ibukim? (3 Nibwaai 13:19–20.) Tera te kaubwai ae ti na uotia man te maiu aei nakon te maiu ae e na roko? Kaubwai baikara aika a taraa ni kakawaki nakoira ngkai ae ti aki konaa n uotii ma ngaira?
- Bukin tera lesu Kristo ngkai e anganiira tuua? (3 Nibwaai 12:20.) Tera ae ko a tia n reireiniko iai man Taeka ni Kakabwaia ao koaua tabeua ake a na buokiko n te wiiki aei riki n aron te Tia Kamaiu?

Mwakuri ibukin Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka n tain te reirei, ke manga rinanoan te reirei, kakimototoan te reirei, ke te kataaki n titiraki.

1. Korei atuu n iango aika A Kabwaia ao Berita i aon te burakibooti. Korea 3 Nibwaai 12:3, 3 Nibwaai 12:4, ao ai arona naba ni karokoa kibu 10 iaon mwakoro ni beeba ao tibwatibwai nakoia ataein te kiraati. Ke a wareki kiibu ataei man aia mwakoro beeba ao ke a tuangko bwa tera te berita ni kiibu

aikai n tatabeua nako. Koroi taian kaeka i aon te kaoram ae bon tau. (Katuruturua kakaawakin "kawaran Kristo" ngkana ko taekin kiibu aikai n tatabeua nako.) Ngkana ko a tia n waakinna, a riai n iai i aon te burakibooti karinanin taeka aikai:

A KABWAIA:	BERITA
akanaa nanorinano ake a nakon Iesu Kristo	bwa bon aia bwai Uean te Atua
akanaa nanokawaki	bwa a na kabebeteaki nanoia
akanaa nimamannei	bwa a na abana te aba
akanaa bwaruuua te raoiroi ma n kani mooi iai	bwa a na kaonaki n te Tamnei ae Raoiroi
akanaa nanoanga	bwa a na nanoangaaki
akanaa itiaki nanoia	bwa a na noora te Atua
taan raoi	bwa a na atongaki bwa natin te Atua
akanaa a bwainikirinaki ibukin te Tia Kamaiu	bwa aia bwai Uean te Atua

2. Kaakarabakau ao buokiia ataei bwa na kamatenanoa te katebwi ma tenuua ni mwakoro man taekan te onimaki.
3. Tuangiia ataei bwa a na kangaa ni maiuakina riki teuana mai buakon taeka ni kakabwaia aikai, ao aia iango i aon te burakibooti. Kaungaia ataei bwa a na rinea teuana man taeka ni kakabwaia aikai ni mwakuriia inanon te wiiki aei. Tao ko na tangiria ni kan anganiiia ataei te beebe ma te taeka ae koreaki i aona. "N te wiiki aei N na rang _____ ." Kariaia bwa a na kanoai taabo ake akea kanoaia ao ke a uota te beebe nakon mweengaia.
4. Kaotia nakoia ataei te taari. Kabwarabwaraa bwa e a kaman kamanenaaki te taari i nano i rabubua te ririki ni kangkangiia te amwarake ao ni kateimatoa raoiroin te amwarake bwa e na aki buakaka. Ao ai arona naba bwa ngkai e kateimatoa raoiroin te amwarake te taari, ara iraorao ma Tama are i Karawa ao te Tia Kamaiu e kateimatoaaki ngkana ti ongotaeka nakon aia reirei man kawakina ara berita ma Atuara. Ngkai e kangkangiia te amwarake te taari, ti konaa n ikota te raoiroi nakon te aonnaaba man maiuakina ae raoiroi. Titirakinia ataei n titiraki aikai:
 - Baikara mwakuri ni kairaraang n te aonnaaba aika aki itiaki (ke aika barekareka) ake a konaa n rooti ara iraorao ma te Tia Kamaiu?
 - Ai aron naba te taari ngkana e bane taarina ngkana e kamamaaraaki ni bwaai aika aki itiaki, tera ae na riki nakoira ngkana ti kariai bwaai aika aki itiaki (iango aika barekareka, mwakuri ni kairaraang, ao mwakuri nako) i nanon maiura?
5. Ngkana ko aki anga reirei n te reirei aei n moan Tabati, katauraoa te amwarake n ai aron te bwaobu-koon ae taarinaki ao ae aki tarinaki (taraia raoi ma kaaro ngkana iai te ataei ae aoraki ngkana e aroka boin te bwai

teuana ke ngkana e kana te bwai teuana), ao kariaia ataei bwa a na atoongnga bwa tera kaokorona. Kabwarabwaraa bwa e kangaa ni kakawaki te taari nakon amwarake tabeua. Buokiia ataei bwa na oota raoi man iangoia bwa ngkana ti kan riki bwa taarin te aba ti riai ni karikirakea anuan maiun te Kristo ao n anga te mwakuri n ibuobuoki nakoia tabeman.

6. Wareki taeka aika tabu aikai. Kariaia ataei bwa a na katei baia ni katoaa te tai are aongo iai te taeka ae *karaopia*.

“Aio au eungkerio; ao kam atai bwaai aika kam riai ni *karaopia* n au ekaretia; bwa anne are kam a tia n noorai ni *karaopia* e ngae n anne ma kam na bon *karaopia*;

“Mangaia are, ngkana kam karaoi baikai kam na kakabwaiaaki, bwa ane kam na mwemwekakirake n te kabanea ni bong” (3 Nibwaai 27:21–22; e kamanenaaki te manreireiti).

Kabwarabwaraa bwa ngkana ti karaoi bwaai are tuangiira te Tia Kamaiu bwa ti na karaoia, e na kakabwaiaira. Bon te tua ae akea tokina bwa te ongotaeka e uota te kakabwaia. Tao ko na tangiria ni kan maroroakina T&B 130:20–21.

7. Kaota Tamnein Tibentia W. Kimboro, te katengaun ma uoman ni Beretitenti n te Ekaretia, ao tuangiia ataei ana kibu ni koora ae mamate nanona iai: “Do it.” E ataia Beretitenti Kimboro bwa e manena tiaki ti ataaan ana reirei lesu ma bon karaoana naba. Karakina te karaki ibukin Beretitenti Kimboro aei ao te anene ae “Ngai Natin te Atua.”

“N te ririki 1957 e . . . butiaki Naomi W. Uraentoro ao Miriterete T. Betete . . . i roun te Botaki ni Kabuta n te Moanrinan bwa e na korea te [anene ibukin kainnanoan reireinaia ataei n taekan te euangkerio]. E koroia n ana ribooti Naomi Urantoro ‘N te tairiki anne ao I katorobubua ao I tataro ni kabaibati, ni bubuti nakon Tama are i Karawa bwa e na kariaiai bwa N na ataa te taeka ae eti. I uuti ngke tao e a kaani boo te aoa 2.00 A.M. ao I moanna n iangoa riki te anene arei. A roko taeka i nanon au iango . . . ao I waetata n teirake man moana koreakin taeka ake a roko nakoiu. N te tai ae waetata ao a mwakoro kibuna aika tenua ma te koorati. I kukurei ni kaitau n taraa te mwakuri, ao man mooi n te rongorongo man taeka ao I oki nakon au ruu ni matu Ike I katorobubua i matan Tama are i Karawa ma n taku, “Ko rabwa.” . . .

“E warekaki ni kangai Taekan te korati, ‘Reireiai bwaai ni kabane aika I riai n *atai*. Bwa N na maeka mangaia i nanon tabeua te bong.’ (*Italics added.*) Tabeua te ririki i mwiin korean te anene, ao a ira te maungatabu Tibentia W. Kimboro ao temanna kain aia Kooram te Katengaun ma uoman n Abotoro, . . . ike e a aneneaki iai te anene anne irouia kain te kurubu n anene ae uarereke man te Moanrinan. E taku Naomi Uraetoro: ‘I aon mwanangara n oki nakon mweengara e taetaenikawai ma Kaain te Komete ni Kabuta n te Moanrinan [ao] e kaota bwakan nanona n te anene, ao imwiina e taku, “lai taekan te koorati ae tabetabe nanona iai. I rangi ni kan ataia ngkana e konaa Titita Uraentoro n iangoa bitakin taekan te rain are e kangai, “Reireiai bwaai ni kabane aika I riai n *atai*” nakon “Reireiai bwaai ni kabane aika I riai ni karaoi.” Eng, I rang ni kukurei ni ni kariaia ana iango.

“I miimii bwa bukin tera ngkai I aki karina te iango anne n te moantai are e koreaki iai te anene. Ma inanon waakinakon te tai I namakinna ma te koaua bwa bon aio te kawai ae tangiria te Uea bwa e na karaoiroa riki te anene,

ibukina bwa e na riki bwa te tai n reirei ibukiia kain te Ekaretia ni kabane man kairi aia iango bwa ataan te euangkerio tiaki ti anne ni kabane ae tangiraki; bon te mwakuri ni katoa te bong ae koraki karaoaan nanon te Uea ao kawakinan tuua are e na buokiira ni karokoira n tiara ae akea tokina” (inanon Karen Lynn Davidson, *Our Latter-day Hymns* iteranibaa 303–4).

Kariaia ataei bwa a na korea “Karaoa Ngkai” i aon te kaate bwa a na uotia nakon mweengaia.

8. Anenea ke wareka taekan te anene ae “I Want to Live the Gospel” (*Children’s Songbook*, iteraniba 148); “Love One Another” (*Children’s Songbook*, iteraniba 136); “The Things I Do” (*Children’s Songbook*, iteraniba 170); “Nephi’s Courage” (*Children’s Songbook*, iteraniba 120), kibu 3; “Ngai Natin te Atua” (*Anene n Taromauri ma Aia Anene Ataei*, iteraniba 54); ke “Karaoa Ae Raoiroi” (*Anene n Taromauri ma Aia Anene Ataei*, nambwa 30).

Kabaneana

Te Kaoti Koau	Kakoauaa bwa maiuakinan Taeka ni Kakabwaia ao tuua tabeua ti na kakabwaiaaki ao ti na kona n riki n ai aron Tama are i Karawa.
Te Wareware n te Mweenga ae Katautauaki	Bwaireia nakoia ataei bwa na reiakina te 3 Nibwaai 12:3–24, 39–48 ni mweengaia bwa manga rinanoan te reirei aei. Kaoa te ataei temanna bwa e na kaira te tataro ni kainiin.

E Kamauia te Aoraki ao E Kakabwaiaia Ataei lesu Kristo

Te Kaantaninga	Te reireia ataei bwa E tangiriira lesu Kristo n tatabemaniira nako ao ni kaungaia bwa a na kataia n noora te kimwareirei man onimakinana.
Te Katauraoi	<ol style="list-style-type: none">1. Tataromwaaka n reiakina te 3 Nibwaai 17. I mwiina ao reiakina te reirei ao iangoia bwa ko na kangaa n reireiniia ataei rongorongo man taeka aika tabu. (Taraa “Katauraaoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)2. Rinei titiraki ibukin te kaakarabakau ao Makuri ibukin Karakaan te Atatai are e na katabeia ataei man rang buokiia nakon karekean te bwai ae kaantaningaaki ma n te reirei.3. Bwain Reirei aika Kainnanoaki<ol style="list-style-type: none">a. Ana Boki Moomon ibukiia ataei ni kabane.b. Te Taoro.c. Tamnei 4–46, E Katoki Aorakiia Nibwaite lesu (Ataakin te Euangkerio 317; 62541); 4–47, E Tataro lesu ma i Nibwaite (62542); ao 4–48, E Kakabwaiaia aia Ataei i Nibwaite lesu.
Aron Kairan te Reirei ae Katautauaki	Kaoa te ataei temanna bwa e na kaira te tataro ni kaukuuki.
Mwakuri ni Kakukurei ibukin Kairan te Kakauongo	Kariaia ataei n tatabemaniia nako bwa a na nokangkangiia te taari, ao tuangiiia bwa a na kanga ni kabwarabwaraa nakoia tabeman ake a tuai man nokangkangiia te taari. Tao ko na kainanoa kauringaaia bwa aki konaa ni kabwarabwaraa aron kangkangin taorona ae “taoro” ibukina bwa te aomata ae tuai man i katoonga te taoro e na aki ataaia bwa tera ae nanonaki n te taeka anne. Kabwarabwaraa bwa n taai tabetai ao e kangaanga katereteran bwaai ake ko a tia n atai n te taeka ake a konaa tabeman n oota iai. A rootaki i Nibwaite n te kimwareirei ngke E kaoti lesu Kristo nakoia ngke a taku, “Akea te newe ae konaa n taekinna, ao e aki konaa ni koreaki i roun te aomata temanna, ao aki konaa n oota nanoia aomata ni baike a rangi ni kakannato ma ni kamiiimii ngke ti uaia n nooria ao n ongo bwanaan lesu” (3 Nibwaai 17:17). Tuangiiia ataei ngkana a konaa n nooria n aia iango bwaai ake a na ongo n te reirei aei, a na konaa n namakinna ao n oota ni koaua n tabeua tamneia bwa taeka aki konaa ni kabwarabwaraaki.
Rongorongo man Taeka aika Tabu	Kaboonganaan tamnei n te tai ae bon riai, reireiniia ataei rongorongan lesu Kristo ngke e Kamauia te Aoraki ao E Kakabwaiaia Ataei man 3 Nibwaai 17. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa “Te anga Reirei man Taeka aika Tabu,” iteraniba vii.)

Kamanenaan
Titiraki n te
Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai ni buokiia ataei bwa a na oota raoi n taeka aika tabu ao ni kamanenai reirei i nanoni maiuiia. Warekan booki ma ataein te reirei e na konaa ni buokiia ataei nakon karekean aia atatai n taeka aika tabu.

- Tera ae taekinna lesu Kristo nakoia aomata ae a riai ni karoia are e na buokiia ni kaotaia ni bwaai ake e a tia n reireiniia iai? (3 Nibwaai 17:3.) Tera nanon iangoia raoi ma te karaurau? (langoia te bwai teuana ma te karaurau ae bat.) Bukin tera ngkai e kakawaki bwa ti na iango ma te karaurau ae bat man tataro ibukin bwaai aika ti reireinaki iai mairouia taan kairiiri ao taan reirei n ara Ekaretia?
- Te tabo raa are e taekinna te Tia Kamaiu bwa E na nako iai i mwiin kawaraia i Nibwaite irouna? (3 Nibwaai 17:4.) E kanga te baei ni kaotia bwa lesu Kristo E tangiriia natin te Tama are i Karawa ni kabaneia?
- Tera ae a karoia aomata ngke e taekinna te Tia Kamaiu bwa e nang kitaniia? (3 Nibwaai 17:5.) Tera ae karoia ni kaotia bwa e tangiriia? (3 Nibwaai 17:6–8.)
- Tera are e taekinna lesu Kristo are ngaia oin kamaiuaia aomata? (3 Nibwaai 17:8.) Tera teuana bukin aki rikin taian kakai n taai tabetai? (Ita 12:12,18.)
- A kanga i Nibwaite ni kaota aia kaitau ngke E kamaiuia aoraki lesu Kristo? (3 Nibwaai 17: 10.) N ningai te tai ae ko riai ni kaitaua iai te Tama are i Karawa ao lesu? Ko na kangaa ni kaota am kaitau ibukin kakabwaia aika ko karerekei?
- I mwiin kamaiuan te aoraki iroun lesu Kristo, tera te bwai are tuangiia aomata bwa a na karoia? (3 Nibwaai 17:11.) Tera ae E karoia ngke a tia n uotaki ataei nakoina? (3 Nibwaai 17:13–15.) Bukin tera ngkai aki koreaki taeka ake E taekin n ana tataro nakon Tama are i Karawa? (3 Nibwaai 17:16–17.)
- Bukin tera ngke E tang lesu? (3 Nibwaai 17:20–21.) E kanga te euangkerio n uota te kimareirei nakoim? E kanga ni kaota ana tangira ibukiia ataei? (3 Nibwaai 17:21.) Tera aron am namakin ngke arona bwa e tauko lesu Kristo ni baina, ni kakabwaiako, ao man tataro nakon te Tama are i Karawa ibukim?
- Ngke e tuangiia kaaro bwa a na taraiia natiiia, tera te bwai are a nooria? (3 Nibwaai 17:23–24.) Tera nanon te kaotioti? (Te anga te ibuobuoki ke te mwakuri n ibuobuoki.) Tera te bwai ae ti na karoia ni buokiia tabeman?

Mwakuri ibukin Karakaan te Atatai

Ko konaa ni kamanenaa teuana ke raka riki man mwakuri aikai n te tai n aki akaaka i nanon te reirei bwa kaanga manga rinanoan te reirei, kakimototoan te reirei, ke te kamwaningaaki n titiraki.

1. Wareki ao kaakarabakauakin kibu n taeka aikai ake a taekinaki mairoun Beretitenti Etira Tabu Bentin, te katengaun ma teniman ni Beretitenti n te Ekaretia.

"I berita nakoimi, ataei aika kam tangiraki, bwa anera a na buoki ngkami naba. Kam na aki konaa n noriia, ma a na mena ikekei ni buoki ngkami, ao kam na namakina rokoia. . . .

"Ataei aika kam tangiraki, E kanakomai ngkami nako aon te aba Tama are i Karawa n te tai aei ibukina bwa bon natina ngkami aika kam ninikoria. E ataia bwa e na rangi mwaiti te buakaka i aon te aonnaaba ni boong aikai, ao E ataia bwa kam na kakaonimaki man ongotaeka" (i nanon Conference Report Eberi, 1989, iteraniba 105; *Ensign*, Me 1989, iteraniba 83).

2. Wareka 3 Nibwaai 17:20–21 ni bootaki. Titirakinia ataei bwa a na rinea te taeka ke bootaki n taeka man kiibu aikai ake a taku bwa a boongana, ao i mwiina kariaia bwa a na taekin ke tibwauai aia iango ibukin taeka ake a tia n rinei.
3. Titirakinia ataei bwa a na iangoi taai i nanon maiuiia ngke a tia n riki bwa kabanean te kukurei ngaiia. Titirakinia n titiraki ibukin taai aikai:
 - Tera ae ko tabe ni karaopia?
 - Tera ae kakukureiko?
 - Bukin tera ngkai moan te kukurei ngaira ngkana ti maiu n aron are e reireiniira iai lesu?
 - Bukin tera ngkai moan te kukurei ngkoe ma raom ao kaain am utuu tabeman?
4. Ibukina bwa i Nibwaite ake a bootaki iaon Bwauntiburu a aki rang tauraoi, ai ngaia are e aki konaa te Tia Kamaiu n taekin bwaai ni kabane are e tangiriia Tama are i Karawa. Tera are e tuangiia aomata lesu bwa a na karaopia? (Kariaia ataei bwa a na kanoai taabo aika akea kanoaia man 3 Nibwaai 17:3.)

Mangaia are, _____ ae _____ kam _____ na _____ nako _____ n _____ okiri
_____ mweengami _____, _____ ao _____ kam _____ na _____ karawawatai _____
_____ iangoan _____ baike _____ I _____ a _____ tia _____ n _____ taekin _____, _____
_____ ao _____ kam _____ butiia _____ te _____ Tama _____ n _____ arau _____,
bwa kam aonga n ota iai. (3 Nibwaai 17:3.)

N irakin te maungatabu, te toa, ke te Moanrinan, tera ae ko riai ni buokiko bwa ko aonga n oota n te bwai are ko a tia n ongo?

5. Anenei ke wareki taekan te anene ae “Had I Been a Child” (*Children’s Songbook*, iteraniba 80), ke “When He Comes Again” (*Children’s Songbook*, iteraniba 82).

Kabaneana

Te Kaoti Koau	Kakoaua bwa a tangiriaataei ni kabane lesu Kristo ao te Tama are i Karawa ao bwa ngkana iai onimakinan lesu Kristo i roura man ongotaeka nakon tuua, ti na ataa te kimwareirei ni manga maiu mangaia riki.
Te Wareware n te Mweenga ae Katautauaki	Baireia bwa a na reiakina te 3 Nibwaai 17 ataae ni mweengaia bwa manga rinanoan te reirei aei. Kaoa te ataae temanna bwa e na kaira te tataro ni kainiin.

E Karaoa te Toa Iesu Kristo Nakoia I-Nibwaite

Te Kaantaninga	Te kaungaia ataei bwa a na ururinga Iesu Kristo n taainako n te aro are aonga ni kona ni karekea tamneina bwa e na meemena i rouia.
Te Katauraoi	<ol style="list-style-type: none">1. Tataromwaaka n reiakina 3 Nibwaai 18:1–14. I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)2. Rinei titiraki ibukin te kaakarabakau ao mwakuri ibukin karaka te atatai are e na katabeia ataei man rang buokiia nakon karekean te bwai ae kaantaningaaki ma n te reirei.3. Koroi taeka aikai i aon te mwakoro ni beeба (ke ko konaa ni koroi iaon te burakibooti): <i>Te Rootongtong</i> <i>Te Kamaunaaki</i> <i>Te Bwanaa</i> <i>Mwiin Ikoakina</i> <i>Anera</i>4. Bwain reirei aika kainnanoaki:<ol style="list-style-type: none">a. Ana Boki Moomon ibukiia ataei n tatabemaniiia.b. Tamnei 4–43, E Kaoti Iesu Kristo Nakoia Nibwaite (Ataakin te Euangkerio 315; 62047); 4–46, E Katoki Aorakiia Nibwaite Iesu (Ataakin te Euangkerio 317; 62541); 4–47, Iesu ngke E Tataro ma i Nibwaite 62542); ao 4–49, Iesu Kristo are a Utu (Ataakin te Euangkerio 239; 62187).
Aron Kairan te Reirei ae Katautauaki	Kaoa te ataei temanna bwa e na kaira te tataro ni kaukuuki.
Mwakuri ni Kakukurei ibukin Kairan te Kakauongo	Titirakiniia ataei bwa baikara baika a tia n riki aika kakawaki aika a uring inanon maiuia. Titirakiniia bwa tera te bwai ae buokiia n uring baikai. Kaoti tamnei aika karinanaki n te “Katauraoi” ao taeka aika ko katauraoi teuana imwin teuana. Titirakiniia ataei bwa tera te tamnei ke te taeka ke te mwakoro ni kibu n taeka teuana are e buokiia ni kauring aron rokon Iesu. Kabwarabwaraa bwa e na taekinaki n te reirei aei tera ae e buokiira iai Iesu bwa ti na ururingngia iai n taainako.
Rongorongo man Taeka aika Tabu	Reireiniia ataei te rongorongo man 3 Nibwaai 18:1–14. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.)

Kamanenaan
Titiraki n te
Kakarabakau

Reiakin titiraki aikai ao booki man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang buokiia ataei n oota raoi n taeka aika tabu ao ni kamanenai reirei i nanon maiuia. Warekan booki ma ataein te reirei e na konaa ni buokiia nakon karekean aia atatai n taeka aika tabu.

- Tera te bwai are e tuangiia ana reirei lesu Kristo bwa a na uotia? (3 Nibwaai 18:1.) Tera te bwai ae karaoia ma te kariki? (3 Nibwaai 18:3–4.) Tera ae karaoia ma te wain? (3 Nibwaai 18:8–9.)
- Tera te bwai ae riai ni karekea te rorobuaka n ataei i mwaain are e konaa ni katauraoa ke ni kakabwaiaa ke ni kabuta te toa nakoia kaain te Ekaretia? (3 Nibwaai 18:5.) Antai ae katauraoa, kabuta, ao kakabwaiaa te toa n ara Uoote?
- Tera ae buokiira iai te kariki n te toa bwa ti na ururingnga? (3 Nibwaai 18:7.) Tera te bwai ae buokiira iai te ran n te toa bwa ti na ururingnga? (3 Nibwaai 18:11.)
- Antai are karaoa ara berita mangaia ngkana ti kana te toa? (3 Nibwaai 18:7.)
- Tera are e berita mangaira iai lesu Kristo ngkana ti aki toki n ururingnga? (3 Nibwaai 18:7.) Tera ae nanonaki ni karekean Tamneina i roura? (Ti kairaki man buokaki i roun te Tamnei ae Raoiroi.) Tera ae ti konaa ni karaoia inanon te wiiki bwa ti aonga ni ururinga te Tia Kamaiu n taainako n te aro are ti aonga ni konaa ni karekea Tamneina i roura?
- Ngkana a kana te toa kaain te Ekaretia, tera te bwai ae a kakoaua nakon te Tama are i Karawa? (3 Nibwaai 18:10.) Tera ae nanonaki n te anga nanora ni kawakin ana tua nako? Baikara tuua tabeua ake E tangiriira Tama are i Karawa bwa ti na kawakin ma nanonara ni kukurei? Ko riai ni titirakinia ataei bwa na rinei tuua aika a tangiri ni kan ongotaeka nako iai n akea ae atai.
- Ngkana ti kana te toa ao te tua raa ae ti uringnga ao ni kabouua? (3 Nibwaai 18:11.) E kanga ni buokiira n anganiira te maiu ae raoiroi riki ia iangoan berita ake ti karaoia n te bwabetito n angiin te tai? (Motiae 18:10.) Kataia ataei bwa a na kakauongo raoi nakon tataron te toa ao man iangoi kawai aika a na konaa iai ni kawakin aia berita n te bwabetito inanon te wiiki ae na roko.
- Ti na kanga ni kakabwaiaaki ngkana ti kana te toa n te aro ae bon riai? (3 Nibwaai 18:12–14.)

Mwakuri ibukin Karakaan te Atatai

Ko kona ni kamanena teuana ke e raka riki man taian mwakuri aikai n te tai n aki akaaka inanon te reirei bwa kaanga manga rinanoan te reirei, kakimototoan te reirei, ke te kataaki n titiraki.

1. Kariaia ataei bwa a na wareka tataron te toa man Moronaai 4:3 ao 5:2. Titirakinia ataei bwa a iangoi kawai aika kona ni katauraoia iai nakon kanakin te toa. Ko kona ni kamanenai iango aikai ngkana a tangira te ibuobuoki ataei:

Anenea taekan te anene n te toa.
Kakauongo nakon taekan tataron te toa.
langoa ana tangira te Tia Kamaiu, karawawataana, matena, manga utina,
ana reirei nako.
langoi aron ara berita ma Tama are i Karawa.

2. Taekin baika a tia n riki nakoim ngkana ko a tia n namakina te Tamnei.
Ngkana iai mairouia ataei aika iai baika a tia n riki nakoia mairoun te Tamnei a konaa ngkana a kan taekin, weteia bwa a na taekin. Buokia ataei bwa a na ataia bwa E tangiriia lesu Kristo bwa a na ukoukoria man namakina Tamneina n taainako i nanon maiuia. Kaakarabauakin kiibu n taeka aikai ake a taekinaki i roun Beretitenti Etira Tabu Bentin, tekatengaun ma teniman ni Beretitenti n te Ekaretia: "Ti aki toki n ongo ana taeka te Uea n angiin te tai man te namakin. Ngkana ti nanorinano ao man kai namakinaaba, e na taetaae te Uea nakoira n angiin te tai rinanon ara namakin. Anne bukina bwa n taai tabetai e kamwakuriira te tamnei nakon te kimwareirei ae korakora, n taai tabetai nakon te tang" (*The Teachings of Ezra Taft Benson*, iteraniba 77).
3. Rinea te anene n taromauri ae rang n ataaki ke kunaia kain te Moanrinan are a na ti anenea eena n te tai are a tabe ni korea tamnein te bwai teuana are e na buokia n uringa iai te Tia Kamaiu i nanon tain te toa. A konaa anene aikai n riki bwa rinerine tabeua n aron lesu Kristo inanon te O n Aroka are Ketetemwane, lesu Kristo ma i Nibwaite, te kakabwaia are a kakaitau iai ataei inanon maiuia, ao tabeua riki. Kaungaia bwa a na kateimatoa ururingan te Tia Kamaiu irouia n tain te taromauri n te toa.
4. Anenea ke wareka taekan te anene ae "Reverently, Quietly" (*Children's Songbook*, iteraniba 26), "He Sent His Son" (*Children's Songbook*, iteraniba 34), "To Think about Jesus" (*Children's Songbook*, iteraniba 71), ke "The Sacrament" (*Children's Songbook*, iteraniba 72).

Kabaneana

Te Kaoti Koau	Kaota Tamnein lesu Kristo are E a tia ni Kautaki man te Mate. Taekina am koaua bwa ngkana ti ururinga lesu ao ni kakawakin ana tua nako, ao ti na kona ni karekea i roura te Tamnei ae Raapiro.
Te Wareware n te Mweenga ae Katautauaki	Baireia bwa a na reiakina 3 Nibwaai 18:1–14 ataei ni mweengaia bwa manga rinanoan te reirei aei. Kaoa te ataei temanna bwa e na kaira te tataro ni kainiin.

E Reireiniia I-Nibwaite n Tataro lesu Kristo

Reirei
37

Te Kaantaninga Te kaungaia ataei bwa a na tataro bwa aonga n aki reke n te kaririaki.

-
- Te Katauraoi**
1. Tataro mwaaka n reiakina 3 Nibwaai 18:15–25; 19; 20:1. I mwiina ao reakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
 2. Reitan te Wareware: Aramwa 13:28–29, Mataio 26:41, ao Tua ma Berita 31:12, 61:39.
 3. Rinei titiraki ibukin te kaakarabakau ao Makuri ibukin Karakaan te atatai ake a na katabeia ataei man rang buokiia nakon karekean te kaantaninga ma n te reirei.
 4. Bwain reirei aika kainnanoaki:
 - a. Ana Boki Moomon ibukiia ataei ni kabane.
 - b. Tamnei 4–47, E Tataro lesu ma i Nibwaite (62542), ao 4–50, Te Tataro n Utuu (62275).

Aron Kairan te Reirei ae Katautauaki

Mwakuri ni Kakukurei ibukin
Kairan te Kakauongo

Kaoa te ataei temanna bwa e na kaira te tataro ni kakuuki.

Karakina te Karaki aei mairoun Unimwaane Rekiti D. Biinika ibukin te tataro n te utuu:

“N te ingabong teuana i nanon ririki tabeua aika a tia n nako l buti n te kaa ma kain au utuu [n tain te motirawa]. Natira ataeinaine aika aman a ientaka ni kukurei ngke ti a roko n te kawai ae uarereke are e tiki man te kawai are e bubura nakon te tabo n takakaro ae e rang n tatangiraki. E karina n toki te ngarengare ao te witokatoka n taetae ni kukurei, ngke e a ti rebwetau naba intinin ara kaa are ti tangoia ma ni kekerikaaki maiuna man tei n aki kaantaningaaki tokina i aon te kawai are e katei. A mwaiti kaa aika kabane butiia irarikira i nanon te tai are e a rangi n tabetabe iai te kawai n taian kaa ngke l kataia ni manga kamaiua riki te kaa. N tokina, ngke ti a ataia bwa ai bon akea riki ara anga ae ti konaa ni karaoia, ti ruo man te kaa are e aki buti ao man kiribobotaki nako tinanikun te kawai ibukin te tataro.

“Ngke ti kaure matara i mwiin ara tataro ao ti noora te mwaane ae botonimwaane ae matangare ma natina te mwaane are e kataia ni bweena aia kaa rinuukan taiani kaa i nanon te kawai man otinako man te kawai nako rarikira. I nanon ni karan aoan te ingaabong ao i nanon aoan te bwakantaai a buokiira mwaane aikai ni bwaai aika a kai nanora iai n aanga aika batia ma n rang ni ibuobuoki. A katokaira ma ara bwai nako nakon te tabo ni bikiniki. A buokai ni kaota te kaa ni katiki kaa ibukin katikan te kaa are e a reke n te kaangaanga. A uotai nakon te tabo n tongokaa ni karekeea onean mwiin ara

kaa. . . . A kabooi mooi ao amwarake ibukiia kain au utuu ao a tiku mangaiia ni karokoa okiu tabeua teaoa imwiina."

"Ti namakinna bwa mwaane aikai bon kaekaan raoi ara tataro, ti bon tuangiia naba aio ngke ti kaboo nakoia ma ni kataia ni kaaitauia. E kaeka te karo man taku. `Ni katoa ingaabong ao I tuanga te Uea ae raoiroi bwa ngkana iai ae kainnanoa buokana n te bong aei, I bubutia bwa e na kairai nakoia'" (inanon Conference Report, Oct. 1991, iteranibaa 54–55; ke *Ensign*, Nov. 1991, iteraniba 39).

Tuangiia ataei bwa a na taekin aia atatai ae a tia ni karekea ibukin te tataro n te utuu.

Rongorongo man
Taeka aika Tabu

Kamanenai tamnei n te tai ae bon riai, reireiniia ataei rongorongan ana reirei lesu Kristo nakoia aomata aika uanao i rouia i Nibwaite man te 3 Nibwaai 18:15–25; 19; 20:1. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te "Te anga Reirei man Taeka aika Tabu," iteraniba vii.)

Kamanenaan
Titiraki n te
Kakarabakau

Reiakin titiraki aikai ao booki man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang ni buokiia ataei n oota raoi n taeka aika tabu ao ni kamanenai reirei i nanon maiuia. Warekan booki ma ataei te reirei e na konaa ni buokiia nakon karekean ana atatai n Taeka aika Tabu.

- Bukin tera ngkai e tangiriira lesu bwa ti na tataro n taainako? (3 Nibwaai 18:15, 18.)
- Antai ae ti tataro nakoina? N antai arana ae ti tataro iai? (3 Nibwaai 18:19; 19:6–8.)
- Ngke ti tataro ma te onimaki ibukin te bwai ae moan te tamaraoa ibukira, tera te berita ae iai iroura? (3 Nibwaai 18:20.) Buokiia ataei bwa a na ataia bwa Tama are i Karawa e ataia n taainako bwa tera te bwai ae raoiroi riki ibukira. N taai tabetai ao e kaokoro aei ma are ti tangiria.
- Bukin tera ngkai e kakawaki te tataro n te utuu? (3 Nibwaai 18:21.) Ko na kangaa ni konaa ni buoka am utuu ni karaoa aia tataro n utuu ni katoa tai?
- Tera are e taekinna lesu Kristo ae ti riai ni karaopia ibukiia te koraki ake tiaki kaain te Ekaretia? (3 Nibwaai 18:22–23.)
- Tera ae nanonaki n taeka ae "kaoti am ota i eta bwa e aonga ni kaotaa te aonnaaba"? (3 Nibwaai 18:24.) Ti na kangaa ni buokiia tabeman bwa a na ataa kakawakin te tataro?
- Tera ae a reireinaki iai i Nibwaite ake a bootaki i rouia ana Reirei lesu ake tengaun-ma-uoman? (3 Nibwaai 19:6.) N ningai te tai ae ko katorobubua iai n tataro? E kanga te katorobubua ni kaota te karinerine ibukin te Tama are i Karawa? Baikara kawai riki tabeua aika ti kona ni kaota iai te karinerine ngkana ti tataro n ara auti ke n te umwa-n-reirei?
- Ngke a tataro ana reirei lesu, tera te bwai ae moan te tangiraki i rouia? (3 Nibwaai 19:9.) A kangaa n anganaki te bwai n tituaraoi aei? (3 Nibwaai 19:13–14.)

- Tera ae E taekinna lesu ngke e tataro nakon te Tama are i Karawa? (3 Nibwaai 19:20–28.) Bukin tera ngkai taekinan te kaitau bon te bwai teuana ae kakawaki man mwakoron kanoan ara tataro? Baikara bwaai aika ko kakaaitau ibukiia?
- Ti na kangaa n tataro n aki kakatokii ara tataro? (3 Nibwaai 20:1.) Bukin tera ngkai ti riai n tataro i nanora n taainako? (3 Nibwaai 18:15, 18.) E na kangaa te tataro ni buokiira n tuuki kariiri?

Mwakuri ibukin Karakaan te Atatai

Ko konaa ni kamanena teuana ke raka riki man mwakuri aikai n te tai n aki akaaka inanon te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Koroi kiibu man taeka aika tabu aikai iaon te mwakoro ni beeба, ao aanga nakoia ataei n tatabeman nako ke ni kurubu aika uarereke. Kariaia ataei bwa a na wareki taeka aika tabu, man kakaaei bwaai ake e reiakin lesu n ai aron taian kakabwaia ake a konaa n roko iroura rinanon te tataro. Rimwi ao kariaia ataei bwa a na taekin aia ribooti nakoia ataein te reirei iaon te bwai are a tia n reiakinna.

3 Nibwaai 18:15, 18 (Ti na konaa n tuuki kariiri.)
3 Nibwaai 18:20 (Ana konaa ni kariaiakaki ara kaantaninga aika raraoi.)
3 Nibwaai 18:24 (Ti na riki bwa katootoo nakoia tabeman.)
3 Nibwaai 19:30 ke 27:30 (E na kukurei iroura Tama are i Karawa ao lesu Kristo.)
2. Kakaei karaki man maekeitinin te Ekaretia ke man taian kabwarabwara n te Maungatabu ae kaeti ma taekan te tataro ao maroroakinna ma ataei.
3. Wareki ao maroroakin taeka aikai ake a taekinaki ioun Beretitenti Etira Tabu Bentin, tekatengaun ma teniman ni Beretitenti n te Ekaretia:

“Iai te konaa ae korakora i roura n ara tataro ao n ara onnon nakon te Uea ni bubuti ibukin kakabwaia riki tabeua. Ma n taai tabetai I namakinna bwa ti riai ni kainnanoa kabanean nanora riki nakon ara tataro ni kaoti nanora ni kaaitau ma ni karabwarabwa ibukin taian kakabwaia aika ti a tia ni karekei” (*God, Family, Country*, iteraniba 199).
4. Kaakarabakauakinna ao buokiia ataei bwa a na kamatenanoi mwakoron Aramwa 13:28: “Nanorinano imatan te Uea, ao wetea arana ae tabu, ao tarataraya ao tataro n taainako, n te aro are kam na aki kaririaki i aon are kam na konaa, ao n aei are kam na kairaki iai i roun te Tamnei ae Raoiroi.
5. Kaakarabakauakin baika a kakawaki n te tataro:
 - a. Wetea Tama are i Karawa . . .
 - b. Karabwa ibukin . . .
 - c. Bubutia ibukin . . .
 - d. Kainna n aran lesu Kristo, amene.

Koroia iaon te burakibooti “I karabwako ibukin . . . “ Kaoia ataei bwa a na taekinna bwa tera ae a karabwa iai Tama are i Karawa ma ni kakimototoi aia iango i aon te burakibooti. Karaoa ae ti tabo ma aei ibukin “I bubutiiko ibukin . . . “

6. Aneneia ke wareki taekan te anene ae “A Child’s Prayer” (*Children’s Songbook*, iteraniba 12), “Children All Over the World” (*Children’s Songbook*, iteraniba 16), “Tataro n te Utuu” (*Anene n Taromauri ma Aia Anene Ataei*, iteraniba 62), ke “Love Is Spoken Here” (*Children’s Songbook*, iteraniba 190).

Kabaneana

Te Kaoti Koau	Kaota am koaua ibukin bonganen te tataro ni katoabong, ao ngkana ti tataro n aron are e reireiniira iai lesu ti na konaa n otangaaki man ana mwakuri ni kairarang Tatan.
Te Wareware n te Mweenga ae Katautauaki	Baireia bwa a na reiakina 3 Nibwaai 18:18–25 ao Aramwa 13:28–29 ataei ni mweengaia bwa manga rinanoan te reirei aei. Kaoa te ataei temanna bwa e na kaira te tataro ni kainiin.

Te Rau irouia I-Nibwaite

Reirei
38

Te Kaantaninga	Te kaungaia ataei n tatabemaniia nako bwa a na ukoukora te rau ao te kukurei are e roko man maiuakinan ana Euangkerio Iesu Kristo.
Te Katauraoi	<ol style="list-style-type: none">Tataro mwaaka n reiakina 3 Nibwaai 28:1–16, 23–40, ao 4 Nibwaai. I mwiina reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu, iteraniba vii.)Rinei titiraki ibukin te kaakarabakau ao mwakuri ibukin karakaan te atatai are na katabeia ataei man rangi ni buokiia nakon karekean te kaantaninga ma n te reirei.Bwain reirei aika kainnanoaki: Ana Boki Moomon ibukiia ataei ni kabane.
Aron Kairan te Reirei ae Katautauaki	<p>Kaoa te ataei temanna bwa e na kaira te tataro ni kakuuki.</p> <p>Tuangiiia ataei bwa a na iangoia ngke arona bwa e maeka te Tia Kamaiu ma kain aia utuu i nanon teuana te wiiki. Tuangiiia bwa e na kangaa aroia inanon mweengaia i nanon te wiiki anne. Kariaia ataei bwa a na wareka 4 Nibwaai 1:15–16. Kabwarabwaraa bwa ni kiibu aikai ao e kamatataaki iai bwa a kangaa aomata i aon Amerika ni karoia aroia nakon temanna ma temanna imwiin rokon Iesu Kristo i rouia. Buokiia ataei bwa a na kaakarabakaua bwa e na kangaa aron te maiu n aaro aikai.</p> <ul style="list-style-type: none">E na kanga maiura ni kaokoro ngkana a bane n ongotaeka aomata n tuua nako? (Ti na aki kainnanoi rooka, kiing, bureitiman, ao tabeman riki.) Buokiia ataei bwa a na ataia bwa teuana maibuakon kiing nakon te kukurei ae moan te kakawaki bon arora ni karoa ae riai nakoia aomata tabeman. Man maiuakinan ana reirei nako Iesu Kristo, ti na karoa ae riai nakoia kain ara utuu ao raoraora ma te akoi ae raka riki ao te iaiangoia i bon i rouna ae karoko riki, ao ti na karekea te rau ao te kukurei ae korakora.
Rongorongo man Taeka aika Tabu	Reireiniia ataei te rongorongo man te 3 Nibwaai 28:1–16, 23–40 ao 4 Nibwaai ibukiia [ana] reirei [lesu] ake i Nibwaite ao te rau ma te kukurei are a kunea i Nibwaite man kawakinan tuua. (Ibukin kawai n anga reirei aika a tia n baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.)
Kamanenaan Titiraki n te Kakarabakau	Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku aika riai n rang buokiia ataei n oota raoi n taeka aika tabu ao ni kamanenai reirei inanon maiuia. Warekan kiibu ma ataein te reirei e na konaa ni buokiia nakon karekan aia atatai n taeka aika tabu.

aonnaba ni karokoa te toki? (3 Nibwaai 28:6, 9.) Baikara bitaki aika a karaoaki nakon rabwataia bwa e a onga n riai ibukiia karaoan aei? (3 Nibwaai 28:38–39.)

- A kangaa ana reirei aikai ni kaawakinaki ngke a reireiniia aomata? (3 Nibwaai 28:18–22.) Tera ae koroia Moomon ibukiia ana reirei lesu aika teniman aikai? (3 Nibwaai 28:24–26. Taekinna bwa e maiu Moomon i nanon 350 te ririki i mwiin lesu Kristo.)
- Tera ae a karaoia reirei aikai i mwiin kitanaia iroun te Tia Kamaiu? (3 Nibwaai 28:18.) Tera ae a karaoia ngke aongo aia taeka ana reirei lesu? (4 Nibwaai 1:1–2.) Mwaitira mairouia aomata ake a rairaki? Taekinna bwa aki manga kakaokoroaki nako aomata i nanon te bootan aomata n i Nibwaite ao i Reimwanaite ma a katiteuanaaki.
- Tera nanon taeka aika *contention* ao *disputation*? (4 Nibwaai 1:2. Ikangui. A kanga kain am utuu ni kakabwaiaaki ngkana akea i rouia te ikawi ke kauntaeka? Ko na kanga n riki bwa te tia raoi man buokiia kain am utuu bwa a na tuuka te ikawi?
- Tera ae nanonaki n te taeka ae kangai bwa aomata “Akea ae kainnano i buakoia”? (4 Nibwaai 1:3.) Tera am iango n aron te maiu n aron aei? Bukin tera n am iango bwa e na kangaanga?
- Tera te kakai are a karaoia ana reirei lesu Kristo? (4 Nibwaai 1:5.)
- A kangaa aomata ni kakabwaiaaki? (Taraa Mwakuri ibukin karakaan te atatai 1.)
- Bukin tera ngkai akea te ikawi i aon te aba? (4 Nibwaai 1:15.) Tera ae nanonaki ni karekean “ana tangira te Atua” i nanora? N te tai raa are e reke iai ana tangira te Atua i nanon maium? Ti kangaa ni tibwauaa te tangira aei ma tabeman?
- Tera ae karika te bitaki i nanon te bootanaomata ao kukurei aei? (4 Nibwaai 1:23–29.) A kanga aron aia mwakuri aomata nakoia reirei? (4 Nibwaai 1:30–34.) Tera te kamoamoa? Ti na kangaa n tokanikai i aon te kamoamoa i nanon maiura?
- Tera nanon “bon nanoia ni kan eekanako ana euangkerio Kristo” n aron ae a karaoia aomata aikai? (4 Nibwaai 1:38.)
- Tera aroia aomata tenibubua te ririki i mwiin rokon Kristo? (4 Nibwaai 1:45–46.)

Mwakuri ibukin

Karakaan te Atatai

Ko konaa ni kamanena teuana ke e raka riki man mwakuri aikai n te tai n aki akaaka inanon tain te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Katauraoa beebar-taeka ibukin mwakoro ni kiibu n taeka aikai man 4 Nibwaai 1:2–3, 5, 15–17:

“A bane ni karaoa ae eeti aomata n tatabemaniia nako i marenaia.”

“Akea ae kainnano i buakoia.”

“Ao a karaoi aeka ni kakai nako.”

"Ao akea te ikawi n te aba.
 "Ana tangira te Atua . . . e maeka inanoia aomata."
 "Akea te bakantang."
 "Akea te un [te kirewe]."
 "Akea te kewe."
 "Akea taan iraa."
 "Akea taan tiri aomata."
 "A bane ni katiteuanaaki bwa natin Kristo."

Kaaki beeban-taeka i nanon te bwai teuana (te tiin ke bwaoki beeba) ao kariaia temanna te ataei bwa e na anaa teuana ma ni kanimmwa. A kabwarabwaraaki ni Mwakoro ni kibu n taeka aikai man 4 Nibwaai bwa bukin tera aomata ngkai a maeka i nanon te rau ao te kukurei.

2. Warekii ao kaakarabakaui taeka aikai mairoun Beretitenti Etira Tabu Bentin, te katengaun ma teniman ni Beretitenti n te Ekaretia.

"E kauringiira te Uea n Tua ma Berita, 'Kawakin ngkami man te kamoamoa, bwa e kaawa n ae kam riki bwa kaanga i Nibwaite ngkoa' (T&B 38:39)" (inanon Coference Report, Eberi 1989, iteraniba 3; ke *Ensign*, Me 1989 iteraniba 4). E reireira Beretitenti Bentin bwa ti aonga ni konaa n tokanikai i aon te kamoamoa inanon maiura ao n nanorinano, nimamannei, ao maem iroun—

Tatangira Tama are i Karawa ao karimoa inanon maiura.
 Tai nanououa bwa tera ae a iangoia tabeman ibukira ma ti are e iangoia Tama are i Karawa ibukira.
 Tai wiinnanti ke n tiribure.
 Tai bakantang ke ni maiuakina ae raka nakon kaubwaira.
 Tai ikawi ke n uun i nanon ara utuu nako.
 Buokia tabeman bwa na namakina ae raoiroi ibukiia.
 Kariai taeka n reirei mairouia ara tia kairiiri.
 Kabwarai aia bure te koraki ake a bure nakoira.
 Tai iaiaangoiko i bon iroum.
 Mwakuri ibukiia tabeman.

A kona mwakoro n taeka aikai ni katauraoaki bwa kaanga beebantaeka ao man katukaki i ananon te baeki. A kona ataei n n tatabeniiia n anaa teuana te beebantaeka ma ni kaakarabakaua bwa e kangaa te reirei anne ni konaa ni buokiira n tokanikai i aon te kamoamoa i nanon ara utuu nako.

3. Warekia, kakarabaua, ao buokiia ataei ni kamatenanoa mwakoron ke ni kabane kanoan te 4 Nibwaai 1:15–16.
4. Karekeia ataei bwa a na karaoa aia kaotioti n aron baika a ririki n te maiu ike iai te kauntaeka iai. Karekeia ataei aika na karaoa aia kaotioti n aron te bwai ae riki nakon te bootanaomata ae i Nibwaite are akea iai te kauntaeka n aron are a ngkoa a noria ngke a maeka mangaia. (lango tabeua: uoman ataei aika a uaia n tangiria ni kan mena n te moa n rain, uoman taari aine aika uaia n tangiria ni kan takakaro n te taoree, ao tabeua riki.)
5. Wareki ao kaakarabakaui taeka aika mairoun Unimwaane Mwaawin T. Atiton:
 "Ko na kangaa ni konaa n taekinna ngkana iai temanna ae rairaki nakon lesu Kristo? . . . Te tia kaotioti ae moan te raoiroi ae moan te oota raoi bwa ti tabe

n rikirake n te maiu n tamnei man waaki nakon kawaran Kristo bon kawai n aron karaoaan baika a riai nakoia tabeman aomata” (inanon Conference Report, Eberi 1992, iteraniba 25; ke *Ensign*, Me 1992, iteraniba 20).

6. Buokiia ataei ni kamatenanoa te katebwi ma tenua man taekan te onimaki. Kaakarabakaua bwa e kanga ni kaeti ma aroia ni maeka i Nibwaite i mwiin rokon lesu Kristo irouia ao ti kangaa ni maiuakiin ngkai.
7. Wareka ao kaakarabakauakin Tuua ma Berita 19:23.
8. Anenea ke wareka taekan te anene ae “I Feel My Savior’s Love” (*Children’s Songbook*, iteraniba 74), ke “Keep the Commandments” (*Children’s Songbook*, iteraniba 146).

Kabaneana

Te Kaoti Koau	Kaota am koaua bwa ti kona n noora te rau ao te kukurei ngkana ti maiu ma te nanorinano n aron are e a tia n reireiniira iai te Tia Kamaiu.
Te Wareware n te Mweenga ae Katautauaki	Baireia bwa a na reiakina 4 Nibwaai 1:1–18 ataei ni mweengaia bwa manga rinanoan te reirei aei. Kaoa te ataei temanna bwa e na kaira te tataro ni kainiin.

E Kakoauaa Kamaunaaia I-Nibwaite Moomon

Reirei
39

Te Kaantninga

Te kakorakorai aia kaantninga ataei n tatabemaniia nako bwa a na teimatoa ni koaua nakon ana reirei nako lesu Kristo n aki tabe ma mwaakan ana mwakuri ni kairaraang te buakaka.

Te Katauraoi

1. Tataro mwaaka n reiakina Moomon 1–6. I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraaoan Am Reirei,” iteraniba vi, ao te “Anga Reirei man Taeka aika Tabu,” iteraniba vii.)
2. Rinei titiraki ibukin te kaakarabakau ao mwakuri ibukin karakaan te atatai are na katabeia ataei man rang buokiia nakon karekean te bwai ae kaantningaaki ma n te reirei.
3. Bwain reirei aika kainnanoaki:
 - a. Ana Boki Moomon ibukiia ataei ni n tatabemaniia.
 - b. Onoua taekan kabwarabwaraaan Moomon aika koreaki n aron ae kabwarabwaraaki n te mwakuri ibukin kairan te kakauongo.
 - c. Tamnei 4–1, E Korobokii Buatua Moomon (Ataakin te Euangkerio, 306; 62520), ao 4–51, E Kaboo Moomon Nakon Te Aonaba (Ataakin te Euangkerio 319; 62043).

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Korea Moomon i aon te burakibooti.

- Tera am iango ngkana ko ongo te taeka aei?

Imwiin kaakarabakauakinana i rouia ataei bwa tera aia iango iai, kabwarbwaraa bwa n te bong aei ao a reireiaki iai taekan te burabeti ae Moomon. Anganii ataei aika onoman kabwarabwaraaan taekan Moomon ngke te rorobuaka n ataei ngaia bwa warekia nakoia ataaein te reirei.

I bungiaki tao n 321 A.D.

Ngke ai tebwiina au ririki ni maiu, e tuangai te burabeti ae Amwaron, bwa N na anganaki ana buatua Nibwaai ae bubura ngkana e koro au ririki ae 24. (Moomon 1:2–4.)

Ngke ai tebwi ma teuana au ririki, I mwae nako Tiraamera, te kaawa ae bubura aika batiaomata iai, ma Tamau. N te ririki naba anne ao a moanaki taian buaka. (Moomon 1:6–8.)

Ngke ai tebwi ma onoua au ririki, I kawaraki i roun lesu Kristo man namakina ana tangira ao raoiroina. (Moomon 1:15.)

Ngke ai tebwi ma onoua au ririki, I rineaki bwa N na kaira aia taanga ni buaka i Nibwaite. (Moomon 2:1–2.)

Ibukin aorakiia au aomata, I riai ni korakora ni kawakinan tuua ao mwiokoan te Tama are i Karawa.

Kabwarabwaraa nakoia ataei bwa ngkana ti reiakina maiun Moomon, ti konaa n nooria bwa e riai maiuakinan te maiu ae raoiroi n aki tabeakin mwakuri ni kairaraang aika buakaka aika a ootabwaniniira..

Rongorongo man Taeka aika Tabu

Reiakina rongorongan Moomon ngke e kakimototoi taekan ana butua Nibwaai are e bubura ao kamaunaakiia i Nibwaite man Moomon 1–6. Kamanenai tamnei n te tai ae bon riai. (Ibukin kawai n anga reirei aika a tia ni baireaki ibukin reiakinan rongorongoron taeka aika tabu, taraa te “Te anga Reirei man Taeka aika Tabu,” iteraniba vii.)

Kamanenaan Titiraki n te Kakarabakau

Reiakin titiraki aikai ao kiibu aikai man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang ni buokiia ataei n oota raoi n taeka aika tabu ao ni kamananenai reirei i nanon maiuia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.

- E kangaa ao bukin tera ngkai e rineaki Moomon bwa e na kawakin taian rekooti? (Moomon 1:2–4.) E kangaa am iango ae ko namakinna ngkana ko anganaki te aeka ni mwiokoaki ae ti te arona ma are e anganaki Moomon n rangi ni moantai inanon rikirakem? Ko na kangaa ni katauraoiko ibukin te beku ae tabu aei?
- Tera ae e riki i rouia i Nibwaite ma i Reimwanaite n te tai aei? (Moomon 1:13.) Tera te kakabwaia n tamnei are a toki iai i Nibwaite ibukin aia buakaka? (Moomon 1:13–14.) Bukin tera ngkai e kakawaki bwa ti na maiu n te aro are e na reke iai i roura te Tamnei ae Raoiroi?
- Bukin tera ngkai e aki kariaiakaki Moomon n reireiniia i Nibwaite taekan te euangkerio? (Moomon 1:16–17.) Ni kawai baikara aika e kangaanga iai te maeka n te aonnaba ae buakaka?
- Tera te bwai ae karika kan rairan nanoia i Nibwaite iai? (Moomon 2:10–11. Ko konaa ni kauringjia ataei ana taetae ni burabeti Tamuera ae taekinaki n Ereman 13:18.) Bukin tera kukurein Moomon n rairan nanoia aomata e oneaki n te tai ae waetata nakon te nanokawaki? (Moomon 2:12–15.) Ti na kanga n rairi nanora ma te koaua?
- Tera ae karaopia Moomon ma ana buatua Nibwaai are e bubura n tain te buaka? (Moomon 2:16–18.) Buokiia ataei bwa a na ataia bwa e aranaki Ana Boki Moomon n aran Moomon ibukina bwa ngaia te burabeti are e kakimototoi ke ni kuarerekei kanoan ana buatua Nibwaai ake a bubura. Kaota tamnein Moomon ngke e kakimototoi taekan ana buatua Nibwaai ake a buubura. E karaaoaki te kakimototo aei i roun Moomon; ao bwaai ake a tibwa karinaki a karinaki i roun natina ae Moronaai; ao ana buatua Nibwaai ake a uarereke bon taian buatua koora ake e karekai lotebwa Timiti mairoun Moronaai n te katabuki ae Komora.
- Bukin tera ngkai aki tokanikai n te buaka i Nibwaite n aron are a bon riai n tokanikai iai? (Moomon 2:26–27.) Tera ae ti konaa ni karaopia ni karekea korakoran te Uea i nanon maiura?

- Tera ae riki ngke e reireiniia i Nibwaite Moomon taikan te rairannano? (Moomon 3:2–3.) Bukin tera ngkai a mwaiti aomata aika aki kan ongo nakon te Tama are i Karawa ao ana burabeti?
- Tera ae karaoia Moomon n tokina ibukin aia buakaka aomata? (Moomon 3:11.) Tera ae karaoia ni kaotia bwa e rangi n tabeakiniiia? (Moomon 3:12.) Bukin tera ngkai ti riai n tataro ibukiia aomata ake aki kawakin ana tua te Tama are i Karawa?
- Te burabeti raa are e taetae ni burabetiia kamaunaaia i Nibwaite? (Moomon 1:19; 2:10.) Baikara kaangaanga ake a karawawataaki iai aomata, ibukin aia buakaka, ni kakoroan bukin taetae ni burabeti aikai? (Moomon 2:8, 20; 4:11, 21; 5:16, 18; 6:7–9.) Ngkana arona bwa ko noora te kaangaanga aei n riki nakoia raoraom ao kaain rarikim, teera ae ko na karaoia nakoia? Tera ae ti konaa ni karaoia ni buokiia tabeman n ataa aron kawakinan ana tua te Tama are i Karawa? (Taraa Mwakuri ibukin karakaan te atatai 2.)
- Iraman aomata aika a mate ni boobuaka aikai? (Moomon 6:10–15. Taraa mwakuri ibukin karakaan te atatai 3.) E kangaa ana namakin Moomon n aron kamaunananakoia ana aomata? (Moomon 6:16–22.)

Mwakuri ibukin Karakaan te Atatai

Ko konaa ni kamanenaa teuana ke e raka riki man taian mwakuri aikai n te tai n aki akaaka inanon tain te reirei ke kaanga manga rinanoan te reirei, kakimototoan te reirei ke te kataaki n titiraki.

1. Kaakarabakaua oin ana kaantninga Moomon ibukin kawakinan taian rekooti. (Moomon 3:20–22; 5:14–15.) Anganiia ataei aia mwakuri n tatabeniia nako e na aki kee iaan teuana te kibu are a na warekia ni kakaea rekena.
2. Titirakiniiia ataei n tatabemaniia bwa e na atonga aran te tua ao n taekina aron kaokorona i aon Tieraemra ke n aia kaawa ngkana a bane ni maeuakina te tua anne aomata.
3. Kaakarabakaua mwaitiia aomata ae korakora ake a kamaunananakoaki. Kabotaua ma te kaawa ae 230,000 mwaitini kaaina ake a bane ni kamateaki ao ti uangaun ma aman aika aomata aika maiu.
4. Manga rinanon taian kakabwaia ma ataei aika a reke i roura ibukin korakoran ana onimaki Moomon, ao ninikoriana ni kookoaua ni mwiokoana. Karin mwakoron kiibu n taeka aikai:
 - E karaoa te katootoo ni kaotaa nakoira bwa ti na kanga n teimatoa n te onimaki ngkana ti otabwaniniaki n te buakaka.
 - E koroi rongorongoia ana aomata.
 - E kakimototoi rongorongoia i Nibwaite.
 - E koroi reeta nakon natina, ae Moronaai, are e anganiira taeka n reirei aika iai te wanawana iai.
 - Ti na kangaa ni kaota ara kaaitau ibukin taian rekooti aika tabu aikai?
5. Anenea ke wareka taikan te anene ae “I Feel My Savior’s Love” (*Children’s Songbook*, iteraniba 74), “I Will Follow God’s Plan” (*Children’s Songbook*, iteraniba 164), ke “Choose the Right” (*Hymns*, nambwa 239).

Kabaneana

Te Kaoti Koau	Kaota am koaua ibukin Ana Boki Moomon ao e na kangaa ni konaa ni buokiira ni kateimatoaira n te kokoaua nakon Iesu Kristo e ngae ngke ti otawwaniniaki n te buakaka.
Te Wareware n te Mweenga ae	Baireia bwa a na reiakina Moomon 1:1–7, 13–19 ataei ni mweengaia kaanga manga rinanoan te reirei aei.
Katautauaki	Kaoa te ataei temanna bwa e na kaira te tataro ni kainiin.

A Kairaki i laretaite Nakon te Aba ni Berita

Reirei
40

Te Kaantaninga Te kaungaia ataei nakon ukoukoran ana kairi te Tamnei ae Raioroi rinanon maiuia.

- Te Katauraoi**
1. Tataro mwaaka n reiakina Ita 1:1–4, 33–43; ao Karikan Bwaai 11:1–9. I mwiina ao reiakina te reirei ao iangoia bwa ko na kangaa n reireiniia ataei rongorongan Taeka aika Tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
 2. Rinei titiraki ibukin te kaakarabakau ao mwakuri ibukin karakaan te atatai are na katabeia ataei man rang ni buokiia nakon karekean te bwai ae kaantaningaaki ma n te reirei.
 3. “Korea te mwakoro ni kibu n taeka ae kangai, “Teirake, minotaki, ao tekateka n aki karongoa” iaon te mwakoro ni beeба. I mwiina kamanenai aeka n taetae tabeua aika i nano, karaoi kaobiin mwakoron kibu n taeka aika tau mwaitia ibukin aekan taetaen taabo tabeua.
Tiaman: Steh auf, dreh dich um, und sitz still.
Itare : Allzati, rirati, siediti, e stai tranquillo.
Teimwake: Rejs ddig op, vend dig omkring, sae dig stille ned.
Twiten: Stalla upp, vband dig omkring, sattt dig stilla ned.
Buranti: Leve-toi, tourneptoi, et assieds-toi transquillemente!
Botukare: Levante-se, vire-se, e sente-se slenciosamente!
Tibeen: Ponte de per, date una vuelta, y sientate en silencio.
 4. Bwain reirei aika kainnanoaki:
 - a. Ana Booki Moomon ibukiia ataei n tatabemaniia.
 - b. Te Baibara.
 - c. Tamnei 4–44, Maben te Aonnaaba; 4–52, E Nora Taboni Bain te Uea Tarin lareta (Ataakin te Euangkerio 318; 62478); 4–53, Aia Raita ke ebaeba laretaite; ao 4–9, Iesu Kristo (Ataakin te Euangkerio 240; 62572).

Aron Kairan te Reirei ae Katautauaki

Mwakuri ni Kakukurei ibukin Kairan te Kakaongo

Kaoa te ataei temanna bwa e na kaira te tataro ni kakuuki.

Anganiia ataei n tatabemaniia nako taian beeба ake a koreaki i aoia kibu n taeka aika “Teirake, minotaki, ao tekateka n aki karongoaa” are e koreaki i aona teuana mai buakon aeka n taetae aika mwaiti. Titirakinia kain te reirei bwa a na iri kaetieti ake a koreaki iaon aia beeба.

- Bukin tera ngkai kam aki konaa n iiri kaetieti?

Karakina rongorongan te Taua are Bwabera man Karikan Bwaai 11:1–9.

	<ul style="list-style-type: none"> • Kanga tera ae e na reke ngkana ko aki konaa n ataaia aomata ake irarikim? Kabwarabwara bwa n te bong aei ao a na reirei taekaia kain te utuu are maeka ngkua n tain te Taua are Bwabera.
Rongorongo man Taeka aika Tabu	Kamanenaa te tamnei n te tai ae riai, reireiniia ataei te rongorongo man Ita 1–3 ao 6:1–13 are rongorongoia laretaite ngke a kairaki nakon te Aba ni Berita. (Ibukin kawai n anga reirei aika a tia ni baireaki ibukin reakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang ni buokiia ataei n oota raoi n taeka aika tabu ao ni kamanenai reirei i nanon maiuia. Warekan kuubu ma ataein te reirei e na konaa ni bokiia nakon karekean aia atatai n taeka aika tabu.</p> <ul style="list-style-type: none"> • Antai laretaite? (Ita 1:33.) Bukin tera ngkai e aki kamangaoa aia taetae? (Ita 1:34–37.) • Tera are e butiia te Tama are i Karawa tarin lareta. (Ita 1:38.) • Tera te katauraoi are a karaoia laretaite ibukin mwanangaia (Ita 1:41; 2:2–3; 6:4.) • Tera nanon te taeka ae deseret? (Ita 2:3.) • E kangaa te Tama are i Karawa ao lesu Kristo ni kairiia laretaite i aoni mwanangaia nako taari? (Ita 2:4–6.) Ti na kangaa ni karekeana ana kairiiri te Atua nakon maiura? (Te kaeka nakon te tataro, rinanon te Tamnei ae Raoiroi, rinanoia burabeti, ao taan kairiiri tabeman, rinanon taeka aika tabu.) • Bukin tera ngkai a kairaki laretaite nakon te aba ae rineaki aei? (Ita 1:42–43.) • Bukin tera ngkai e aki kukurei te Uea i roun tarin lareta? (Ita 2:14.) Tera ae e karaoia tarin lareta ngke e tuangaki ana kaairua tarin lareta i roun te Uea? (Ita 2:15.) Kabwarabwaraa bwa nanon te <i>reireinaki</i> bon te tuangaki bwa ko a karaoa te bwai ae kaairua n te aro are ko na ataaia bwa tera te bwa ae eeti. • I mwiina ngke a kaan tia taian raita ke ebaeba, baikara kaangaanga are e kainnanaoa buokina iai tarin lareta? (Ita 2:19.) Tera te bwai ae kaantaningaa iai tarin lareta te Uea bwa e na karaoia ibukin karekean tauran te raita i mwaain are e tuangnga buokana? (Ita 2:23, 25; 3:1.) Tera te bwai ae ti konaa n reireira iai man ana rabakau tarin lareta ibukin buokan katokan oin ara kaangaanga? • Ibukin ana onimaki ae korakora i roun lesu Kristo, tera ae karaoia tarin lareta ibukin karekean tauran nanon te raita? ke te ebaeba? (Ita 3:1, 4–5.) E kangaa lesu Kristo ni buokia? (Ita 3:6.) Ti na kangaa n kamwakura ara onimaki i nanon lesu Kristo? • Tera ae nooria tarin lareta ngke a ura atiibu bwa taura? (Ita 3:6–8.) Bukin tera ngkai e kona tarin lareta n noora lesu Kristo? (Ita 3:9–15.) Tera ae ataaia tarin Tieraate n aron rabwatan lesu Kristo? (Ita 3:6, 15–17.) Buokiia ataei bwa a na ataaia bwa tarin lareta e noora rabwatan lesu Kristo n tamnei are e taraa n ti te arona ma rabwatana i aon te aba are e karekeia ngke e roko i aon te aba. • Baikara kaangaanga ake a katara mangaai laretaite ngke a rinuukan marawa? E kanga te Uea ni buokiia? Tera ae a karaoia laretaite? (Ita 6:5–9.)

- Tera ae a karaoria laretaite n te tai ae waetata ngke a waerake nakon on biken te aba ni berita? (Ita 6:12–13.) Baikara kakabwaia aika ko kaitau ibukiia? Ti na kanga ni kaotia nakon Tama are i Karawa n ae ti rang ni kaaitau ibukin kakabwaia nakoira?

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri aikai n te tai n aki akaaka i nanon tain te reirei ke kaanga manga rinanoan te reirei, kakimototoan te reirei, ke te kataaki n titiraki.

1. Kaoti bwaai tabeua ke tamnein bwaai tabeua n aron te mabe, te kambwati, ao tabeua riki. Kariaia ataei bwa a na kaakarabakauakinna bwa a kanga bwaai aikai n tatabeua ni buokiira ni kairi kawaira. Kaota tamnei lesu Kristo ao kaakarabakauakinna bwa ti kangaa ni karekea ana kairiiri te tamnei inanon maiura.
2. Manga rinanon ao kaakarabakauakina te kaaua ni koroboki n taikan te onimaki. Kanimwa tamnein lesu Kristo [i aon te buarakibooti] ao titirakinii ataei bwa bukin tera ngkai a i angoa te onimaki i nanon lesu Kristo bwa te moa n tua n te euangkerio. Kaakarabakauakinna bwa bukin tera ngkai ti riai ni karekea te onimaki i mwaain are ti na konaa n rairinanora, ni bwabetitoaki, ao ni karekea te Tamnei ae Raoiroi. Kariaia ataei bwa a anga katootoo tabeua bwa e kangaa onimakin lesu Kristo ni katamaroai ara mwakuri ao kateira. Kaatuua taekinan te mwaaka ae korakora are e na kona riki bwa ara bwai ngkana ti karikirakea ara onimakinana i roura.
3. Ni kamanenaan te burakibooti ke boutita, karaoi tikuea aika tenuua rain aika a tiki riuuka ao tenua aika tiki rikaaki. Tibwaia ataei i nanon uoua te kurubu, te kurubu teuana e kabonganaa te x ao teuana e kabongan te o. Ngkana e eeti kaakan te titiraki are ko titiraki iai, e kona te kurubu anne n rineia bwa e na kaaki iaa te x ke te o. Te kaantaninga bwa a na karekeaki taian x ke taian o n te rinan teuana. Ngkana e aki kaekaaki te titiraki teuana, e konaa te tiim are kaitaraa te tiim anne n reke ana tai ni kaekaa te titiraki are e aki kaekaaki anne. (Okira reirei 18 ibukin te kaetieti. A riai titiraki aikai ni manga rinanoaki ibukiia laretaite (ko na kainnanoa karinan bwaai tabeua):

Iraua atiibu ake a katukaki i nanon te raita teuana? (Uoua.)

Maanra aia tai lareta, tarina, ao aia utuu ao raoraoia n rinanon marawa? (E kaan teuana te ririki.)

Tera aran te taua are a kateia aomata ake a bubuaka? (Te Taua ae Bwabera.)

Bukin tera tarin lareta ngkai e katauraoi tebwi ma onoua atiibu aika uarereke? (Karekean te oota ibukin mwanangaia.)

E kangaa lesu Kristo ni kaurai atiibu akekei n tatabeua nako? (Man mwaakana ngke e riing atiibu n tabon baina.)

4. Anenea ke wareka taikan te anene ae “I Need My Heavenly Father” (*Children’s Songbook*, iteraniba 18), ke “Ngai Natin te Atua” (*Children’s Songbook*, iteraniba 54).

Kabaneana

Te Kaoti Koau	Kaota am koaua bwa a konaa ataei n tatabemaniia nako ni karekea ana kairi te Tamnei ae Raioroi ngkana konaa n tau aron maiuia ni karekea te Tamnei i nanon maiuia.
Te Wareware n te Mweenga ae Katautauaki	Baireia bwa ana reiakina Ita 3:6–16 ataei ni mweengaia bwa manga rinanoan te reirei aei. Kaoa te ataei temanna bwa e na kaira te tataro ni kainiin.

Arawa ni Kan ongo nakoia Burabeti laretaite

Reirei
41

Te Kaantaninga

Te buokiia ataei n tatabemaniia nako bwa a na tangiria ni kan tokanikai i aon te buakaka i nanon maiuna n aine ke ni mwaane man rineakin te kan ongora ao te ongotaeka i rouia burabeti.

Te Katauraoi

1. Tataro mwaaka n reiakina Ita 2:10–12; 11:1–5; 12:1–5; 13:13–22; 14:1–2, 21; 15:1–6, 18–34; ao Omni 1:20–21. I mwiina ao reiakina te reirei ao i angoa bwa ko na kanga n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te kaakarabakau ao mwakuri ibukin karakaan te atatai are a katabeia ataei man rangi ni buokiia nakon karekean te kaataninga n te reirei.
3. Bwain reirei aika kainnanoaki:
 - a. Ana Boki Moomon ibukiia ataei n tatabemaniia.
 - b. Tamnei 4–54, E koroi rongorongoia laretaite Ita.

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakuongo

Kaoa te ataei temanna bwa e na kaira te tataro ni kaukuuki.

Titiraki n titiraki aika ti te arona aikai:

- Tera te bwai ae na riki ngkana ko rinea bwa ko na karina te biin inanon te bwaruun ke te katibu ae bane tibuna?
- Tera ae na riki ngkana a rinea kain am utuu bwa a toki man tetebokan te aroka ni mweengam?
- Tera ae na riki ngkana ko rinea bwa ko na katairaa man aki tau am tai ni matuu?

Kabwarabwaraa nakoia ataei bwa iai mwiin aia rinerine ni kabane. Te bwai ae riki man te mwakuri bon mwiin te rinerine are ti a tia ni karaoaki. A reireira Taeka aika tabu ao ara burabeti mwiin ara rinerine ibukina bwa Tama are i Karawa e tangiriira bwa ti na karaoi ara rinerine aika raoiroi. Te reirei ae e taekinaki iai aroia laretaite ao te burabeti ae Ita. E tuangiia laretaite Ita bwa ngkana aki rinea te kan rairi nanoia, ao mwiin aia rinerine a na kamaunaaki aomata ni kabane.

Rongorongo man
Taeka aika Tabu

Reireiniia ataei rongorongan kamaunakiia laretaite man taeka aika tabu ake a karinanaki n ana itera te “Katauraoi.” (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.) Taekinna bwa burabeti a reireiia aomata

bwa a na onimakina Iesu Kristo, ao man rairi nanoia ma ibukina bwa a rawa aomata ao tiringiia burabeti, ao ngaia are n tokina ao a kamaunaaki te bootanaomata ae i laretaite are e a tia n reke i rouia te oota. Kamanena te tamnei n te tai ae bon riai.

Kamanenaan
Titiraki n te
Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.

- Tera te riniriiae? (Te konaa n rinerine.) Bukin tera ngkai e anganiira te konaa n rinerine Tama are i Karawa? Buokiia ataei bwa na ataia bwa ti rikirake ao reireiniira ngkana ti karaoi taian rinerine. E ataia Tama are i Karawa bwa imanonoara bwa ti na karaoi bwaai e na aki buokiira ni karikiira n ai arona.
- Tera ae a karaoia i laretaite nakoia burabeti ake a taetae ni burabetiia taekan kamaunananakoia? (Ita 11:1–5.) Tera ae a konaa n tia ni karaoia i laretaite n tuuka kamaunananakoia? Kabwarabwaraa bwa ti konaa n rinea n taainako n rairi nanora ao n tuuka rikin bwaai i mwiin te bure ae reitinako karaoana.
- Antai Koriantam? (Ita 12:1.) Antai Ita? (Ita 12:2.) Tera ae taekinna Ita nakoia i laretaite? (Ita 12:3–4.)
- A kangaa aroia aomata nakon ana reirei Ita? (Ita 13:13.) E karaba iaa Ita? (Ita 13:14.) Tera ae karaoia ngke e mena n te bwanganimatang? Bukin tera ngkai ko taku bwa tabeman aomata a rawa n ongo nakoia burabeti?
- Tera are e kaira iai Ita lesu Kristo bwa e na taekinna nakon Koriantam? (Ita 13:20–21. A kangaa Koriantam ao i laretaite ni kaeka nakon Ita? (Ita 13:22.)
- Tera te maraia are e roko nako aon te aba ibukin aia buakaka aomata? (Ita 14:1–2, 21; 15:2.) Tera am iango n aron te maiu ma taian kangaanga aikai?
- Baikara bwaai aika a na riki i mwiin kamanenaan ara rinerine ni karaoan te rinerine ae eeti? Tuangiia ataei bwa na anga te katootoo ibukin te rinerine ae eeti ao mwiina. Baikara mwiin ara rinerine ngkana ti karaoa te rinerine ae kaairua? Anga katootoo ibukin taian rinerine aika kaairua ma mwiia.
- Tera are koroia Koriantam n te reta nakon Tiiti, ae te tia kairiiri n te taanga ni buaka ae kakaitara? (15:4.) Tera ana kaeka Tiiti? (Ita 15:5.) E kanga aroia ana aomata Koriantam nakoia ana aomata Tiiti? (Ita 15:6.)
- Bukin tera ngkai a teimatoa aomata ni buaka? (Ita 15:18–19.) Tera ae n tia n riki ngke a tia i laretaite n ongotaeka nakon te burabeti ae Ita? (Ita 13:20.)
- Antai taani buaka aika uoman mairouia i laretaite ake bon kabane ngaia? (Ita 15:29.) Antai are e reke maiuna? (Ita 15:30–32.) Antai are kunea Koriantam? (Omni 1:20–21.) Tera ae karaoia te burabeti ae Ita nakon te rekoote are koroia ibukiia i laretaite? (Ita 15:33.) Tera ana kabanea ni koaua Ita? (Ita 15:34.) Tera te tia ae moan te kakawaki ni maiura?
- E na kangaa am iango ae ko na namakinna ngke ngkoe Ita ao ko nooriiia aomata ni kamaunananakoaki ibukin aia aki ongotaeka?

- Tera ae konaa i laretaite n tia ni karaoria n tuuka te aro ni kananokawaki aei? E na kanga ni konaa rinean te ongotaeka i rouia burabeti ni buokiira ni boong aikai? Baikara aia reirei tabeua burabeti aika maiu ni boong aikai? Baikara kakabwaia aika reke ngkana ti ongo nakon aia taeka n reirei?

Ko konaa ni kamanenai mwakuri ibukin karakaan te atatai 3 bwa manga rinanoan te reirei aei.

Mwakuri ibukin Karakaan te Atatai


Ko konaa ni kamanenaa teuana ke e raka riki man mwakuri aikai n te tai n aki akaaka i nanon tain te reirei, ke manga rinanoan te reirei, kakimototoan te reirei, ke te kataaki n titiraki.

1. Taekina te rongorongo mairouia te Moan ni Karinan ni Beretitenti ao aia Kooram Kain te Katengaun ma Uoman n Abotoro n te maungatabu ae a tibwa tia n nako are e konaa ni kamanenaaki nakoia ataei n am kiraati. Titirakinia ataei bwa a na kangaa n ongotaeka nakoia burabeti aika maiu ao koroi aia iango i aon te burakibooti. Kariaia ataei bwa a na rinea teuana te kawai are a na konaa iai n ongo nakon aia taeka burabeti inanon te wiiki ae e na roko.
2. I mwaain waakin te reirei, koroi reeta ibukin te taeka ae *te ongotaeka* iaon mwakoro ni beebea aika okoro, ao karabai n taabo nako i nanon te umwa-n-reirei. Kabwarabwaraa nakoia ataei bwa ko a tia ni karabai reeta tabeua. Aanga kawai tabeua ibukin kakaeen reeta n tatabeua nako. Ngkana a tia ni kuneaki reeta ao kawenei iaon te timanti ke katekei i aon te burakibooti ni kanimwi reeta ni nneia ibukin te taeka ae *te ongotaeka*. Titirakinia bwa a kanga ni kunei reeta ni kabane. Reireiniia ataei bwa Tama are i Karawa e tangiriira bwa ti na rinea te ongotaeka. Ataakin te ongotaeka bon ngaia oin bukin menara ikai i aon te aonnaaba. Te Tama are i Karawa e tangiriira bwa ti kamanenai ara konaa n rinerine ao n rinea te ongotaeka nakon aia taeka n reirei taani kairiiri n te Ekaretia. Titirakinia ataei bwa tera aia iango n te bwai ae moan te kakawaki ae a konaa ni karaoria bwa aonga ni kukurei. Manga okiri riki reeta ake a kabwanina te taeka ae *te ongotaeka*. Taekinna bwa Tama are i Karawa e tuangiira n taeka aika tabu ao rinanoia ana tia kairiiri n te Ekaretia bwa tera ae tangiria bwa ti na karaoria. Ngkana ti kamanenaa ara konaa n rinerine n ongotaeka ao ni karaoa ae e taekinna, e na buokiira ni konaa ni kunea te kukurei.
3. Karaoi beebantaeka ibukin taeka aikai:

Te Raoiroi
Kakabwaia
Te Kaubwai
Te Kamoamoa
Te Buakaka
Te Karawaawataaki ke te kamaunaaki
Te Nanorinano
Te Rairannano

Kabwarabwaraa bwa rinanon rongorongoia aomata ngke a tia aomata n raoiroi, e a tia te Tama are i Karawa ni kakabwaiaia n te kaubwai. Ma te kaubwai aei e konaa ni kairiira nakon te kamoamoa ao te buakaka n te aro ae aki raoiroi ao n taai tabetai bon te kamaunaaki.

Kabwarabwaraa bwa aio te bwai are e riki nakoia i laretaite. N te moantai bon aomata ngaiia aika raoiroi ma ao man kakabwaiaaki ao man kaubwai. (Korea te mronron ae bubura i aon te burakibooti, ao karekeia ataei aika a na kanimui aia beebantaeka ibukin "Te Raoiroi," "Kakabwaia," ao "Te Kaubwai" n aia tabo aika a riai ni mena iai iaon te mronron [taraa te kamataata aei].) I mwiina ao a riki ni buakaka aomata n te aro are a bane ni kamaunaaki. (Karekeia ataei aika a na kanimwii aia beebantaeka ibukin "Te Kamoamoa," "Te Buakaka," ao "Te Karawawataaki ke te kamaunaaki," n aia tabo ake a riai n mena iai i aon te mronron.) Kabwarabwaraa bwa ngke arona bwa a tia n kananorinanoia i laretaite ao man rairi nanoia i mwain kamaunaaia, a tia ni konaa n oki ni kakukureia n taian kakabwaia ake a na reke man te maiu ae raoiroi. Karekeia ataei aika a na kanimui aia beebantaeka ibukin "Te Nanorinano," "Ao te Rairannano" n te tabo ae riai i aon te mronron.) Kabwarabwaraa bwa raunin te maiu aei e aki toki n ririki i nanon maiura n aomata ao ai arona naba n rongorongan taabo nako.



4. Kariaia ataei bwa a na karaoi oin aia kaobi man raunin te rongorongo bwa a na uoti nakon mweengaia ao man tabwauai ma kaain ai utuu a riai ataei ni karaoi raunin maiuia n te aro ae e na rang kaeti nakon maiuia n aomata ni karin iai bwaai n ai aron "te ongora nakoia burabeti," "te ongeaaba nakoia au karo," "tataro ni katoabong," "kaotiotan te kaaitau," "te mwakuri ni buokiia tabeman", ao tabeua riki.
- 5 Anenea ke wareka taekan te anene ae: "Follow the Prophet" (*Children's Songbook*, iteraniba 110), "Keep the Commandments", (*Children's Songbook*, iteraniba 146), ke "We'll Bring the World His Truth" (*Children's Songbook*, iteraniba 172).

Kabaneana

Te Kaoti Koau	Kakoaua bwa ngkana ti rinea te kakauongo nakon ao te ongotaeka nakoia ana burabeti Tama are i Karawa ti na kakabwaiaaki ma ni konaa n tokanikai iaon te buakaka.
Te Wareware n te Mweenga ae Katautauaki	Baireia bwa a na reiakina Ita 13:13–22 ao 15:33–34 ni mweengaia ataei bwa manga rinanoan te reirei aei.
	Kaoa te ataei temanna bwa e na kaira te tataro ni kainiin.

Te Kanoa ni katauraoan te Reirei Ibukin te nakoanibonga ae te boki ae arana “Te Nakoanibonga e na Kakabwaiai Maiura,” bon reitan te boki ae Moanrinan 4 ibukin 1996 ao Moanrinan 5 ibukin 1997. Te reirei aei ena buokii taan reirei ibukiia ataei aika uarereke aika 11 te ririki ao ni katauraoia ataeinimane nakon te nakoanibonga ao ataeinaine bwa a na matataraoi ma n ataa bonganan te nakoanibonga inanon aia tai ni maiu.

Te Reirei aei e na kabonganaki irouia taan reireinia ataei aika 11 te ririki bwa ana atatairaoi mane ngkana riki bwa te rikan ao aine ngkana a mwaewerake nakon te roro n Ataeinaine. Anga te reirei aio imain koron 12 ana ririki te ataei, ni katoa ririki ni karokoa te tai are e atia ni karinaki te reirei aio inanon te boki n reirei ibukiia ataei. Tataro bwa ena kairiko te Uea inanon am tai ni katauraoi ao n anga reirei bwa aonga ni matataraoi ao man atairaoi waakin te nakoanibonga, mani kona ni kakabaiaki ni mauia, mani kona ni kakoroi raoi mwiokoia ao ni karinea te nakoanibonga

Te Kaantaninga

Te buokiia ataei bwa na tangira rinean te raoiroi man te buakaka bwa aonga ni kakabwaiaaki n te tangira ni koaua, ae ana tangira ae e itiaki lesu Kristo.

Te Katauraoi

1. Tataro mwaaka n reiakina Moomon 8:2–6 ao Moronaai 1, 7–8. I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraaoan Am Reirei,” iteraniba vi, ao te “Te anga Reirei man Taeka aika Tabu”, iteraniba vii.)
2. Rinei titiraki ibukin te kaakarabakau ao mwakuri ibukin karakaan are e na katabeia ataei man rangi ni buokiia nakon karekean te bwai ae kaantaninga ma n te reirei.
3. Bwain Reirei aika Kainnanoaki:
 - a. Ana Boki Moomon ibukiia ataei ni kabane.
 - b. Tamnei 4–51, E Kaboo Moomon Nakon Te Aonaba (Ataakin te Euangkerio 319; 62043).

**Aron Kairan
te Reirei ae
Katautauaki**

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Kaota Tamnein Moomon ngke e Kaboo nakon te aba ae Kakannato n Tetaina ao titirakinia ataei bwa antai mwaane ake i nanon tetamnei akekei?

Kabwarabwaraa bwa e anga mwakoron taian rekooti Moomon nakon natina ae Moronaai bwa e na otangaia mairouia i Reimwanaite ao man kariaia Moronaai bwa e na kabwanina te mwakauri i aon te rongorongo. Kariaia ataei bwa a na wareka ana koroboki Moronaai man Moomon 8:2–5.

Buokiia ataei bwa na iangoia ni katautaua bwa maanra a na tai Moronaai ni kakaea n ti ngaia te kabanea n ririki ni buaka i rouia i Nibwaite iaon te baan te boki mai nano i nanon Moomon 6. I mwiina ao kariaia ataei bwa a na anaa bongin te namwakaina man maitin ririki aika koreaki i aon te kabanea ni iteraniba n ana Boki Moomon 10. (421–385 = 36 ririki.)

Titirakinia ataei bwa maanra aia tai n tiku n ti ngaiia. Buokiia katautaua bwa a na aekakira arona ngkana a tiku n ti ngaiia i nanon tenibui te ririki.

Kabwarabwaraa bwa e a tia Moronaai ni maiu rinanon kaangaanga aika mwaiti ni kabobongai raoi buatua koora n te aro are a na konaa n roko i nanon rooro aika i mwaia n aia aron Ana Boki Moomon ao ni buokiira n riki kaanga ai aron lesu Kristo.

Ko na konaa ni kabonganaa te Makuri ibukin Karakaan te Atatai 1 bwa te mwakuri ibukin kairan te kakaauongo.

Rongorongo man Taeka aika Tabu	Reireiniia ataei rongorongan Maekan Moronaai n ti ngaia n te rereua ao man koroi ana taeka Tamana i aon taian buatua, n aron are e taekinaki ni Moomon 8:2–6 ao Moronaai 1, 7–8. (Ibukin kawai n anga reirei aika a tia ni baireaki n taeka aika tabu, taraa te “Te anga Reirei man Taeka aika Tabu” iteraniba vii.)
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang ni buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataein te reirei e konaa ni buokiia nakon karekean aia atatai n taeka aika tabu.</p> <ul style="list-style-type: none"> • N ikotaki nakon kabanean ana rekootre Nibwaai, e koroboki naba Moronaai ni korea te rongorongo ae kimototo ibukin te botanaomata ae ataa te riai ma te katei. Antai aomata akanne? (Moronaai 1:1.) • E kangaa ana namakin Moronaai ibukin lesu Kristo? (Moronaai 1:2–3.) Tao ko na kan kaota am koaua ibukin lesu Kristo. E na kanga ni konaa taekinan am kakoaua ibukin lesu Kristo ni buokiira n rinea te eeti? • Tera are koroia Moronaai ibukin karoan ae raoiroi? (Moronaai 7:6–8.) Bukin tera ngkai e kakawaki karoan mwakuri n akoi ma te aroaro ae riai? Baikara bwaintituaraoi tabeua ake ti tuangaki bwa ti na aanga ngkai kain ana Ekaretia lesu Kristo ngaira? (Te Mwakuri ni ibuobuoki, te tangira, te ongotaeka, te angabwai n aki mamamatam.) • Tera ae koroia Moronaai ibukin arora n tataro? (Moronaai 7:9.) Tera ae ti na karoia bwa e aonga ni koaua raoi riki ara tataro? • Tera te tamanei are ti anganaki ni kabane bwa e na buokiira ni motiki taeka imarenan te raoiroi ao te buakaka? (Moronaai 7:15–18. Kabwarabwaraa bwa ootan Kristo e aki toki n taekinaki bwa mataniwiin nanon te aomata.) Baikara buoka tabeua are e kanakoi Tama are i Karawa nakoira ngke ti bwabetitoaaki? (Ana Bwaintituaraoi te Tamnei ae Raoiroi.) Ti na kangaa ni kamanenaa te rabakau aei ni karaoi iai babaire nako? (Taraa Mwakuri ni Kakukurei ni Karaka 2.) • Tera ae koreia Moomon ibukin ana tangira lesu Kristo ae e itiaki? (Moronaai 7:45, 47. Taraa mwakuri ibukin karakaan te atatai 3 ao 4.) Bukin tera ngkai e kakawaki bwa e na reke i roura ana tangira lesu Kristo ae itiaki? (Moronaai 10:21.) • Tera ae ti konaa ni karaoia bwa ti aonga ni konaa ni karekea ana tangira Kristo ae itiaki? (Moronaai 7:48.) Baikara kakabwaia ake a taetae ni beritaaki nakoira ngkana e reke i roura ana tangira Kristo ae itiaki? • Tera ae koroia Moronaai ibukin bwabetitoaia ataei? (Moronaai 8:8–10.) Tera ae nanonaki n te mwiokoaki? (Te konaa n kinaa te raoiroi ao te buakaka ao te konaa ni mwiokoaki ibukin ara rineine.) N te roro raa are ti a konaa iai ni bukinaki ke ni mwiokoaki n ara mwakuri ake ti karaoi. (Wanuua te ririki; taraa T&B 68:25, 27.) • E kangaa am iango n aron te kaokoro ae riai n reke n rongorongoia i Nibwaite ao i laretaite ngke a kamanenaa te reirei ibukin ana tangira Kristo ni koaua ae itiaki i nanon maiuia?

Mwakuri ibukin

Karakaan te Atatai

Ko konaa ni kamanenaa teuana ke e raka riki man taian mwakuri aikai n te tai n aki akaaka i nanon tain te reirei, ke manga rinanoan te reirei, kakimototoan te reirei, ke te kataaki n titiraki.

1. Ko na tangira te mwakoro n tiin ao te neera ibukin te mwakuri aei. (Bonotan matan te kaen ae bubura e konaa ni kamanenaaki n onea mwiin te mwakoro n tiin. Rabunii n teibi mwataniwiina ake a kakanga.) Kariaia ataei bwa a na ikaruoruo ni karekea aia tai ni kamanenaa te neera ni kaakara te mwakoro n tiin ni korea teuana ke uoua te reta ibukin taeka aikai: “*Ngkai Ngai, ae Moronaai . . .* Kaota am kaitau ibukiia taan kawakin rekooti n Ana Boki Moomon, ake a koroi ana Taeka te Atua iaon buatua aika biiti ke burati.
2. Kamanenai baikai ke katootoon rinerine aika ti te aekana ae kaeti nakon am kiraati. Kariaia ataei bwa a na kamanenaa Moronaai 7:16 ni buokiia n ae raoiroi man ae buakaka.

Ko takakaro n te butibooro ma raoraom ngke e a ti kan iiri naba te ataei ae babanga ni butibooro. A tuangko raraom bwa ngkana e kaaina te tiim n te takaakaro te ataei aei ao ko na konaaki n te takakaro. Ko na iangoa kataetaean te ataei bwa e na aki takaakaro ma ngkoe. Titirakiniko i bon i roum, “E kangaa te rinerine aei, e kaoai nakon karaohan ae raoiroi ao kakoauaan lesu Kristo ke aki?”

Ko matakau n te wirio ae e kaotaki iai tamnein te bwai ae buakaka inanon ti tabeua te tekan. Ko maamaa n te aro are e aki reke kitanakin te tamnei iroum. Titirakiniko i bon i roum, “E koaua bwa te matakau n te tamnei aei e kaoai nakon karaohan ae raoiroi ao kakoauaan lesu Kristo?

Ko mena n te titooa ngke e karaoa te kaairua te kiraaka ao e aki anaa te boo ae eeti mairoum ibukin te bwai are ko kabooa. Ko ataia bwa boon te bwai are ko anaia e raka riki nakon te boo are ko anganaki, ma e bure mwakuriana i roun te kiraaka. Titirakiniko i bon i roum. “E koaua bwa e kairai kabwakaan te boo ae kairua nakon karaohan ae raoiroi ao kakoauaan lesu Kristo?”

E tuangko am bitiobi bwa ko na wareka Ana Boki Moomon ni katoa bong. N taai tabetai taeka n taeka aika tabu a matoatoa ataakin nanoia iroum. Titirakiniko i bon i roum, “E koaua bwa warekan taeka aika tabu ni katoa bong e buokai nakon karaohan ae raoiroi ao ni kaungaai nakon kakoauaan lesu Kristo?”

3. Kabwarabwaraa aron te tangira ae itiaki n aron ae e konaa ni kuneaki ni Moronaai 7:45 ni kamanenai taeka aika a oota iai ataei. Ko konaa ni kariaia ataei bwa a na katoatoai ana kabwarabwara Moomon ao am kabwarabwara.
E taotaona nanona te tangira ae itiaki: E taotaona nanona
E akoi: Aki kakamwarua ke tatauti, tatangira
E aki bakantang: E aki nanonibui ke kookoo
E aki kainikatonga: E nanorinano, aki kamoamoa
E aki iriira nanona: E aki tatauanibwai
E aki kai un: E waeremwe n un, e waeteta ni kabwarabure
E aki iangoa te buakaka: E mwimwiokoaki, e taatara te raoiroi

E aki kukurei n te bure ma e kimwaareirei n te koaua: E kokoaua
 E taotaona nanona nakon bwaai ni kabane: E ongeaaba
 E kakoauai bwaai ni kabane: E kakaonimaki
 E kaantaningai bwaai ni kabane: E kaantaningai baika raraoi, e
 onimakinaki
 E nanomaaka ni bwaai ni kabane: E taotaonannano, e nanomatoa

4. Iai i roun Moronaai ana tangira Kristo ae itiaki. Buokiia ataei bwa a na kakaei katootoongan ana tangira ae itiaki Moronaai ke ni kamanenai katootoo aikai ngkana ko karakina karakinan Moronaai.

E taotaona nanona: E maeka Moronaai n ti ngaia i nanon te ririki ae raka nakon tenibwi ma onoua ma ni kawakin taian rekooti ma te taotaonaki n nano. (Moomon 8:5.)

E akoi: E tataro ibukira Moronaai, ao e tangiriia tarina. (Ita 12:36, 38.)

E aki bakantang: E noora ara bong aikai Moronaai ao e reireiniira bwa ti na aki bakantang ke ni kamoamoa.

E aki kainikatonga: E nanorinano Moronaai ibukin buakakan ana koroboki. (Ita 12:23–25.)

E aki iriira oin nanona: E aki mwakuri man tataro i bon ti ibukina Moronaai ma e mwakuri man tataro ibukira ni kabane n te aro are ti aonga ni karekewanawanan Kristo. (Moomon 9:36; Ita 12:41.)

E aki kai un: E kakabwarai aia bure ana kairiribai Moronaai ao e mwakuri mwaaka ni koroi bwaai ake e taku bwa manena ma ni boongana nakoia. (Moronaai 1:4.)

E aki iangoa te buakaka: E kaungaira Moronaai bwa ti na taua te raoiroi ao n aki riinga te buakaka. (Moronaai 10:30.)

E kimwareirei n te koaua: E kookoaua Moronaai. (Moronaai 10:27.)

E kekeiaki ni bwaai ni kabane: Ibukina bwa e aki konaa Moronaai ni kaakea lesu Kristo, e a tia n tiotio nako n ti ngaia ibukin kamaiuana. (Moronaai 1:2–3.)

E kakoauai bwaai ni kabane: E kaungai nanora Moronaai bwa ti na kokoaua ke n onimakina lesu Kristo. (Moomon 9:21.) E rang ni korakora ana onimaki Moronaai n te aro are e konaa iai n itaramata ma Kristo. (Ita 12:39.)

E kaantaningai bwaai ni kabane: E ataa kakawakin te kaantaninga Moronaai. (Ita 12:32.)

E nanomwaaka ni bwaai ni kabane: E kakaonimaki Moronaai ni karokoa te toki. (Moronaai 10:34.)

5. E reke ana reta Moronaai mairoun tamana ngke e moani weteaki nakon te mwakuri ni mitinare. E kaota ana tangira, kukureina ao tabetaben nanona iroun natina, Moomon bwa kaanga mwakoron kanoan te reta (taraa Moronaai 8:2–3). I mwain waakin te reirei ao kariaia kaaro ke ana koraki te ataei ae a ikawai ke raoraoia ataei n tatabemania bwa a na korea aia reta ni kaota aia tangira ao aia kaaitau. Anganiia ataei aia reta ngke ko tabe ni

kabwarabwaraa te tangira are e reke iroun Moomon ibukin natina ae Moronaai. Taekinna bwa e rangi ni kakawaki te reta aei i roun Moronaai; e uouotia i rouna ngke e birinako mairouia ana kairiribai. Kaota am iango nakoia ataei bwa na kawakina aia reta bwa kaanga te kauring nakon kateimatoan karaoan te raoiroi are e na kakukureia aia karo ao te Uea.

6. Manga rinanon te katebwi ma aua ni kibu man taikan te onnimaki.
7. Anenea ke wareka taikan te anene ae: “I’m Trying to Be like Jesus” (*Children’s Songbook* iteraniba 78).

Kabaneana

Te Kaoti Koau	Kaota am kaitau ae batu nakon Moronaai ao kaota am koaua ibukin koauan ana koroboki. Kakoaua bwa teutana i mwiin teutana ao ti na konaa n riki ai aron aron Kristo.
Te Wareware n te Mweenga ae Katautauaki	Baireia bwa a na relakina Moronaai 1; 7:5–19, 43–48 ataei ni mweengaia bwa manga rinanooan te reirei aei.
	Kaoa te ataei temanna bwa e na kaira te tataro ni kainiin.

E Reirei Taekan te Onimaki Moronaai i nanon lesu Kristo

Reirei
43

Te Kaantaninga Te kaungaia ataei n tatabemaniia nako bwa a na kammwakura te onimaki i nanon lesu Kristo.

- Te Katauraoi**
1. Tataro mwaaka n reiakina Ita 12:6–41 ao Moronaai 7:21–28, 33–34. I mwiina ao reakina te reirei ao i angoa bwa ko na kangaa n reireiniia ataei rongorongan Taeka aika Tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu” iteraniba vii.)
 2. Rinei titiraki ibukin te kaakarabakau ao mwakuri ibukin karakaan te atatai ake a na katabeia ataei man rangi ni buokiia nakon karekean te bwai ae kaantaningaaki ma n te reirei.
 3. Katauraoi beeба n taeka aika ruaiua aikai (mairoun Ita 12:6) ibukin mwakuri ibukin kairan te kakauongo:
Te onimaki bon
bwaai
are
kaantaningaki
ibukin
ao
aki
nooraki
 4. Bwain reirei aika kainnanoaki:
 - a. Ana Boki Moomon ibukiia ataei ni kabane.
 - b. Tamnei 4–9, lesu te Kristo (Ataakin te Euangkerio 240; 62572).
-

**Aron Kairan
te Reirei ae
Katautauaki** Kaoa te ataei temanna bwa e na kaira te tataro ni kakuuki.

Mwakuri ni Kakukurei ibukin Kairan te Kakauongo

I mwain te reirei, katekea te beebantaeka ibukin “Te onimaki bon” ao tamnein lesu Kristo, i aon te buarakibooti ke te oo. Kaaki kakateuana beebantaeka iaan aia kaintekateka ataei n tatabeman nako man beebantaeka ake wanuua ibukin kabwarabwaraan te onimaki.

Kariaia ataei bwa a na kakaei beebantaeka ao a na uotirake nako moaia ataein te reirei ao ma ni karinanii nakon n neia raoi.

Wareki ao kaakarabakaui taeka aika tabu ake a bobonga raoi (Ita 12:6).

- Baikara bwaai aika ko tuai n noori aika kan noori? Ko kanga n ataia bwa bon iai naba ngkai?
- E ngae ngke ti tuai n noora lesu Kristo ni bon oin matara, ti kangaa n ataia bwa E maiu?

- Tera ae nanonaki n karekean te onimaki i nanon lesu Kristo? (Te Karekea te onimaki ae tau korakorana i nanon lesu Kristo n te aro are ti na onimakinna ao man ukoukora te konaa n riki n ai arona.)
- Baikara kawai tabeua aika e konaa lesu Kristo ni buokiko iai ngkana iai am onimaki i rouna? (E konaa n anganiko te mweraoi, kairan kawaim, te rau, te korakora, ao te katoki aoraki.)

Kabwarabwaraa bwa ana Boki Moomon e reireira aroia aomata aika bati ake a tia ni karekei taian kakabwaia ao man tia ni karaoi kakai ibukin aia onimaki i nanon lesu Kristo.

Rongorongo man Taeka aika Tabu

Reireiniia ataei taikan ana reirei Moomon ao Moronaai i aon taikan te onimaki man Moronaai 7:21–28, 33–34 ao Ita 12:6–41. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.) Kabwarabwaraa bwa Moomon ao Moronaai a koroi taekaia aomata aika mwaiti aika a tia ni kakabwaiaaki rinanon aia onimaki (tarraa te Makuri ibukin Karakaan te Atatai 2).

Kamanenaan Titiraki n te Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai n rangi ni buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.

- Tera are e taekinna lesu Kristo ae na reke i roura ngkana iai ara onimaki i rouna? (Moronaai 7:33.) (Noora mwakuri ni karaka 1.)
- Tera are e reirei iai Moronaai n aron karekean te tia kakoauan ao koauan te euangkerio? (Ita 12:6.) Tera ae nanonaki ni “kataan am onimaki”? (Ni kaatakin am onimaki n aanga tabeua.)
- Kabwarabwaraa bwa iai mamaraia aomata ni kabane. Ni kawai baikara aika a na konaa karekean te onimaki i nanon lesu Kristo ni buokiira n tokanikai i aon mamarara? (Ita 12:27.)
- Baikara bwaai tabeua ake a na konaa ni buokiira n onimakinan lesu Kristo ngkana ti karaoi? (Tataro, karekean taiani kaeka nakon te tataro, rairananom, bwabetitoaki, ongotaeka nakon ana taeka te tamnei ae raoiroi, beku ibukiia tabeman, ekaanako te kaririaki, kaakabwaka te kabwiia ni bwai, kaitarai taian kataitai, atonga ae kangai, “Kabwara au bure,” iriira te taromauri, ongotaeka nakon tuan te mauri, ao tabeua riki.)
- Tera te berita ibukin te tataro are e anganiia aomata aika iai aia onimaki te Tama are i Karawa? (Moronaai 7:26.) E kangaa ni kaekaaki am tataro?

Anganiia aia tai ataei bwa na kaota aia namakin ibukin lesu Kristo.
Kabwarabwara bwa namakin aikai a kaotia bwa iai te onimaki i rouna.

**Mwakuri ibukin
Karakaan
te Atatai**

Ko konaa ni kamanenaa teuana ke e raka riki man taian mwakuri aikai n te tai n aki akaaka i nanon tain te reirei ke kaanga manga kaurinagan te reirei, kakimototoan te reirei, ke te kataaki n taian titiraki.

1. Kaaki araia aomata aikai n tatabemaniia iaon m wakoro ni beeба aika onoti inanon te bwai teuana ae akea kanoana. Kariaia ataei bwa a na i kairuoruo n rinei mwakoro ni beeба ao ni kamanenaa te tamnei ae bon riai, ni manga karakina te karaki n te aro ae kimototo bwa a kangaa aomata ake a mwakoro araia i aon taian mwakoro ni beeба n tia ni kakabwaiaaki n te mwaaka ibukin aia onimaki inanon lesu Kristo.

E bwaka n uruaki te karabuuti i rouia Aramwa ao Amureka. (Aramwa 14:26–28.) Kaota te Tamnei 4–29, Aramwa ao Amureka a nakonako n otinako man te karabuuti are bwaka n uruaki.

A karinaki n te karabuuti Nibwaai ao Riaai ao a katomimiaki n te ai. (Ereman 5:44–52.) Kaota Tamnei 4–41, Nibwaai ma Riaai inanon te karabuuti.

Amon E kamaiuiia ana nanai ni man Kiing Ramoni. (Aramwa 17:29–18:3; 26:12.) Kaota tamnei 4–30, Amon e Kamaiuia Ana Nanai Kiing Ramoni (Ataakin te Euangkerio 310; 62535).

E noora rabwatan lesu Kristo n Tamnei tarin lareta ao e kamwaea te mwaunga. (Ita 3:12:30.) Kaota te tamnei 4–52, E Nora Taboni Bain te Uea Tarin lareta (Ataakin te Euangkerio 318; 62478).

A kamaiuaki maiuiia taan buaka 2,000 mwaitiia n te bobuaka. (Aramwa 56:44–56.) Kaota te Tamnei 4–40, Uoua te Ngaa Taani Buaka Aika Rikirake (Ataakin te Euangkerio 313; 62050).

A reke i roun Nibwaai taian buatua burati. (1 Nibwaai 4:1–31.) Kaota te Tamnei 4–8, Nibwaai ngke e aoki nakon Riaai ma buatua burati.

A kairaki Riaai ma ana utuu n te Riaona nakon te aba ni berita. (1 Nibwaai 16:28–29; 18:23.) Kaota te Tamnei 4–20, A Roko n te Aba ni Berita Riaai ma ana Aomata (Ataakin te Euangkerio 304; 62045).

E kaoti lesu Kristo nakoia ana Reirei ma te mwaaka ae korakora. (Ita 12:31.) Kaota Tamnei 4–45, E Reirei lesu n te Itera Maeao (Ataakin te Euangkerio 316; 62380).

E tauraoi Abinatai bwa e na mate ibukin ana koaua i nanon lesu Kristo. (Motiaeа 17:7–20.) Kaota te Tamnei 4–22, Abinatai i Matan Kiing Nooa (Ataakin te Euangkerio 308; 62042).

2. Takaakaro n Antai Ngai? ma ataei. Anganii koaua aikai, ao tuangia bwa a na keetina te aomata are ko taekina arona.

I tataro ni kabanea te ngaina ao te tairiki, ni kamanenaa au onimaki i nanon lesu Kristo. (Enoti.)

Ibukin te onimaki, e kaoti te anera nakon natiu te mwaane ao natin Motiaeа te mwaane ni weteiia nakon te rairainnano. (Aramwa.)

I kamanenaa te buraeki ae okoro arona ni kakorakoraia au aomata bwa a na karekei aia onimaki i nanon lesu Kristo ao ni buaka ibukin inanomataia ao aia utu. (Kaaben Moronaai.)

I bukin au onimaki, I kairiia au utuu ao iira Riaai ma ana utuu nako nanon te rereua. (Itimaera.)

Iai au onimaki n okira lerutarem n anai taian bwaatua buraati. (Nibwaai.)

Onimakinan lesu Kristo irou, e kariaiai bwa N na noora tabenibaina ao i mwiina rabwatana ni kabane. (Tarin lareta.)

Ara onimaki i roun lesu Kristo ake ti reireiaki iai i rouia tinara, e kamaiura n te bobuaka. (2,000 taan buaka aika roronga.)

Au onimaki i roun lesu Kristo ao au kaantaninga ni kan anga reirei n ana euangkerio, e buokai ni buakania aia koraki taan iraa ake a tangiria ni kan tiringii ana tiibu Kiing Ramoni. (Amon.)

Ara onimaki e kabwakaa ma n urua te karabuuti. (Aramwa ao Amureka.)

Ngke ti karabutinaki ao ti otawaniniaki n te ai ibukin ara onimaki. (Nibwaai ao Riaai.)

Ibukin ara onimaki i nanon lesu Kristo, ti na aki boo ma te mate. (Nibwaite ake teniman.)

Ti kairaki n te Riaona nakon te aba ni berita n ai aron ara onimaki i nanon lesu Kristo. (Riaai ao ana utuu.)

3. Kaakarabakaua bwa a na kangaa mwakuri aikai ni konaa ni buokiira ni kakorakoraa ara aonimaki i nanon lesu Kristo:

Reiakinan Taeka aika Tabu: Ngkana ko reirei aron lesu Kristo ao te bwai are e karaoia, ko na konaa ni karikirakea te tangira ae korakora riki i nanona.

Tataro: Ti konaa n bubutia Tama are i Karawa bwa e na buokiira ni kakorakorai ara onimaki i nanon lesu Kristo.

Te ongotaeka n ana reirei lesu Kristo: Te ongotaeka nakon ana tua e uota te kukurei ao te rau.

4. Kaakarabakaua ao kamatenanoa te kaaua ni koaua n taekan te onimaki, kaatuua taekinan te onimaki i nanon lesu Kristo bwa kaanga te moa n tua n te uangkerio.

5. Kabwarabwaraa bwa e roko te onimaki man ataakina ao mwiokoana.

Karikirakean te onimaki i nanon lesu Kristo ti riai n ataa arona. Kariaia ataei bwa a na tuangko bwaai aika a atai ibukin lesu Kristo ao e kangaa ataakin temanna ma temanna ni buokiia ni karekei aia onimaki i rouna. Koroi i aon te burakibooti. Reeke tabeua aika a riai n aron aikai bwa bon Ngaia Natin te Atua, e maiu, e tangira, e mate ibukira, bon ara Tia Kamaiu, e kaakabwaraibure, iai mwaakana i aon bwain te aonnaaba, e ataa te bwai ae moan te raoiroi ibukira, e tangiria ni buokiira bwa ti na oki nako matana, Ngaia ao te Tama are i Karawa a kaoti nakon lotebwa Timiti.

6. Katauraoa te beebantaeka ibukin "Ti katea ara onimaki man te ongotaeka n ana tua te Uea," ao kanimmwa iaon te buarakibooti ke te oo.

Kaoia ataei bwa a na taekin taai ake a tia n ongotaeka nakon tuua. Buokiia bwa a na ataia bwa rinerine n aekan aikai a kaota te onimaki i nanon lesu Kristo. Katukui mwakorokoron beebea iaon te burakibooti ke iaon te oo teuana i aon teuana n te aro are angkoa ko karaoa te oo. Kariaia ataei bwa a na

koroi i aon beeба n tatabeua bwaai ake a taku bwa e karikirakei aia onimaki i nanon lesu Kristo, n ai aron te tataro, te wareware n taeka aika tabu, kabwakaan kabwiia ni bwai, te riki bwa te katootoo ibukin rinerine aika raoiroi, te ongotaeka nakoia aia karo, te kakana te toa, te ongotaeka nakon ana tua Tama are i Karawa, ao tabeua riki.

7. Anenea ke wareka taekan te anene ae “Faith”, (*Children’s Songbook*, iteraniba 77), “The Fourth Article of Faith” (*Children’s Songbook*, iteraniba 124), ke “I Ataia E Maiu lesu” (*Anene n Taromauri ma Aia Anene Ataei*, iteraniba 34).

Kabaneana

Te Kaoti Koau

Kaota am koaua n aron koauan lesu Kristo ao bwa n rinanon onimakinana ti karekea te mwaaka n riki n ai arona. Ngkana ti reirei, tataro, ao n ongotaeka nakon ana tua, ara onimaki a na kakorakoraaki.

Te Wareware n te
Mweenga ae
Katautauaki

Baireia bwa a na reiakina Ita 12:6–22, 41 ataei ni mweengaia bwa manga rinanoan te reirei aei.

Kaoa te ataei temanna bwa e na kaira te tataro ni kainiin.

Te Berita nakon Moronaai ao Ana Boki Moomon

Te Kaantaninga

Te kaungaia ataei bwa a na kareke aia koaua ibukin ana boki Moomon ao n reiakinna man maiuakin ana reirei nako man inanon maiuiia.

Te Katauraoi

1. Tataro mwaaka n reiakina Moronaai 10 ao Rongorongan lotebwa Timiti 1:30–35, 59–60. Iwiina reiakina te reirei ao iangoia bwa ko na kangaa n reireiniia ataei rongorongo man taeka aika tabu. (Taraa “Katauraean Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Reitan te Wareware: Moomon 8:1–4, 16 ao aran Ana Boki Moomon. Noora: Te iteraniba are a kaotaki iai aran booki n ana Moomon bon te raitaeka man kabanean baan te bwaatua koora, (tarraa *History of the Church*, 1:71).
3. Rinei titiraki ibukin te kaakarabakau ao mwakuri ibukin karakaan te atatai are e na katabeia ataei man rangi ni buokiia nakon karekean te bwai ae kaantaningaaki ma n te reirei.
4. Karaoa te beebantaeka ibukin te taeka ae *Te Kakoaua*.
5. Bwain reirei aika kainnanoaki:
 - a. Ana Boki Moomon ibukiia ataei.
 - b. Taian Tamnei 4–2, E Karabai Buatua Moronaai I Aon Tabukin Kumora (Ataakin te Euangkerio 320; 62462); 4–55, E Kaoti Moronaai Nakon lotebwa Timiti I nanon ana Ruu (Ataakin te Euangkerio 404, 62492); 4–3, E Karekei Buatua Koora lotebwa (Ataakin te Euangkerio 406; 62012); ao 4–56, Te Anera ae Moronaai i aon te Tembora.

Aron Kairan te Reirei ae Katautauaki

Mwakuri ni
Kakukurei ibukin
Kairan te
Kakauongo

Kaoa te ataei temanna bwa e na kaira te tataro ni kakuuki.

Katekea Tamnein Moronaai ngke e karabai bwaatua koora i aon te katabuki ae Komora. Kabwarabwaraa bwa e tei te tamnei ibukin Moronaai ngke e a kaan toki maiuna n te aonnaba. Taekinna nakoia ataei bwa aia reirei n Ana Boki Moomon e a roko nako naba n tokina.

E a tia Moronaai ni kabobongaa te rekootae tabu. Tamana, ae Moomon e a tia ni kaman tiringaki; ana koraki a tia ni mate; akea raoraona. A kitanki n te marae ni bobuaka kainikatebe, kabaang, ao taian ootanga n te boobuaka. Iai te uruaki n taabo nako. E a tia Moronaai ni maiu n ti ngaia inanon ririki aika bat, e karabaraba mairouia i Ramwanaite ao e kaawakin taian rekooti aika tabu. E a tia ni kakimototoi buatua koora ake uabwi ma aua (ana boki Ita) ao e kabanei nikiran ana korobokiliaon taian buatua ake e anganna tamana.

N tarraakin te tamnei, kabwarabwaraa bwa Moronaai e a kaan katikui buatua koora i nanon te bwaoki ae te atiibu i aon te Katabuki ae Komora. E karaoa te berita ae okoro arona nakoia ni kabane te koraki ake a wareware n Ana

Moomon. Te berita aei bon te kabanea ni bwai are e koroia Moronaai i aon taian buatua koora. Bon te berita ibukin karekean te koaua n Ana Boki Moomon.

Katekea te beebantaeka ibukin “Te Koaua.” Tuangiaataei bwa i nanon te reirei a na kona ni kakaaei kawai ake a na tooui ibukin karekean te koaua n Ana Boki Moomon (taraa mwakuri ibukin karakaan te atatai 1.) Ana reireiaki naba taekan te berita are anganiira Moronaai.

Rongorongo man Taeka aika Tabu

Anga reirei iaon rongorongan kakoroan bukin ana tua taman Moronaai i rouna bwa e na katiae rekooti aika tabu, ao ana berita nakoia aika kakaonimaki ao ana kaboo ae e konaa ni nooraki n Moronaai 10, taekan karabaan tain rekooti i aan tano, ao kaotina 1,400 te ririki rimwi nakon lotebwa Timiti, e konaa n nooraki n Joseph Smith History—1:30–35, 59–60. (Ibukin kawai n anga reirei aika a tia ni baireaki ibukin reiakinan rongorongan taeka aika tabu, taraa te “Te anga Reirei man Taeka aika Tabu,” iteraniba vii.) Kamanenai tamnei n tai ae bon riai.

Kamanenaan Titiraki n te Kakarabakau

Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai ni n rang buokiia ataei n oota raoi n taeka aika tabu ao ni kamanenai reirei i nanon maiuia. Warekan kiibu ma ataein te reirei e na konaa ni buokiia nakon karekean aia atatai n Taeka aika Tabu.

- Tera ae tangiriira Moronaai bwa ti na ururingng? (Moronaai 10:3.)
- Tera ae taekinna Moronaai ae ti riai ni karaoia ni ukeukeria ngkana e koaua Ana Boki Moomon. (Moronaai 10:4.)
- Antai ae e na buokiira bwa ti aonga n ataia bwa e koaua Ana Boki Moomon? (Moronaai 10:5.)
- Tera ana berita Moronaai nakoira? (Noora mwakuri ibukin karakaan te atatai 4.)
- Ti na kanga ni kinaa mwaakan te Tamnei ae Raoiroi ngkana e kakoaua nakoira bwa Ana Boki Moomon e koaua? (Kabwarabwaraa bwa e taetae nakoira te Uea n angii te tai rinanon ara namakin. Te Tamnei ae Raoiroi e aki toki n anganiira namakinan te rau bwa e eeti man raoiroi te bwai. E konaa n namakinaki inanora kaanga te namakin ae aabuee.)
- Tera te bwai ae moan te kakawaki man Ana Boki Moomon ae ko konaa n reireiniko iai? (Bwa lesu bon te Kristo. [Taraa te iteraniba are a kaotaki iai aran n Ana Boki Moomon.])
- Tera ae taekinna Moronaai ibukin rokon Ana Boki Moomon? (Moronaai 8:16.) Man te mwaaka raa ae na roko iai Ana Boki Moomon?
- Antai ae butimwaa bwaatua koora ao n rairii taekaia nakon Ana Boki Moomon?
- Ma ngkai e a tia ni bobonga raoi aia mwakuri burabeti ma te burabeti ae lotebwa Timiti n Ana Boki Moomon, tera mwiokoara ae ti riai ni karaoia ibukin Ana Boki Moomon? (Ti na reiakinna, ti na maiuakin ana reirei nako, ao ti na tibwauai ara koaua ma tabeman.)

Mwakuri ibukin Karakaan te Atatai

Ko kona ni kamanenaa teuana ke e raka riki man mwakuri aikai n te tai n aki akaaka i nanon tain te reirei, manga rinanoan te reirei, ke kakimototoan te reirei, ke te kataaki n titiraki.

1. Karaoi beebantaeka ibukin taeka aikai: "Wareware," "Uringnga", "I angoia Raoi ma te Karaurau," "Tataro." Kariaia ataei bwa na ikaruoruo n rairairi beebantaeka ao man manga rinanoi kawai ake e anganiira Moronaai ibukin Karekean ara koaua. Kaakarabakaua bwa a na kangaa ataei ni kamanenai kawai aikai ni kareke oin aia koaua?

Karekean te koaua man ana Boki Moomon.

Wareware (Kabwarabwaraa bwa te moani kawai ibukin karekean te koaua n ana Boki Moomon bon te wareware ao reiakinana.)

Uringnga (E taku Moronaai ti riai n uringnga bwa akira ao nanoangraa lesu Kristo ao ti riai ni kaoni nanora n ara kaaitau ibukina. Te tangira aei ao te kaaitau aei e na katauraoiria ibukin taamnein te kaotioti.)

Iangoia Raoi ma te Karaurau (Ti riai n iangoia raoi ma te karaurau n iangoia i nanora ao n ara iango bwaai ake ti a tia n reiakin n aron lesu Kristo ao ana reirei nako inanon Ana Boki Moomon.)

Tataro (Ti riai n tataro ma te koaua, ni bubutiiia Te Tama ae Akea Tokina, n aran lesu Kristo, ngkana e koaua ana Boki Moomon.)

2. Warekia nakoia ataei taeka aikai mairoun Beretitenti Etira Tabu Bentin, te katengaun ma teniman ni Beretitenti n te Ekaretia.

"Iai kaantaninga aika tenuua aika kakannato bwa bukin tera ngkai a riai Aika Itiaki ni Boonga aika Kaitira n reirei man Ana Boki Moomon ni kabane maiuia iai.

"Te moa ni bwai bwa Ana Boki Moomon bon aan te aro. . . . Aan te Aro bon atibun te nuuka ae umwa aona. E taui atiibu ni kabane n aia tabo nako, ao ngkana e kamwaeaki ae na raeuaaki te mataroa are e umwa aona.

"Iai kawai aika tenuua are e aranaki iai Ana Boki Moomon bwa aan ara aro. Bon aan te aro are bon atiibun nuukan ara kakoaua i roun lesu Kristo. Bon aan reirein ara ekaretia. Bon aan ara koaua. . . .

"Te kauouua ni kaantninga ae kakannato . . . bwa e koreaki ibukin ara bong. . . .

"Te katenuua ni kaantninga . . . [bwa] e buokiira ni kaaniira ma te Atua. . . .

"Iai te mwaaka i nanon te boki are e na tabe ni waaki ni bwaro nako nanon maiura i nanon te tai are ko moana iai am reirei ae aki manikangare man te boki aei. Ko na kunea te mwaaka ae korakora riki are e na eekanako te kaririaki. Ko na kunea te mwaaka are e tuuka te bureburea te aba. Ko na kunea te mwaare are e na kateimatoako iaon te kawai ae eeti man irariki" (inanon Conference Report Oct. 1986, iteranibaa 4-6; ke *Ensign*, Nov. 1986, iteranibaa 5-7).

3. Kaota tamnein te Anera Moronaai i aon te Tembora. Kabwarabwaraa bwa ti reireiaki n te Kaotioti 14:6 ao n Tuua ma Berita 133:36 bwa te anera [Moronaai] e manga kaoka te “euangkerio ae akea tokina” nakon te aonnaaba. Kaoia ataei bwa na noora katotongan Tamnein Moronaai ae karaoaki n te koora i aon tabeua ara tembora ma n ururinga Moronaai are e aki konaaki n ana koaua i roun lesu Kristo: “Ao ngai, Moronaai, N na aki konaa ni kaakeaa Kristo” (Moronaai 1:3).
4. Kaoia ataei bwa ana warekii man kamatenanoi mwakoron te berita ni kabane n Ana Boki Moomon (Moronaai 10:4–5) ke te kawanuua ni koaua n taekan te onimaki.
5. Kabwarabwaraa bwa ngkana ti karekea ara koaua n Ana Boki Moomon ao ti karekea naba ara koaua bwa—

lesu bon te Kristo.
lotebwā Timiti bon ana burabeti te Atua.
Ana Ekaretia lesu Kristo ibukiia Aika Itiaki ni Boong aika Kaitira bon ana Ekaretia te Atua ae koaua.
6. Kaoia ataei bwa a na tibwauai aia rongorongo aika mamate nanoia iai man ana Boki Moomon. (Tao a tangiria ni kan karaoi aia kaotioti Man rongorongo aikai.) Titirakinia bwa baikara reirei aika a kakaawaki ake a tia n atai man rongorongo aikai n tatabeua nako.
7. Anenea ke wareka taekan te anene ae “Search, Ponder, and Pray” (*Children’s Songbook*, iteraniba 109).

Kabaneana

Te Kaoti Koau	Kakoaua nakon koauan raoi ana berita Moronaai n ana boki Moronaai 10:3–5 ao ataei n tatabemaniaa n am reirei a konaa ni karekei aia koaua bwa e koaua Ana Boki Moomon. Kaoia ataei bwa a na aanga aia koaua i aon Ana Boki Moomon.
Te Wareware n te Mweenga ae Katautauaki	Baireia bwa na reiakina Moronaai 10:1–5 ataei ni mweengaia bwa manga rinanoan te reirei aei. Kaoa te ataei temanna bwa e na kaira te tatato ni kainiin.

Bon te Tia Kakoaua Ana Boki Moomon nakon Manga Utin Iesu Kristo (n te Itita)

Te Kaantaninga Te reireiniia ataei bwa Ana Boki Moomon bon te tia kakoua teuana ibukin manga utin Iesu Kristo.

Te Katauraoi

1. Tataro mwaaka n reiakina Aramwa 11:40–45; ao 3 Nibwaai 11:1–17. I mwiina ao reiakina te reirei ao iangoia bwa ko na kangaan reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)
2. Rinei titiraki ibukin te kaakarabakau ao mwakuri ibukin karakaan te atatai are na katabeia ataei man rangi ni buokiia nakon karekean te bwai ae kaantaningaaki ma n te reirei.
3. Bwain reirei aika kainnanoaki:
 - a. Ana Boki Moomon ibukiia ataei ni kabane.
 - b. Te Baibara.
 - c. Nangoan te bai (glove) ke nangoan te wae (stocking).
 - d. Tamnei 4–49, Iesu Kristo are a Utu (Ataakin te Euangkerio 239; 62187), ana 4–45, E Reirei Iesu n te Itera Maeao (Ataakin te Euangkerio 316; 62380).

Aron Kairan te Reirei ae Katautauaki

Mwakuri ni Kakukurei ibukin Kairan te Kakauongo

Kaoa te ataei temanna bwa e na kaira te tataro ni kakuuki.
(Ngkana akea nangoan te bai ke nangoan te wae ae tauraoi, ko konaa ni kamananena te mwakuri ibukin karakaan te atatai 2 bwa te mwakuri ibukin kairan te kakauongo.)

Katea baim, ao kabwarabwaraa bwa e tei ibukin te tamnei are i nanon rabwatara. E konaa te bwai ni kakamwakuri. Taua nangoan te bai (nangoan te wae) ao kabwarabwaraa bwa e tei ibukin rabwatara. Ngke ti bungiaki ao te tamnei ao te rabwata a bootaki teuana i nanon tabeua te tai, ao te tamnei e angan te rabwata te maiu. Te rabwata e aki konaa ni kakamwakuri i bon i rouna. Ma ai ti te arona naba ngkana e karinaki nangoan te bai n te bai, e maiu te rabwata ao e konaa ni kakamwakuri ngkana e rin te tamnei iai. (Karina nangoan te bai ni baim.) Ngaira ni kabane iai tamneira ao rabwatara. Kabwarabwaraa bwa ngkana ti mate, ao te tamnei e maenako ma te rabwata. (Kanakoa nangoan te bai man baim.) E konaa te rabwata ni kakamwakuri ke ni maiu ngkana akea te tamnei? I mwiin matera e na teimatoa te tamnei ni maiu ao mani konaa ni kakamwakuri? (Kakamwakurii taonbaim ni kamataataa.) N tain te mangauti a na manga bootaki te tamnei ao te rabwata. (Manga karina nangoan te bai ni baim.) Ni kabane aomata ake a maiu i aon te aonnaaba a na manga kautaki i mwiin te mate. Iesu Kristo bon ti ngaia ae konaa ni karaoa te mangauti bwa e na konaa ni karaoaki ibukira. (E oneaki mairoun Booiti K. Baeka, i nanon Conference Report, Eberi 1973 iteranibaa 79–80; ke *Ensign*, Me 1973, iteranibaa 51–55.)

	Tera ae nanonaki n te riki bwa te tia kakoaua? (Te tia kakoaua bon te aomata ke te bwai are e anga te bwai ni kakoaua ke ni kakoauai baika koaua. Te Nu Tatemanti n te Baibaira bon te tia kakoaua ae koreaki bwa e a tia lesu Kristo ni kautaki man te mate ao e uota te mangauti nakoia aomata ni kabane. Tera te boki ae te kauoua n tia kakoaua ae koreaki ibukin te Mangauti?)
Rongorongo man Taeka aika Tabu	Anga reirei i aon rongorongan Ana Boki Moomon man Aramwa 11:40–45; ao 3 Nibwaai 11:1–17 ibukin te Mangauti. (I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu, taraa katauraoan am reirei ao te “Te anga Reirei man Taeka aika Tabu,” iteraniba vii.) Katuruturua taekinana bwa Ana Boki Moomon bon te tia kakoaua ae koreaki ibukin manga utin lesu Kristo. Kamanenai taamnei n te tai ae bon riai.
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a riai n rang buokiia ataei n oota raoi n taeka aika tabu ao ni kamanenai reirei i nanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • E kangaa ni mate lesu Kristo? (Ruka 23:33; 2 Nibwaai 10:3.) Buokiia ataei bwa a na ataia bwa ibukin korakoran ana tangira ibukira, e anga nanona lesu Kristo n te maiu n tamnei bwa e na riki bwa ara tia kamaiu. E ataia bwa e na mate ibukin ana babaire Tama are i Karawa ni mwakuri ibukira. • Tera te bae riki nakon lesu Kristo n te katenibong i mwiin matena? (1 I-Korinto 15:4; Motiae 3:10.) E mena iaa tamneina i nanon boong ake tenibong? (1 Betero 3:18–19; T&B 138:11–12, 18.) A nakea tamnneira i mwiin matera? (Aramwa 40:12.) • Tera raoi nanon te mangauti? (Aramwa 11:43; 40:18.) Manga taraa te mwakuri ibukin kairan te kakauongo, ao kabwarabwara bwa te mangauti e reke ngkana e manga bootaki te tamnei ma te rabwata ao e na aki manga kitana te rabwata. • A kanga aomata i aon lerutarem n ataia bwa e a tia n uti lesu Kristo man te mate? (1 I-Korinto 15:5–7.) A kangaa n ataia i Nibwaite i aon Amerika bwa e a tia ni kautaki man te mate lesu Kristo? (3 Nibwaai 11:8–10.) Ngke a moa n noora lesu Kristo i Nibwaite, tera aia iango are a taku bwa antai Ngaia? (3 Nibwaai 11:8.) Bukin tera ngkai e tangiriia i Nibwaite bwa a na taua mwiin te neera ni baina ao ni waena? (3 Nibwaai 11:14–15.) Kaanga e na kanga aron am namakin ngke arona bwa ko mena ibuakoia naake a noora te Kristo ae manga uti man te mate? • Ko na kangaa ni konaa n ataia bwa e a tia ni manga uti lesu Kristo? (Man kakaearaa ao karekean te koaua.) • Aekara rabwatan te Tia Kamaiu are e a tia ni manga uti ngke e kawariia i Nibwaite? (3 Nibwaai 11:15.) • Antai riki aika a na manga kautaki? (1 I-Korinto 15:20–22; Aramwa 40:4.) E na kanga aron rabwatara ngkana ti a manga uti man te mate? (Aramwa 11:43–45; 40:23.) Ko konaa n taekinna bwa naake a toaraa ke aki konabwai n rabwataia are e reke i roura ngkai bon ti ibukin te maiu aei. Ti na anganaki rabwatara ae toamau ma ni kororaoi n te mangauti. • E kanga Ana Boki Moomon n riki bwa te tia kakoaua ae tabu ibukin manga utin lesu Kristo man te mate? Bukin tera ngkai e tangiriira te Tama are i

Karawa bwa ti na karekei uoua booki bwa te Baibara ao Ana Boki Moomon? (2 Nibwaai 29:8.)

- Ibukina ngkai angia ara koraki a tuai n noora lesu Kristo are e a tia ni manga uti man te mate n aron are a tia n nooria Abotoro ao i Nibwaite, ti na kanga karekea ara atatai n aron te mangauti?

Mwakuri ibukin Karakaan te Atatai

Ko konaa ni kamanenaa teuana ke e raka riki man mwakuri aikai n te tai n aki akaaka n tain te reirei ke kaanga manga rinanoan te reirei, kakimototoan te reirei ke te kataaki n titiraki.

1. Kabwarabwaraa bwa e tangiriira n tatabemaniira nako lesu Kristo bwa ti na ataia bwa e a tia nimanga kautaki man te mate ao ae bon maiu naba ngkai. Titirakiniiataei bwa bukin tera ngkai a taku n aia iango bwa lesu Kristo e tangiriira bwa ti na ataa te bwai aei? Aia kaeka a na ti te arona ma kaeka aikai:

Te anganiira te rau n atakina bwa i mwiin te mate ti na waaki ni maiu ao n te bong teuana ao a na manga ikotaki rabwatara ao tamneira.

Te katauraoi ara iango nakon te ongotaeka n tuua bwa ti aonga ni kukurei n te koaua ao ni maeka ma te Tama are i Karawa n te maiu ae na roko.

Te karau nanora n te atatai bwa ngkana e mate temanna ae ti tangiria, ae teaine ke te mnwaane e na manga maiu n te bong teuana.

2. Koroia i aon te burakibooti te taeka are e na kauringa te karaki ae a tibwa tia n taekinaki n atuun te nuutibeeba. Kabwarabwaraa aron kukurein nanom n te karaki. Titirakiniiataei bwa tera te niuti ae rangi ni kakannato ae aki toki ni kakatanoataaki nakon te aonnaaba? Koroia aia kaeka ataei ni karinanii i aon te burakibooti. Kaakarabakaua bwa tera te bae e na kaokoro iai ngke arona bwa bwaai aika a riki aikai a tuai man riki? Bukin tera ngkai manga utin lesu Kristo bon te niuti ae moan te kakannato ae aki toki n tataekinaki? Tera te bwai ae na riki ngke arona bwa e tuai man uuti man te mate? Wareka te 2 Nibwaai 9:19–20 ao kakarabakauakinna.
3. Anenea ao wareka taekan te anene ae “He Sent His Son” (*Children’s Songbook*, iteraniba 34), “Did Jesus Really Live Again?” (*Children’s Songbook*, iteraniba 64), ke “Jesus Has Risen” (*Children’s Songbook*, iteraniba 70).

Kabaneana

Te Kaoti Koau

Kakoaua bwa Ana Boki Moomon bon te tia kakoaua n taeka aika tabu ibukin manga utin lesu Kristo. Kakoaua bwa ibukin ana tangira te Tia Kamaii ibukira, e kukurei n anga nanona bwa e na karawaawataaki ma ni mate ibukira n tatabemaniira nako. E kataua ni mangautina bwa e na riai ibukiia aomata ni kabane bwa a na manga maiu riki.

Te Wareware n te
Mweenga ae
Katautauaki

Baireia bwa a na reiakina 3 Nibwaai 11:8–17 ataei ni mweengaia bwa manga rinanoan te te reirei aei.

Kaoa te ataei temanna bwa e na kaira te tataro ni kainiin.

Ana Boki Moomon: Ana Tatemanti riki teuana lesu Kristo (Kiritimati)

Reirei
46

Te Kaantninga	Te reireiniia ataei bwa Ana Boki Moomon bon ana kauoua n tia kakoaua lesu Kristo.
Te Katauraoi	<ol style="list-style-type: none">1. Tataro mwaaka ni manga rinanoa 1 Nibwaai 10:4; 11:13, 15,18; 2 Nibwaai 25:19; 29:8; Motiae 3:5; Aramwa 7:10; Ereman 14:2–5; Itaia 7:14; Mataio 1:21; 2:1–2, 9–10; 20:19; Ruka 1:35; 2:8, 10–12; ao Ioane 3:16. I mwiina ao reiakina te reirei ao iangoia bwa ko na kangaa n reireiniia ataei rongorongan taeka aika tabu. (Taraa “Katauraoan Am Reirei,” iteraniba vi, ao te “Te anga Reirei man Taeka aika Tabu,” iteraniba vii.)2. Rinei titiraki ibukin te kaakarabakau ao mwakuri ake a na katabeia ataei man rangi ni buokiiia nakon karekean te bwai ae kaantninga ma n te reirei.3. Bwain reirei aika kainnanoaki:<ol style="list-style-type: none">a. Ana Boki Moomon ibukiia ataei ni kabane.b. Te Baibara.c. Nnen te Ara ke te tikaabu ao te mwakoro ni kunikai ae katamaroaaki ibukiia ataei bwa a na bwaini n tain mwakuri ni kakukurei ibukin kairan te kakauongo.d. Tamnei 4–9, lesu te Kristo (Ataakin te Euangkerio 240; 62572); 4–10, Buangiakin lesu (Ataakin te Euangkerio 200; 62116); 4–21, E Taetae Kiing Beniamina Nakoa ana Aomata (Ataakin te Euangkerio 307; 62298); 4–42, Tamuera te I-Reimwanaite i aon te O (Ataakin te Euangkerio 314; 62370); 4–44, Maben te Aonnaaba; ao 4–45, E Reirei lesu n te Itera Maeao (Ataakin te Euangkerio 316; 62380).
Aron Kairan te Reirei ae Katautauaki	<p>Kaoa te ataei temanna bwa e na kaira te tataro ni kakuuki.</p> <p>Mwakuri ni Kakukurei ibukin Kairan te Kakauongo</p> <p>Katekea tamnein Bungiakin lesu. Kabwarabwaraa bwa e koreaki n te Nu Tatemanti taekan bungiakin lesu i lerutarem. Ana Boki Moomon bon te kauoua n tia kakoaua ae e a tia ni koreaki ibukin lesu Kristo ao e taekina te bwai ae a tia n riki i aon Amerika ngke e bungiaki.</p> <p>Karekeia aman ataei ake a na onea mwiin Riaai (600 B.C.), Beniamina (124 B.C.), ao Tamuera te I-Reimwanaite (6 B.C.). Karekeia ataei ake a na wareka ana taetae ni burabeti burabeti n tatabeua nako ibukin bungiakin n lesu Kristo ma ni booki ke kiibu aikai: Riaai 1 Nibwaai 10:4; Kiing Beniamina Motiae 3:5; Aramwa 7:10; ao Tamuera te I-Reimwanaite, Ereman 14:2.</p> <p>Ngke a kaotaki burabeti n tatabemaniia, kariaia te ataei temanna bwa e na taua tamnein te burabeti ngke e tabe temanna te ataei ni wareki taeka aika a tabu.</p> <ul style="list-style-type: none">• Baikara kanikina ibukin bungiakin lesu Kristo ake a nooraki i Betereem? (Ruka 2:6–14; Mataio 2:1–2.) Kanikina raa ake a nooraki i Betereem ao i

	Amerika? (3 Nibwaai 1:21.) Baikara kanikinaa ake tabeua ake a nooraki i aon Amerika? (3 Nibwaai 1:15, 19.)
Rongorongo man Taeka aika Tabu	<p>Kamanenai tamnei n te tai ae bon riai, anga reirei i aon rongorongan buangiakin lesu Kristo ao ana mwakuri ni mitinare n aron are e taekinaki n te Baibara ao Ana Boki Moomon. (Ibukin kawai n anga reirei aika a tia ni baireaki ibukin reiakanan rongorongan taeka aika tabu, taraa te "Anga Reirei ma Taeka aika Tabu," iteraniba vii.) Kaatuua taekinana bwa e koreaki te Baibara i aon ao ni katobibia lerutarem ao Ana Boki Moomon, e koreaki teuana te ngaa te maire raroana mai lerutarem i aon Amerika.</p> <p>Kabwarabwaraa bwa te Baibara ao Ana Boki Moomon a koreaki i rouia burabeti tabeman aika kakaokoro. Ngkana a warekaki mwakoro n taeka ke n okiraki ni warekaki, tuangiia ataei bwa a koreaki i rouia burabeti n te Aba ae Tabu n aron are e koreaki n te Baibara ke a koreaki mairouia burabeti n Ana Boki Moomon mai Amerika.</p>
Kamanenaan Titiraki n te Kakarabakau	<p>Reiakin titiraki aikai ao kiibu man taeka aika tabu ngkana ko katauraoa am reirei. Kamanenai titiraki aika ko taku bwa a rang n riai ni buokiia ataei n oota raoi n taeka aika tabu ao ni kamanenai reirei inanon maiuiia. Warekan kiibu ma ataein te reirei e na konaa ni buokiia nakon karekean aia atatai n taeka aika tabu.</p> <ul style="list-style-type: none"> • Onobubua te ririki i mwaain bungiakin te Tia Kamaiu, tera are e taekinna Nibwaai bwa aran Natin te Atua? (2 Nibwaai 25:19.) Tera are a taetae ni burabetiia Nibwaai ma Itaia ibukin tinan te Tia Kamaiu? (1 Nibwaai 11:13, 18; Itaia 7:14.) Tera are e taetae ni burabetiia Aramwa bwa aran tinan Natin te Atua? (Aramwa 7:10.) • Antai Taman lesu? (Ruka 1:35; Te Tama are i Karawa.) Antai lotebwa? (Iotebwa bon buun Maria. Kabwarabwaraa bwa e ngae ngke te Tama are i Karawa bon Taman rabwatan ao Tamnein lesu Kristo, lotebwa e tararua lesu ao e kaikawaia n ai aron te tama ae kaikawarake te nati.) I mwain raoi bungiakin lesu, tera are e taekinna te anera nakon lotebwa ibukin aranakin te tee? (Mataio 1:21.) • Baikara kanikinaa ake e anga Tamuera te i Reimwanaite ibukin bungiakin lesu? (Ereman 14:2–5.) Baikara kanikinaa ake a nooraki i aon lerutarem? (Ruka 2:8, 10–12); Mataio 2:1–2, 9–10.) • Bukin tera ngkai e kakawaki bwa ti na kareke ara tia kakoaua aika uoua ni taeka aika tabu ibukin bungiakin ao ana mwakuri ni mitinare lesu Kristo? (2 Nibwaai 29:8.) • Bukin tera te Tama are i Karawa ngkai e kanakoa natina lesu Kristo nakon te aonnaaba? (2 Nibwaai 9:21–22; 3 Nibwaai 27:13–14; Ioane 3:16.) • E kangaa te Tama are i Karawa n tangiriira bwa ti na kaota ara kaaitau ibukin lesu Kristo? (Aramwa 7:23–24.)
Mwakuri ibukin Karakaan te Atatai	Ko konaa ni kamanenaa teuana ke e raka riki man taian mwakuri aikai n te tai n aki akaaka inanon tain te reirei ke kaanga manga rinanoan te reirei, kakimototoan te reirei ke te kataaki n titiraki.

1. Kariaia ataei bwa a na toumwiin ana katootoo lesu Kristo man rinean bwaintituaraoi ibukiia aomata n tatabeman nako ibukini mwakuri n ibuobuoki nakoia tabeman ibukin Kiritimati. Anganiia ataei n tatabemaniiia nako te bentira ni korea taekan te bwaintituaraoi ao e kangaa aia baire n anga te mwakuri ni ibuobuoki.
2. Tuangiia ataei bwa a na taekin kateia aia bakatibu ni kawai are e na kauringiia iai aron bungiakin ao maiun lesu Kristo. Ataei aika uarereke a bae n tatangira korean tamneia aia utuu ngke a karaoi kateia ni kawai.
3. Katekea tamnei 4–9, lesu te Kristo (Te Kete n Tamnei 240; 62572). Kariaia ataei bwa na taekin baika tia n noori ni Kiritimati are e na buokiia n ururinga lesu Kristo n touamwiina rinanon te ririki.
4. Kabotaui ana reirei lesu n te Baibara ao n Ana Boki Moomon, n aron aikai: Mataio 5:16 ao 3 Nibwaai 12:16; Mataio 7:12 ao 3 Nibwaai 14:12; ao Mataio 5:44; ao 3 Nibwaai 12:44.
5. Te Karenta are e karinaki n tokin te reirei, e konaa ni kamanenaaki n teuana ke e raka riki man kawai aikai:

Karaoa katootoongan te Karenta ibukiia ataei n tatabemaniiia nako bwa a na uti nakon mweengaia ibukiia kain aia utuu. E konaa te karenta aei ni kamanenaaki i nanon te ririki bwa kaanga te kauring nakon touanwiin lesu Kristo.

Wareki iango tabeua nakoia ataei ao kariaia bwa a na rinei tabeua aika a tangiri ni kani karaoia.

Karaoa katootoongan te karenta ao korokoroi mwakorona n tatabeua. A konaa ataei n rinei iango ake tangiri n uoti nako nakon mweengaia bwa bwaai ni kauring.

Kamanenaa te karenta bwa kaanga te bwai ni katootoo. Kariaia ataei bwa a na karaoi oin aia karenta.

Korea te karenta n te boutita ao katekea n te umwanreirei.
6. Anenea ke wareka taekan te anene ae “Away in a Manger” (*Children’s Songbook*, iteraniba 42), ke “He Sent His Son” (*Children’s Songbook*, iteraniba 34).

Kabaneana

Te Kaoti Koau

Taekina am koua bwa lesu Kristo bon Natin te Atua. Kaota am kaitau ae batibukin te Baibara ao Ana Boki Moomon bwa kaanga taian kakoaua ibukin maiun ao ana mwakuri ni mitinare lesu Kristo.

Anganiia ataei aia tai ni kaota aia namakin ibukin te Tia Kamaiu ao tera ae nanonna ibukiia. Kataia ataei bwa a na kareke aia tai inanon tain Kiritimati n iangoa aron lesu Kristo ao bwaai aika e a tia ni karaoi ibukira.

Te Wareware n te Mweenga ae Katautauaki

Baireia bwa a na reiakina 1 Nibwaai 11:12–24 ao 2 Nibwaai 29:8 ataei ni mweengaia bwa manga rinanoan te reirei aei.

Kaoa te ataei temanna bwa e na kaira te tataro ni kainiin.

Anga Mwakuri n Tangira

TABATI	MOANIBONG	KAUABONG	KATENIBONG	KAABONG	KANIMABONG	KAONOBONG
	Karekeia tabeman raoraom bwa a na kawariko ibukin bootakin te utuu n te tairiki 		Kakauongo raoi nakoia tabeman 		Kaota kukurein nanom ma te koaua 	 Weweteia ao kakukureia tabeman
	Aanga nanom bwa ko na kaitiaki raurau 		Tibwua moangarem 		langoi iango aika raraoi ibukiia tabeman 	 Uota te amwarake nakon temanna ae aoraki
	Tibwua am tarena 		I rabwati ma temanna 		Kataia n ataai ana namakin temanna 	 Karekea raoraom ae boou
	Butimwaea temanna n te taromauri 		Tuanga raoraom te bwai ae ko tatangiria iai 		Matangare nakon ane e mata n uun 	 Kawaria kaara aika maeka irarikim
	Buoka te tina ae batu natina n te taromauri 		Kaitiaka am ruu n akea ae tuangko 			

Te Nakoanibonga e na Kakabwaiai Maiura (Te Reirei ni Katauraoi Ibukin te Nakoanibonga)

Reirei
47

Te Oin Iango

Te reirei aei e koreaki bwa e na buokiaataei aika 11 aia ririki bwa a na matataraoi nte kakabwaia ao te mwioko inanon te nakoanibonga. E na reiakinaki nakoiaataei imain koron 12 aia ririki.

Te Katauraoi

1. Tataro ma nanom ao warekaraoi “Ana Koaua te Burabeti ae lotebwa Timiti” inanon moan warekan Ana Boki Moomon ke inanon Rongorongan lotebwa Timiti: 1:29–54, 66–72; Tuua ma Berita 13, reitaki ma mwakoron Tuua ma Berita 121:34–46.
2. Reiakina te reirei ao iangoia bwa ko na kanga n tangiria n reireiniiaataei rongorongan booki aika a tabu (tara “Katauraoa Am Reirei,” iteraniba vi, ao “Anga Reirei man Booki aika Tabu,” iteraniba vii). Rinei titiraki ibukin te Maroro ao mwakuri ibukin Karikirakean te Atatai ake a na rangi n raoiroi ibukin buokaiaataei ni karekea te bwai ae kaantatingaaki man te reirei.
3. Bwaai aika kainanoaki
 - a. A na toabaiaataei n Ana Boki Moomon
 - b. Tuua ma Berita.
 - c. Te bwai ae kona n ura n aron te tooti, wiikin te iti, ke te raenten.
 - d. Tamnei 4-9, Iesu te Kristo (Ataakin te Euangkerio 240; 62572); Te Katabuaki nakon te Nakoanibonga (62341); ao Ioane te Tia Bwabetito e Anga te Nakoanibonga ae te Aaron (Ataakin te Euangkerio 407; 62013).

Aron Kairan te Reirei ae Katautauaki

Kaoa te ataei bwa e ana anga te tataro ni kakuuki.

Mwakuri ibukin kairan te kakauongo

Kaoti bwaai aika a kona ni kanakoa te ota.

- Tera ae kainanoaki ibukin te bwai aei bwa e na nako otana? Ngkana iai am tooti, kaotia bwa ena kainanoa te baetere, te wiki ao mwiin kaurana ibukin kanakoan te oota, bwa a na makuri raoi ibukin kaurana. Te wiki e na kainanoa te biramenti ao e na tikurunaki raoi inanon te tiaoketi are e tomaki ma mwiin mwaakan te iti. E na riai n taonaki mwina ni kamaeuaki bwa e na buti iai te iti.
- Tuangia ataeinimane inanon am kiraati bwa a na bane n teirake. Bon iai te kantanninga bwa e na reke te nakoanibonga irouia ataeinimane akanne, are bon te mwaaka ae korakora riki nakon te iti kiolina bwa bon te mwaaka ni karaoi mwakuri n aran Te Atua. Rinanon te mwaaka aio natin nako Tama are i Karawa a anganaki te bwabetito ma ana otenanti te Ekaretia. A riai n tauraoi man kororaoi ataeimane imain reken te mwaaka aio mani kabongana n aron ana babaire te Atua.

Tuan mwiin taeka aika tabu	Kabonganai tamnei ngkana e riai, reiakina rongorongan lotebwa Timiti ngke e karekei bwatua koora ao ngke e katabuaki nakon te nakoanibonga ae te Aaron man “Ana koaua te burabeti ae lotebwa Timiti” ke Rongorongan lotebwa Timiti:1:29–54, 59, 66–72. Ngkana e riai ao karakina teutana bwaai ake a riki ni karokoa reken te bwatua te kora ioun lotebwa.
----------------------------	--

Te Marooroo ao Titiraki ma Karaoaia

Kamatei titiraki ma reitan rongorongan taeka aika tabu n am tai ni katauraoa am reirei. Kabonganai titiraki ake ko taku bwa a nangi ni ibuobuoki ni kaotaia ataei nanon taeka aika tabu ao mani kona ni irii tuan reirei akanne inanon maeuia. Warekakin ao maroroakinan taeka aika tabu ma ataei n te kiraati e na bon buokiia ni karekea te atatai i-bon-iroquia.

- E aera ngkai eaki raira te bwatua ae te kora lotebwa Timiti, ke ni karekea te nakoanibonga, ao man wakina kabutan te Ekaretia mai mwiin te moan tai n Te Moan Kaotioti? (E bon tuai n tauraoi, e riai n rikirake n te wanawana ao te rabakau.)
- Tera te moan kakawaki ni beku are e anganaki lotebwa Timiti ioun te Uea bwa e na karoia? (Rairan te bwatua koora bwa e aonga n reke Ana Boki Momoon.)
- Tera ae karoia lotebwa nte tairiki are e moan kaoti te anera are Moroni nakolina? (Rongorongan lotebwa Timiti 1:29–30.) Iraua ana tai ni kaoti Moroni nakon lotebwa Timiti imain noran te bwatua koora n te moantai. (Rongorongan lotebwa Timiti 1:30, 44–49; aua te tai.) Tera n am iango ibukin ae Moroni e kaokioka te rongorongo tenua riki te tai?
- Tera riki kaetieti ake e karekei lotebwa imain wakinan rairan bwatua ake koora? (Rongorongan lotebwa Timiti 1:53–54.) E na kanga lotebwa Timiti ni karekea buokana ao katauraoana ibukin karoan bwaai aika kakawaki man te kaetieti ake e karekei? Tera ae ko na karoia ibukin katauraoam nakon taai aika imaim?
- Tera te mwioko ae nangi ni kaokoro ae a taonaki iai ataeinimane ibukia aika itiaki ni bong aika kaitira inanon aia ka te 12 n ririki ni maeiu? (A karekea te Nakoanibonga ae te Aaron ao a katabuaki nakon te rikan.)
- E kanga n reke te Nakoanibonga ae te Aaron ioun lotebwa Timiti? (Rongorongan lotebwa Timiti 1:68–70.) N boong aikai e na kanga ni karekea te Nakoanibonga ae te Aaron te ataeimane? (E na kakarabakau ibukin aron atakin kororaoina ao e na katabuaki irouia mane ake iai te mwaaka n te katabuaki iaona.)
- A na kanga ataeinimane ni katauraoia ibukin karekean te nakoanibonga irouia? Ana kanga ataeinaine ni katauraoia ibukin karekean kakabwaia n te nakoanibonga? (Ataeinimane ao ataeinaine bon ti tearona katauraoia.) A na tataro, ma te onimaki, ana wareki man ataa te euangkerio mairouia aia karo ao tan reirei, ana kororaoi ni maeuia, ana ongotaeka n taian tua, buokiia aomata, ikarinerine, ao ni kokoaua.) (Noora Mwakuri ni Kakukurei 4.)
- Tera mwiokoia te rikan inanon te Ekaretia? (T&B 20:59.) A na kanga ni kakoroi nanon mwiokoia? (Kabutan te toa, rikoan te angabwai n aki

mamatam, te tia uota ana rongorongo te bitiobi n tain te taromauri n toa, ao ni karaoa te katoto ae raoiroi.)

- Antai te moan aomata ni kabuta te toa? (Iesu Kristo.) E aera ngkai e nangi n tabu te toa? (Bon te otenanti are e kauringaa ana karea Iesu Kristo ibukira.)

Wareka ke angan temanna ataei n te kirati bwa e na wareka ana kibu n taeka te Unimwane ae Jeffrey R. Holland: "Ti butii ngkami ataeinimane n te Nakoanibonga ae te Aaron bwa kamna katauraoa ao kakabwaia ao ni kabuta katotongan ana karea te tia Kamaiu ma te kororaoi ao te mimitong. Ai kamimira man tabu te mwakuri ni mwioko ane kam anganaki inanon ami bong ni uarereke! Bon akea n airona n rietata aron boomi ae kamwatia ni karekeia mai karawa. Ti tangirii ngkami. Maeuakina ao ti taraa ae te kabanea n raoiroi inanon reitam n te toa ma Te Uea" (inanon Ribotin te Maungatabu, Okt. 1995, iteraniba 89 ke te *Ensign*, Nov. 1995. iteraniba 68).

- Ti na kanga ni karinea ao ni kamatoa n te kateibai ibukin te nakoanibonga? (Butimaean te nakoa mairouia mataniwin te nakoanibonga; te beku ni buokiia aomata; taetae ni karinea mataniwin te ekaretia; ao te tataro ibukia kaaro, tarira, kain ara utu, ao nake iai irouia te nakoanibonga.) (Noora te Mwakuri ni Kakukurei 3.) E na kanga am mwakuri akanne ni buoka am karo ke tarim ni karinea te nakoanibonga? A na kanga ni buokiko man katauraoiko ibukin karekean te nakoanibonga ke tena ni kakabwaia man te nakoanibonga?

Mwakuri ni Kakukurei

Ko bon kona ni kabonganai tabeua mwakuri ni kakukurei inanon am tai n angareirei, ke ni kauringi, ke n rinanon oin iango, ma waaki ni kakatai.

1. Korei iaon te mwakoro ni beba taian kakabwaia aika a reke man te nakoanibonga:

Karekean te ara ao te kakabwaia
Ibukin te babetito
Karekean ana bwai n tituaraoi te Tamnei ae Raapiro
Karekean te kakabwaia inanon am tai n aoraki
Kanakin te toa
Karaaoan te mwakuri ni mitinare
Te mareaki n te tembora

Tibwaua te kirati nakon taian kurubu ao anganii kakateuana aia kaati. Weteia ataei man taian kurubu bwa a na karakin aron reken taian kakabwaia ni kaineti ma are e koreaki iaon aia kaati.

2. Titirakiinia ataei aroia inanon aia tai n tiku n te tabo ae rootongitong. Karakina nakoia aron manangaia taan neweaba ake a rin inanon te nangananga ae roo. Ngke a rin inanon te nangananga ao aia tia kaneweaba e kamatea aia taura, a tataninga tabeua te miniti, ao imwiina e titirakinia bwa a na kotea te kawai n otinako. Ao ngke e kaurai taura ao aomata a bon bane ni kotei taabo nako aika a kakaokoro.

Maroroi ana iango tabeua te Unimwane ae Robert D. Hales: "Ngke arona bwa akea te mwaaka ae te nakoanibonga iaon te aonnaba, ao ara kairiribai e na bon nangi ni inaomata ni buti n aiiwa mani katea ueana n aki kona n

totokoaki. E na bon akea naba ana bwai n tituaraoi te Tamnei ae Raoiroi are e na kairi kawaira ao man reiakinira; a na akea burabeti ake a na tei ibukin aran te Uea; a na akea tembora ike ti na karaoi iai berita aika tabu ae akea tokina; a na akea te mwaaka ni kakabaia ke ni babetito, ni katoki aoraki mani karaunano. . . . a na akea te ota, a na akea te kantaninga—bon ti te ro” (inanon Ribotin te Maungatabu, Okitoba 1995, iteraniba 40; ke *Ensign*, Nov. 1995. iteraniba 32).

3. Wareka ke karakina rongorongan aron te utu teuana ni boutoka aia karo ngke e weteaki nakon te nakoanibonga:

“I tekateka [n te Maungatabu ni Kabuta inanon ririki aika tia n nako] ma onoman natin te Unimwane ae Ezra Taft Benson ao temanna mai buakoia bon raou n reirei n te kaoreti. E a rikirake te kan ongora irou ngke teirake Beretitenti McKay ma n taekina te tia taetae are imwina. I a matakuakina te Unimwane ae Benson ngke e a tabe ni waerake nakon te tabo n tei ao n taetae, are I bon tuai man kaitibo mangaia naba. Bon te mwane ae bubura, ao e riaon onoua te buti abakina. Te mwane aei iai ana beba ni batu n te reirei ae te matita, teuuae e nang kinaaki ni kabutaa te aonnaba ae te tia koroboki n te ununiki inanon te tautaeka n Amerika ao te tia kakoaua ae oneti ibukin te Uea, teuuae e moa itiaki man koaua, ngaia temanna ae e atia n taetae nakon te botanaomata ni kabuta te aonnaba. I a kubanako n te bai ae ringa baiu. Te ataeinaine ae uarereke e rara nakoiu mani wikoia ni wirikiriki ni kangai, ‘Tataro ibukin Tamau.’

“I kuba n rou teutana ao I taku, ‘Te rongorongo aei e atia ni kabutaki maimoana nakon te rinan aei ao I riai n reitanako kawaina. Tao n na kangai “Tataro ibukin te Unimwane ae Benson”? Ke tao n na kangai ba kam riai “N tataro ibukin ami karo”? Iai namakinan te riai ni karaopia nte tai ae waekoa, ‘Tataro ibukin Tamau.’

“I tara kawain te wirikiriki ni buti nakon rinanin ana tabo n tekateka Manera ae Benson, ea kaman baraki atuna.

“N te bong aio ao e nang maiti au tai n ururinga te rongorongo arei—Tataro ibukin Tamau, te tamanuea n te mweenga. Tataro ibukina ngkana e beku bwa te beretitenti n te mwakoro ke te tia reirei n te mwenga. Tataro ibukina ngkana e rineaki bwa te mataniwi ni koroboki ni botakin te kawa, ngkana e maeureirei a na karikirake, ke ngkana ea manga kerikaki boona. Tataro ibukina ngkana e anga a na taeka n reirei n te bootaki n utuu n te tairiki. Tataro ibukin tamau ae mwakuri korakora ni buoka Jerold ba e aonga ni kona n nako ni mwakuri ni mitinare, ao Diane e na kona n reirei n te kaoreti. Tataro ibukina inanon ana tai n taetae n te taromauri n toa ke ngkana e kakabaia tinau ba e na manga marurung. Ao n te tairiki ngkana e oki ao e kua man barannano, tataro ibukina. Tataro ibukin tamau bwa e na buokaki n ana waaki ni kabane—ni karaopian aika uarereke ao aika bubura.

“A maiti taian maungatabu ni kabuta inanon ririki aika atia n nako ao ni katoa te tai ae e tei iai n taetae Beretitenti Benson, ao ‘I uringiia natina aika mena n tabo aika kakaokoro i aon Amerika bwa ngkai a bane ni katiteuanaaki n tataro ibukin tamau.’

"Ao I atia ni kakoaua bwa te rongorongo are e kabutaki nte rinan n aomata n ririki aika atia n nako bon te kabanea ni kakawaki n rongorongo n tibauaki n te utu. Bon te mwaaka ao te onimaki ae raka ae ena reke iroun teuiae ni kaitarai kanganga inanon bongin maeuna ngkai natina aine ao mane n te aonnaba aio a bane n atonga, 'Tataro ibukin Tamau'" (Elaine Mckay, "Tataro ibukin Tamau," *New Era*, Tuun 1975 iteraniba 33).

4. Ngkana ti maeuakina te euangkerio ao ti na bon tauraoi man butimaea te mwiokoaki ao kakukurein te kakabwaia n te nakoanibonga. Wareka "Kainibaire n au Euangkerio" (*Au Bong ni Kukurei* [35317]), kamaanna imwiin warekan te kai ni baire ba a na kona ataei n iangoa aron tein itiakin maeuia. Ngkana ko atia ni wareki ni kabane kai ni baire akanne ao ngkana ko a manga kan okiri riki ni kabonganai taian katoto ke taian oin taeka.

KAINIBAIRE N AU EUANGKERIO

1. N na kauringa au berita n te bwabetiito ao N na kakauongo nakon te Tamnei ae Raoiroi.
2. N na kokoaua nakon te Tama are i Karawa, nakoia tabeman, ao nakoiu.
3. N na ukoukorii raao aika raoiroi ao N na karaoa ae raoiroi nakoia tabeman ma te akoi.
4. N na kunikainai n te kunikai ae e mano raoi rabwatau iai ni kaota te karinerine nakon te Tama are i Karawa ao Ngai.
5. N na wareki ao N na tarai bwaai aika a kakukurei nakon te Tama are i Karawa.
6. N na ongora tii nakon te katangitang ae e kakukurei nakon te Tama are i Karawa.
7. N na kabonganai aran te Tama are i Karawa ao lesu ma te karinerine ae bat. N na aki taetaebuaka ke ni kabonganai taeka aika a kamatauninga.
8. N na kawakina nanou ao rabwatau bwa e na tabu ma ni itiaki, ao N na aki kang bwaai aika a na karika te kanganga nakoiu.
9. N na karaoi bwaai n te Tabati ake a na buokai n namakina kaaniu nakon te Tama are i Karawa.
10. N na rinea te eti. I ataia bwa I kona n raira nanou ngkana I karaoa ae e kaairua.
11. N na maiu ngkai ma n tau ke ni kororaoi nakon te tembora ma ni karaoa au mwakuri ni mitinare. N na toua mwiin ana babaire te Tama are i Karawa ibukiu.
5. Maroroakini ana taeka Beretitenti Koten B. Ingkiri, te katengaun ma niman n Beretitenti n te Ekaretia: "Te ekaretia aio bon tiaki ana bwai te Beretitenti. E mataniwinaki iroun Te Uea ae lesu Kristo, are ti atia ni bane ni katoka arana iaora [n te babetito]. Are ngaira ni kabane ti bon bane ni buoka te mwakuri ae kakawaki aio. Ti roko ikai bwa ti na buoka Tamau n Ana mwakuri ao ni mimitungina, 'ni karekea ao ni kaoka te aki mamate ao te maiu ae akea tokina nakoia aomata' (Moses 1:39). Katabeam n am tabo e bon nangi ni kakawaki n ai aron katabeau naba n au tabo. Akea te nakoia inanon te ekaretia ae mangori ao akea bukina. Ngkana ti kaei tabera ni kabane ao ti bon buokii maeuia tabeman" (inanon Ribotin te Maungatabu, Eberi 1995, iteraniba 94; ke *Ensign*, Meei 1995, iteraniba 71).
6. Anene ke wareka te taeka ae "Love is Spoken Here" (*Children's Songbook*, iteraniba 190).

Kabaneana

Te kokoaua	Ko bon kona ni kaota am koaua ibukin kaokan te mwaaka ae te nakoanibonga ni karaoi mwakuri ibukin te Atua. Kaungaia ataeinimane bwa a na kororaoi n taua te Nakoanibonga ae te Aaron ao kaain am kirati bwa a na maeuakina te kororaoi ni karekea te kakabaia man te nakoanibonga. Kaungaiaataei bwa a na karineia ao mani buokiia ara mataniwi n te nakoanibonga.
Tibwaakin Waakin te Utu	Kaungaiaataei bwa a na tibwai ma aia utu makoron te reirei ae oneti, n aron te karaki, titiraki, ke mwakuri ni kakukurei, ke ni warekii ma aia utu te “Wareware n te Mwenga.”
Wareware n te Mwenga	Kataua bwa ataei a na wareki raoi ma n ataa Tuua ma Berita 121:34–46 ni mwengaia bwa kauringakiia iaon te reirei. Weteia ataei bwa a na anga te tataro ni kainin.

ANA EKARETIA
IESU KRISTO
IBUKIJA AIKA ITIAKI
NI BOONG AIKA KAITIRA

